

FD 1485

~~111455~~

Reg

30.988

11

10

Handwritten text, possibly a signature or date, appearing as a series of faint, connected strokes.

Handwritten symbol or signature, possibly a stylized letter 'a' or a monogram, enclosed within a faint circular outline.

JOANNIS DEVOTI,

DEI ET APOSTOLICÆ SEDIS GRATIA.

EPISCOPI ANANIENSIS.

INSTITUTIONUM

CANONICARUM.

LIBRI IV.

TOMUS SECUNDUS.

EDITIO TERTIA MATRITENSIS.

*A plurimis quibus anteriores scatebant mendis
expurgata.*

D. Manuel Bontelou.

CURANTE D. JOSEPHO MARTINEZ.



MATRITI MDCCCXIX.

EXCUDEBAT MATTHEUS REPULLÉS.

Superiorum facultate.

*Se hallará en las librerías de Martínez, frente San Felipe
el Real, y de Calleja, calle de Carretas.*

Sicut à persona B. Petri Apostoli Episcopatus sumit initium, ita necesse est, ut disciplinis competentibus Sanctitas vestra singulis ecclesiis, quid observare debeant evidenter ostendat S. Cæsarius Arelatensis *Ep. ad Symmach. P. tom. 2. Conseil. col. 956. Collect. Harduini edit. Paris.*

P I O S E X T O

P. O. M.

JOANNES EPISCOPUS ANANIENSIS,

FELICITATEM.

Tuis auctus, cumulatusque immortalibus beneficiis,
PIE PONTIFEX OPTIME MAXIME, quid ego præstare pos-
sum, ex quo omnes intelligant, me si non parem illis, at
pro meo tamen studio meritam gratiam, debitamque retu-
lisse? Sine quæso pro Tua illa benignitate, facilitate-
que animi mirifica, ac singulari, ut qui primum in

amplissimo Tuo nomine divulgavi harum Institutionum librum, nunc & alterum non quod ita putem, me Tuorum in me meritum assequi partem aliquam posse, sed ut testatum apud omnes relinquam, me nihil pro meis viribus omisisse, ut prædicanda saltem, & habenda gratia tantum efficerem, quantum efficere poterat animus devinctus, obstrictusque memoria beneficiorum sempiterna. Atque erit, ut spero, tempus, cum hujus testificandi animi sese alia dabit occasio, rogaboque, & obsecrabo te, ut in Tuo nomine apparere sinas majorum illud vigiliarum opus, quo similiter omnibus viribus, atque opibus elaborabo, ut memoris, gratique animi, non quale debeo, sed quale tamen possum, extet monumentum.

Nam editis his quatuor Institutionum libris, universam rem Canonicam explanandam adgrediar; qua in re persæpe mihi admirandum videtur, qui sit, quod nostri quasi cunctantes, & diffidentes argumentum descriptione dignissimum non satis adhuc pro dignitate tractarunt. Teritur omnium manibus Van-Espenii opus, & interim animo imbibuntur errores, quibus illud undique refertum est. Miuto, quod est maximum, virus hominis male animati in Sedem Apostolicam: sed certe si quis molem illam indigestam consideret diligentius, is mecum fatebitur; valde arduum, atque difficile non esse, homini docto, & disciplina Juris Canonici erudito Van-Espenium verborum elegantia, veritate sen-

tentiarum, rerumque ordine, ubertate, ac delectu superare. Non id arrogantius de me prædico quasi hoc opus recte perficere me posse censeam, aut quasi me tractaturum profitear partite, copiose, ornate, eleganter rem canonicam universam. Sed rem tentare, atque experiri suo proprie jure videtur licere homini, qui in his studiis suam contrivit ætatem, quique adolescens annorum vigintiduorum in Romana Accademia alios ad ea cœpit instituere. Itaque mihi certum, ac deliberatum est, omni ope eniti, ut post editas Institutiones citius, quam potero, sinentque curæ, & sollicitudines Episcopatus, ad exitum perducatur opus illud, quo totam complectar ecclesiasticam jurisprudentiam; cujus equidem operis gratia multa jam collegi, retulique in commentarios meos. Erit autem universo operi quasi prodromus Historia Juris Canonici, quam equidem altius repetam, ut omnibus uno sit in conspectu positum, unde Ecclesia condendarum legum potestatem acceperit, & quomodo illæ natæ, propagatæque sint, ex quibus constat corpus Juris Canonici, & quibus Christiani omnes parere coguntur. Magnum opus, & arduum cōnor, quod ut præstem, dicendum mihi est de Ecclesiæ institutione, natura, regimine, potestate, evolvenda sunt jura Primatus, noscenda jurisdictio, quæ ab illo pendet, quæque ab eo arctari, & constringi potest, Episcoporum. His cognitis, ex quibus pars prima operis efficietur, complectar parte altera

collectiones legum Ecclesiasticarum, quæ ab antiquissimis Ecclesiæ temporibus usque ad hanc nostram ætatem in manus hominum pervenerunt.

131 Sentio equidem, quam magnum mihi onus imponam, sed feram, ut potero, studio, & industria; ac Tua me imprimis, OPTIME, SAPIENTISSIMEQUE PONTIFEX, reficiet, & recreabit auctoritas. Nam tuis fretus auspiciis quid ego rem à me confici posse diffidam? Imo vero alacri, erectoque animo hunc laborem suscipiam, neque eum in ipso cursu fractum & abjectum esse patietur ea cogitatio, quæ semper in memoria hærebit, quod opus hoc PII SEXTI nomine insignitum in lucem prodire debeat. Quis enim despondere animo poterit fultus auspiciis Pontificis vere Maximi, cujus virtutes egregias, ac prope divinas, omnes cum admiratione suspiciunt, & de cujus laudibus nulla unquam ætas conticescet? Accipe interim, ac dignare Patrocinio tuo alterum hunc Canonicarum Institutionum librum, quem nunc iterum novis curis auctum, & recognitum emitto, mihiq; pedibus advoluto Tuis, Apostolicam Benedictionem attribue.

APPROBATIONES QUÆ HUIC OPERI IN SECUNDA EDITIONE
ROMANA REDDITÆ FUERUNT.

Perlegi diligenter quæ in alterum hoc volumen Institutionum Canonicarum præstantissimus auctor V. Cl. Joannes Devoti Episcopus Ananiensis addidit nova: eaque cum rerum tractarum pondere, tum sermonis perspicuitate & nitore adeo se mihi commendarunt, ut nullus dubitem quin opus egregium his accessionibus ditatum, & ecclesiasticæ juventuti summopere profuturum, auctoriq; suo gloriæ cumulum sit allaturum. Dabam Romæ Idibus Februariis 1793.

*D. Coppola Proton. Apostolicus, & S. Rit. Congr.
Secretarius.*

Canonicarum Institutionum Volumen alterum à Cl. V. Joanne Devoti Ananiensium Episcopo emendatum, auctumque maxime, literarum, ac Religionis bono Typis denuo vulgatum iri testor planeque confirmo. Dabam Romæ ex Collegio Germanico III. Idus Januarii 1793.

*J. Castillionæus Proton. Apost. Apostolicæ Pœnit.
Literarum Corrector, & S. Congr. Boni Regiminis à
Secretis.*

CL. Virum Joannem Devotum, nunc Præsulem Anagninum propter solidam rei Ecclesiasticæ peritiam, elegantiam, eruditionem; methodum illis omnibus, qui elementa Juris Canonici typis evulgarunt, palmam præripuisse, maxime ex secundo hoc *Institutionum Canonicarum*, repetitæ & locupletatæ prælectionis volumine, quod mandante Reverendissimo P. S. Palatii Apostolici Magistro attente perlegi, & in quo nihil reperi, quod ab Orthodoxæ Religionis decretis, rectaque morum institutione discrepet, confidentissime affirmo. Dabam Romæ ex Magna Curia Innocentiana IV. Kal. Martii MDCCXIII.

N. Riganti Majoris Præsid. Abb. & A. C.
in Civilibus Locumtenens.

IMPRIMATUR.

Si videbitur Rmo. Patri Sacri Palatii Apostolici Magistro.

F. X. Passeri Vicesgerens.

IMPRIMATUR.

Fr. Th. Vincentius Pani, Ord. Præd. Sacri Palatii
Apost. Magister.

LIBER II.

TITULUS I.

DE RERUM DIVISIONE.

§. I. & II. *Res ecclesiastica quid? ejus partitio.*

§. I.

Alter hic liber pertinet ad res ecclesiasticas, quarum latissime patet nomen. Nam quicquid est in Ecclesia extra personas, & judicia, id rei nomine comprehendimus. Sunt autem res ecclesiasticæ, quas Jus Canonicum respicit, vel spirituales, vel temporales. Spirituales sunt, quæ ad animarum salutem, æternamque earum beatitatem, tanquam ad finem, & terminum, totæ referuntur; atque huc spectant sacramenta, preces, jejunia, dies festi, indulgentiæ, cetera generis ejusdem. Pertinent etiam ad spirituales res sacre, quæ scilicet Deo, & Religioni sunt consecratæ, ut divinus cultus exerceatur, veluti ecclesiæ, sacraque vasa, & ornamenta; itemque res religiosæ, domus scilicet, & loca, in quibus vel Regulares vitam traducunt, vel pauperes, atque ægroti curantur, vel fidelium cadavera sepeliuntur. Res temporales ecclesiasticæ sunt redditus, & fundi ecclesiarum, quibus aluntur clerici, & pauperes, omniaque ad Religionis usum necessaria comparantur (1).

* (1) Ecclesiastica quidem prædia aliquando spiritualia dicuntur, non quod ea revera sint, quæ nobis hoc loco spiritualia esse diximus, sed quod spiritualibus inserviunt, & eo referuntur.

§. II. De spiritualibus agentes non dicemus de gratia, fide, charitate, ceterisque virtutibus, quæ sunt anima Christianæ Religionis, quoniam ad Theologos pertinet tota hæc disputatio. Nos de iis agemus, quæ propria Juris Canonici

sunt; & ordiemur à Sacramentis, quæ Christus Dominus ad æternam hominum salutem instituit.

TITULUS II.

DE SACRAMENTIS.

- | | |
|---|--|
| I. Sacramentum quid? | tuorum. |
| II. Vis, & natura sacramenti. | XI. Quæ sacramenta characterem imprimant? |
| III. Antiquorum sacramentorum à novis diversitas. | XII. Sacramenta alia necessaria, alia singulis non necessaria. |
| IV. Divisio Sacramentorum Legis veteris. | XIII. & XIV. Sacramentorum Minister. |
| V. Sacramentorum novæ Legis numerus. | XV & XVI. Ejus intentio qualis esse debeat? |
| VI. & VII. Eorum materia, & forma. | XVII. Intentio suscipientis sacramentum. |
| VIII. Gratiæ & character. | XVIII. ad XX. Ritus & ceremoniæ sacramentorum. |
| IX. Gratiæ ex opere operato procedit. | |
| X. Sacramenta vivorum, & mor- | |

§. I.

Sacramenti in re cum Civili, cum Ecclesiastica multiplex significatio est. Nam & jusjurandum (1), & pecunia, quam olim litigantes apud Pontificem, aut in æde sacra deponebant (2), & arcanum (3), atque mysterium (4), & interdum etiam sacer quilibet ritus, ac cæremonia sacramentum appellatur (5). Nos hoc loco sacramentum dicimus invisibilis gratiæ visibile signum ad sanctificationem nostram divinitus institutum (6).

(1) *Auth. Sacramenta puberum Cod. Si advers. vendit.* Hinc jusjurandum, quo milites suam Imperatori fidem obligabant, sacramentum militare, & milites ipsi sacramento obstricti dicebantur *Leg. 8. ff. de Accusation., Leg. 11. ff. Ad L. Jul. de Adulter., Leg. 13. de Rē militar., Leg. 14. ff. de His quæ ut indign., Leg. 8. §. 1. Cod. ad L. Jul. majest. 71. ff. de pign. p. 21. ff. de iur. iur. 1. ff. de iur. iur. 1.*

(2) Litigantes in iudicio certam pecuniæ vim apud Pontificem, aut in æde sacra deponebant ea lege, ut victor, peracto iudicio, suam repeteret, victus autem pœnæ causa ærario relinqueret. Unde & hæc

pecunia deposita, & inita super ea stipulatio sacramentum dicebatur. Confer Jacobum Gualterum *de Jur. Pontific. lib. 4. cap. 21.*

(3) Apostolus ad Ephesios IX. 11. ut totum faceret, inquit, sacramentum voluntatis suae. Tob. XII. 7. sacramentum regi abscondere bonum est: & Daniel c. 11. v. 18. ut quererent misericordiam a facie Dei celi super sacramento isto.

(4) Apostolus ad Colossens. I. 27. incarnationem Christi Domini appellat sacramentum. S. Augustinus *Serm. 227. col. 973. tom. 5. edit. Murin Venet. 1731. memorit exorcismi sacramentum, & lib. 2. de Peccator. merit. & remiss. cap. 25. col. 63. tom. 10. panem benedictum, & saltem catechamenis dari solitum sacramentum vocat; quo eodem verbo utitur Concilium Carinagiense III. Can. 5. apud Labbeam tom. 2. col. 1400. ed. Venet. Similiter S. Paulinus Ep. 50. num. 4. & 15. col. 288. & 294. edit. Muratorii Verone mysterium sacramentum appellat.*

(5) Ita orationis Dominicae sacramenta dixisse videtur S. Cyprianus de Orat. Dominic. pag. 189. ed. Rigaltii Paris. 1666. Communes christianorum preces in divinis celebrandis officiis similiter a Puribus dictae sunt sacramenta; & huc spectat S. Ambrosius lib. 3. de Virgin. cap. 3. tom. 3. col. 212. ed. Muvvin. Venet. 1751.

(6) Definitionem huius simillimam Augustini nomine proponit Gratianus in Can. 32. dist. 2. de Consecr. Sacramentum, inquit, est invisibilis gratiae visibilis forma; quae definitio his concepta verbis apud Augustinum nusquam extat; sed tamen, ut in eum locum movent Romani Correctores, ex Augustini verbis in lib. de Catechiz. rud. cap. 26. col. 293. t. 6. ed. indic. desumpta est. Explicatius Catechismus Romanus p. 1. c. 1. num. 11. sacramentum definit, rem sensibus subiectam, quae ex Dei institutione sanctitatis, & iustitiae tum significandae tum efficiendae vim habet.

§. II. Tria igitur sunt, quae ad sacramentum pertinent, divina institutio, visibile signum, & invisibilis gratia, quae externo illo signo conficitur, & designatur. Nam summus dominator, & artifex rerum Deus, ut quae occulta ejus virtute efficiuntur, facilius imbecillitas, fragilitasque humani generis intelligeret, eam ipsam virtutem declaravit signis, quae sub sensus cadunt (1), eaque esse voluit quasi pignora divinarum promissionum (2), & remedia ad animarum salutem vel tuendam, vel recuperandam (3), & vincula christianae societatis, notasque, & symbola, quibus ejus fidem testatam faceremus (4), quibusque fideles internoscerentur (5).

(1) Praeclare S. Joannes Chrysostomus Hom. 82. in Matth. num. 4. pag. 787. tom. 7. ed. Montfauconii Paris. 1727. Si incorporeus, inquit, esses, nuda tibi ille, & incorporea dona tribuisset; sed quia corpori

conjuncta est anima, in sensibilibus spiritualia tibi largitur.

(2) Egrege Catechismus Romanus par. 2. cap. 1. n. 14. Quemadmodum, inquit, in veteri testamento Deus fecerat, ut magni alicujus promissi constantiam signis testificaretur; ita etiam in nova lege Christus Salvator noster cum nobis peccatorum veniam, celestem gratiam, Spiritus Sancti communicationem pollicitus est, quædam signa oculis, & sensibus subjecta instituit, quibus cum quasi pignoriis obligatum haberemus, atque ita fidelem in promissis futurum dubitare nunquam possemus.

(3) Confer S. Ambrosium de Sacram. opp. tom. 3. pag. 440. edit. Maurin. Venet. 1751.

(4) Sacramentis enim fidem nostram in hominum conspectu declarare, atque omnibus illustrem, ac manifestam facere videmur; & huc spectat Apostolus ad Roman. X. 10. Corde creditur ad justitiam, ore autem confessio fit ad salutem.

(5) In nullum nomen religionis, inquit S. Agustinus contra Faustum lib. 19. cap. 11. col. 319. tom. 8. edit. indic. sive verum, seu falsum, coagulari homines possunt, nisi aliquo signaculorum, vel sacramentorum visibilibus consortio colligantur. Utrunque igitur præstant novæ legis sacramenta; scilicet & fideles ab infidelibus distinguunt, & ipsos fideles inter se sacro quodam vinculo conjungunt.

§. III. Sua etiam sacramenta habuit vetus Testamentum, eaque umbræ, & figuræ erant venturi Servatoris; verum sacramenta novæ Legis Christum jam natum exhibent (1). Scilicet tantum fide in Christum servari homines possunt (2). Itaque, ut hanc fidem sustineret, abundans misericordia, & clementia Deus instituit sacramenta, quæ vel venturum Christum adumbrarent; vel jam natum ostenderent; & verum tum ante, tum post Christi adventum fides in Servatorem illustrius excitari, fovique non poterat, quam externis signis, quibus homines fidem suam manifestam facerent.

(1) Sacramenta novi testamenti, inquit S. Agustinus in Psalm. 73. col. 769. tom. 4. opp. cit. ed. Venet., dant salutem, sacramenta veteris testamenti promiserunt Salvatore.

(2) Apostolus II. ad Corinth. V. 19., & ad Galat. II. 16. Itaque ab exordio generis humani, inquit Augustinus Ep. 102. ad Deogratias col. 277. tom. 2. indic. edit., quicumque in eum (Christum) crediderunt, eumque utcumque intellexerunt, & secundum ejus præcepta pie, & juste vixerunt, quandoque libet, & libilibet fuerint, & per eum procul dubio salvi facti sunt. Confer eundem S. Augustinum ad Bonifacium contr. duas epist. Pelagium lib. 3. cap. 4. col. 450. tom. 10., & de nuptiis & concupiscent. lib. 2. cap. 11. col. 313. cod. tom. 10. S. Ignatium martyrem Ep. ad Magnes. apud Cotelerium pag. 153. tom. 2. PP. Apostolic. edit. Amstelædami 1724.

S. Justinum. *Dialog.* num. 64. p. 161. edit. Paris. 1742. S. Thomam. in *Sum. par.* 3. *quæst.* 61. art. 3.

§. IV. Sacramentorum legis Mosaicæ multiplex erat genus. Quædam enim pertinebant ad consecrationem, sive institutionem populi, aut ministrorum in cultu Dei, ut *circumcisio*, & *Sacerdotum consecratio*; quædam sacrarum rerum usu constabant, ut *agni Paschalis in azymis comestio* quoad populum, *oblatio victimarum, esus propositionis*, &c. quoad Sacerdotes; quædam denique erant, per quæ divini cultus impedimenta removebantur, nimirum legales sordes, & crimina, ut *purificationes*, ac *lustrationes*, & *sacrificia piaculæria*, præsertim *vaccæ rufæ*, & *hirci emissarii* (1). Verum hæc sacramenta Hebræis tantum divina lege erant necessaria, non item reliquis gentibus, quæ etiam sine his externis signis æternam salutem consequi poterant, modo cum aliqua Mediatoris fide legem naturalem observarent (2).

(1) Divisionem hanc sacramentorum antiquæ Legis tradit S. Thom. 1. 1. *quæst.* 102. art. 5. Consule Natalem Alexandrum *Histor. Eccles. in IV. mundi ætatem dissert.* 3. art. 4. tom. 1. pag. 361. edit. Venet. 1776. De hircio emissario vide Levit. c. XVI. v. 7. & seq. ibique Calmetum in *Comment.*

(2) Vide S. Augustinum *de Civit. Dei lib.* 18. cap. 47. col. 530. tom. 7. opp. ed. Maurin. Venet. 1732. Theodoretum *Interrog.* 68. in *Genes. opp.* tom. 1. pag. 53. edit. Paris. 1642., S. Gregorium M. *Præfat. in lib. Job.* col. 9. tom. 1. opp. edit. Maurin. Paris. 1705. Iisdem tamen judæis sacramentis tenebamur etiam Proselyti. *Exod. XII.* 48. adventus scilicet, qui ex gentibus ad Judæos transiverant.

§. V. Sublatis Christi morte sacramentis, & cæremoniis Hebræorum, quoniam cessare oportebat umbras adventu ejus, quem figurabant (1), christiana sacramenta, jam natî Mediatoris symbola, Christus Dominus instituit. Ea vero septem numero sunt, scilicet, Baptismus, Confirmatio, Pœnitentia, Eucharistia, Extrema-Unctio, Ordo, Matrimonium (3). Quæ singula vera esse Catholicæ Ecclesiæ sacramenta, nec plura, quam septem hæc, à Christo esse instituta, explorata fidei doctrina est (3).

(1) *Primæ sacramenta*, inquit Augustinus *contra Faustum lib.* 19.

cap. 13. col. 320. tom. 8. laud. edit., quæ celebrabantur, & observabantur ex lege, prænantiatæ erant Christi venturi. Itaque hæc sacramenta ideo sunt ablata, quia ea suo adventu Christus implevit, ut pergit Augustinus loc. cit., quæ cum suo adventu Christus implevisset, ablata sunt, & ideo ablata, quia impleta . . . & alia sunt instituta virtute maiora, utilitate meliora, numero pauciora. Quod etiam tradit lib. de Vera Relig. cap. 17. tom. 1. col. 758., de Doctrina Christi. lib. 3. cap. 9. tom. 3. par. 1. col. 49., & Ep. 54. tom. 2. col. 124.

(2) Concilium Tridentinum Sess. 7. can. 1. de Sacrament.

(3) Late de hoc catholice fidei dogmate contra Lutheranos, Calvinianos, ceterosque hæreticos disputant Jueninius de Sacram. dissert. 1. de Sacram. in gener. quest. 2. cap. 4., Draufenius de Re Sacrament. lib. 1. quæ. 1. 3. cap. 2., aliique Scriptores rerum Theologicarum.

§. VI. Jam duabus veluti partibus constant sacramenta, signo sensibili, quod sensibus subicitur, & re invisibili, quæ sensus fugit. Signum sensibile constat ex *materia*, hoc est ex re, qua conficitur sacramentum, & ex *forma*, nimirum ex verbis, quæ in eo conferendo adhibentur (1). Atque in hoc ritu, qui ex rebus, & verbis divina auctoritate conficitur, sacramentum consistit, cum res à verbis s: junctæ sacramenta non sint, sed per verba ad sacrum usum determinentur (2).

(1) Voces *materia*, & *forma* ex Peripatetica philosophia arreptæ sunt, atque eas primus usurpasse videtur Guilelmus Antisiodorensis, qui sæculo XIII. vitæ usura fruebatur: eum postea sequuti sunt Alexander de Hales, Albertus M., D. Thomas, ac denique Ecclesia universa. Ante hoc tempus in sacramentis res, & verba distinguebantur. Ita Tertulianus de Præscript. cap. 40. pag. 216. ed. Venet. 1744. ait, dæmonem in suis idolorum mysteriis res sacramentorum divinorum æmulari. Dicebantur etiam communiter mystica symbola, sacra signa, Religionis initia, seu initiationes, & sacramenta. Paulo distinctius interdum designabantur per elementum, & verbum; quo sensu Augustinus in Can. 54. c. 1. q. 1. agebat: *accedit verbum ad elementum, & fit sacramentum*. Sed primum Latinos, postea Græcos vocabula illa *materiam* & *formam* usurpasse ostendit Morinus de Sac. ordinat. part. 3. exerc. 1. cap. 3.

(2) *Detrahe verbum*, inquit Augustinus in Can. 54. c. 1. q. 1., & *quid est aqua, nisi aqua? Accedit verbum ad elementum, & fit sacramentum*.

§. VII. *Materia* vel remota, vel proxima est. Remotam dicimus rem ipsam, quam in conferendo sacramento adhi-

bemus, qualis est aqua, oleum &c.; proximam vocamus ipsum rei usum, uti est ablutio, unctio &c. Forma aut pura, sive absoluta est, aut conditionalis. Hæc in iis sacramentis adhibetur, quæ iterari non possunt, cum incertum est, rectene collata fuerint, an secus (i).

(1) Conditionalis formæ expressa mentio primum occurrit VIII. sæculo in statutis S. Bonifacii Episcopi Moguntini, quæ condita sunt circa annum 745., extantque apud D' Acherium *Spiciieg. tom. 1. cap. 28. pag. 508. edit. Paris. 1723.* itemque in Capitularibus Caroli M. apud Baluzium *lib. 6. cap. 184. t. 1. col. 638. edit. Venet. 1772.* unde idem decretum excerpit, suæque canonum collectioni *tit. 11. cap. 17. adjecit Isaac Episcopus Lingonensis apud Harduinum Collect. Concil. tom. 5. col. 447. edit. Paris.* Ex quo recte colligit Edmundas Martenius de *Antiquis Eccles. Ritib. tom. 1. lib. 1. cap. 1. art. 16. num. 10. pag. 59. edit. Antuerpiæ seu Venet. 1763.* quantum à vero aberraverint, qui conditionalem hanc formam primam à Scholasticis inventam, atque in Ecclesiam inveciam patiarunt, cum ea revera multo ante Scholasticorum ætatem adniberetur. Ante sæculum VIII. sacramenta, quæ repeti nequeunt, nulla adjecta expressa conditione repetebantur, cum plane incertum erat, collata ne, & an recte collata fuissent. Non inde tamen confici potest, quod aliquibus visum est, antiquam Ecclesiam siæ ulli prorsus conditione conferre consuevisse sacramenta, quæ iterari non possunt. Non erat quidem discretis verbis concepta conditio, quæ tantum VIII. sæculo expressa esse cœpit, sed erat tamen conditio tacita, quæ eodem redibat; & Ecclesia, quæ semper rebaptizantium aërasiā damnavit, baptismum repeti voluit, quatenus non constaret, tam constatus, aut num recte collatus fuisset. Nam non monstratur iteratum, quod non certis indiciis ostenditur rite peractum, uti loquitur S. Gregorius M. *Ep. 17. lib. 14. ad. Felic. col. 1279. opp. tom. 2. ed. Marnia. Paris. 1705.* Quod ante Gregorium docuerat. S. Cyprianus *Ep. 69. ad. Magnum pag. 297. edit. Amstelædami 1700.*, cum de vi baptismi elinctorum per aspersionem dati interrogatus fuisset, itemque S. Leo M. *Ep. 139. pag. 490. part. 2. opp. edit. Rom. 1755.,* & Patres Concilii Carthaginensis V., qui, cum quæreretur, quid agendum esset de pueris, qui num baptizati essent, nem. certo sciebat, responderunt *Can. 6. col. 987. tom. 1. collect. Harduini, absque ullo scrupulo eos esse baptizandos, ne ista trepidatio eos faciat sacramentorum purgationem privari.* Placuit hæc canonis verba describere, ut facile deprehendatur error Auctoris *Delectus actor. Eccl. univers. qui in notis ad eundem Canon. tom. 2. col. 169. Lugduni 1706. trepidationem, & dubitationem interpretatur conditionem, quasi omnis conditio à Carthagiensibus Patribus rejecta fuerit.* Trepidatio, & dubitatio Patribus est incertus ancepsque animas, propter quem illam ad synodum controversiam detulerant, qui dubitabant, num in illo rerum discrimine baptismum repetere oporteret. Evellunt hunc scrupulum Concilii Patres

ajentes, baptismum esse repetendum, ne ista trepidatio (quod certe de conditione intelligi nequit) eos faciat sacramentorum purgatione privari. Idem quoque de iisdem infantibus respondit Gregorius II. *Epist. 2. num. 9. col. 1859. tom. 3. collect. concil. Harduini*. Ecclesia igitur, cum eorum baptismum repeti volebat, & simul etiam damnabat hæresim rebaptizantium, non aliter illud fieri voluit, quam cum tacita, animoque recenta conditione: *si non es baptizatus*. Quæ conditio, uti dixi, sæculo VIII. verbis expressa esse cœpit, eamque disciplinam sua jam ætate multis in locis receptam probavit, & ubique servari jussit Alexander III. *in cap. 2. de Baptismo*, ac denique confirmavit Joannes XXII. apud Raynaldum *ad ann. 1333. num. 42. tom. 5. pag. 566. edit. Lucæ 1750*. Nunc igitur conditionalis forma adhibetur in sacramentis, quæ iterari non possunt; verum ea non temere, & inconsulto adhibenda est, sed cum adest probabilis dubitatio, ac re primum cognita, & quæsitæ diligenter, uti monet Catechismus Romanus *part. 2. cap. 2. num. 57*. Confer Benedictum XIV., qui ea de re late disserit *in Instit. Eccles. Instit. 8. & 84., & de Synod. Dioces. lib. 7. cap. 6*. Disputant Theologi, num etiam in sacramento poenitentiae conditionalis absolutio tribui possit, cum scilicet incertum est, num minister necessaria verba pronunciaverit, aut num is, qui absolutionem obtinet, ad eam suscipiendam aptus, & idoneus sit. Hujus conditionalis formæ in sacramento poenitentiae initium plerique repetunt à sæculo XVI., sed revera ejus est expressa mentio apud Joannem Gersonium, qui ineunte sæculo XV. vitam agebat, *in tractat. de Schismate pag. 79., de Unit. Eccles. pag. 118 in Responsion. ad interrogat. Ciartusian. pag. 461. tom. 2. opp. edit. Antuerpiæ 1706*. Vide Juvenium *de Sacramen. dissert. 1. de Sacram. in gener. quest. 3. cap. 5. art. 2.*, Tournelyum *Præf. theolog. tom. 7. de Sacram. in gener. quest. 1. art. 4. concl. 2.*, & Benedictum XIV. *de Synod. dioces. lib. 7. cap. 15.*, qui de ea re copiose disputant.

§. VIII. Res invisibiles, quas signa illa externa significant, & continent, dux præcipue sunt, gratia, & character. Gratia communis est omnibus sacramentis. Nam quisquis ea rite, & recte suscipit, hoc est, nullo posito aut contrariæ voluntatis, aut pravæ dispositionis obice, is gratiam accipit, quam Theologi *sanctificantem* apellant. Hæc autem non solum peccata remittit; sed justificat, & renovat interiorem hominem, qui ex injusto fit justus, & ex inimico amicus Dei, ut sit heres secundum spem vitæ æternæ, uti docet Synodus Tridentina (1).

§. IX. Gratiam sacramenta conferunt suapte vi, & natura, sive, ut inquit Theologi, *ex opere operati* (1) Itaque non ex meritis suscipientis, aut conferentis sacramentum vis ejus æstinatur, sed ea tota proficit à Christo, qui per ipsum opus, quod Minister rite conficit, divinam gratiam hominibus tribui voluit (2). Quæ in re sacramenta novæ Legis valde differunt à veteribus, quæ tantum Mediatoris fidem sustinebant, cum salus esset à fide suscipientium, aut parentum, neque sua vi gratiam conferebant (3).

(1) Conc. Tridentinum Sess. 7. de Sacramen. Can. 8.

(2) S. Augustinus lib. 4. *contr. Crescon.* cap. 16. col. 493. opp. tom. 9. ed. Venet. 1733 non eorum meritis docet, à quibus ministratur, aut eorum, quibus ministratur, constare baptismum, sed propria sanctitate, atque veritate propter eum à quo institutus est. Eadem habet Anastasius P. Ep. ad Anastas. Imper. cap. 8. pag. 274 apud Pithoeum Cod. Can. Paris. 1637. Consentiunt Græci, & Latini Patres, quos cumulat Drouvenius de Re Sacram. quest. 4. cap. 1. Ecclesia, ut hæc catholica veritas plauis populo fidei proponeretur, invenit vocabulum *operis operati*, quo circa ætatem D. Thomæ Aquinatis uti cœpit. Disputant vero inter se Thomistæ et Scotistæ de modo, quo sacramenta gratiam elargiantur. Illi nimirum sacramenta causam physicam gratiæ esse contendunt, hi vero tantam causam *moralem*, hoc est non ipsis sacramentis velut inditam esse gratiam, sed per ea moveri Deum ad gratiam elargiendam; excepta Eucharistia, quæ ex se gratiam effundit, quoniam ipsum gratiarum fontem Christum continet.

(3) Apostolus ad Galat. IX. 9. vetera sacramenta *infrma*, & *egena elementa* vocat.

§. X. Non eodem modo sese gratia explicat in omnibus sacramentis. Nam quædam hominem mortuum veneno peccatorum excitant, & revocant ad vitam spiritualem, uti sunt Baptismus, & Pœnitentia, quæ conferunt *primam gratiam*, & *mortuorum* sacramenta appellantur. Reliqua sacramenta *vivorum* dicuntur, quod dantur iis, qui vivi sunt gratiæ, eaque superfundunt *gratiam secundam*, prioris incrementum, & robur.

§. XI. Præter gratiam, quæ communis est omnibus sacramentis, quædam sunt, quæ conferunt etiam characterem, hoc est notam quamdam impressam, & insculptam animo, quæ deleri non potest (1). Hujusmodi sunt Baptismus, Confirmatio, Ordo, per quæ sacramenta fixa, certaue nota ef-

ficimur aut Dei filii, aut Christi milites, aut christianæ religionis ministri, ac sacerdotes. Et quia character semel animo impressus semper manet, ideo tria hæc sacramenta nefas est iterare; iterantur cetera, quæ non imprimunt characterem.

(1) Concilium Tridentinum Sess. 7. Can. 9. de Sacramen. Hujus signi, & characteris satis perspicue meminit Apostolus II. ad Corinth. 1. 21. & 22. Qui unxit nos Deus, ait, qui & signavit nos, & dedit pignus Spiritus in cordibus nostris; & ad Ephesios 1. 14. IV. 30. In quo & credentes, inquit, signati estis Spiritu promissionis sancto, qui est pignus hereditatis nostre in redemptionem acquisitionis, in laudem gloriæ ipsius. . . Nolite contristare Spiritum Sanctum Dei, in quo signati estis in diem redemptionis. Apostolicam hanc doctrinam explicatius tradiderunt antiqui Patres, præsertim S. Hermas Pastor lib. 3. Simil. 9. num. 16. apud Cotelierum PP. Apostol. pag. 120. tom. 1. edit. Amstelædani 1724 S. Cyprianus Ep. 68. p. 258. ed. Amstelæd. 1700., S. Cyrillus Hierosolymitanus Cateches. 17. num. 35. pag. 282., & Procatéch. num. 16. pag. 12. edit. Paris. 1720. quorum primus baptismum sigillum filii Dei, alter signum Dei, postremus signaculum sanctum, & indelebile appellat. Diserte etiam S. Epiphanius Hæres. 8. lib. 1. n. 6. tom. 1. pag. 19. edit. Colonia 1682. S. Basilius in Exhort. ad Baptism. hom. 13. t. 2. p. 117. edit. Montfaucon. Paris. 1721., S. Joannes Damascæus de Fid. orthodox. lib. cap. 9. 4. opp. tom. 1. pag. 261. edit. Lequienii Venet. 1748., S. Ambrosius de Spiritu S. lib. 1. cap. 6. num. 79. opp. tom. 4 col. 22. ed. Maurin. Venet. 1751., & S. Augustinus de Baptism. lib. 1. cap. 1. col. 79. & lib. 6. cap. 1. col. 161. lib. 2. contr. epistol. Parmenian. cap. 13. col. 44. & 45. & in Sermon. ad Cesareen. Eccles. plebem. num. 4. col. 620. opp. tom. 9. edit. Maurin. Venet. 1733. memorant characterem dominicum, seu sacramentalem, per quem Christiani distinguantur. Falsus igitur est Van-Espeus par. 2. Jur. eccles. tit. 1. de Sacram. in gener. cap. 1. num. 11. & 13. cum apud Patres, aut in antiquis canonibus de hoc characterem nihil solidi occurrere asseverat, adeo ut antiqui scholastici, cum pro characterem pugnarunt, tantum nisi potuerint Decretali Innocentii III. in cap. 3. de Baptismo, qua expresse definitum est, Baptismo imprimi characterem.

§. XII. * Rursus alia sacramenta singulis sunt necessaria vel omnino, *necessitate mediæ*, ut inquit, ita ut sine illis nemo æternam salutem consequi possit, qualia sunt Baptismus, qui necessarius est omnibus, ac Pœnitentia, quæ est necessaria iis, qui post Baptismum crimin aliquod perpetraverunt; vel sola *necessitate præcepti*, quo fit ut contem-

ni quidem, aut oblata refutari sine animæ detrimento nequeant, at, eorum suscipiendorum non oblato loco, impune omittantur. Hujusmodi sunt Confirmatio, Eucharistia, & Extrema Unctio. Reliqua duo sacramenta, Ordo scilicet, & Matrimonium, necessaria quidem sunt universo corpori Ecclesiæ, non tamen singulis, cum nulla necessitas cogat singulos homines aut ordines suscipere, aut nuptias conciliare (1).

(1) Conc. Tridentinum *Sess. 7. Can. 4. de Sacramen.*

§. XIII. Omnia sacramenta ministrum postulant, & subjectum, illum scilicet, qui ea conferat, & illum, qui ea suscipiat. Utrumque soli homines præstant (1); sed non omnis homo ea conferendi habet potestatem, verum ii tantum, quibus id munus divina, & ecclesiastica auctoritate datum est (2). Generatim sacramenta conferre Episcoporum est, & Sacerdotum. Quædam tamen exigunt ministrum consecratum, quædam ministrum quemlibet habere possunt (3). Consecratum ministrum sacramenta omnia postulant, excepto Baptismo, qui à quocunque collatus valet (4), & excepto matrimonio, si vera est opinio illorum, qui putant, ejus ministros esse ipsos contrahentes (5).

(1) Quæsitum est in scholis, num soli viatores homines, an etiam Cælestes, atque Angeli sacramentorum ministri sint? Certe viatoribus tantum hominibus id munus à Christo datum, sacre literæ ostendunt, quod præ ceteris animadvertit Chrysostomus *de Sacerdot. lib. 3. num. 5. opp. tom. 1. pag. 383. edit. Montfauconii Paris. 1713.* Ideoque ab eo ministerio Cælestes, atque Angelos exclusos habere debemus; quamquam uti docet D. Thomas *par. 3. quest. 64. art. 7.*, possit Deus, ubi velit, etiam Angelis extraordinarium hoc munus committere.

(2) Concilium Tridentinum *Sess. 7. Can. 10. de Sacram.*

(3) Discriminis ejus causas accurate, cum poësis, cauteque nuper illustravit V. Cl. Fr. Hermanus Dominicus Christianopolis Ord. Præd. in libro *della Nulità delle assoluzioni ne casi riservati cap. 2. sect. 1. §. 3. pag. 142. seq.*

(4) *Can. 21. 23. 24. de Consecr. dist. 4.*

(5) De hac questione suus erit agendi locus paulo post, cum de matrimonio disputabimus.

§. XIV. In conficiendis sacramentis Ministri media tan-

tum salutis exhibent, & tractant, neque suam gerunt personam, sed Christi, qui eadem instituit, & à quo vis eorum procedit (1). Quare sive bonis, sive pravis imbuti sint moribus, sacramenta conficiunt, & conferunt, modo id faciant, quod in sacro illo explendo munere catholica Ecclesia fieri jubet. Hinc mali ministri sibi quidem æternam perniciem, & inortem afferunt, cum sancta tractant impure, sed impedire non possunt fructum gratiæ, qua donantur, qui sacramenta recte suscipiunt (2).

(1) Concilium Trident. Sess. 7. de Sacram. Can. 12. & Sess. 7. de Baptism. Can. 4. Magnum quidem est baptismus, inquit S. Joan. Chrysostomus Hom. 3. in 1. ad Corinth. n. 2. pag. 18. tom. 10. ed. Paris. 1732., sed non illud magnum facit is, qui baptizat; sed qui in baptismo invocatur. Confer. etiam S. Augustinum de Baptismo Contr. Donat. lib. 3. cap. 10. col. 113. & contr. Crescon. lib. 3. cap. 8. col. 439. tom. 9. ed. Venet. 1733., & S. Gregorium Nazianzenum Orat. 40. in S. Baptisma p. 656. tom. 1. opp. ed. Paris an 1690. Atque huc spectat S. Joannes I. 33., & S. Paulus I. ad Corinth. I. 11. & seq. & III. 4. & seq.

(2) Memento ergo, ait Augustinus lib. 2. Contr. liter. Petil. cap. 47. col. 253. tom. 9., Sacramentis Dei nihil obesse mores malorum hominum, quo illa vel omnino non sint, vel minus sancta sint. Et tract. 5. in Joann. num. 18. tom. 3. part. 2. col. 328. opp. ed. Venet. cit. Dedit baptismum, inquit, Judas & non baptizatum est post Judam, dedit Joannes, & baptizatum est post Joannem. Quia si datus est à Juda baptismus, Christi erat; qui autem à Joanne datus est, Joannis erat; non Judam Joanni, sed baptismum Christi, etiam per Judæ manus datum, baptismo Joannis, etiam per manus Joannis dato, recte præponimus. Atque hæc causa erroris fuit. Novatianis, Donatisis, S. Cypriano, & ceteris, quod non distinguentes externum sacramenti opus humanum ab interno effectu divino, perperam existimarunt, effectum sacramenti necessarium ab homine ministrante, non à sanctificante Deo procedere, uti observat Augustinus de Baptism. contr. Donatist. lib. 6. cap. 1. col. 161. tom. 9. edit. indie.

§. XV. Quamquam autem sacramenta opus non habeant Ministri sanctitate, postulant tamen ejus intentionem, hoc est deliberatam voluntatem id, quod agitur, conficiendi (1). Quem intentionem scholæ triplicem faciunt, *actualem*, quæ præsto est, cum ad id, quod agimus, animum appellimus, & nihil omnino aliud cogitamus; *virtualem*, quæ adesse dicitur, cum ad aliquid primum animum adjunximus, neque

postea voluntatem hanc revocavimus, sed adhuc in ea perseveramus, licet aliud cogitemus, cum rem ipsam agimus; denique *habitualementem*, quam habet, qui nulla animi deliberatione, sed tantum consuetudine proclivis ad sacrum ministerium, atque alio distracto animo sacramentum administrat. Sane *actualis* voluntas efficacissima est, *virtualis* sufficit ad vim sacramenti, *habitualementem* autem plane inutilis est (2).

(1) Conc. Tridentinum Sess. 7. Can. 11. de Sacram.

(2) S. Thomas part. 3. quest. 64. art. 8. sufficere ait *habitualementem* intentionem ad perfectionem sacramenti, sed ei voluntas *habitualementem* est, quam nos hodie *virtutem* appellamus.

§. XVI. Nam sacramentalis actio humano modo fieri debet; scilicet non more pecudum, sed certo; ac deliberato animo, quod est proprium hominis, qui particeps rationis est. Atqui modum humanum non præstat *habitualementem* intentio, quam habent etiam amentes, dormientes, ebrii, qui certe non humano agunt modo, nec cum iudicio rationis, quidquid agunt. Ferri voluntas debet in ea, quæ Christus iussit, quæque facit Ecclesia (1) eaque in hoc opere conficiendo seria, ac deliberata esse debet (2). Nam sacramenta minime, & per jocum, aut dicis causa administrata nulla, & inania sunt.

* (1) Concilium Florentinum in *Instruct. ad Armenos* apud Labbæum tom. 18. Concil. col. 547. edit. Venet., Conc. Tridentinum Sess. 7. de Sacram. in gener. Can. 11. Hinc inter ceteras propositiones ab Alexandro VIII. proscriptas illa etiam refertur: *Valeat Baptismus collatus à Ministro, qui omnem ritum externum, formamque baptizandi observat, intus vero in corde suo apud se resolvit, non intendo quod facit Ecclesia.* Quamquam vero Minister sacramentum conficiens debeat intendere quod facit Ecclesia, necesse tamen non est, eum etiam intendere, id, quod ipsa intendit Ecclesia, quæ per illum actum verum conferri sacramentum, & gratiam sacramentalem docet. Scilicet si qui improbare, quam habere censet Ecclesia, sed tamen serio velit hos ipsos, quos Ecclesia adhibet, externos ritus peragere, hæc intentio facienda id, quod facit Ecclesia, non quod ea intendit, satis quidem habetur ad vim sacramenti. Audiendus ea de re D. Thomas in *Summ. part. 3. quest. 64. art. 9.* cuius hæc verba sunt: *Si quis patiatur fidei defectum circa ipsum sacramentum, quod exhibet, licet credat, per id, quod agitur exterius, nullum sequi interiore effectum, non tamen ignorat,*

quod Ecclesia catholica intendit per hujusmodi, quæ exterius aguntur, præbere sacramentum; unde non obstante infirmitate, potest intendere facere id, quod facit Ecclesia, licet æstimet id nihil esse, & talis intentio sufficit ad sacramentum. Ita Ecclesia ratum firmum habuit Baptismum collatum à Pelagianis, licet ipsi non cogitarent de delendo originali peccato, quod negabant; & ita S. Pius V. approbavit baptismum Calvinianorum, licet ipsi intentionem non haberent baptizandi in remissionem peccatorum. Nam ad sacramenti integritatem nihil interesse docet Augustinus de Baptism. lib. 7. cap. 53. col. 202. opp. tom. 9. cit. edit. Venet., quæ si fides ministrorum. Confer etiam eundem Augustinum Ep. 98. ad Bonifac. num. 5. col. 265. tom. 2. ed. Ven. 1729. Ambrosius Catharinus è Dominicæ familia in eo, quem in vulgus edidit, cum Tridentina Synodus haberetur, libello de Intentionis externalis sufficientia, contendit, ad sacramentum rite, & recte administrandum satis esse, quod Minister intentionem habeat serio perficiendi ritum externum, qui ab Ecclesia adhibetur, quamquam interius dicat, se nolle facere, quod facit Ecclesia, modo exterius serio agat, nulloque signo pravam suam voluntatem ostendat. Sententia hæc à Tridentina Synodo damnata non est, sicuti movet Card. Palavicinus in Histor. Conc. Trid. lib. 9. cap. 61. num. 2.; sed tamen à decreto Alexandri VIII., cujus nunc facta mentio est, grave vulnus accepit, uti inquit Benedictus XIV., qui de Synod. dioces. lib. 7. cap. 4. ea de re accurate disputat. Sunt tamen, qui Catharini sententiam ita explicant, ut eam nullo modo proscriptam, atque improbatam fuisse defendant, & hi præsertim sunt Hyacinthus Serry in Vindic. Catharin., Jueninius de Sacram. dissert. 1. quæst. 5. art. 3., Drouvenius de Re Sacrament lib. 1. quæst. 7. cap. 3. sect. 2. §. 1. & 2.

(2) Lutherus lib. de Captivitat. Babylonic. cap. de Baptismo, quique ejus deliramenta sequutus est, Kemnitius part. 2. Exam. Conc. Trident. etiam per jocum collatum sacramentum valere existimavit. Sed gravissimum errorem damnavit Leo X. in Bulla Exurge Domine 44. art. 1. pag. 489. tom. 3. part. 3. Bullarii Romani ed. ultim. indic., & Concilium Tridentinum Sess. 14. de Sacram. panit. Can. 6. Quod de S. Athanasio narrant Socrates Histor. eccles. lib. 1. cap. 15. pag. 44., & S. Zomenus lib. 2. cap. 17. pag. 67. ed. Vales. Cantabrig. 1720., id vel falsum est vel si etiam verum sit, baptismus ab Athanasio non per jocum, sed serio, ac vere collatus haberi debet, sicuti observant PP. Maurini in Vit. Athanasii tom. 1. pag. 9. edit. Patavii 1777. Fabulosum est etiam, quod de mimico Genesii, ac Dioscori baptismo narratur; qua de re vide Jueninium de Sacram. Dissert. 1. quæst. 6. cap. 1. de Sacram. in genere.

§. XVII. Nec tantum dantis, sed etiam accipientis sacramentum intentio est necessaria, ut illud valeat. In infantibus, & perpetua amentia laborantibus nulla voluntate

opus est; sed hi in fide, in voluntate Christi, & Ecclesiæ sacramentum recte suscipiunt (1). Adulti, qui integra mente sunt, habere debent intentionem sacræ in Ecclesia rei suscipiendæ (2); iis vero, quos ratio defecit, vel quod in amentiam inciderunt, vel quod vi graviore morbi opprimuntur, sacramenta tribuit Ecclesia, cum in vitæ discrimine versantur, modo, cum bene valebant, sacramenti suscipiendi voluntatem significaverint (3).

(1) *Can. 7. 8. & 74. dist. 4. de Consecr. cap. 3. de Baptismo, Conc. Tridentinum Sess. 7. de Baptism. Can. 13. & 14. Catechismus Romanus part. 2. cap. 2. §. 33. S. Thomas in Summa part. 3. quæst. 68. art. 9.*

(2) Quamquam enim sacramentum accipiens patiatur actionem, quam Minister exercet; non est tamen, inquit D. Thomas in *Summa part. 3. quæst. 68. art. 7.*, passio illa coacta, sed voluntaria, & ideo requiritur intentio recipiendi id, quod ei datur. Vide etiam Decretalem Innocentii III. in *Cap. 3. de Baptism.*

(3) Concilium Arausicanum I. *Can. 12. apud Labbæum tom. 4. col. 703. ed. Venet. S. Leo M. Ep. 34. ad Theodor. Episc. cap. 4. pag. 329. part. 2. opp. edit. Romæ 1755, S. Thomas Opusc. 65. §. de Extrem. unct. & in Summa part. 3. quæst. 68. art. 12., Catechismus Romanus part. 2. cap. 2. §. 39. Rituale Pauli V. Tit. de Baptismo Adultorum. Quod si voluntas, quam pridem habebat æger, aut amens, ita incerta sit, & obscura, ut nemò de ea testimonium ferre possit, tunc morienti danda potius, quam deneganda sacramenta, censeat Agastinus de *Conjug. adulterin. lib. 1. cap. 26. col. 403. opp. tom. 6. edit. Venet. 1731.*, licet alii id quidem negent ex illo *Christi præcepto apud Matthæum VII. 6. Nolite sanctum dare canibus, neque mittitis margaritas vestras ante porcos.**

§. XVIII. Sacramentorum omnium, uti diximus, Auctor Christus (1), ipseque constituit singulorum materias, & formas, quæ *substantiales* dicuntur (2). Quæ à Christo sunt constituta, mutari ab Ecclesia nequeunt; sed tamen iungi potest, salva sacramentorum substantia, quibusdam addere certas conditiones, quas omnino servare oportet, ut sacramentum valeat (3). Ritus etiam, & cæremonias sacramentorum accepta à Christo potestate Ecclesia constituit (4), & hi ritus, ac cæremoniæ sine piaculo omitti non possunt; quamquam si omittantur, valeat sacramentum, quoniam intimam rei naturam non attingunt (5).

(1) *Si quis dixerit*, inquit Synodus Tridentina *Sess. 7. Can. 1. de Sacram. in gener. omnia sacramenta novæ legis non fuisse à Jesu Christo Domino nostro instituta, anathema sit.* Quibus verbis Synodus catholicum dogma stabilivit, sed expresse noluit definire, mediata ne, an immediata omnium sacramentorum institutio à Christo sit repetenda Nam Alexander de Hales, Hugo à S. Victore, Petrus Lombardus, alique nonnulli Theologi Concilio Tridentino antiquiores putarunt, confirmationis, & extremæ unctionis immediatum auctorem non esse Christum, quoniam nullus est Scripturæ locus, quo hæc divina institutio referatur. Tridentina inquam Synodus id expresse noluit definire, sed tamen multa sparsim constituit, ex quibus patet, Christum immediatum omnium sacramentorum auctorem esse habendum; in primis autem *Sess. 14. cap. 1. de Extrem. unct.* expressis verbis declaravit, sacramentum extremæ unctionis fuisse à Christo Domino nostro institutum, & à B. Jacobo Apostolo promulgatum. Quibus verbis Christo institutio, Jacobo tantum promulgatio tribuitur. Atque omnes quidem, qui post Concilium Tridentinum floruerunt, Theologi immediatum omnium sacramentorum auctorem Christum esse defendunt, & contrariam sententiam vix jam temeritatis notam effugere posse sentiunt. Corsale Tournelyum *Prælect. theolog. de Sacram. in gener. quest. 5. art. 1.*, Jueninium *ed. Sacram. dissert. 1. quest. 4. de Sacram. in gener.*, & Drouvenium *de Re Sacrament. lib. 1. quest. 6. per tot.* Neque obest silentium Scripturæ, cum id doceat divina traditio, ac verbum Dei si-ve scriptum, si-ve traditum parem habeat auctoritatem, & huc referendus D. Thomas in *Summa part. 3. quest. 64. art. 2. ad. 2.*

(2) Atque hæc quidem, quæ à Christo stabilita est materia, & forma sacramentorum, quæ *substantialis* dicitur, mutari non potest. Ita in Baptismo alia nequit adhiberi materia, quam aqua naturalis, neque aliis verbis hoc sacramentum conferri potest, quam illis, quæ Christus constituit, scilicet *in nomine Patris, & Filii, & Spiritus Sancti.* Modo tamen integra sit materiæ, & formæ substantia, veritati sacramenti nihil detrahit mutatio, quæ *accidentalis* dicitur. Ita in baptismo nihil refert, num aqua sit frigida, an calida, atque in Eucharistia tum azymum, tum fermentum rite consecratur. Similiter Græci in quibusdam sacramentis adhibent deprecativam formam, quæ Latini indicativa est; sed utraque forma vim eandem habet, & utraque eodem redit, licet verba diversa sint. Confer Jueninium *de Sacram. dissert. 1. quest. 3. cap. 3.*, & Drouvenium *de Re Sacrament. lib. 1. quest. 1. cap. 1. §. 5.*

(3) Conc. Trident. *Sess. 21. cap. 2. de Communion.*

(4) Apostolos sacrorum rituum instituendorum potestatem à Christo accepisse, manifestum est ex Paulo I. *ad Corinth. XI.*, ubi postquam multa de Eucharistiæ institutione, ejusque celebratione à Domino accepta præscripsit cetera, inquit *vers. 34. cum venero disponam.* Ipsa hæc verba expendent Augustino. *Ep. 54. seu lib. 1. ad inquisit. Januar cap.*

6. col. 127. tom. 2. opp. ed. Martini. Venet. 1729. videtur Dominas ideo non præcipisse, quo dæmonis ordinis sanctaretur Eucharistia, ut Apostolis, per quos ecclesiis dispositurus erat, conservaret hunc locum. Atqui potestatem a Christo datam Apostolis in spirituali fidelium regimine legitima successione ad Ecclesiam transmissam, inter omnes constat. Atque hanc sibi quidem inesse potestatem Ecclesia & declaravit, & factis demonstravit. Synodus Tridentina Sess. 21. cap. 2. declarat, hanc potestatem perpetuo in Ecclesia fuisse, ut in sacramentorum dispensatione, salva eorum substantia, ea statueret, vel mutaret, quæ suscipientium utilitati, seu ipsorum sacramentorum venerationi, pro rerum, temporum, & locorum varietate, magis expedire iudicaret. Quam potestatem habere se Ecclesia verbo declaravit, eadem quovis tempore excoit, uti ex antiquis Scriptorum Ecclesiasticorum monumentis perspicuum est. S. Justinus M. *Apol. 1. n. 65. pag. 82. seqq. ed. Paris. 1742.* ceremonias memorat ab Ecclesia præscriptas in Eucharistia conficienda, ac distribuenda. Baptismi ritus describit Tertullianus de *Baptismo num. 7. 27 seq. pag. 226. edit. Venet. 1744.* Cyrillus Hierosolymitanus in suis mystagogicis catechesibus ceremonias, quæ apud Orientales vigeant, catechumenos docet. Augustinus non semel explicat vim exorcismorum, qui ante Baptismum adhibebantur. Mitto ceteros Patres. Tantum indicabo testimonium Tertulliani, qui *lib. de Corona cap. 3. pag. 102. edit. cit.* traditionis necessitatem vindicat, exemplo rerum multarum, quas sua ætate Ecclesia observabat, quamquam scriptæ non essent. *Dissert. 1. quas. 8. cap. 3.* Idem quoque confirmant Eucharistia Græcorum, & Rituales libri Latinorum, ex quibus intelligimus, multas lapsu temporum ceremonias ab Ecclesia institutas, eamque observandarum legem ministris impositam. Confer Cl. Zaccarium *Bibliothec. Ritual. dissert. 1. de Jur. liturgic. tom. 1., Jo. Laurentium Bertium de Theolog. discipl. lib. 30. cap. 23. tom. 6., & Salaz. in Not. ad Bonam rer. liturgic. lib. 1. cap. 18. § 1. pag. 2. tom. 1. edit. Taurin. 1749.* ubi plura etiam describantur testimonia hæreticorum, qui hanc veritatem plus semel fateri debuerant.

(5) Conc. Tridentinum Sess. 7. de Sacram. in gener. Can. 13., Catechismus Romanus part. 2. cap. 1. § 18. Quid tamen agendum sit, cum necessitas non omnes adhiberi sinat ceremonias ab Ecclesia præscriptas, rituales libri demonstrant.

§. XIX. Ab ipsa sane Apostolorum ætate sacramentis extrinsecus accesserunt solemnes quidam ritus, & ceremonie, quibus major ipsis adjungitur reverentia, & eorum sanctitas altius in hominum animis imprimitur, & necessarius in Ecclesia ordo sustentatur (1). Eorum ceremoniarum non eadem omnium antiquitas est. Quædam enim ab ipsis Apostolis originem repetunt (2), atque has propter auc-

toritatem unde manarunt, ubique retinet, ac diligenter custodit Ecclesia, quamquam sacramenti naturam non constituent. Sic ex. gr. signum crucis in omnium administratione sacramentorum ubique præscribitur (3), & ubique etiam sacramentorum materię mysticis benedictionibus consecrantur.

(1) Confer Concilium Tridentinum *Sess. 22. cap. 5. de Sacrific. Miss.*, & *Catechismum Romanum lib. 2. cap. 1. §. 18.*; & confer *Drouvenium de Re Sacrament. lib. 1. quæst. 7.*, & *Gagliardam Institut. Canonie. lib. 2. tit. 5.* qui de sacris his ritibus & cæremoniis late contra hæreticos disputant.

(2) Prorita est *Augustini Ep. 54. ad Januar. ann. 1. opp. tom. 2. col. 124. edit. Venet. cit. regula*, quod ab Apostolis repetenda sunt ea, quæ semper in Ecclesia observata esse constat, & quorum initium demonstrari non potest. Atque huc refer *Tertullianum de Corona cap. 4. pag. 102. edit. Regaltii Paris. 1675.*, *S. Basilium de Spiritu Sanct. cap. 27. tom. 3. opp. pag. 55. edit. Paris. cit.*, *S. Cyprianum Ep. 63. ad Cæcilium pag. 100. edit. Regaltii Paris. 1666.*

(3) *Quod signum nisi adhibeatur*, inquit *Augustinus Tract. 118. in Jo. m. col. 801. opp. tom. 3. par. 2. edit. Maurin. Venet. 1730.*, *sive frontibus credentium*, *sive ipsi aquæ*, qua regenerantur, *sive oleo*, quo chrismate unguuntur, *sive sacrificio*, quo aluntur, *nihil eorum rite perficitur.*

§. XX. Quasdam autem cæremonias consequenti ætate adjunxit Ecclesia, & hæc quidem non eadem ubique sunt. Nam suos habent peculiare ritus Latini, Græci, Orientales: quin & in Occidente non una omnium Ecclesiarum ea in re consensio est. Non enim in omnibus rebus iidem sunt ritus Ecclesiæ Romanæ, Mediolanensis, Hispanicæ, Gallicæ; quod in ceteris etiam Orientis, atque Occidentis partibus evenire, ex omnium libris ritualibus compertum est. Romana Ecclesia, reliquarum mater & magistra, permittit, aut tolerat hanc rituum diversitatem, quæ non officit unitati fidei (1), quæ omnibus una est, licet dissimiles sint populorum mores, et consuetudines (2).

(1) *In una fide nihil officit Sanctæ Ecclesiæ consuetudo diversa*, inquit *S. Gregorius M. Ep. 43 ad Leandr. lib. 1. col. 532. tom. 2. opp. edit. Maurin. Paris. 1765.* Ad hanc locum pertinet etiam *Augustinus Ep. 36. ad Casulanum cap. 9. col. 77. tom. 2. ind. ed. Venet. cum ait:*

Omnis enim pulchritudo filia Regis intrinsecus; illæ autem observationes, quæ variæ celebrantur, in ejus veste intelliguntur. Uade ibi dicitur, in fimbriis ancis circumamicta varietate. Vide etiam S. Hieronymum Ep. 71. ad Lucinium Boeticum num 6. col. 432. opp. tom. 1. edit. Vahariti Veronæ 1734.

(2) De Græcis, qui Latinis subjecti Episcopis in Italia, sinitimisque insulis commorantur, multæ sunt editæ Summorum Pontificum constitutiones, per quas ipsis sui ritus permittuntur, ac præterea caveatur, ut neque Græcus ad Latinum ritum, neque Latius ad Græcum sine auctoritate Sedis Apostolicæ transire possit. Sed omnium celeberrima est *Constitutio Etsi pastoralis* 57. Benedicti XIV. tom. 1. ejus Bullar. pag. 101. edit. Rom. seu Venet. 1754., quæ omnia, quæ ad hanc rem pertinent, accurate explicata, ac definita sunt.

SECTIO I.

DE BAPTISMO.

XXI. Baptismus Joannis.
XXII. & XXIII. Baptismus Christi, & ejus materia remota.
XXIV. & XXV. Materia proxima ablutio, eaque triplex.
XXVI. Baptismi forma.
XXVII. Minister.
XXVIII. Baptizantur tam infantes, quam adulti.
XXIX. Catechumenorum gradus.
XXX. Audientes.

XXXI. Genuflectentes, & Compententes.
XXXII. Catechistarum officium.
XXXIII. Catechumeni ad Baptismum accedentes.
XXXIV. & XXXV. Cæremoniæ in Baptismo adhibitæ.
XXXVI. Sponsos seu Patrini.
XXXVII. Qui eo munere fungi possint?

§. XXI.

Primus ex Christianis sacramentis Baptismus est, qui ita dicitur à græco verbo βαπτίζω latine *mergere*, *abluzere*. itaque Baptismus ablutio est. Prophetarum ultimus Joannes Baptista ante Christum missus, ut baptizaret in aqua (1), prædicavit Baptismum pœnitentiæ, & qui sua confitebantur crimina, baptizavit in remissionem peccatorum proxime futuram in Christo Jesu (2). Verum hic Baptismus neque gratiam conferebat, neque imprimebat characterem (3), neque erat per se sacramentum, sed quasi quoddam sacramentale disponens ad Baptismum Christi (4), cui decebat ho-

mines assuefacere, eosque ad hoc sacramentum rite & recte suscipiendum per poenitentiam præparare (5).

(1) Joan. I. 33. Marc. I. 8.

(2) Agebatur itaque à Joanne, inquit Tertullianus de Baptism. c. 10. pag. 228. edit. Venet. 1744. Baptismus poenitentiae, quasi candidatus remissionis, & sanctificationis in Christo subsequatur. Nam quod prædica- bat Baptismus poenitentiae in remissionem delictorum, in futuram remis- sionem enumeratum est: siquidem poenitentia antecedit, remissio subsequitur, & hoc est viam præparare: qui autem præparat, non idem ipse per- ficit, sed alii perficiendum procurat. Vide S. Hieronymum Ep. 69. ad Oceanum num. 6. opp. tom. 1. col. 418., & contr. Luciferum. num. 7. col. 179. tom. 2. edit. Vallarsii Verone 1735., S. Jo. Chrysostomum in Mat. hom. 11. cap. 4. tom. 7. pag. 154. edit. cit., S. Cyrillum Alex. in Joan. cap. III. vers. 22. & cap. IV. vers. 1. opp. tom. 4. pag. 156. & 175. ed. Paris. 1637., S. Augustinum in Enchirid. cap. 49. col. 214. opp. tom. 6. ed. Venet. 1731., S. Ambrosium in Luc. lib. 2. num. 79. & lib. 10. num. 140. pag. 784. & 1095. opp. tom. 2. edit. Maurin. Venet. 1748.

(3) Ego quidem, inquit ipse Joannes apud Matthæam III. 11., bap- tizo vos in aquam in poenitentiam: qui autem post me venturus est, for- tior me est, cujus non sum dignus calcamenta portare; ipse vos baptiza- bit in Spiritu Sancto, & igni. Eadem habentur apud Marcum I. 8., Lu- cam III. 16., Joannem I. 26. seq. Quare Paulus Apostolas eos, qui Joan- nis Baptismum acceperant, denuo baptizatos in nomine Christi voluit. Act. Apostol. XIX. 1. & seq. Itaque non renascebantur, inquit Augustinus loc. cit. qui Baptismo Joannis baptizabantur, sed Christo, in quo solo re- nasci poterant, parabantur.

(4) S. Thomas in Summa par. 3. quest. 38. art. 1. ad. 1.; ac vide totum hanc questionem 38., ubi de Joannis Baptismo solide disputatur.

(5) Petilianum Donatistam, qui unum Christi, & Joannis Baptismum esse putabat, cujus tres faciebat gradus, cum aquam à Joanne, Spiritum Sanctum à Christo, ignem à Spiritu Sancto datum diceret, acriter refellit S. Augustinus contr. litt. Petilian. lib. 2. cap. 32. & seq. col. 239. opp. tom. 9. edit. Venet. Bæcerum autem, Melanctonem, Zuinglium, Cal- vianum, ceteros hæreticos, qui utriusque Baptismi vim eandem esse ar- bitrabantur, profligavit Synodus Tridentina Sess. 7. de Baptismo Can. 1. his verbis: Si quis dixerit, Baptismum Joannis habuisse eandem vim cum Baptismo Christi, anathema sit. Confer Teanacelian Prælect. theol. de Sacram. Baptism. quest. 1. art. 5.; ac vide etiam Drouvenium de R. Sa- cram. lib. 2. quest. 5. cap. 1. §. 4., ubi quaeritur, num Baptismus Joan- nis peccata dimitteret.

§. XXII. Verum ac proprium sacramentum est Christi Baptismus, à quo incipit omnis fidei crino, & a' eternæ vi- tæ æternæ salutaris ingressio (1). Definitur in Catechismo

Romano (2) *sacramentum regenerationis per aquam in verbo*. Triplex baptismus distinguitur, *aquæ, sanguinis, & flaminis seu desiderii*. Baptismus *aquæ* vere sacramentum est, reliqui duo *flaminis* scilicet, atque *sanguinis*, vicem baptismi præstant, & ideo per similitudinem ejus nomen acceperunt. Nam qui pro Christo martirium patitur, qui *sanguinis* baptismus est, & qui moriens, ubi copia baptismi non est, peccata dolet, ac baptismum desiderat, qui *flaminis* baptismus dicitur, ipsos sacramenti fructus, etiam sine sacramento, consequuntur (3). Remota baptismi materia est aqua naturalis, quæ cum ubique præsto sit, maxime est idonea ad sacramentum omnibus necessarium, quæque demonstrat ejus virtutem, per quam animæ sordes eluuntur (4). Quævis autem aqua naturalis, quæ mixtione, aut artificio in aliam naturam non migraverit, apta Baptismo erit, sive ea maris sit, sive fluvii, sive putei, aut paludis, aut fontis (5).

(1) S. Cyprianus Ep. 73. ad Jubajanum pag. 125. edit. Rigaltii Paris. 1666.

(2) Catechismus Romanus part. 2. cap. 2. §. 5. Quid est Baptismus Christi? inquit Augustinus Tract. 15. in Joam. num. 4. col. 408. tom. 3. opp. par. 1. ed. Maurin. Venet. indic. Lavaerum aquæ in verbo. Tolle aquam, non est baptismus; tolle verbum, non est baptismus.

(3) Conc. Tridentinum Sess. 6. de Justificat. cap. 4., S. Ambrosius in Orat. de obitu Valentin. Imperat. num. 51. col. 265. opp. tom. 4. edit. Venet. 1751., S. Augustinus de Baptismo. contr. Donatist. lib. 4. cap. 22. col. 139. tom. 9. indic. edit., S. Basilius de Spiritu S. cap. 1. pag. 30. tom. 3. opp. edit. Paris. cit., S. Cyprianus de Exhort. marty. pag. 118. opp. edit. Amstelædani 1700., S. Thomas in Summa par. 3. quæst. 66. art. 12.

(4) Catechismus Romanus loc. cit. §. 10.

(5) Idem Catechismus ibid. §. 7. Quod si Joannes Baptista apud Matthæum III. 11. Christi baptismum Spiritu S., & igne consue prædixit, id non de materia usque sacramenti intelligendum est, sed vel ad intimam Spiritus Sancti effectum, ut inquit idem Catechismus loc. cit. §. 8., vel certe ad miraculum referri debet, quod die Pentecostes apparuit, cum Spiritus S. e caelo in Apostolos ignis specie delapsus est. Synodus Tridentina Sess. 7. de Baptismo Can. 2. Si quis dixerit, inquit, aquam veram, & naturalem non esse de necessitate Baptismi, atque illo verba illa D. N. J. C., nisi quis renatus fuerit ex aqua, & Spiritu S., ad metaphoram aliquam detorserit, anathema sit. Quibus verbis Synodus execratur Calvinum, qui ad metaphoram detorquebat ea, quæ de aqua naturali à Christo dicta sunt, ac Lutherum, qui vinum etiam Baptismo aptum

putabat. Neque ulla habenda ratio est ejusdem rescripti, quod editum ferunt à Stephano III. Pontifice apud Sirmondum *Conc. Gallie tom. 2. pag. 16. ed. Paris. 1629.* & quo probatur baptismus, qui in vino datus fuerat puero, qui in vitæ discrimine versabatur. Nam falsum hoc rescriptum esse omnes norunt, primum quod nullus Patrum ejus rescripti meminit, deinde quia verisimile non est, Summum Pontificem in re pro-
trita tam graviter errare potuisse, postremo quia de ejus rescripti auc-
tore non constat, atque illud duo Mss. Codices Stephano II., tertius Sirico adscribit. Consule Ant. Augustinum de *Emend. Gratian. lib. 1. dialog. 18. opp. tom. 3. pag. 90. edit. Lucæ 1767.* ibique Baluzium in *Notis*, & Natalem Alexandrum *Histor. Eccles. sæc. 8. cap. 1. artic. 6. tom. 6. p. 7. ed. Venet. 1776.*

§. XXIII. Aquam benedici vetus Ecclesiæ disciplina est (1); atque hæc quidem est benedictio quam Patres aquæ *sanctificationem*, & *consecrationem* appellarunt (2). Duobus diebus à Latinis, nempe sabbatis sancto, & Pentecostes (3), à Græcis autem in singulis baptismis aquæ benedicuntur. Signantur signo crucis (4), & certæ ab Ecclesia institutæ preces in ea benedictione adhibentur (5); quod utrumque antiquissimæ consuetudinis est. Aquæ adjicitur chrisma, quod magis explicat vim sacramenti; sed tamen hoc valet etiam collatum in aqua naturali, quæ nihil aliud admixtum habet (6). Multitudo baptizandorum sæpe olim faciebat, ut ad omnes abluendos satis aqua non esset, & ideo nova per canales in baptisterium infundebatur (7).

(1) S. Basilius de Spiritu Sancto *cap. 27. pag. 55. tom. 3. opp. edit. laudat.*, S. Gregorius Nissenus de *Baptism. Christ. pag. 803. opp. tom. 2. edit. Paris 1615.*, S. Cyrillus Hierosolymitanus *Cathec. 3. num. 3. pag. 40., & seq. edit. Paris. 1720.*, S. Ambrosius de *Sacram. lib. 1. cap. 5. col. 443. & 444. opp. to. 3., & de Spirit. S. lib. 1. cap. 7. n. 88. col. 25. tom. 4. edit. Maurini. Venet. 1751.*, Theophilus Episc. Pasch. I. *Bibliot. PP. tom. 5. pag. 846. edit. Lugdun.*, Victor Viten. de *Persecut. Vandal. lib. 2. pag. 683. tom. 8. indic. Biblioth.* Neque vero extra easum necessitatis conferre licet Baptismum cum aqua communi, vel ea, quæ pro lastrationibus benedicitur. Benedictus XIV. *Const. Inter omni-
genas 89. §. 20. tom. 1. ejus Bullar. pag. 186. edic. Rom. seu. Venet. 1754.*

(2) Tertulianus de *Baptism. cap. 4. pag. 225. edit. Venet. 1744.*, S. Cyprianus *Epist. 70. p. 300. ed. Amstelædami 1700.*, S. Ambrosius de *Myster. cap. 3. n. 8. col. 409. opp. tom. 3. laudata ed.*, S. Augustinus de *Baptism. lib. 6. cap. 25. col. 175. opp. tom. 7. indic. edit. Auctor operis de Hierarch. eccles., cap. 2. §. 7. pag. 253. opp. tom. 1. edit. An-
tuerp. 1634.*

(3) Confer S. Carolum Borromeum *Instruct. de Bapt. Act. Eccles. Mediolan.* p. 4. tom. 1. pag. 421. ed. Patavii 1754.

(4) Auctor operis de *Eccles. hierarch. l. c.*, S. Augustinus *Serm.* 352. n. 3. col. 1364. opp. tom. 5. ed. Maurin. *Ven.* 1731.

(5) Preces ad sanctificandam aquam olim adhibitas describit Auctor *Constit. Apostol. lib. 7. cap. 43.* apud Cotelerium PP. *Apost. tom. 1. pag. 384.* ed. Amstelædani 1724. Hinc deprecari super aquam Baptismi, apud Augustinum *lib. 5. cap. 20. de Baptism. col. 155.* opp. tom. 9. ed. Maurin. *Venst. indic.*

(6) Catechismus Romanus *part. 2. cap. 2. §. 11.*

(7) Consule Martenium de *Antiq. Eccles. rit. lib. 1. cap. 1. art. 14. §. 3. tom. 1. pag. 48.* edit. Antuerpiæ seu Venet. 1763. Atque ad hanc consuetudinem aquam vicam blando murmure decurrentem, quam memorat S. Zeno. *Tract. 35. lib. 2. pag. 246. tom. 1. opp. ed. August. Vin-delic. an. 1758.*, referendam putant Fraires Ballerini *ibid. not. 3.*

§. XXIV. Proxima materia est ipsa ablutio, cujus triplex est modus, *aspersio*, *effusio*, *immersio*. Fuerunt olim, qui dubitarent de vi Baptismi per *aspersionem*, aut *effusionem* dati (1); sed cum valere certum est, cum *immersio*, *aspersio*, *effusio* diversi quidem sint ablutionis modi, revera tamen nihil distent (2). Dubitatio hæc de Baptismo per *aspersionem*, *effusionem*ve collato satis claro argumento est, olim Baptismum per immersionem conferri consuevisse. Et certe fuit hæc vetus Ecclesiæ disciplina, ut Baptismum suscepturi, sive mares essent, sive fœminæ, sive adulti, sive infantes, vestibus exuti, atque omnino nudi (3) ter in aqua toto corpore mergerentur, & inde educerentur (4).

(1) Confer Cornelium P. *Ep. 9. ad Fabium Antiochen. n. 5. & 6. col. 154. & 155.* apud Constantium *Epist. Roman. Pontif.*, & S. Cyprianum *Ep. 76. ad Magnum. p. 368. & seq. ed. Ven. 1758.*

(2) Vide Catechismum Romanum *par. 2. cap. 2. §. 17.* Antiquitus etsi Baptismus immersione dari solet, tamen interdum effusionem etiam, atque aspersionem adhibitam fuisse constat; quod luculentissimo argumento est, Ecclesiam semper firmum ratum habuisse Baptismum, sive per immersionem, aut aspersionem, aut effusionem ablutio fieret. Ita cum Petrus, ceterique Apostoli hominum ter millia baptizarunt, sicuti narratur in *Act. Apost. II. 37. & seq.*, videntur dedisse baptismum per aspersionem, aut effusionem, cum verisimile non sit, tantam hominum multitudinem tam brevi tempore in aquam immergi potuisse. S. Cyprianus *l. c.* multis ostendit, valere baptismum, quem ægri aspersione, aut effusione susceperant; quam sententiam veluti sua ætate

certissimam approbat, & sequitur S. Augustinus de Baptismo contra Donatist. lib. 6. cap. 7. col. 165. opp. tom. 9. ind. ed. i. ed. eadem est sententia Concilii Neocæsariensis. Can. 12. apud Labbeum t. 1. Cons. col. 1516. ed. Ven. Amisiodorensis Can. 18. t. 6. col. 644., Marticonensis II. Can. 3. col. 674. d. t. 6., Parisiensis VI. Can. 7. col. 714. t. 9., & idem sæculo IX. tradidit Walfridius Strabo de Reb. Eccl. 25. col. 692. Bibl. PP. t. 10. ed. Paris. 1624. Huc etiam spectant acta S. Laurentii apud Surium de Vitis SS. mensis Augusti p. 96. ed. Colonia 1713., ubi agitur de Baptismo per effusionem dato, & hac etiam similia exempla, quæ refert Martenius de Antiq. Eccl. rit. lib. 1. c. 1. art. 14. §. 5. t. 1. p. 49. ed. Antwerp. seu Ven. 1763. Ex quibus manifestum est, etiam Baptismum aspersione, aut effusione collatum semper validum habitum fuisse; licet antiquitus in eo conferendo immersio adhiberetur.

(3) S. Jo. Chrysostomus Homil. 6. in Coloss. n. 4. opp. tom. 11. p. 369. ed. Paris., S. Cyrillus Hierosolymit. Catech. mystagog. 2. n. 2. p. 311. ed. Paris. 1720., S. Ambrosius, seu potius Auctor Scrm. 19. n. 5. t. 4. opp. Ambros. col. 514. ed. Ven. 1751., S. Zeno Tract. 35. lib. 2. p. 248. t. 1. opp. ed. Ballerin. Augustæ Videlic. 1758. Verum ne quid in rei tam sanctæ administratione aspiceretur non decore, duo præsertim erant antiquis regulis constituta. Primum erat, ut viri, ac mulieres separatim baptizarentur, & ideo vel in baptisteriis duo erant cœclavia, alterum pro viris, alterum pro fœminis, vel alio tempore mares, alio fœminæ baptismum suscipiebant S. Augustinus Civit. Dei lib. 22. c. 8. col. 665. opp. tom. 7. ed. indic., Hugo Menardus in S. Gregorii Sacramentar. col. 382. t. 3. ed. Maur. Paris. 1705., Albinus Flaccus de Divin. Ofic. de Sabbato S. Paschæ col. 258. Bibl. PP. t. 10. ed. Paris. 1624. Alterum erat, ut Diaconissæ præsto essent fœminis baptismum suscepturis, ac per eas muliebri verecundiæ consulere. S. Epiphanius Heres. 59. sive 79. advers. Collyrid. n. 3. t. 1. p. 1060. ed. Colonia 1682.

(4) Trinam hanc immersionem memorant omnes antiqui Patres, inter ceteros Tertullianus de Coron. cap. 3. p. 102. & Advers. Praxeam. c. 27. p. 516. ed. Rigaltii Paris. 1675., S. Joannes Chrysostomus Hom. 25. in Joan. n. 2. opp. t. 8. p. 146. ed. Paris. cit., S. Cyrillus Hierosolymitanus Catech. 20. n. 4. p. 312. ed. Paris. 1720., S. Gregorius Nyssenus de Baptism. Christ. p. 804. t. 2. ed. Paris. 1615., S. Ambrosius de Sacram. lib. 2. cap. 7. n. 20. col. 452. opp. tom. 3. ed. Maurin. Ven. 1751. Hanc autem aquam aliquantulum calciam fuisse, ne qui toto corpore mergedantur, ac præsertim pueri, aliquid ex nimio frigore caperent deirimenti, non obscure demonstrat S. Zeno Tract. 35. lib. 2. pag. 246. indic. ed., cum memorat aquam in baptisterio igne dulcissimo temperatam. In unaquaque immersione non integra baptismi forma pronuntiabatur, sed unius personæ nomen appellabatur, ut colligitur ex Tertulliano lib. Advers. Praxeam c. 27. p. 516. ed. Ven. 1744., ex S. Ambrosio de Sacram. lib. 2. c. 7. opp. t. 3. col. 452. ed. Maurin. Ven. 1751., & ex Rituali Romano, ubi præscribitur: Puerum baptizet dicendo: Ego te baptiza

in nomine Patris, & semel immergat, & Filii, & secundo immergat, & Spiritus S. Amen, & tertio immergat. Idem patet ex Eucologio Græcorum.

§. XXV. Quæ immersio, & eductio representabat Christi mortem, & resurrectionem (1); eaque triplex erat, ut tri-duana Christi sepultura, fideique professio in Sacrosanctam Trinitatem indicarentur (2). Erat tamen hæc trina immersio præcepti ecclesiastici, cuius violati pœnas dabat, qui eam neglexisset (3); verum ad vim, ac necessitatem sacramenti non pertinebat (4). Græci nunc etiam in conferendo baptismo immersionem retinent; sed Latini post sæculum XII. effusionem adhibere cœperunt, cum illa nudati corporis immersio, præsertim infantibus, gravis, & periculosa deprehenderetur (5). Abluendum est autem præsertim caput (6), ac tanta effundenda est aque copia, quanta opus est, ut baptizandus vere ablutus dici possit.

(1) S. Ambrosius *l. c. n. 23.*, S. Jo. Chrysostomus *Hom. 40. in I. ad Corinth. n. 1. p. 379. t. 10. ed. Paris. cit.*, Concilium Toletanum IV. *Can. 6. apud Labbæam t. 6. col. 1452. ed. Venet.*

(2) S. Cyrillus Hierosolymitanus *Catech. 2. mistag. n. 4. p. 312. ed. indic.*, S. Gregorius M. *lib. 1. Ep. 43. opp. t. 2. col. 532. ed. Paris. cit.*

(3) Canon. Apostol. 50. p. 449. apud Cotelærium *PP. Apostol. t. 1. ed. Amstæd. 1724.*, D. Thomas in *Summa part. 3. quæst. 66. art. 8.*

(4) Ita cum in Hispania nonnulli unam tantum immersionem adhibuissent, ne Arianos imitari viderentur, qui triplici immersione triplicem in Trinitate substantiam indicabant, eorum factum probavit S. Gregorius M. *lib. 1. Ep. 43. ad Leand. t. 2. opp. col. 532. ed. cit.*, quod Gregorii decretum cum laude memorant Patres Concilii Toletani IV. *Can. 6. loco mox indic.* Præclare S. Thomas *l. c.*, Utrumque licite fieri potest, inquit, scilicet & semel, & ter immergere; quin unica immersione significatur unitas mortis Christi, & unitas Deitatis, per trinam autem immersionem significatur tridua sepultura Christi, & etiam Trinitas personarum. Vide etiam S. Hildeponsum *Adnot. de Cognit. Baptism. c. 117. apud Baluzium Miscellan. sacr. t. 2. p. 34. ed. Lucæ 1781.*

(5) Sæculo XIII., quo D. Thomas vitæ usura fruebatur, jam in locis quibusdam apud Latinos immersio desælescere cœperat; & ipse Thomas docet, uno aut altero ex tribus illis modis recte baptismum conferri, quinquam tutius esse dicat, cum dare per immersionem, qui sua adhuc ætate communior erat baptismi conferendi modus. Ait enim in *Summa l. c. art. 7. Ablutio autem fieri potest per aquam, non solum per modum immersionis, sed etiam per modum asperstonis, vel effu-*

sionis; & ideo quamvis tutius sit baptizare per modum immersionis (quia hoc habet communior usus) potest tamen fieri baptismus per modum aspersionis, vel etiam per modum effusionis. Quo ex loco perspicuum meo quidem iudicio est, ea tempestate, qua D. Thomas florebat, communior quidem fuisse usum immersionis; sed tamen quibusdam etiam usitatam fuisse aspersionem, aut effusionem. Guillelmus Beveregius in Not. ad Can. 50. Apostol. p. 472. apud Cotelerium PP. Apostol. t. 1. ed. Amstelæd. indic. patet, immersionis loco aspersionem, sive profusionem aque, in Occidentali præsertim Ecclesia, plusquam mille ab hinc annis, Gregorii videlicet I. ætate, substitutam esse. Sed certa desunt antiqua monumenta, quibus hæc Beveregii opinio niti posse videatur. Illud tamen acinaciteram, quod etiam antiquior aspersionis in baptismo, & eo quidem solam, ut videtur, adhibitz, mentio est in opusculo de Ecclesiasticis Dogmatibus, quod inter opera falso Augustino adscripta PP. Maurini rejiciunt ad Appendic. t. 3., & plerique tribuant Genadio Massiliensi Gallicanæ factionis, contra quam Prosper, & Hierias Augustino scripserunt. Nam cap. 41. ejus oper. col. 79. t. 8. opp. Augustin. ed. Maurin. Ven. indic. Baptismus, & Martyrium inter se comparantur, atque hæc habeatur: *Baptizandus confitetur fidem suam coram Sacerdote, & interrogatus respondet; hoc & Martyr coram Persecutore facit, qui & confitetur fidem suam, & interrogatus respondet. Ille post confessionem vel adspersgitur aqua, vel intingitur; & hic vel adspersgitur sanguine, vel intingitur igne.* An non hic locus argumentum esse potest, quod in ea regione, in qua Gennadius scripsit, immersionis loco aspersionis adhiberetur? Utut ea de re sit, certe generatim tum apud Græcos, tum apud Latinos ubique obtinuit immersio, quæ alicubi vigeat sæculo XIV., uti ostendit Codex membranaceus, qui cum aliis compluribus extat in museo Alberti Fratris mei Canonici Basilicæ S. Mariæ trans Tyberim, & in quo habentur hæc: & baptiza infantem in nomine Trinitatis sub trina mersione dicens &c. Codex hic liber Ritualis est, neque certe est antiquior sæculo XIV., uti demonstrat character, quæque in eo describitur, oratio S. Thomæ de Aquino, qui tantum sæculo XIV. ab Joanne XXII. SS. albo adscriptus fuit. Quin monet Chardonius. *Histor. sacram. lib. 1. c. 9.* immersionem adhuc sæculo XV. obtinuisse.

(6) Catechismus Rom. part. 2. cap. 2. §. 19.

§. XXVI. Baptismi formam constituunt verba, quæ apud Latinos sunt: *Ego te baptizo in nomine Patris, & Filii, & Spiritus S.*; apud Græcos: *Baptizatur* (1) *Servus, vel Serva Dei N. in nomine Patris, & Filii, & Spiritus S.* Vetus est hæc formula, quam Græci usurpasse videntur, ut occurrerent Novatianis, quorum error late erat in Oriente diffusus, scilicet ad vim sacramenti ministri fide opus

esse (2). Utraque forma vim eandem habet (3); quamquam ministri sue Ecclesie ritum servare debeant: & utraque continet expressam invocationem trium Personarum Sanctissimæ Trinitatis, atque actum ipsum baptizandi. Invocatio illa Trinitatis divinæ institutionis est, atque ad vim sacramenti necessaria (4); sed & verba *ego te baptizo* omissa, nulum baptismum reddunt (5).

(1) Ita habet Arcudius *Concord. Eccles. Orient. & Occident. lib. 1. cap. 3. & cap. 8. pag. 9. & 14. ed. Paris. 1672.*, & Græcorum Eucnologion apud Goarium pag. 338. *ed. Paris. 1647.*, quamquam non desint, qui græci sermonis ignari legendum putent baptizetur. Aliquando tamen Græcos verbo iadicativo in prima persona usus fuisse, colligi potest ex S. Gregorio Nazianzeno *Orat. 40. n. 51. p. 670. opp. t. 1. ed. Coloniae 1690. Baptizo te*, inquit, *in nomina Patris, & Filii, & Spiritus Sancti.*

(2) Verbum illud Ministri *ego te baptizo* quosdam in errorem induxit, ut crederent, vim sacramenti ex ministro persona æstinandam; quo multi referant illud Corinthiorum dissidium, *ego sum Pauli, ego Cephæ &c.* quasi à ministro vim repeteret sacramentum, qui error non tantum in Græciam, sed & in Africam pervaserat.

(3) Eugenius IV. *Instruct. pro Armen. t. 18. Conc. collect. Labbæi col. 547. ed. Ven.*

(4) Mathæus XXVIII. 19. Confer. S. Justinum Martyr. *Apolog. 1. p. 80. opp. ed. Paris. 1740. Tertullianum Advers. Praxæum. c. 26. p. 516. ed. Rigaltii Paris. 1675.*, Origenem in *cap. 6. Epist. ad Roman. lib. 5. p. 561. t. 4. opp. ed. Maur. Paris. 1759.*, S. Cyprianum *Ep. 73. p. 123. ed. Rigaltii Paris. 1666.*, S. Augustinum *de Baptismo. contr. Donatist. lib. 3. cap. 15. & lib. 6. cap. 25. col. 115. & 176. opp. t. 9. ed. Maurin. Ven. 1733. S. Innocentium P. Ep. 17. ad Episc. Mæcedon. c. 5. col. 836. apud Constantium Ep. Rom. Pontif. S. Basilium de Spiritu S. c. 12. p. 23. & 24. t. 3. opp. ed. Iundate.*, S. Thomam in *Summa part. 3. quæst. 66. art. 5. Existit autem hoc loco questio, num aliquando valuerit, ac revera ab Apostolis in solo Christi nomine, sine mentione Trinitatis, baptismus collatus fuerit. Nam Act. Apostolorum II. 38. X. 48. & seq. & Act. 5. tractata est, Apostolos in solis Christi nomine baptizasse. Ea de re magna animorum contentione nostro hoc sæculo inter se disputarunt duo celeberrimi Theologi ex Dominicanorum familia Reatus Hermannus Drouvenias de *Re Sacramentar. lib. 2. quæst. 3. cap. 2.*, & Augustinus Orsius Cardinalis edita an. 1733. Mediolani dissertatione de *Baptismo in nomine Jesu Christi*; atque hic quidem Apostolos aliquando in solo Christi nomine baptismum contraxisse defendit, Drouvenias autem negat. Verum si aliquando Apostoli in solo Christi nomine baptizarunt, id Spiritu S. af-*

flatu, inquit Catechismus Romanus *part. 2. c. 2. §. 15. & 16.*, *eos fecisse exploratum nobis esse debet*, ut initio nascentis Ecclesiæ Christi nomine prædicatio illustrior fieret, divinaque, & immensa ejus potestas magis prædicaretur; aut potius iis verbis Apostoli baptismum à Christo institutum significari voluerunt, sed tamen retinuerunt formam, quæ distincta continet trium personarum nomina. Et certe verba Christi ad baptizandum Apostolos mittentis eam formam expresse comprehendunt; atque ita loca illa Sac. Scripturæ explicarunt S. Cyprianus *Ep. 73. ad Jubaian. p. 123. ed. Paris. 1666.* Origenes in *Ep. ad Rom. lib. 5. pag. 561. t. 4. ed. Paris. 1759.*, S. Athanasius de *Trinit. n. 7. p. 775. t. 2. opp. ed. cit.*, S. Basilius de *Spiritu S. cap. 12. pag. 23. t. 3. opp. ed. Maurin. Paris. 1730.* S. Joannes Damascenus de *Fid. Orthod. lib. 4. c. 9. opp. t. 1. p. 260. ed. Le-Quenii Paris. 1712.*, S. Augustinus *contr. Maximin. Arian. Episc. c. 17. lib. 2. col. 715. opp. tom. 8. ed. Maurin. Ven. laudat. Locum. Auctoris libri de Sacram., seu verius S. Ambrosii de Spiritu S. lib. 1. c. 3. n. 42. col. 12. seq. t. 4. ed. cit.*, & Nicolai I. in *Can. 24. de Consecr. dist. 4.*, ubi probatus videtur baptismus in solo Christi nomine collatus, diligenter explicat Carolus Gagliardus *Instit. Jur. Canon. lib. 2. tit. 4. §. 20. & seq.* Vide etiam Natalem Alexandrum *Histor. eccles. diss. 13. t. 4. pag. 101. & seq. ed. indic.*

(5) Petri Cantoris, Præpositivi, atque aliorum opinio fuit, omitti impune posse ea verba: *Ego te baptizo*, quoniam illis Christi verbis baptizantes eos in nomine Patris, & Filii, & Spiritus S. *te baptizantes* factum ipsum ministri designat. Sed hæc verba, salvo sacramento, omitti non posse, rescripsit Alexander III. in *cap. 1. de Baptismo*; & Alexander VIII. die 7. Decembr. an. 1790. inter ceteras propositiones hanc quoque damnavit n. 27. *Valuit aliquando Baptismus sub hac forma collatus*, in nomine Patris &c. prætermisissis illis, *ego te baptizo*, uti patet ex *Bullar. Roman. t. 9. pag. 97. ult. ed. Consule Martenium de Antiq. Eccles. rit. lib. 1. c. 1. art. 15. n. 14. seqq.* Verum constat sacramenti ratio, si desit vox illa *ego*, cujus vis in verbo *baptizo* continetur. Catechismus Romanus *part. 2. c. 2. §. 14.*, S. Thomas in *Summa par. 3. qu. 66. art. 5. ad 1. & 2.*

§. XXVII. Ordinarius baptismi Minister est Episcopus, & Sacerdos; extra ordinem etiam Diaconi cum Episcopi aut Sacerdotis concessu hoc sacramentum administrant (1). Cogente necessitate, omnes & mares, & foeminae recte baptizant (2), verum neque mulier præsentem viro, neque laicus præsentem clerico, neque clericus, cum adest sacerdos, sibi sumere hoc munus debent (3). Recte, inquam, hoc est sine culpa; ceterum, etiam absente necessitate, baptismus à laicis collatus valet, sed ne ii contra ecclesiæ disciplinam peccant (4).

De baptismo ab hæreticis, aut infidelibus dato magna olim disputatio fuit, num valeret; sed eum valere certum est, si tamen id efficere propositum eis fuerit, quod catholica Ecclesia facit (5).

(1) Confer. Catechismum Romanum par. 2. c. 2. §. 23., & S. Thomam in Summa par. 3. qu. 67. art. 2. Quod si à Tertulliano de Baptism. c. 17. p. 230. ed. Rigaltii Paris. 1675., S. Hieronymo Dial. advers. Luciferian. n. 9. col. 182. opp. t. 2. ed. Veronæ 1735., aliisque Patribus scriptum est, baptismum sine auctoritate, aut jussione Episcopi à Presbytero non esse conferendum; id referri debet ad solemnem baptismum, qui certis anni diebus administrari consueverat. Non omnis tamen Presbyter, sed tantum proprius, hoc est Parochus, jure ordinario baptizat.

(2) Can. 21. dist. 4. de Consecr., Tertulianus l. c. p. 231, S. Augustinus contr. epistol. Parmen. lib. 2. c. 13. col. 44. opp. t. 9. ed. Ven. indic., Concilium Eliberitanum Can. 38. apud Labbæum t. 1. col. 996. ed. Ven. Quo in canone videtur excludi bigamus, etiam necessitate cogente, à baptismi administratione. Statuit enim, posse fidelem, qui laicum suum integrum habet, nec sit bigamus, baptizare in necessitate. Mirum id videtur Dionysio Petavio in Not. ad Epiphan. t. 2. p. 341. ed. Paris. 1722., quod bigamis baptizari in tanta necessitate non licuit. Verum, uti observat Albaspinæus in Notis. p. 175. ed. Neap. 1770., canon non omnino excludit bigamum à baptismi administratione, sed in eo munere bigamo vult preferri laicum, qui bigamus non sit.

(3) Vide Catechismum Romanum l. c. §. 25.

(4) Apposite Augustinus contr. ep. Parmen. cit. c. 13. Nulla, inquit, necessitate si fiat, alieni muneris usurpatio est.

(5) Concilium Tridentinum Sess. 7. Can. 4. de Baptism. Primus Agrippinus Carthaginensis Episcopus in exitu sæculi II. hæreticorum baptismum irritum judicavit. S. Augustinus de Baptism. contr. Donatist. lib. 2. cap. 7. col. 102. opp. t. 9. ed. Maurin. Ven. indic., S. Vincentias Lirinensis Commonit. c. 6. p. 306. ed. Baluzii Pedeponti 1743. Agrippini sententiam sæculo III. S. Cyprianus, atque alii tum in Asia, tum in Africa Episcopi sequuti sunt. Consule Natalem Alexandrum Hist. Eccl. sæc. 3. diss. 12. p. 92. t. 4. ed. Ven. 1776. Sed S. Stephanus Pontifex ratum habuit baptismum hæreticorum, modo esset collatus secundum catholicæ Ecclesiæ leges, atque hoc Stephani judicium univversa Ecclesia sequuta est in plenario, hoc est œcumenico Concilio, quod mortuo Cypriano, se tamen nondum nato habitum testatur Augustinus de Baptism. lib. 2. cap. 4. & 9. col. 98. & 104. t. 9. opp. ed. Ven. cit. Spectat Augustinus (quod mihi quidem verisimilius videtur, licet non eadem omnium sententia ea de re sit, ut ostendunt Tournelyus Prælect. theolog. de Sacram. in gener. qu. 7. art. 2. concl. ult., & Jueninius de Sacram. diss. 2. art. 3. §. 5.) ad Nicænam Syn-

nodam, quæ ubi loquitur Hieronymus l. c., omnes hæreticos suscipit (Can. 8.) exceptis Pauli Samosatani discipulis, de quibus agitur Can. 19. quoniam hi præscriptam ab Ecclesia formam non observabant. Probat, inquam, Stephanus hæreticorum baptismum, modo secundum catholicæ Ecclesiæ ritus collatus fuisset. Nam calumnia est, quam inter ceteros refellunt Natalis Alexander *Histor. eccles. sæc. 3. dissert. 14. art. 1. t. 4. p. 104. edit. indic.*, & Toarnelyus *Prælec. theolog. de Sacram. in gener. quest. 7. art. 2.*, Blondelli, Basnagii, & aliorum agentium, Stephanum probasse etiam baptismum hæreticorum, qui in eo conferendo leges, ritusque Ecclesiæ despexerant. Quod si non baptizatus ritum Ecclesiæ servet, adque id velit facere, quod illa facit, ejus quoque baptismum valere, respondit Nicolaus I. in Can. 24. *de Consecr. dist. 4.* Augustinus ea in re ancipiti contentione distractus nihil affirmandum dixit *Contr. ep. Parmen. lib. 1. cap. 13. col. 45. t. 9. opp. ed. Venet. cit. sine auctoritate tanti Concilii, quantum tanta rei sufficit.*

§. XVIII. Baptizantur tam infantes, quam adulti; in illis originale peccatum tollitur, in his universa. Infantes rationis usu carentes baptismo donandos non esse, hæreticorum quorundam opinio fuit: sed eos recte in fide Ecclesiæ baptizari, certum est (1). Ut vero eorum baptismus valeat; ex utero matris in lucem editi esse debent; quoniam inutilis est baptismus eorum, quicum intus in utero inclusi lateant, aqua tingi non possunt (2). Quod si ex eo non totum corpus, sed ejus partem eduxerint, ea pars abluitur, cum mors imminet, atque in primis caput, si prodierit, quo abluto, baptismus non iteratur (3). Infantes filios infidelium baptismo donari vetat Ecclesia, nisi vel mors immineat, vel à parentibus expositi, ac relictii sint, vel saltem eorum alter assentiatur (4).

(1) Concilium Tridentinum *Sess. 7. Can. 12. & 13. de Baptism.*, Catechismus Romanus *par. 2. cap. 2. §. 32.*, & apposite Origenes *Hom. 8. in Levitic. t. 2. opp. p. 230. ed. Paris. 1733. secundum Ecclesiæ observantiam baptismum etiam parvulis dari inquit.* Anabaptistarum error, qui parvalos baptizari posse negabant, jam explosus, atque rejectus ab Ecclesia est, lateque adversus illos disputant scriptores rerum Theologicarum, præsertim Drouvenius *de Re Sacrament. lib. 2. quest. 6. cap. 2.* Sunt qui paedobaptismum recentiori ætate inductum putant, ac negant, Ecclesiam duobus prioribus sæculis baptismum infantibus dare consuevisse. Sed eos late refellit Binghamus *Origin. Eccles. lib. 11. cap. 4. §. 5. & seq. t. 4. pag. 192. ed. Hale. Magdeburg. 1755. testimoniis Clementis*

Romani, Hermæ Pastoris, Justini Martyris, Irenæi, Tertulliani, Origenis, Cypriani, omnium denique Patrum, qui duobus, tribusque prioribus ecclesiæ sæculis floruerunt. Constat enim, Ecclesiam semper certam, ac fixam habuisse doctrinam de peccato originali, atque ejus delendi causa baptismum infantibus tribuisse.

(2) Vide S. Augustinum *contr. Julianum lib. 6. c. 5. n. 13. col. 669. opp. t. 10. ed. indic.*, & S. Thomam in *Summa par. 3. qu. 68. art. 11.* Quæstio tamen est, num recte baptizetur infans adhuc latitans in utero matris, cum ejus corpus aqua per ostium uteri immissa tingi potest. Late ea de re agit Benedictus XIV. *de Synod. dioces. lib. 7. cap. 5.*, ac puerum in eo rerum discrimine ita baptizandum monet sub conditione, sub qua similiter baptizandus erit, si in lucem prodeat. Ceterum non ambigitur, quin recte baptizetur infans, qui secto matris utero in lucem eductus est; quin etiam, mortua matre, ejus uterum reserandum esse per sectionem cæsaream, ut inde extrahatur infans, ac baptizetur, docent S. Thomas l. c. *Rituale Romanum tit. 7. de Baptizandis pueris §. 3.*, Instructio edicta à S. Carolo Borromeo pro recta administratione baptismi *tit. de Iis, quæ Parochus curet, cum timetur de partu Actor. Eccles. Mediolan. par. 4. pag. 502.* Multa enim sunt exempla infantum, qui ex mortuæ matris utero vivi prodierunt, qui adoleverunt, & qui etiam ad senectutem ætate processerunt. Confer Theophilum Raynandum *de Ort. infant. per section. cæsar. cap. 2. opp. tom. 14.* Auctorem *Lexici universalis rei medicæ verb. Cæsarea sectio tom. 2.* Heisterum *Instit. chirurgic. par. 2. sect. 5. cap. 3. tom. 3.*, & Franciscum Emmanuel Cangianilam, qui peculiari libro Panorini edito anno 1745, materiam hanc fuse pertractavit.

(3) Expectanda est, inquit S. Thomas cit. *qu. 68. art. 11. ad 4.* totalis egressio pueri ex utero ad baptismum, nisi mors immineat. Si tamen primo caput egrediatur, in quo fundantur omnes sensus, debet baptizari, periculo imminente, & non est postea rebaptizandus, si cum perfecte nasci contigerit. Et videtur idem faciendum, quæcumque alia pars egrediatur, periculo imminente. Quia tamen in nulla exteriorum partium integritas vitæ ita consistit, sicut in capite; videtur quibusdam, quod propter dubium, quæcumque alia parte corporis abiuta, puer post perfectam nativitatem sit baptizandus sub hac forma: si non es baptizatus, ego te baptizo. Consentiunt *Rituale Romanum tit. de Baptizand. parvul.*, & Instrukiones S. Caroli Borromei *Actor. Eccles. Mediolan. par. 3. p. 422. §. Si vero factus tom. 1. ed. Pa 1711 1754.* Concilio Benedictum XIV., qui ea de re copiose disputat *de Synod. Dioces. lib. 7. cap. 5. n. 7. & seq.*

(4) Quod de parentibus dico, idem etiam dictum volo de tutoribus, qui cum parentum locum obtineant, eorum quoque consensus requiritur, ut Hebræorum infantes baptizentur. Quæsitum est, num avus paternus puerum hebræum, invitis parentibus, baptismo officere possit. Constat id recte fieri, si puer patrem amiserit, ac matrem habeat abs-

sentientem; quin etiam multi sunt, qui idem fieri posse defendunt, cum ambo parentes sospites sunt, & ambo dissentiant. Gravior de avia paterna controversia fuit, quam definiit Benedictus XIV. literis datis ad Petrum Hieronymum Guglielmum, quæ extant in *ejus Bullar. Constit.* 54. t. 3. p. 239. *ed. Romæ seu Venet.*, & quibus statutum est, aviam paternam puerum hebræum baptismo offerre posse, quinquam mater, tutoresque dissentiant. Vide laudatam *Constitutionem* 54., & alteram ejusdem Benedicti *Constitutionem* 28. pag. 113. *ejus Bullarii* t. 2. *indic. edit.*, ubi de baptismo Hebræorum tum infantum, tum adultorum late agitur, & omnia, quæ ad hanc materiam pertinent, accurate evolvuntur.

§. XXIX. Adulti baptismo non donantur, nisi illum sua sponte petant, quoniam nemini ad credendum vis inferenda est (1); neque cum petunt, statim baptismum obtinent, sed primum fidei rudimenta edocentur; unde factum catechumenorum nomen à græco verbo *κατηχέμην* docere, erudire. Vetus hæc est Ecclesiæ consuetudo, ut adulti ad baptismum accedant, posteaquam in re Christiana eruditi sunt, eorumque animus diligenter cognitus, atque exploratus est. Ea de causa instituta est catechesis, divisaque, ut rectius procederet, in gradus tres, aut quatuor, nimirum in *audientes*, *genusflectentes*, & *competentes* sive *electos* (2).

(1) Concilium Toletanum IV. *Can.* 57. *to.* 3. *collect.* Harduini, S. Gregorius M. *lib.* 1. *Ep.* 47. *col.* 542. *t.* 2. *opp. ed.* Paris 1705.

(2) Initio Ecclesiæ, nulla interposita mora, baptismus dari consuevisse videtur, cum eum suscepturus suum jam satis patefecisset animum pietatis, & religionis plenum, fideique mysteria percepisset. Ita à Petro, & Philippo factum constat ex Act. Apostol. VIII. 38. X. 47. Verumtamen cum experimento plane compertum esset, non satis tutam esse fidem eorum, qui sine periculo baptismo donati fuerant, institutus est catechumenatus, ut ita singulorum fides, & vita diligenter probiretur. Habebat autem catechumenatus certos gradus, quos singillatim excurrere oportebat, ut ita catechumenus ad rem christianam diligentius institueretur. Græci canonum interpretes Theodorus Balsamon, Alexius Aristinus, Joannes Zonaras in *Not. ad Conc. Neocæsar.* *Can.* 5. apud Beveregium *Pandect. Can.* t. 1. p. 405. & 406. *ed. Oxoni* 1672. duos fecere gradus catechumenorum, alterum eorum, quos *ἀτελεῖς* imperfectiores, alterum eorum, quos *τελειωμένους* perfectiores, vocant. Duos etiam fecere gradus Beveregius *loc. cit.*, Caveus *Primit. Christ.* *lib.* 1. *cap.* 8., Svicærus *Thesaur.* t. 2.

verb. *κατηχῶ*, Basnagius de *Reb. Sacr. & Ecclesiast. contr.* Baron. pag. 485. edit. Ultraject. 1692. Sed eos plerique rejiciunt, quod ex ecclesiasticis monumentis compertum, est, tres, aut quatuor catechumenorum gradus. Confer Ducangium in *Glossar. verb. Catechumeni*, Card. Bonam. *Rer. liturgic. lib. 1. c. 15. §. 4. ibique Salan in Not. p. 343. & seq. t. 1. ed. Taurin. 1747.*, Martenium de *Antiq. Eccles. rit. lib. 1. c. 1. art. 6. t. 1. p. 12. ed. Antuerpiæ seu Ven. 1763.*, aliosque complures. Thiersius tamen *Exposit. Sacram. c. 8. & Martenius l. c. à competentibus electos discriminant*; sed Morinus de *Pœnit. lib. 6. c. 1.*, quem plerique sequuntur, unum & eundem facit competentium, atque electorum gradum. Forte non ubique, nec semper una, & eadem obtinuit disciplina. Certe duo tantum gradus, alius videlicet eorum, qui proprie catechumeni, & alius eorum, qui competentes vocabantur hoc est imperfectiores, & perfectiores, memorantur ab Origene *contr. Celsum. lib. 3. p. 487. n. 60. & seq. t. 1. ed. Paris. indic.*, S. Zenone *lib. 2. tract. 1. p. 277. t. 1. opp. ed. August. Vindelic. 1758.*, S. Isidoro de *Offic. Eccles. lib. 2. c. 20. & 21. p. 609. & 610. ed. Paris. 1601.*, Rabano de *Instit. cleric. lib. 1. c. 26. opp. t. 6. p. 9. ed. Coloniae 1626.*, Leidrado Lugdunen. de *Sacram. Baptism. c. 1. apud Mabillonium Veter. analect. p. 78. ed. Paris. 1723.* Contra, plerique ecclesiastici scriptores passim recensent tres, aut quatuor catechumenorum gradus; quæ diversitas ad temporum, & locorum usus referenda videtur. Probari tamen nequit opinio Josephi Binghami, qui *lib. 10. Orig. Eccles. c. 2. §. 2. pag. 17. v. 4. ed. Halæ Magdeburg. 1755.* alium invenit gradum catechumenorum, eorum scilicet, qui cum in imo catechumenorum gradu peccassent, ab ecclesia expellebantur, quos ipse *ἐκκαθάρτους* vocat, sumpto vocabulo à Concilio Neocæsariensi *Can. 5. col. 824. t. 1. collect. Harduini ed. Paris.*, ubi sancitum est, quod si audiens peccaverit *ἐκκλησία*. Non erat hic catechumenorum gradus, sed erat expulsio, & ejectio ab omni gradu catechumenorum, quæ eadem de pœnitentibus, qui peccassent, disciplina obtinebat. Hoc tamen erat discrimen inter catechumenos, & pœnitentes, quod ii suum etiam habebant gradum extra ecclesiam, quo loco erant *flentes*, sed catechumeni nullum hujusmodi gradum obtinebant, & ideo cum ab Ecclesia expellebantur, arcebantur à Catechumenatu, mittebanturque ad illos, quos Ecclesia ab se prorsus alienos habebat. Simili ratione Synodus Eliberitana catechamenas, quæ haberent *comatos*, aut viros cinerarios, arcebat à communione, videlicet ab Ecclesia, & à Catechumenatu, uti eum canonem recte explicat Albaspinæus p. 185. ed. Neap. 1770.

§. XXX. In imo gradu erant *Audientes*, ii nimirum, qui in ecclesia sermones sacrasque scripturas audiebant; unde eorum nomen factum est. Qui se Baptismi desiderio teneri

significaverant, signabantur signo crucis (1), ac manuum impositione (2), certisque precibus (3) catechumeni fiebant. Hi presentes non erant, cum sacrificium peragebatur; sed finita Scripturarum explicatione cum ethnicis abibant, clamante Diacono: *ne quis audientium, ne quis infidelium.* (4)

(1) Augustinus de *Catech. rud.* cap. 26. opp. tom. 6. col. 293. ed. Venet. cit., Theodoretus *Histor. Eccles.* lib. 4. cap. 18. p. 169. ed. Valesii Cantabrig. 1720. In antiquo Codice Monasterii Bobiensis, quem Mabillonius dedit in *Mus. Italic.* tom. 1., tum in fronte, tum in corpore signum crucis fieri jubetur. Alius est ritus Missalis Gotici edita Josepho Thomasio. Utrumque cum aliis libris ritualibus descripsit Martenius de *Antiq. Eccles. ritib.* lib. 1. c. 1. art. 7. t. 1. p. 15. ed. Antuerp. seu Venet. 1763. Illud in Bobiensi Codice, quem Mabillonius edidit, animadvertendum est, quod non tantum signum crucis fieri, sed etiam *symbolum dici* jubetur; quod est contra arcani disciplinam, quæ symbolum coram catechumenis recitari vetabat. Forte illæ preces ad catechumenos non pertinebant, antequam mos generatim obtineret baptizandi pueros, qui simul catechumeni fiebant, & baptismum accipiebant.

(2) Severus Sulpitius. *Dial.* 2. de *virt. S. Martini* cap. 4. pag. 107. tom. 1. ed. Verone 1741., Eusebius in *Vit. Constantin.* lib. 4. cap. 61. p. 661. ed. Valesii Cantabrig 1720., Concilium Arelatense I. Can. 6. apud Labbæum tom. 1. col. 1451. ed. Venet. Ex hoc ritu explicandi sunt Can. 39. Concilii Eliberitani tom. 1. col. 997. Can. 7. Concilii Constantinopolitani I. tom. 2. col. 1129. & Can. 95. Trullani apud cit. Labbæum tom. 7. col. 1387, quibus locis Christianum facere idem est atque aliquem manuum impositione, certisque precibus in imo catechumenorum gradu collocare. Confer Hugonem Menardum in *Sacrament. S. Gregorii M.* Not. 334. opp. t. 3. col. 361. seqq. ed. Maurin. Paris. 1705., à quo cuncta, quæ ad hanc materiam pertinent, accurate describuntur.

(3) *Consule Martenium *l. c.*

(4) Auctor *Constit. Apostolic.* lib. 8. cap. 5. apud Cotelerium *PP. Apostolic.* t. 1. p. 396. ed. Amstædæmi 1724.

§. XXXI. Proximus erat locus *Genusflectentium*, quibus in genua provolutis imponebantur manus; atque hi proprie catechumeni dicebantur, quæque ad eos pertinebat liturgie pars, catechumenorum oratio vocabatur (1). Ad eos referebatur ea Diaconi proclamatio: *Quicumque catechumeni discedite.* Summus erat gradus eorum, qui cito baptismum e-

rant suscepturi, quique appellabantur *Competentes*, quod jam baptismum peterent (2), & *Electi*, quod ad baptismum proxime accipiendum eligerentur (3). Hi sua dabant baptismi nomina, quæ Diaconus, viventium diptycis inerebat (4); & pro ipsis certæ fundebantur preces, posteaquam reliqui catechumeni è templo discesserant (5).

(1) Concilium Nicænum *Can. 14.* apud Labbæum *tom. 2. col. 39.* Post Episcopi sermonem catechumenorum oratio peragebatur, uti patet ex Concilio Laodiceno *Can. 19.* apud eundem Labbæum *tom. 1. c. 1534.* Harum autem precationum formulæ in *Constitutionibus Apostolicis loc. ind. cap. 6. pag. 397.*, atque à Chrysostomo *Hom. 2. in 2. ad Cor. n. 8. pag. 440. tom. 10. ed. indic. recitantur.*

(2) S. Augustinus *de Fide & oper. cap. 6. col. 169. t. 6. opp. ed. Maurin. Venet. cit. & Serm. 216. col. 653. t. 5.*, S. Ildelfonsus *Adnot. de cognit. baptism. cap. 30.* apud Baluzium *Miscellan. sacr. pag. 22. tom. 2. ed. Lucæ 1761.*

(3) S. Leo M. *Ep. 16. ad Episc. Sicul. c. 5. opp. t. 2. p. 80. ed. Romæ 1755.* Extat. in *Constitutionibus Apostolicis lib. 8. cap. 8. pag. 399. l. c. oratio pro his catechumenis, qui βαπτίζονται, hoc est jamjam baptizandi appellantur.*

(4) S. Augustinus *de Cur. gerend. pro mort. cap. 12. col. 525. opp. tom. 6. laud. edit. Venet.* Auctor operis, quod Dionysii nomine circumfertur, *de Hierarch. eccles. cap. 2. §. 5.*; ibique Pachimeres *p. 253. & 276. t. 1. ed. Antwerp. cit.*, Concilium Constantinopolitanum sub Menna habitum *Act. 5. col. 1323. tom. 2. collect. Harduini.*

(5) Græcam Ecclesiam certas pro catechumenis, energumenis, poenitentibus preces habuisse constat, quæ quidem diverso tempore fundebantur; sed non ita exploratum est, num eadem etiam fuerit Latinæ Ecclesiæ disciplina. Eandem prorsus fuisse, verisimile est, uti observat Binghamus *Origin. eccles. lib. 14. cap. 5. tom. 6. pag. 228. edit. indic.*

§. XXXII. Statim ac catechumeni inter audientes erant relati, incipiebant catecheses, quibus fidei rationes, vitæque christianæ officia edocebantur. Quo munere instituendi catechumenos Episcopi, aut Presbyteri, Diaconive, minoresve etiam clerici, & interdum laici fungebantur (1). Docabant autem catechistæ in exedris Ecclesiæ (2); magnaque erat in catechumenis instituendis eorum cura, & diligentia; quasi qui formarent animos teneros puerorum; qui primum imbuuntur iis, quæ cognitu facilia sunt, ut ad graviora, & difficiliora paratiores accedant. Quare primum veritates sim-

...

plices, & apertas proponebant, officiaque explicabant vitæ christianæ (3); sed de mysteriis religionis, ac ritibus sacramentorum nullum faciebant verbum, antequam proxime abesset Baptismi suscipiendi tempus; qua in re catechumeni pares erant ceteris profanis, quæ mysteria nostra ignorabant. Atque hæc celebris est arcani disciplina, quam ab ipso Christo, & Apostolis acceptam, diu Christiani retinebant (4), quæque demum sua veluti sponte desiit, postquam ethnica superstitio fere ubique extincta, & sublata fuit (5).

(1) Episcopum catechistæ officio functum testatur S. Ambrosius Ep. 20. col. 901. n. 4. t. 3., ac Theodorus Lector, *Collectan. lib. 2. in Biblioth. PP.* 26. p. 86. ed. Lugdun. Præbyterum constat ex Chrysostomo *Cateches. ad illuminandos opp. tom. 2. p. 225. cit. ed. Paris.*, quam ipse habuit, cum esset Præbyter Antiochiæ; Diaconum ostendit Augustinus de *Catechiz. rudib. cap. 1. col. 263. opp. tom. 6. ed. Maurin. Venet. cit.*; Lectorem Cyprianus Ep. 24. p. 35. ed. Rigaltii Paris. 1666. Neque majorem ordinem in ecclesia habuisse videtur Origenes, quem Eusebius *Histor. lib. 6. cap. 3. p. 260. ed. Cantabrig. 1720.*, & S. Hieronymus de *Vir. illustr. in Origene cap. 54. opp. tom. 2. col. 877. ed. Veron. cit.*, Catechistam Alexandriæ fuisse narrant, cum decem atque octo annos natus esset. De laico vide Auctorem *Constit. Apostol. lib. 8. cap. 32. apud Cotelierum pag. 418. edit. indic.*

(2) S. Ambrosius Ep. 20. ad Marcellinum n. 4. col. 901. ed. Venet. cit. tom. 3. se competentibus in Baptisterio symbolum tradidisse scribit. Erant autem, ut plurimum, distincta, sed ecclesiæ conjuncta ædificia, in quibus catechumeni instituebantur, quæque catechumenia, sive catechumenorum mansiones dicuntur à Leone Novell. 73., atque à Concilio Trullano Can. 97. apud Labbæam t. 7. col. 1390. ed. Venet., & Balsamone, ac Zonara in eum Can. apud Beveregium *Pandec. Canon. t. 1. p. 275. ed. Oxonii 1672.* Cum Episcopus, aut Præbyter catecheses habebunt, eas habebant etiam in Ecclesia, ceteri extra eam; atque hinc Demetrius Alexandrinus graviter reprehendit Alexandrum Episcopum Hierosolymitanum, & Theoctistum Episcopum Cæsareensem, quod Origeni, cum nondum esset Præbyter, publice in Ecclesia concionandi facultatem dedissent. Confer Valesium in *Euseb. lib. 6. cap. 19. p. 283. n. 3. ed. Cantabrigie 1720.* Multa de catechesibus habet *Dis. 2. in S. Cyrillum Hierosolym. c. 4. v. 5.*

(3) S. Augustinus singulari libro, quem edidit, de *Catechizandis rudibus*, & cujus veluti summam edidit Aleuinus Ep. 7. ad Carolam M. p. 1487. ed. Paris. 1617, ritus tradit in catechumenorum institutione servandos. Consule Chardonium *Histor. sacram. lib. 1. cap. 3.*

(4) Arcani disciplinam ab ipsa Christi, & Apostolorum memoria

repetunt Antonius Pagius in *Baron. ab anno 118. n. 4. & seq. p. 95. tom. 2. ed. Lucæ*, Chardonius *Histor. sacrament. lib. 1. c. 2.*, Emanuel Schelestratus, qui peculiari dissertatione de *Disciplina arcani* egregie, præter ceteros, materiam hanc illustravit. Huc sane spectat illud Christi, qui cum à discipulis interrogatus fuisset, quamobrem Judæos parabolis alloqueretur, respondit apud Matthæum XIII. 11. *quid vobis datum est nosse mysteria regni colorum; illis autem non est datum; & huc similiter ea verba ipsius Christi ad Apostolos Matth. VII. 6. nolite sanctum dare canonibus, neque mittatis margaritas vestras ante porcos, quemadmodum verba ipsa interpretantur* Clemens Alexandrinus *Stromat. lib. 1. p. 348. cap. 12. tom. 1. ed. Oxonii 1715.*, Tertullianus de *Præscript. advers. hæret. c. 41. p. 217. ed. Rigaltii Paris. 1675.*, Chrysostomus de *Compunct. lib. 1. cap. 6. opp. tom. 1. p. 131.*, & *Homil. 22. in Matth. n. 3. p. 287. t. 7. ed. Paris. cit.* Quod à Christo acceperant, Apostolos, atque Ecclesiæ Patres fecisse, manifestum est. Nam Apostoli in orationibus ad Judæos, atque Ethnicos nullum de abditiis fidei mysteriis verbum habent Act. II. IV. X. XVII., nominationem autem Paulum Christi legem observasse, tradit Clemens Alexandrinus *Stromat. lib. 5. c. 10. pag. 685. tom. 2. ed. cit. ex eo Pauli verbo: ut aliquid impartiar vobis gratiæ spiritualis, itemque ex eo, sapientiam loquimur inter perfectos. Apostolorum exemplo Ecclesiæ Patres reticentiæ legem, arcanisque disciplinam servasse diligenter, constat ex Tertulliano l. c., Cyrillo Hierosolymitano *Cathec. 6. n. 29. p. 106. ed. Paris. cit.*, Nazianzeno *Orat. 40. de Baptism. p. 647. tom. 1. opp. ed. Paris. cit.*, Chrysostomo *Hom. 46. in act. cap. 3. opp. tom. 9. p. 349. ed. indic.*, Cyrillo Alexandrino *Adv. Julian. lib. 7. p. 245. opp. Jul. ed. Lipsiæ 1696.*, Ambrosio *Offic. lib. 1. cap. 50. n. 260. opp. tom. 3. col. 79. ed. indic.*, Augustino in *Psalm. 109. n. 17. opp. t. 4. col. 1241. ed. indic.* Innocentio I. *Ep. 25. ad Decent.* apud Constantium *Ep. Rom. Pont. col. 859.* Quod etiam confirmat reprehensio illa Ethnicorum adversus Christianos, quod clancularia esset eorum doctrina, & confirmat id, quod Athanasii ætate ab Arianis factum est. Hi enim, ut sibi Ethnicorum patrocinium adsciscerent, fracta arcani lege, rem totam patefacere non dubitarunt tum editis tractatibus, quibus Trinitatis mysterium explicabatur, tum etiam Ethnicis in ecclesiam admissis, ubi magis abdita, & secreta perspicerent. Hinc Atirnatius, *Apolog. contr. Arian. p. 118. n. 31. tom. 1. opp. ed. Maur. Patav. 1777.* queritur de *Præfeto Ægypti Philagrio apostata*, ethnicisque militibus *admissis ad ea disquirenda, quæ non ecclesiasticos quidem conspiciere licevit. Sacra mysteria ab Ethnicis directæ, & in terram projecta in ordinatione Gregorii Alexandrini contra Arianismum memorat Epist. I Julii P. ad Eusebianos apud Constantiam Epist. Roman. Pontif. col. 378. Profanus sanctorum, idest fidelium, judices, & novam, ac inusitatum mixtionem, mysticas nempe questionēs spectante vulgo tractatas dolet Gregorius Nazianzenus in Orat. 21. de Laud. Atha-**

nasii n. 30. p. 387. opp. t. 1. *ed. Colonia* 1690., ex quo magnam tum catechumenorum, tum ethnicorum fuisse offensionem, constat ex Athanasio *de Synodis* n. 2. opp. tom. 1. part. 2. p. 573. *ed. Patav.* 1777. Ex quibus intelligimus, cur in publicis Patrum concionibus, præsertim eum de sacramentis agitur, frequenter occurrat ea formula: *norunt initiati, norunt fideles, quod dicitur*; atque etiam intelligimus, quanta sit ad Religionem tuendam necessitas traditionis, per quam multa accepimus, quæ, ne profanis puterent, Ecclesiæ Patres literis consignare noluerant. Hæretici Scriptores Dallæus *de Scriptis Ignat.* lib. 1. c. 22., & Binghamus *Orig.* lib. 10. cap. 5. §. 3. tom. 4. p. 123. seq. *ed. Halæ Magdeburg.* 1755. hanc disciplinam Apostolis ignotam, multoque serius in Ecclesiam inductam putant. Sed eos refellunt, quæ de Christo, & Apostolis memoriæ sunt prodita; refellit Basilius *de Spiritu S.* c. 27. pag. 55. tom. 3. opp. *ed. cit.*, qui eam disciplinam ab Apostolis, atque antiquis Patribus servatam tradit; refellit Tertulianus l. c., qui eam repetit à Christi præcepto; *nolite sanctum dare canibus, neque mittatis margaritas vestras ante porcos.*

(5) Confer Pagium in *Baronium* ab anno 120. n. 4. *et seq.* p. 95. *et seq. ed. Lucæ* 1738. tom. 2.

§. XXXIII. Cum satis erant probati, & satis in re christiana eruditi (1), appropinquante solemnī die (2), catechumēni baptismum petebant; & ideo sua dabant nomina (3), per quæ sese quasi candidatos baptismi declarabant. Ergo accipiebant symbolum, & orationem dominicam (4), sua confitebantur crimina (5), agebant pœnitentiam (6), manuum impositioni, exorcismis, exsufflationibus (7), precibus subiciebantur; atque etiam sal benedictus in eorum os inserebatur (8). Baptismum etiam antecedeabant lotiones dux, altera capitis, altera pedum (9); præterea caput catechumēni sacro oleo ungebatur (10). Sed Ecclesia in primis curabat, ut qui baptismum petebant, tanto munere essent digni; & ideo post data à competentibus nomina, plura adhibebat scrutinia, per quæ eorum corda scrutabatur, videbatque, *quanta vigilantia convenirent, quo studio ferverent, quæ cura pendērent* (11).

(1) De tempore catechumenatus non una, atque eadem semper fuit ecclesiæ disciplina. Synodus Eliberitana *Can.* 42. apud Libbæam tom. 1. col. 997. *ed. Men.*, & Justinus *Novel.* 144. cap. 2. apud Dionysium Gothofredum *bienniam*; Auctor *Constit. Apostolic.* lib. 8. cap. 32. p. 418. tom. 1. apud Cotelerium l. *ind.*, & Nicæni Patres *Can.* 14. t. 2. col. 39.

apud citatum Labbæum triennium constituunt. Synodus Agathensis Can. 34. tom. 5. col. 527., menses octo Judæis; Synodus Eliberitana Can. 4. col. 992. loco mox citato, annos tres Flaminibus præscribit. Si quis in catechumenuatu peccaret, tempus prodicebatur, ac de superiore ad inferiorem gradum catechumenus deiecebatur, & cum iam imo erat gradu, extrudebatur, Concilium Neocæsarense Can. 5. t. 1. col. 1514. apud eundem Labbæum. Interdum tempus ipsum contrahabatur, cum id justa aliqua causa postulabat; atque ita S. Gregorius M. lib. 8. Ep. 23. col. 912. tom. 2. ed. Paris. cit. cuidam Episcopo permisit, ut Judæos in Agro Agrigentino baptizari cupientes, post indictum quadraginta dierum jejunium, baptismo donaret.

(2) Solemnis baptismi tempus erat olim Pascha, & Pentecostes Tertullianus de Baptism. c. 19. p. 232. ed. Paris. 1675., Siricus Ep. 1. ad Himer. Tarracoen. c. 2. apud Constantium l. c. col. 626. Leo M. Ep. 16. ad Episc. Sicil. c. 5. p. 80. opp. t. 2. ed. Rom. 1755., Gelasius Decret. c. 10. apud Pithoeum Cod. Canon. p. 266. Paris. 1687. Postea dies Natalis Christi, alique festi dies accesserunt. Græci etiam die Epiphaniæ, Galli quinque quotannis diebus, Hispani etiam diebus festis Apostolorum, ac Martyrum solemnem baptismum conferre consueverunt. Quæ omnia pluribus collectis antiquis monumentis accurate explicat Martenius de Antiq. eccles. rit. lib. 1. c. 1. art. 1. tom. 1. p. 1. ed. Antuerpiæ seu Ven. 1763. Verum non hoc ita intelligendum est, quasi non omni die baptismum conferre liceret, præsertim cum id justa aliqua causa postularet. Augustinus Scrm. 210. n. 2. col. 927. t. 5. opp. ed. Maurin Ven. 1731., & Siricius P. cit. Ep. 1. ad Himer. Tarracon. c. 2. col. 627. Ep. 10. ad Gal. Episc. c. 4. col. 692. apud eundem Constantium.

(3) Sempor ante baptismum, sed non uno ubique tempore catechumeni sua dabant nomina. Novum sumebant ethnici nomen; Christianorum liberi ante baptismum nullum, ut plurimum, habebant, ac si haberent, plerumque mutabant. Socrates Hist. lib. 7. c. 21. p. 368. ed. Cantabrig. cit. Gregorius Turonensis Hist. Franc. lib. 8. c. 22. col. 395. & Vit. Patr. c. 8. num. 1. col. 1184. ed. cit. Baronius ad Anno 259. n. 11. p. 69. col. 1184. t. 3. ed. Luca. Consule Concilium Carthaginense IV. Can. 85. apud Labbæum t. 2. col. 1444. ed. Ven., S. Gregorium Nyssenum in Orat. advers. eos qui differunt baptismum p. 956. t. 1. opp. ed. Paris. cit., S. Cyrillum Hierosolymitanum Catech. 1. p. 18. n. 4. ed. cit., S. Augustinum Confess. lib. 9. cap. 6. col. 162. tom. 1. ed. Ven. cit.

(4) Generatim definiri non potest, qua die competentibus symbolum traderetur, cum in ecclesiis quibusdam id fieret Dominica Palmarum, in aliis feria quarta post quartam Dominicam Quadragesimæ, in aliis denique aliis ante Pascha diebus; quin alii semel, alii bis, ter alii symbolum tradebant, sicuti observat Martenius loc. cit. art. 11. §. 10. & seq. pag. 23. Antequam symbolum traderet Episcopus, ali-

quem ab eo tractatum habitum fuisse, indicat non obscure S. Ambrosius Ep. 20. n. 4. col. 901. opp. t. 3. ed. Maurin. Ven. 1751. Dominica quoque oratio tradebatur, uti patet ex S. Augustino Serm. 58. col. 337. opp. tom. 5. ed. Ven. indie., & in Romana quidem Ecclesia eadem die symbolum, ac Dominica Oratio tradebatur.

(5) Tertullianus de Baptism. c. 20. p. 232. ed. Paris. 1776., S. Gregorius Nazianzenus Orat. 40. de Baptism. n. 26. opp. t. 1. pag. 657. ed. Colonia 1690., S. Cyrillus Hiresol. Catech. 1. p. 18. n. 5. ed. Paris. cit., Eusebius de Vit. Constantin. lib. 4. c. 61. pag. 661. ed. Valesii Cantabrig. 1720. Non erat tamen hæc confessio ad baptismum necessaria, sed eam catechumeni emittebant, ut antiquam vitam in scrutinis exponentes, quærerent, quid deserere, quid sequi, & quod vite institutum amplecti deberent, ut se vere christianos ostenderent. Hujus confessionis rationem non obscure indicat antiquus Auctor Serm. in psalm. 41. ad Neofitos in append. t. 6. opp. Augustini col. 287. ed. ind., cum de catechumenis dicit hæc: per omnem quadragesimam vacaverunt orationi, atque jejuniis, in sacco, & cinere dormierunt, futuram vitam peccatorum suorum confessione quærentes.

(6) Consule Marteniam l. c. art. 10. n. 10. p. 28., ubi multa ea de re testimonia colliguntur. Ab hac pœnitentia solos parvulos immunes fuisse, docet Augustinus Serm. 351. cap. 2. col. 1351. ac Serm. 352. c. 1. col. 1363. opp. t. 5. p. 2. ed. Ven. cit. negat ad baptismum Christi, in quo omnia peccata deleantur, quemquam bene accedere, nisi agendo pœnitentiam de vita pristina. Ejus autem institutionem quidam repentiunt à Petri præcepto, uti constat ex epistola Herivei Rhemensis ad Wittonem Rothomagensen c. 6. Biblioth. PP. t. 17. p. 248. ed. Lugdun., ubi Clodoveum aliquot ante baptismum diebus commoratum tradit, ut pœnitentiæ, secundum Apostolicum præceptum, prius ablueretur lacrimis, dicente B. Petro Principe Apostolorum: pœnitentiam agite, & baptizatur unusquisque vestrum. Auctor Recognitionum lib. 3. c. 67., & lib. 7. c. 36. p. 537. & 564. apud Cotelerium PP. Apostol. t. 1. ed. ind. jejunium memorat, cui baptismum suscepturi vacare debebant; & hujus quidem jejunii mentio etiam est apud Justinum M. Apol. 1. n. 61. p. 79. ed. Maurin. Paris 1742. in Concilio Carthaginiensi IV. Can. 85. col. 1444. t. 2. collect., Labbei, apud Tertullianum de Baptism. c. 20. p. 232. ed. Ven. S. Augustinum de Fid. & oper. c. 6. col. 169. opp. t. 6. ed. Maurin. Ven. 1731., ubi & cetera, quæ Catechumenos præstare oportebat, describuntur.

(7) S. Augustinus l. max. c. Apud Latinos exsufflationes in faciem catechumeni fiebant, uti constat ex Libris Ritualibus; apud Græcos etiam in aures, Concilium Constantinopolitanum L. Can. 7. apud Labbeum t. 2. col. 1129.

(8) S. Augustinus Confess. lib. 1. c. 11. col. 75. opp. t. 1. ed. Maurin. Ven. cit., quem salem Augustinus de Baptism. contr. Donatist. l. 4. c. 21. col. 138. t. 9., & de Peccat. merit. l. 2. c. 26. col. 62.

s. 10. sacramentum catechumenorum appellat. In *Can. 65. de Consecr. dist. 4.* dicitur *Sal celestis sapientie*. Vide etiam Concilium Carthaginense III. *Can. 5.*, ibique Albaspinæum in *Not. p. 226. opp. var. ed. Neap. 1770.*

(9) Capitis lotio die Dominica Palmarum absolvēbatur; idcirco hic dies in antiquo Ordine Romano *Capitolavium* dicitur, Isidorus *Ety. mol. l. 6. c. 18. & de Eccles. offic. lib. 1. cap. 27. p. 80. & 589. ed. Paris. 1601.*, Rabanus de *Instit. Cleric. lib. 2. c. 35. opp. t. 6. p. 23. ed. Colon. 1626.* Pedum lotionis, præter ceteros, mentio est apud Augustinum *Ep. 54. ad Januar. n. 10. opp. t. 2. col. 127. ed. Ven. cit.*, Ambrosius de *Sacram. l. 3. c. 1. n. 4. t. 3. col. 455. ed. ind.*, eaque feria v. in cœna Domini peragebatur. In quibusdam tamen locis post baptismum hanc lotionem fieri consuevisse, monet Chardonius *Histor. sacram. l. 1. c. 18.*

(10) Uctionem hanc capitis, quæ baptismum anteibat, quæque alia erat ab unctione verticali, quæ illum sequebatur, immorant Auctor *Recognit. l. 3. c. 67. apud Cotelierium PP. Apostolic. t. 1. p. 537. ed. ind. Ambrosius de Sacram. l. 1. c. 2. opp. t. 3. col. 440. ed. Ven. cit.*, Cyrillus *Cath. 2. Mystag. c. 3. p. 317. ed. Paris. cit.*, Chrysostomus *Hom. 6. in. Ep. ad Colloss. opp. t. 11. col. 369. ed. cit.*, Simplicius *P. Ep. 10. n. 11. apud Constantium Ep. Rom. Pont. col. 693.* Ungebatur autem initio in Ecclesia Latina tantum caput, deinde etiam inter humeros, ac supra pectus unctio fieri cœpit. Græci totum corpus ungebant, uti ostendit Auctor *Eccles. Hierarch. c. 2. §. 7. p. 253. ed. Antwerp. 1634.* Oleum, quo baptizatus ungebatur, unguentum vocant, ac distinguunt ab oleo, quod ante baptismum adhibebatur, Auctor *Constit. Apostol. l. 7. c. 22. apud Cotelierium l. c. p. 371.*, & Auctor, qui Justinî nomine scripsit *Resp. ad Orthodox. q. 137. p. 501. in append. opp. Justin. ed. Paris 1742.*

(11) S. Augustinus de *Fid. & oper. c. 6. col. 169. t. 6.*, atque ipse hinc Augustinus de *Symbol. l. 2. c. 1. col. 555. d. t. 6.* scrutinium examen appellat. Theodolphus de *Ordin. baptism. c. 8. in. Biblioth. PP. t. 14. p. 10. ed. Lugdun.* Hunc enim morem, inquit, *Ecclesia servare consuevit, ut per aliquot dierum spatium hi, qui in solemnitate paschali baptizandi sunt, scrutentur, ut instructis, & doctis, & simplici corde ad fidem veram venientibus vitæ sacramenta impertiantur.* Plura ante baptismum scrutinia adhibebantur, de quibus late agit Martenius *l. c. art. 11. p. 29. S. Zeno l. 2. tract. 27. p. 233. opp. t. 1. ed. August. Vindel. 1758.* memorat legitimum examinis, aut scrutinii numerum, quibus verbis intelliguntur septem scrutinia, quæ fiebant antequam competentes baptismi donarentur. De his Amalarius Archiepiscopus Trevirensis, seu potius Alcuinus in *Ep. ad Carolum M. c. 12. apud Canisium Thesaur. monument. Eccles. t. 2. par. 1. p. 545. ed. Antwerp. 1725.* habet hæc: *scrutinium finitur sabbato ante pascha. Ipso die facimus scrutinium septimum, sicut in Romano Ordine invenimus scriptum.*

§. XXXIV. Solemni adveniente die, catechumeni ad Baptisterium adducebantur (1), qui locus, ut plurimum, erat ab ecclesia distinctus, ac separatus (2); atque ibi tria maxime præstabant, antequam baptismum acciperent. Scilicet renunciabant Satanæ, pompisque, & operibus ejus (3), quam renunciationem ter emittebant conversi ad occidentem (4), atque in Satanam tamquam præsentem exsufflabant, & expuebant, aliasque edebant aversantis animi significatio-nes (5). Deinde versa ad Orientem facie (6), sese adscribebant Christo, cui deinceps sese perpetuo servire promittebant (7). Denique manibus, oculisque ad cælum sublatis fidem profitebantur, secundum verba symboli, quod baptismum accepturi ter solemniter repetebant (8).

(1) Injio baptismum nullo certo loco datum ostendit exemplum Eunuchi, quem Philippus Diaconus in via, & custodis carceris, quem Paulus domi suæ baptizavit. Tertullianus de Baptism. c. 4. p. 225. ed. Rigaltii Paris. 1675., & Auctor Recognitionum sub nomine S. Clementis Romani l. 4. c. 32., & l. 6. c. 15. apud Cotelerium PP. Apostol. p. 546. & 558. t. 1. ed. ind. multos in fluminibus, stagnis, fontibus baptizatos memorant. Constantinus in memoriam Christi Servatoris baptismum in Jordane accipere vehementer cupiebat, uti narrat Eusebius de vit. Constantin. l. 4. c. 62. p. 662., ac Theodoretus Histor. l. 1. c. 32. p. 64. ed. Cantabrig. 1720. Plures in loco Bethabaræ, ubi Joannes baptizabat, trans Jordanem baptizari voluisse, tradit S. Hieronymus de Loc. hebr. col. 182. t. 3. ed. Valsarii cit. Sed deinceps pace Ecclesiæ reddita, constituta sunt baptisteria, quæ erant sacræ ædes juxta ecclesiam, in quibus unicuique tribueretur baptismus, nisi qua necessitas facere secus cogeret. Justinianus Novel. 58. priscis legibus sancitum inquit, ut nemini liceat, quæ sacratissima sunt, domi agere; & Concilium Constantinopolitanum sub Menna Art. 1. col. 1194. & 1206. t. 2. collect. Harduini ed. Paris. Zonaram Monachum reprehendit, quod domi baptismum administrasset. Hujusmodi baptismi domi collati antiquis conciliis nomine *παρεκκλισιατικοί* improbantur. Novo jure cautum est, ut in cathedralibus, & parochialibus Ecclesiis tantum extet fons baptismalis, ut à suo quisque Parocho in Ecclesia baptizetur, nisi aliud postulet vel necessitas, vel magna dignitas ejus, qui baptismum suscipere debet Clem. unic. de Baptismo, Rituale Romanum de Baptismo.

(2) Consule Martenianum l. c. art. 2. p. 3.

(3) Auctor Constit. Apostol. l. 7. c. 41. apud Cotelerium l. ind. pag. 383. describit formulam, qua catechumenus renunciabat Satanæ, &

operibus ejus, & angelis ejus, & inventis ejus, ac omnibus, quæ sub eo sunt. Ejusdem formulæ sententiam habent Hieronymus in *Matth.* l. 1. c. 5. opp. t. 7. col. 28. ed. Vallarsii Veron. 1737., Tertullianus, de *Spectac.* c. 4. p. 74. ed. Paris. cit., Cyprianus *Ep.* 6. pag. 16. ind. ed. Paris., Ambrosius de *Myster.* c. 2. n. 7. opp. t. 3. col. 409. ed. ind. Interdum etiam spectacula in hac renunciandi formula disserte memorantur, ut in illa Salviani de *Gubernat. Dei* l. 6. n. 6. p. 121. ed. Pe-
deponi 1743. *Abrenuntio diabolo, pompis, spectaculis, & operibus ejus.* Atque hujus quidem renunciationis usum tam vetustum facit Basilius de *Spiritu S.* c. 27. n. 66. p. 55. ed. Paris. 1730., ut ejus originem ab Apostolica traditione repetat.

(4) Occidentem spectare idem erat atque ipsum spectare Satanam, qui princeps dicitur tenebrarum, ut inquit Cyrillus Hierosolymitanus *Cath.* 1. *mystag.* p. 307. n. 4. ed. cit. Trina erat renunciatio, uti testatur Auctor. de *Eccles. hierarch.* c. 2. §. 3. & seq. p. 252. & seq. t. 1. ed. Antwerpæ 1634. Hujus autem trinæ renunciationis mysteria explicat Vicecomes de *Rit. baptism.* l. 2. c. 20.

(5) Vide Auctorem de *Hierarch. Eccles.* l. c. Hæc autem renunciatio in porticu, seu vestibulo emittebatur. Nam baptisteria duo, ut plurimum, habebant distincta conclavia, porticum, aut vestibulum, in quo catechumeni Satanae renunciabant, fidemque profitebantur; atque interioriorem domum, in qua baptismi cæremonia peragebatur.

(6) In *mysteriis*, inquit S. Hieronymus in *Amos* l. 3. c. 6. col. 323. opp. t. 6. ed. Vallarsii Veronæ 1736., primum, renunciamus ei, qui in occidente est, nobisque moritur eum peccatis, & sic versi ad orientem. pactum inimus cum sole justitiæ, & ei servituros nos esse promissimus. Eadem habet S. Ambrosius l. *max. id.*

(7) Sponsionem, qua catechumenus sese Christo perpetuo servire promittebat, promissum, pactum, & votum à Latinis appellatur. Formulam tradit Auctor *Constit. Apost.* cit. c. 41. Post renunciationem vero, dum adscribit se, dicat: & adscribor Christo, & credo, & baptizor. Similem habet Chrysostomus *Hom.* 6. in *Ep. ad Coloss.* n. 4. opp. t. 11. p. 369. ed. Paris. Augustini ætate quidam fuerunt, qui fidei in Christum, non vero universalis obedientiæ professionem emittere parati erant; & tamen baptismum petere non dubitabant. Contra hos ipse Augustinus scripsit egregium librum de *Fide, & operibus*, quo Christiano homini tam fidem, tum bona opera necessaria esse demonstravit.

(8) Pluries quidem catechumeni traditum symbolum reddere debebant; sed cum instaret baptismus, ter, ac solemniter, & coram multis testibus, manibusque, & oculis ad cælum sublatis fidei professionem emittebant, & rogati respondebant. Cyrillus Alexandrinus l. 12. in *Joan.* c. 21. p. 1119. ed. Paris. 1638., Auctor *Eccles. hierarch.* c. 2. p. 258. t. 1. ed. Antwerp. cit., Leo M. *Serm.* 23. in *Nativ. Dom.* 4. c. 6. p. 54. t. 1. ed. Romæ 1753., Augustinus de *Fid. & oper.* c. 9. col. 172. opp. t. 6. ind. ed., Ambrosius de *Spiritu S.* l. c. 10. col. 70. opp. t. 4. ed.

ind. Narrat autem Augustinus *Confess. l. 8. c. 2. col. 146. l. 1. Romæ* ex edito loco in conspectu populi nisi nimia catechumeni verecundia obstaret, hanc fidei professionem emitti consuevisse.

§. XXXV. Baptizati in vertice ungebantur (1), tum albis induebantur vestibus (2), eorum capiti mysticum velamen, & corona imponebatur (3), iisque tradebantur cereæ fices (4), ac porro dabatur Confirmatio, & Eucharistia (5), postremo lac, & mel benedictum ad infantie significationem (6). Nunc non omnes, qui olim in usu erant, ritus, & cæremoniæ ab Ecclesia retinentur. Desiit sollemnis illa catechesis, & antiqui desierant gradus catechumenatus; sed nunc etiam adulti, antequam baptismum suscipiant, in fide, & bonis operibus instituendi sunt, ne rudes, & ignari, ac minus recte probati sanctissimam religionem amplectantur.

(1) Innocentius I. *Ep. 25. ad Decent. Eugubin. Episc. c. 3. col. 858.* apud Constantium *Ep. Roman. Pontific., Ambrosius de Sacram. l. 2. c. 7. n. 14. col. 453. opp. t. 3. iad. ed., Isidorus de Offic. eccles. l. 2. c. 25. & 26. pag. 613. & 614. ed. Paris. 1601.* Hujus unctionis originem à Silvestro P. repetunt Amalarius de *Eccles. offic. l. 1. c. 27. in Biblioth. PP. t. 14. p. 957. ed. Lugdun., Walfridus de Reb. eccles. c. 26. pag. 690. t. 10. in Bibl. PP. Paris. 1624., Rabanus de Instit. cleric. l. 1. c. 28. t. 6. pag. 9. ed. Coloniae 1726., ex quo colligit Hugo Menardus in *Not. ad l. Sacrament. S. Gregorii M. not. 334. col. 385. opp. t. 3. ed. cit.,* scriptores omnes Silvestro antiquiores, qui unctionem memorant, de sacramento confirmationis intelligendos esse. Multi tamen vetustissimam quidem hanc unctionem faciunt, sed negant ullo certo monumento concili posse, eam à Silvestro fuisse institutum. Illud inter omnes constat, quod hæc verticalis unctio sacro chrismate peragebatur, eaque diversa erat ab unctione frontis, hoc est à sacramento confirmationis. Illam Sacerdoti permittit, hanc vero uni Episcopo servavit Innocentius I. in *Ep. ad Decent. Eugubin. c. 3. col. 858.* apud Constantium. Atque ad hanc frontis unctionem pertinet Auctor *Constit. Apostol. l. 3. c. 16.* apud Cotelerium *laud. l. p. 291.* Verisimile autem est, verticalis unctionis ministrum alium fuisse à ministro baptismi, cum unus sacerdos tantam illam hominum multitudinem baptizare, ac simul ungere non posset. Ante unctionem Sacerdos baptizato osculum dabat, quem ritum memoravit S. Cyprianus *Ep. 59. ad Fidum p. 95. ed. Rigaltii Paris. 1666., & S. Jo. Chrysostomus de Util. legen. scriptur. opp. t. 3. c. 6. p. 81. c. ed. Paris.**

(2) S. Augustinus *Serm.* 223. qui 5. est in vigil. Pasch. col. 966. t. 1. & *Ep.* 34. n. 2. opp. t. 2. col. 64. ed. Maurin. cit., S. Ambrosius de *Myster.* c. 7. n. 34. col. 417. opp. t. 3. ed. ind., Eusebius in *Vit. Constantin.* l. 4. c. 62. p. 662. ed. c., S. Gregorius M. in *Sacram.* opp. t. 3. col. 73. ibiq. Menardus in *Not.* col. 356. ed. ind. Gerebantur ex vestes per dies octo; quo factum, ut dominica post pascha dominica in albis diceretur, quoniam usque ad eam diem baptizati vestes albas gerebant. Usurpatur hodie etiam ritus albæ vestis, sed ea neophyti eodem tempore induuntur, atque exuuntur. Infantibus, qui vestitu non utuntur, album sudariolum datur. Catechismus Romanus par. 2. c. 2. §. 73.

(3) S. Jo. Chrysostomus *Catech.* 1. ad illuminan. opp. t. 2. n. 1. p. 226. cit. ed. Paris., Theodulphus Aurelianensis de *Ordin. baptism.* c. 16. p. 13. t. 14. *Biblioth. PP.* ed. Lugdun., Rabanus de *Instit. cleric.* l. 1. c. 29. t. 6. p. 10. ed. Coloniae 1620. In ecclesiis quibusdam etiam latio pedum adhibebatur, de qua vide Martenium l. c. art. 15. n. 8. p. 54.

(4) S. Gregorius Nazianzenus *Orat. de Baptism.* 40. p. 672. ed. Coloniae 1690., S. Ambrosius de *Lapsu virgin. consec.* c. 5. col. 386. n. 19. t. 3. ed. c., S. Gregorius Turonensis *Histor. Franc.* l. 5. c. 11. p. 213. ed. Paris. 1699. Dabantur autem catechumenis extincti cerei, quos ipsi deinceps in fine Litaniarum accendebant. Nunc baptizatis datur cereus ardens, de quo vide Catechismum Romanum l. c. n. 74.

(5) Confer Martenium l. c. n. 11. & seq. p. 55.

(6) Hieronymus in *Isaiam* c. 55. col. 644. opp. t. 4. ed. Vallarsii Veron. 1735. lac tantum, non item mel nominat; quamquam in *Dialog. contr. Luciferian.* n. 8. t. 2. col. 180. utrumque memoret: multa alia, inquit, quæ per traditionem in ecclesiis observantur: auctoritatem sibi scriptæ legis usurpaverunt; velut in lavacro ter caput mergitare, deinde egressos lactis, & mellis prægustare concordiam ad infantie significationem. Quæ verba lactis, & mellis concordiam evidenter ostendunt, non lac, & mel distincte, sed mel cum lacte commixtum catechumenis dari consuevisse. Similiter & Tertullianus de *Coron. milit.* c. 3. p. 102. & *Advers. Marcion.* l. 1. c. 14. p. 372. ed. Paris. 1675., lactis, & melis concordiam, ac societatem vocat; atque hinc in *Libris Ritualibus* una extat mellis, & lactis benedictio, & una item utriusque tradendi formula. Lac etiam una cum vino baptizatis in Occidente tributum, ostendit Hieronymus in *Isaiam* c. 55. col. 644. cit. t. 4. Ceterum quamquam Ethnici etiam vix natos pueros lacte, & melle enutirent, quod ex pluribus antiquis Scriptoribus manifestum est, ut videri potest apud Cotelerium in *epistola Barnabæ* c. 5. adnot. 52. p. 29. t. 1. ed. Amstelæd. 1724., non tamen ex iis consuetudinem illam suam Christiani arripuisse videntur, sed ex veteri Testamento, ubi repromissionis terra lacte, & melle sæpe recipitur, ejus iter (baptizati) inchoantes tamquam parvuli lacte nutriuntur, & melle, ut inquit Joannes Diaconus in *Ep. ad Scenarium* t. 1. *Musei Ital.* p. 75.

§. XXXVI. Plures hodie etiam, antequam suscipiatur, cum item suscipitur, cum denique susceptus est baptismus, adhibentur cæremoniæ, quæ in libris Ritualibus, atque in Catechismo Romano (1) describuntur. In primis autem baptizandus ter Satanæ abrenunciat, fideique professionem emittit; tum in baptismo nomen accipit, quod Parochus una cum ceteris baptizatorum nominibus peculiari libro describit (2). Dum datur baptismus, adsunt *Patrini*, hoc est *Sponsores*, aut *Fidejussores*, qui pro baptizato spondent, ac fidejudent, unde eorum nomen ductum est (3). In antiquis monumentis sæpe etiam vocantur *susceptores*, quod æqua prodeuntes suscipere. Eorum est baptizandos ministris offerre, eosque ex sacro fonte suscipere, pro infantibus, ministro interroganti respondere, auctos edocere, quid ministro respondere ipsi debeant, curam gerere eorum, quos susceperunt, atque ipsos in re christiana erudire (4).

(1) *Par. 2. c. 2. §. 60 & seq.*

(2) Nomen sumendum est ab aliquo, qui propter excellentem animi pietatem, & religionem in Sanctorum numerum relatus est, inquit Catechismus Romanus l. c. §. 75., rejiciendaque sunt falsarum religionum, idolorumque nomina. Confer Benedictum XIV. *Const. Omnium sollicitudinum* 107. §. 3. & 14. ejus *Bullar. t. 1. p. 243. & 248. ed. Rom. seu Venet. 1754.* Describitur hoc nomen una cum natali die, ac nominibus parentum, & patrinorum in libro, quem unusquisque parochus habere debet. *Rituale Romanum tit. de Baptism.*

(3) Patrinorum, seu Sponsorum origo ab ipsis fere Ecclesiæ incubulis repetenda est, uti monet Martenius de *Antiq. Eccles. rit. l. 1. cap. 1. art. 16. n. 11. t. 1. p. 59. ed. Antwerp. seu Ven.* Eorum meminere Tertullianus de *Baptism. c. 18. p. 231. ed. Ven. 1744.*, Auctor *Respons. ad Orthodox. qu. 56. inser. opp. S. Justin. M. p. 460. ed. Paris. 1742.*, Auctor *Eccles. hierarch. c. 2. §. 2. t. 1. p. 168. ed. Ven. 1755.*, Auctor *Apostol. Const. l. 3. cap. 16. apud Cotelerium PP. Apostol. p. 291. t. 1. ed. Amstelæd. 1724.*, S. Augustinus multis in locis, aliique complures.

(4) Officia sponsorum describit Augustinus, seu potius Auctor. *Sermonis* 163. n. 3. in *append. t. 5. opp. Augustini col. 293. indic. ed. Ven.*, & Hildefonsus *Adnot. de ordin. Baptism. c. 114. apud Baluzium Miscell. sacr. t. 2. p. 34. ed. Lucæ 1751.* Quod infantes per se ipsos non possent, pro iis sponsores respondere voluit Ecclesia, Cyrillus Alexand. in *Joan. c. 11. vers. 26. opp. t. 4. p. 683. ed. Paris. 1638.*, Auctor. *Serm. 267. n. 5. col. 441. in append. t. 5. opp. Augustini ind. ed. Man-*

rin. *Ven.* Adultis etiam morbo impeditis vocem suam commodare inquit Cyrillus Alexand. l. c. Verum pro ipsis etiam adultis, qui per se respondere poterant, sponsores adhiberi voluit Ecclesia; sed ipsi tamen respondere debent. Augustinus *de Baptism.* l. 4. c. 24. col. 141. t. 9. ed. ind. Primum exemplum sponsorum, qui his adultis dati sint, præbere videtur Rufinus Præfectus Prætorio, qui anno 395. cum à sacro fonte eductus fuisse, traditus est Ammonio, qui magna pietatis fama florebat. Confer Tillemontium *Histor. Ecclesiast. vie de S. Gregoir. de Nysse* art. 22. t. 9. p. 593. ed. *Ven.* 1732. & Orsium *Histor. Ecclesiast.* l. 20. n. 88. t. 9. p. 241. ed. *Rom.* 1752.

§. XXXVII. Unus tantum in baptismo patrinus adhibendus est, aut ad summum vir unus, unaque mulier (1); neque id munus unicuique committi indiscriminatim debet, sed ei, qui sit catholicus, & sana doctrina, bonisque moribus imbutus; maximeque convenit, eundem saltem puberem, & confirmatum esse (2). Repelluntur ab hoc officio infideles, aut hæretici, publici excommunicati, aut interdicti, publice criminosi, aut infames, & qui sana mente non sunt, & qui fidei rudimenta ignorant, ita ut ea docere non possint, quem è sacro fonte susceperunt (3). Vetantur etiam parentes offerre filios suos propter spiritualem cognationem (4), quæ inter patrinum, ac baptizantum contrahitur, & vetantur etiam hoc munus gerere monachi, quos solitudini addictos esse oportet (5).

(1) Concilium Tridentinum *Sess. 24. c. 2. de Reform. matrim.* Atque hæc quidem disciplina Tridentino Concilio antiquior est. Nam plures numero patrilinos excludere videtur Auctor *Apostol. Const.* l. 3. c. 16. cit. cum statuit, ut vir à Diacono, mulier à Diaconissa suscipiatur. Sed explicatius, atque disertius unum patrinum constituunt Leo P. in. *Can. 101. de Consecr. dist. 4.*, & Concilium Metense an. 888. *Can. 6. t. 11. Concil. col. 594. collect. Labbæi. ed. Ven.*

(2) *Can. 102. dist. 4. de Consecr.*, *Rituale Romanum tit. de Patrinis.* Confer Giraldum *Exposit. Jur. Pontific. par. 1. sect. 710. t. 2. p. 524.*

(3) Confer *Rituale Romanum l. c.*, & Martenium *de Antiq. Eccles. rit. l. 1. c. 1. art. 16. n. 14. p. 60. ed. ind.*

(4) Olim parentes infantes filios offerebant. S. Augustinus *Ep. 98. ad Bonifac. n. 6. col. 266. opp. t. 2. laud. ed.* Sed deinceps parentes id præstare vetiti sunt. Concilium Moguntin. an. 813. *Can. 55. col. 1016. t. 4. collect. Harduini.* Quod factum videtur ob cognationem spiritua-

lem, quæ inter suscipientem, & suscepti parentes induci cœpit.
(5) *Can. 103. dist. 4. de Consecr.*

SECTIO II.

DE CONFIRMATIONE.

XXXVIII. Effectus sacramenti Confirmationis.

XXXIX. Materia hujus sacramenti.

XL. Forma, & Minister.

XLL Qui Confirmationem suscipiant?

XLII. Hujus sacramenti Conferendi tempus, & usque ritus.

§. XXXVIII.

Qui baptizatus est novæ virtutis robore firmior, ac perfectus Christi miles efficitur per Confirmationem. Itaque Confirmatio sacramentum est (1), quo homines robur, & virtutem accipiunt tum ad firmiter credendum, tum ad fortiter propugnandum pro fide, quam in baptismo susceperunt. Nimirum qui per baptismum Christiani evaserunt, quasi infantes pueri sunt, quos corroborare oportet aliis adjumentis, ut compriment impetus hostium, cum quibus nobis pugna est, quamdiu hæc vivitur vita, & firmitus ad fidem adherescant. Itaque Christus Confirmationis instituit sacramentum, quod id in nobis confirmat, quod baptismo efficere cœpit; imo vero non confirmat solum, sed etiam auget ratione quadam admirabili, & singulari (2). Vocatur etiam hoc sacramentum *chrisma*, *unctio*, & *signaculum Domini*, & *manuum impositio*.

(1) Concilium Tridentinum *Sess. 7. de Sacram. in gen. Can. 1.*, & *Sess. 7. de Confirmat. Can. 1.* Si quis dixerit, inquit, Confirmationem baptizatorum otiosam cærimoniam esse, & non potius verum, & proprium sacramentum; aut olim nihil aliud fuisse, quam catechesim quandam, qua adolescentie proximi fidei suæ rationem coram Ecclesia exponebant, anathema sit. Quibus verbis à Synodo damnantur hæreses Lutheri & Calvini, quorum alter meram cærimoniam, non sacramentum Confirmationem habebat, alter catechesim, qua baptizati, ineunte adolescentia, fidei suæ rationem coram Episcopo exponebant. Cum Lutheo, & Calvino sentiunt Dallæus *de Confirm. l. 1. c. 8.* & *l. 3. c. 13.*, ac Bin-

ghamus Orig. *eccles. l. 12. c. 1. §. 4. & 5. p. 350. & seq. t. 4. ed. Hulse Magdalon. 1745.*, qui confirmationem sacramentum a baptismo distinctum esse negat, sed ajunt, necesse esse confirmationem, quæ baptismum aqua incrementum perficit. Sed horum, aliorumque quorundam commenta huc refutantur a Theologis, ac præter ceteros à Noddi Alexandro *Hist. eccl. sec. 2. dist. 10. p. 37. t. 3. ed. cit.*, Carli Orsio *Dissert. de Chrismat. confirmat. c. 2. & seq.*, Drouzeau de Re *sacrament. l. 3. q. 1. per tot.*

(1) Consule Catechismum Rom. *part. 2. c. 3. §. 21. & 22.*

§. XXXIX. De materia hujus sacramenti non eadem omnium catholicorum sententia est. Sunt enim qui tantum manuum impositione constituent; sunt qui materiam frangitum statuunt unguentum, quod ex oleo, & balsamo, solemniter Episcopi consecratione conficitur (1), proximam ipsam frontis unctionem; sunt denique, qui & manuum impositionem, & frontis unctionem confirmationis materiam esse arbitrantur (2). Chrisma ab Episcopo consecrari, vetus est Latine, & Græcæ Ecclesiæ consuetudo (3); & vero id ab eo quotannis efficitur feria V. in cena Domini (4); sed Latinorum chrisma ex oleo tantum, & balsamo, Græcorum ex aliis præterea triginta quinque aromatibus conficitur (5). Est & hoc inter Græcos, Latinosque discrimen, quod hi solam frontem, illi etiam aures, nares, pectus, oculos, & pedes ungunt (6).

(1) Catechismus Romanus *part. 2. c. 3. §. 8. & seq.*, S. Thomas in *Summa p. 3. qu. 72. art. 2.* Et chrismatis quidem usum in consecrandis neophytis ab ipsis Christianæ Religionis primoribus esse repetitam, contra Basnagium, ac ceteros ostendit Cardinalis Orsius præfate dissertatione de *Chrism. confirm.*

(2) Confer Jacquinum de *Sacram. dist. 3. de confirm. quest. 2.*; Drouzeau de Re *sacram. l. 3. quest. 3.*, & Tournebise *Prædict. theol. de Sacram. confirm. quest. 1. art. 3.*

(3) S. Basilii de *Spir. S. c. 27. p. 55. t. 3. 1729. ed. Paris. 1730.*, S. Cyrilli Hierosol. *Catech. 3. p. 16. n. 4. ed. cit.*, S. Gregor. *lib. 1. in Sacram. col. 67. opp. t. 3. ed. Paris. 1725.* Nullam autem in sacris literis hujus discipline vestigiam exat, sed cum per varias traditiones inquit Basilii; ea quæ ejus initiis ignoratæ, ab Apostolis reperta est, secundum Augustini regulam *Ep. 54. col. 124. t. 2. ed. Ven.*

(4) Concilium Toletanum I. *Can. 20. col. 992. t. 1. Conc. Harduin. ed. Paris.* statuit Episcopo omni tempore licere chrisma conficere: ex

quo patet, ea ætate nondum obtinuisse disciplinam, quæ nunc obtinet, conficiendi quotannis Chrisma feria V. in cœna Domini. Verum hæc antiquissima est, atque ejus origo à sæculo V. repetenda videtur. Nam ea ætate Episcopus feria V. in cœna Domini tres Missas celebrabat, quarum una erat pro reconciliatione pœnitentium, altera pro conficiendo chrismate, tertia serotina de ipsa diei solemnitate. Id ex vetustis sacramentariis sese deprehendisse testantur Menardus in *Not. ad lib. sacrament. S. Gregor. not. 263. t. 3. opp. S. Gregor. col. 327. ed. Paris. Bona Rer. liturg. l. 1. c. 18. §. 6. p. 15. t. 2. ed. Taurin. 1749.*, & Martenius de *Antiq. eccles. rit. l. 1. c. 3. art. 3. §. 8. p. 104. t. 1. laud. ed. Babian. P.* ea de re epistola in *Can. 18. de consecr. dist. 3.* ab Isidoro Mercatore conficta est.

(5) Græcorum ritum in præparando unguento chrismatis ex 35. aromatis in vino decoctis describit Goarius in *Eucholog. Græcor. p. 637. v. seq. ed. Paris. 1647.*

(6) Confer Goarium l. c. p. 356. Sed S. Cyrillus Hierosolymitanus *Catech. 3 mystag. c. 4. p. 317. ed. Paris. c.* tantum memorat frontem, aures, nares, pectus, ex quo patet, has tantum partes ea ætate à Græcis inungi consuevisse.

§. XI. Quæ de materia, eadem de forma hujus sacramenti disputatio est. Nam alii eam ponunt in oratione, qua Episcopus neophyto manus imponens invocat Spiritum S., alii in verbis: *signo te signo crucis, & confirmo te chrismate salutis in nomine Patris, & Filii, & Spiritus S.* (1); alii denique tum in his verbis, tum in illa oratione formam ipsam positam esse arbitrantur (2). Ordinarius minister nonnisi Episcopus est (3); extra ordinem, atque ex supremæ ecclesiasticæ Potestatis delegatione etiam Presbyteri hoc sacramentum recte administrant (4). Græcorum Sacerdotes omnes generatim habent hanc delegatam potestatem, per quam sacramentum confirmationis rite, & recte conferunt (5).

(1) Catechismus Romanus, p. 2. c. 3. §. 12. & 13.

(2) Confer Drouvenium l. c. quæst. 4. per tot. Quamquam autem ea res nondum ab Ecclesia sit definita, tamen certissimum est, eam semper certis quibusdam verbis hoc sacramentum administrare consuevisse, ut proinde in hoc etiam locum habeat illud Augustini: *accedit verbum ad elementum, & fit sacramentum.* Sane Apostolos verbis usos esse, testantur sacre litteræ Act. VIII. 15., atque idem annis consequentibus ab Ecclesia factum fuisse, constat ex plurimorum Patrum testimoniis, ac inter alios id discretissime tradit Innocentius I. in *Ep. 25.*

ad Decent Eugubinum c. 3. col. 859. apud Constantium Ep. Roman. Pontific., quamquam ob arctam disciplinam non ipsa describitur verba, quibus confirmationis forma constabat. Varias hujus sacra nunti formas habet Martenius de *Antiq. eccles. rit.* l. 1. c. 2. art. 3. §. 11. p. 91. *ind. ed.*

(3) Petrum, & Joannem Apostolos missos legimus in Act. VIII. 14. & seq., ut à Philippo baptizatos confirmarent. Concilium Tridentinum *Sess. 7. de Confirm. Can. 3.* Si quis dixerit, inquit, sacre Confirmationis ordinarium ministrum non esse solum Episcopum, sed quovis simplicem sacerdotem, anathema sit. Confer etiam S. Cornelium Ep. 9. ad Fabium Antiochenum c. 4. col. 153. apud Constantium Ep. Roman. Pontific., S. Cyprianum Ep. 73. ad Julian. p. 124. *ed. Paris. 1666.* Innocentium I. Ep. ad Decent. Eugubin. c. 3. n. 3. col. 853. apud eundem Constantium, S. Hieronimum *contr. Luciferian.* n. 9. col. 181. *opp. t. 2. cl. Veron. 1735.*, S. Gregorium M. l. 4. Ep. 9. col. 689. *opp. t. 2. ed. Paris. ind.*, Innocentium III. in c. 4. de *Consuet.* Quæ hæretici obijciunt, refellantur à Theologis, præsertim Juvenio de *Sacram. diss. 3. de Confirm. quæst. 5. art. 2.*, & Drouvenio de *Re sacram. l. 3. quæst. 7. per tot.*

(4) Ita Gregorius M. l. 4. Ep. 26. col. 705. *laud. ed. t. 2.* Presbyteris in Sardinia degentibus extra ordinem confirmandi tribuit facultatem. Consule S. Thomam in *Summa par. 3. quæst. 72. art. 11. ad 1.*, & Benedictum XIV. de *Synod. dioces. l. 7. c. 7.*, qui de hac Summi Pontificis delegatione copiose disserit, & diligenter. Verum claustratis benedictio adnumerata semper fuit inrer propria Episcopalis ordinis munera; & ideo confirmandi privilegium à Sede Apostolica Presbyteris concessum adjunctam legem habere solet, modo ipsi chrismate utantur ab Episcopo consecrato. Disputat Benedictus XIV. l. c. n. 1. & 2., num Summus Pontifex etiam chrismatis consecrandi facultatem Sacerdoti tribuere possit. Quæsitum est etiam, num Episcopus Sacerdoti concedere possit confirmandi facultatem; sed cum Sedes Apostolica, quæ arctare potest Episcoporum jurisdictionem, sibi uni hanc facultatem reservaverit, irrita est Confirmatio, quæ per solam Episcopi delegationem à Presbytero collata est. Confer Benedictum XIV. l. c. n. 3. & seq.

(5) Græcorum Sacerdotes ante Photianum schisma Confirmationis sacramentum conferre solitos fuisse, ostendunt Meriauus *Diss. 2. de Sacram. Confirmat.*, & Lucas Holstenius *Diss. 1. de Ministr. confirm. apud Græcos.* Dubitari autem non potest, quin ii non solum valide, sed etiam licite confirmarent ex tacita saltem delegatione Sedis Apostolicæ, quæ hanc eorum consuetudinem ratam habet, uti observant Arcudius de *Concord. Eccles. Occident. & Orient. l. 2. de Confirm. c. 15. p. 95.*, & Benedictus XIV. l. c. c. 8. Certe in concilio Florentino t. 9. *Collect. Harduini col. 430.* Eugenius IV., inter alias quæstiones, hanc ordine sextam Græcis proposuit, quare Pontifices non inungerent sacro

*chrismate, sed Sacerdotes, cum hoc Pontificibus sit datum? Verum ut habetur in actis ejusdem Concilii l. c.: nec a Latinis objecta Mitylenensis Episcopus canonicè, legè neque dissolvit. Confer Holstenium de Ministr. confirmat. apud Græcos. Ex quo patet, à Græcis canonicas suæ disciplinæ rationes allatis fuisse, per quas Latinis satisfactum est, atque his rationes Concilio fuisse probatas. Sacerdotibus tamen Italico-Græcis confirmare vetitum est a Clemente VIII. Const. Sanctissimus 107. Bullar. ed. ult. t. 5. par. 2. p. 72., & à Benedicto XIV. Const. 57. §. 3. p. 104. & Const. 129. §. 4. p. 312. t. 1. ejus Bullar. ed. Rom. seu Ven. 1754. Unus hic amoveendus est obex. Innocentius III. in c. 4. de Consuet. Presbyteros, qui apud Constantinopolim per abusum confringebant, confirmare in posterum veti; ex quo confici videtur posse, Græcis Presbyteris vetitum esse Confirmationis sacramentum administrare. Veram innocentius loquitur de Latinis Presbyteris, qui Constantinopoli morabuntur & vero in integra decretali, quæ extat apud Balazium t. 1. Ep. Innocentii III. p. 40., nominatim agitur de Latinis Presbyteris, sed verbum illud *Latini* in decretalium collectione Raymundus omisit.*

§. XL. Nonnisi baptizati confirmandi sunt, cum fieri non possit, ut adolescat, qui nondum natus est (1). Suscipere confirmationem possunt omnes tum infantes, tum adulti; & d'ia quidem viguit consuetudo, ut statim post baptismum confirmatio tribueretur (2). Græci nunc etiam retinent hanc consuetudinem (3); sed ab ea jampridem recesserunt Latini (4), apud quos pueri ante septimum ætatis annum non confirmantur (5). Et quamquam hoc sacramentum non ejusmodi habeat necessitatem, ut sine eo saluus quis esse non possit, tamen qui illud negligunt, aut contemnunt, salutem suam in discrimen adducunt, gravisque criminis rei sunt, quoniam omnes eviti debent, ut christiænæ vitæ perfectionem acquirant (6). Adulti, qui hujus sacramenti gratiam, & dona consequi cupiunt, non solum fidem, & pietatem asserre, sed etiam graviora, quæ admiserunt, crimina dolere ex animo debent. Quare elaborandum est, ut primùm peccata confiteantur, ac jejunia, aliæque pietatis opera suscipiant, curentque, ut jejuni ad hoc sacramentum accedant (7).

(1) Confer D. Thomam in *Summa* p. 3. quest. 72. art. 6. Presbyterum quandam Secura, Samsone nomine, qui non baptizatos con-

firmari posse putabat, damnavit Zacharias Pont. Ep. 10. ad Bonifacium apud Labbæum *Collect. Concil.* t. 8. col. 255. ed. Ven. lis, qui post baptismum nigrissimam vitam dixerant, ac morientes confirmationem petebant, denegatum hoc sacramentum ex Can. 39. Concilii Eliberitani colligit Albaspirtus in *Not.* p. 175. ed. Neap. 1770., quem Jueninius sequitur de *Sacramm. diss.* 3. quæst. 6. c. 8.

(2) Tertullianus de *Baptism.* c. 7. p. 226. ed. Rigaultii Paris. 1675., S. Cyprianus Ep. 70. ad Januar., & Ep. 73. ad Jubianum p. 117. & 124. ed. Paris 1666., S. Cirillus Hierosolym. *Catech.* 3. *metagog.* p. 316. n. 1. ed. cit., S. Dionysius scilicet potius Actor *libri de Eccles. hierarch.* c. 2. p. 254. opp. t. 1. ed. Antuerp. 1634. Concilium Laodicenum Can. 48. col. 789. t. 1. collect. Harduini.

(3) Consule Leonem Arianum de *Perpet. consens. eccles. occident. & orient.* l. 3. c. 18., Gorianum in *Not. ad Ritual. Græcor.* p. 367., Nironum *Evopl. cathol. fid.* p. 2. c. 3., Vanslebium *Histor. eccles. Alexandr.* p. 2. c. 21.

(4) Incerum est, quo primum tempore confirmatio multo post baptismum conferri cæperit; & forte id factum est, cum rarior evasis baptismus auctorior. Confer Martenianum de *Antiq. eccles. rit.* l. 1. c. 2. art. 1. §. 3. p. 86. t. 1. laud. ed. Ceterum nunc etiam cum ad alii baptizantur, Latine Ecclesiæ sententia est confirmationem a baptismo, si fieri commode potest, non esse separandam. Rituale Romanum tit. de *Baptism. adultor.*

(5) Catechismus Romanus p. 2. c. 3. §. 19. Sed quamquam ipse catechismus non expedire dicit, quod pueris confirmatio ante septennium conferatur, non tamen id ita est intelligendum, quasi nunquam his pueris hoc sacramentum conferri possit. Nam pueri, qui in viæ discrimine versantur, citius ante septennium sua confirmationi. S. Inquis l. c. art. 8. ad 4., & alia similiter justificata esse possunt, propter quoniam pueris ante hanc ætatem hoc sacramentum detur. Consule Catechismum in Pontific. Roman. tit. 21. §. 7. n. 19. & 22. t. 3. p. 227. ed. Roman. 1740.

(6) Consule Catechismum Romanum l. c. n. 17. & 18., & D. Thomam in *Summa* p. 3. quæst. 72. art. 1.

(7) Olim nonnisi jejunis deoatur hoc sacramentum, quod multis collectis monumentis ostendunt Martenius l. c. art. 2. p. 6., & Jueninius de *Sacram. diss.* 3. de *Confirm. quæst.* 9. c. 2. Verum hæc consuetudo ætate D. Thomæ cæperat obliuiscere, ut ipse testatur *in l. cit.* art. 12. ad 2. De hac laudabili antiquæ Ecclesiæ consuetudine Christianos moneri jubet Catechismus Romanus l. c. §. 20.; & recte non congrue observari potest, inquit D. Thomas l. c. convententius est, ut a juvenis (confirmatio) detur, & accipitur.

§. XLII. Confertur hoc sacramentum potissimum in Pentecoste, quoniam hoc maxime die Apostolos Spiritus S.

virtute roboratos, & confirmatos fuisse constat (1). Offertur autem confirmandi à sponsoribus, sive patrinis, quos probos christianos, & confirmatos esse oportet (2): debentque pro sacri chrismatis reverentia frontem eleure, decidentisque in eam capillos attondere. Episcopus confirmato alampam inpingit (3), ut discat, se paratum esse oportere ad omnia adversa pro Christi nomine invicto animo toleranda, eique pacem impertitur (4); denique ejus frons bonibyece diligenter abstergitur (5).

(1) Catechismus Romanus *loc. ind.* §. 26., S. Carolus Borromeus in *V. Coneil. Mediolanen.*

(2) Proprios confirmationis patrilinos adhibuit Ecclesia, cum seorsim à baptismo dari cœpit hoc sacramentum; atque hinc ab antiquioribus Patribus soli baptizatorum patrii memorantur. Eadem fere de utrisque sum constituta, & qui in baptismo patrini esse nequeunt, iidem etiam in confirmatione hoc munus gerere prohibentur.

(3) Hujus alampæ nulla mentio est in sacramentario S. Gregorii M., aut in iis, qui IX. & X. sæculo de ritibus scripserunt. Primus forte eam memoravit Durandus Mimatensis Episcopus: ejus vero mysteria explicat S. Carolus Borromeus *Instruc. de Sacram. confirm. par. 4. act. Eccles. Mediolanen. t. 1. p. 432. ed. Patavii 1754.*

(4) Catechismus Romanus *h. c.* §. 26.

(5) Olin confirmandorum frontes bandellis, seu vittis lineis cingebantur, quas usque ad sæculum XII. gestabant per dies plures. Amalarius de *Divin. offic. l. 1. c. 4. in Biblioth. PP. t. 14. p. 966. ed. Lugdun.* Deinde in nonnullis Ecclesiis obtinuit, ut lineæ vittæ tantum per triduum gererentur.

SECTIO III.

DE EUCHARISTIA.

- | | |
|---------------------------------------|--|
| XLIII. Eucharistia quid? | L. Quo tempore omnes fideles eam sumere debeant? |
| XLIV. Ejus materia. | LI. Eucharistiæ conferendæ ritus. |
| XLV. Qualis adhibeatur panis? | LII. Dies festus corporis Christi, processio, expositio. |
| XLVI. & XLVII. Forma, & minister. | LIII. Eucharistia novæ legis sacrificium. |
| XLVIII. Quibus Eucharistia tribuitur. | LIV. & LV. Liturgiæ. |
| XLIX. A jejuniis sumenda est. | |

LVI. Quo sermone liturgia absol-
venda sit?

LVII. Quibus diebus olim Missa
celebraretur?

LVIII. Plures olim Missæ ab uno
Sacerdote celebratæ.

LIX. Qua hora celebrantur?

LX. & LXI. Missa publica & pri-
vata.

LXII. Quo loco Missa celebranda sit?

LXIII. Dominicis, festisque diebus
fideles Missæ sacrificio interesse
debent.

LXIV. Mos antiquus offerendi pa-
nem, & vinum.

LXV. Missæ honorarium.

LXVI. Pro eo, qui honorarium de-
dit, sacrificium speciatim offe-
rendum est.

§. XLIII.

Sacramentum omnium nobilissimum est Eucharistia, per quod ipsum Christi corpus, & sanguinem sub specie panis, ac vini sumimus, Deique gratia miris modis augemur, modo illud rite, recteque suscipiamus. Eucharistiæ vocabulum Græcum est, quod Latine reddi potest bona gratia, sive gratiarum actio, quod nomen huic sacramento tributum est, tum quod ipsum gratiarum omnium fontem continet, tum quod in ejus institutione Christus Patri gratias egit. Communionis nomine, quo sæpe appellatur, significatur conjunctio fidelium cum Christo, cui nos hoc sacramentum copulat, & vinculum charitatis, quo nos inter nos in eodem Christo conciliamur, & jungimur (1). Dicitur etiam cœna, quod in illo novissime cœnæ salutari mysterio Christus Dominus hoc sacramentum instituit (2).

(1) Apostolus ad Corinth. X. 16., S. Joannes Damascenus de *Fid. orthodox.* l. 4. c. 13. opp. t. 1. pag. 273. ed. Le-Quenii Paris. 1712., & Dionysius, sive potius Auctor operis de *Eccles. hierarch.* c. 3. n. 1. t. 1. p. 282. ed. Antwerp. 1634., Consule Alvaspinæum *Observ.* l. 1. p. 1. & seq. ed. Neap. 1770., & de *Eucharist.* l. 2. c. 4. p. 360.

(2) Alia, quibus Eucharistia appellatur, nomina, vide apud Bonam *Rev. liturgic.* l. 1. c. 3. t. 1. p. 17. & seq. ed. Tassin. 1747., Drouvenium de *Re sacram.* l. 4. quest. 1. §. 1. aliosque complures. Confer etiam Ballerinius *Not.* 6. in tract. 38. S. Zenonis t. 1. p. 251. ed. August. Vindel. 1758.

§. XLIV. Duplicem habet materiam, panem, & vinum, quorum alter Christi corpus, alterum sanguis efficitur, con-

versione mirabili, quam *transubstantiationem* vocamus (1). Vinum ex avis esse debet, panis ex tritico; azymis utitur Ecclesia Latina, Græca fermentato (2). Utramque recte consecrari non ambigitur (3); sed propriæ ecclesiæ consuetudo ab unoquoque servanda est (4).

(1) Catholica fides docet, verum Christi corpus, & sanguinem in Eucharistiæ Sacramento contineri, inque eo neque panem, neque vinum remanere, sed hoc totum in Christi sanguinem, & illum similiter totum in corpus converti. Sum hæc catholica dogmata à Synodo Tridentina *Sess. 13. de Sacram. Euchar. Can. 1. & 2.* definita adversus Calvinum, & Lutherum, quorum alter verum, ac realem Christi præsentiam in Eucharistia negabat, alter una cum Christi corpore, & sanguine panis, viniq; substantiam in eo sacramento remanere contendebat. Similiter catholica veritate constat, Christum in Eucharistia esse per veram transubstantiationem, per quam totus panis Christi corpus, & totum vinum Christi sanguis efficitur, non per impatiationem, quæ esset unio hypostatica Verbi Divini cum substantiâ panis, aut per consubstantiationem, quæ esset conjunctio substantiæ panis, & vini cum substantia carnis, & sanguinis Christi, adeo ut Eucharistia non solum Christi corpus, ac sanguinem, sed simul etiam panem, vinumque contineret. Latè catholicam veritatem demonstrant Theologi, quos inter consule Drouvenium *de Re sacram. l. 4. qu. 6. c. 4. sect. 2.*

(2) De usu azymis, atque fermenti magna est inter eruditos disputatio, cum tertio statui non posse videatur, num Latini semper azymis, Græci autem fermento pane semper usi sint. Antiquiores Theologi Scholastici putarunt, Latinam Ecclesiam ab initio azymum panem adhibuisse usque ad navesim Ebionitarum, quæ anno Ch. 74. erupit; sed cum ipsi Loionice antiqua legidia simul cum Evangelio servanda esse contenderent, Ecclesiam, ne hæreticos imitari videretur, rejectis azymis fermentum instituisse, ea vero extincta hæresi ad azymum rediisse. Ita nimirum sentiunt Joannes Scotus in 4. *Dist. 11. qu. 5.*, Alexandr. Aletensis *qu. 32. membr. 3. ult. ult. & par. 4. de Sacram. Euchar. qu. 10. memor. 4. art. 1. §. 3.*, S. Bonaventura in 4. *dist. 11. art. 2. qu. 1.*, S. Thomas *id. qu. 2. art. 2.* Verum hæc opinio nullum habet idoneum fundamentum, quo niti posse videatur, neque ejus rei verbum unum est apud antiquos scriptores, qui per decem priora secula res Ecclesiæ scriptis illustrarunt. Necnites Archiepiscopus Nicomediæ apud Anselmum Havelbergensem *Dial. l. 3. c. 13. spicilegiu Dacherii t. 1. p. 200. ed. Paris 1723.* tradit, Melchisedem, ac Siriciam Pontifices fermentum apud Latinos instituisse; verum hæc sententia educta est ex libro Pontificali Damassi Pontificis, cujus ut omnes norunt, suspecta fides est. E recentioribus tres potissimum ea de re doctorum hominum sententiæ circumferuntur, nimirum Jacobi Sirmondi, Joannis Mabillonii, Joannis Bonæ

Cardinalis. Contendit Sirmondus in *Disquisit. de Azymo*, Latinos ab initio fermentum consecrassse usque ad sæculum IX., deinceps vero medio illo tempore, quod excurrit inter Photianum schisma, & Michaelem Cerularium, hoc est, inter annum circiter 867 & 1054. azymum adhibere coepisse. Contra vero Mabillonius *Præfat. 1. ad sæc. III. Benedic-tin. n. 64. pag. XXVIII. ed. Ven. 1734.*, & *Diss. de Azymo & fermentat. perpetuum in Ecclesia Latina azymorum usum ab ipsa Apostolorum ætate fuisse arbitrat. Quæ eadem sententia est Joannis Cabassutii in Notit. Eccl. sæc. 2. diss. 12.*, Christiani Lupi *Schol. in Can. Concil. diss. de actis Leonis IX. c. 5. & seq. opp. t. 4. p. 312. seq. ed. Ven.*, Edmundi Martenii *de Antiq. eccles. rit. lib. 1. c. 3. art. 7. §. 5. & seq. p. 114. t. 1. ed. Antwerp. seu Ven. 1763.*, Antonii Sandinii *Diss. 11. de perpetuo azy-mor. usu in Eccles. Latim.*, & Joannis Ciampini *diss. de Azym. & fermentat. conjectur.*, qui tamen in hoc à Mabillonio dissentit, quod Apostolis in-discriminatim utrisque panis usum tribuere videtur. Sed Joannes Bona *Rer. liturgic. lib. 1. c. 23. per tot. p. 150 & seq. t. 2. ed. Taurin 1749.* quasi mediam sequitur viam inter has duas Sirmondi, & Mabillonii opi-niones. Nimirum late demonstrat, Latinos per novem, aut octo saltem Ecclesiæ sæcula nullum possuisse discrimen inter azymum, atque fermentum, sed modo unum, modo alterum panem sine defectu consecrare so-litos fuisse. Sententia hæc ceteris probabilior esse videtur, eaque firmis-simis nititur argumentis, quæ late ab ipso Bona l. c. exponuntur. Eam vero, præter ceteros sequuntur Gravesonius *Histor. Eccl. t. 3. sæc. 9. colloq. 3. pag. 96. ed. August. Vindelic. an. 1756.*, Tournelyus *Prælect. Theolog. t. 9. in 4. de Sacram. Euchar. qu. 4. art. 5. concl. 3.*, Jueninius *de Sacram. diss. 4. qu. 2. c. 1. art. 4. §. 5.*, Drouvenius *de Re sacrament. lib. 4. qu. 2. cap. 1. §. 3.* Armenii, & Maronitæ Latinorum more azy-mum consecrant; sed à ceteris Orientalibus fermentum adhibetur. Mi-chael Cerularius Patriarcha Constantinopolitanus duabus literis, qua-rum alteram dedit ad Joannem Tracensem in Apulia Episcopum, alte-ram ad Petrum Patriarcham Antiochenum Latinos increpare ausus est, quod azymis uterentur, & nullam esse eorum consecrationem demonstrare conatus est. Sed insanum, atque impium hominem refutarunt Leo IX. præclara epistola, & Cardinalis Humbertus Silvæ Candidæ Episcopus egregio Dialogo, quæ, quique extat t. 17. *Annalium Baronii p. 92. & seq. ed. Lucæ.*

(3) Concilium Florentinum in decreto Eugenii IV. col. 986. t. 9. collect. Harduini.

(4) Catechismus Romanus part. 2. cap. 4. §. 14.

§. XLV. Prioribus Ecclesiæ sæculis panis à Fidelibus ob-latus, cujuscumque molis, ac figuræ consecrari, sectus-que in partes populo tribui solebat. Sed pace Ecclesiæ da-ta, diligenti cura paratus est (1), atque in modum coronæ

compactus (2), eique impressæ cruces, & characteres, qui Christum exhiberent, licet non iidem semper, & ubique fuerint (3). Erat autem panis non ita tenuis, ut deinceps esse cæpit, eratque tantæ magnitudinis, ut ex uno, qui consecrabatur, pane cuncti fideles sacramentum acciperent (4). At deinceps oblatæ in tenuem abierunt formam ad instar denarii; & tunc apud Latinos plures oblatæ consecratæ sunt, grandior una pro sacerdote, minores aliæ pro populo, quæ minores oblatæ adhuc *particulæ* appellantur. Vino aliquantulum aquæ admiscetur (5), idque ex Apostolica traditione, & exemplo Christi, qui vinum cum aqua commixtum præbuit (6).

(1) Concilium Toletanum XVI. c. 6. t. 8. col. 62. collect. Labbei ed. Ven. Explicat autem Martenius de *Antiq. eccl. rit. lib. 1. c. 3. art. 7. §. 23. & seq. p. 116. t. 1. laud. ed.*, quo ritu, qua diligentia, & à quibus conficeretur panis, quem Sacerdos consecrabat.

(2) Epiphanius in *Ancorato* n. 57. opp. t. 2. p. 60. ed. Paris. 1622., Cæsarius S. Gregorii Nazianzeni frater *dial. 3. de Fid. Cathol. p. 797. Bibl. PP. t. 5. ed. Lugduni 1677.*, Gregorius M. *Dial. lib. 4. c. 55. col. 404, opp. t. 2. ed. Maurin. Paris. 1705.* Hinc à quibusdam oblata *circulus*, & *rotula* panis appellatur. De forma panis, quo utuntur Græci, videndus Leo Allatius de *Consens. Occident. & Orient. Eccl. lib. 3. c. 15. n. 18.*

(3) Consule Goarium in *Not. ad Eucholog. Græcor. pag. 117.*, Arcudium de *Sacram. lib. 3. cap. 38.*, Card. Bonam Rev. *liturgic. lib. 1. c. 23. §. 18. pag. 209. & 210. t. 2. ed. Taur. 1749.*

(4) Confer Iueninium de *Sacram. diss. 4. qu. 2. art. 3.*

(5) Aliquantulum, inquam, aquæ vino adiniscendum est, quoniam multo plus vini, quam aquæ calici infundere oportet c. 13. de *Celebr. miss.* Concilium Triburiense Can. 19. t. 6. collect. Harduini col. 445. duas ex vino partes, unam ex aqua esse jubet. Sed cetera Concilia modicum aquæ infundi volunt, ne vini natura immutetur, neque definiunt, quota pars calicis ex aqua esse debeat. Causas autem commiscendæ aquæ cum vino explicat Concilium Tridentinum *Sess. 22. cap. 7. de Sacerfic. miss.*, & Catechismus Romanus l. c. §. 16.

(6) Nullum quidem est in sacris literis expresum testimonium, quod Christus aquam vino adiniscuerit; sed ita tamen ab eo factum esse Conciliorum auctoritate, inquit Catechismus Romanus *part. 2. c. 4. §. 16.*, & S. Cypriani testimonio comprobatur. Revera in antiquis Liturgiis SS. Basilii, & Cyrilli hujus à Christo factæ commixtionis diserta mentio est; eamque etiam memorant S. Irenæus *contr. hæres. lib. 4. c. 33.*

n. 2. part. 270. 2d. Paris. 1710., S. Cyprianus Ep. 63. ad Cecil. p. 100. ed. Rigaltii Paris. 1666., S. Hieronymus Comm. in c. 14. S. Marci col. 823. opp. t. 11. ed. Vallarsii Veronæ, S. Cæsarius Arelatensis Homil. 7. in Bibloth. PP. t. 8. p. 826. ed. Lugdun., Concilium Cartaginense III. Can. 24. t. 2. col. 1403. Aurelianense IV. Can. 4. t. 5. col. 1365. Trullanum Can. 32. t. 7. col. 1362. apud Labbæum ed. Ven. Ex quo intelligitur, quam graviter desipiam Calviniani, & Lutherani, qui hunc ritum aquæ vino admiscendæ in Eucharistia inter humana commenta, ac recentes traditiones referunt. Quamquam tamen aquæ cum vino commixtio sine mortali peccato prætermitti non possit, ea tamen si desit, constare sacramentum docet Catechismus Romanus l. c. §. 17. Cæterum quæstio est, quæ sæculo XII. excitari cœpit; num aqua in Christi sanguinem, an primum in vinum, deinde in sanguinem convertatur. Vide Drouvenium de Re sacrament. l. 4. qu. 2. c. 3. §. 4.

§. XLVI. Verba, quibus consecratur panis, hæc sunt: *hoc est corpus meum*: vinum autem consecratur his verbis: *hic est calix sanguinis mei, novi, & æterni testamenti, mysterium fidei, qui pro vobis, & pro multis effundetur in remissionem peccatorum* (1). Munus Ministri, qui Eucharistiam administrat, in ea consecranda, ac distribuenda positum est. Eucharistiam consecrant soli Sacerdotes, non item inferiores clerici, multoque minus laici; quoniam Christus hanc potestatem tantum Apostolis, eorumque in sacerdotio successoribus concessit (2). Num plures simul Sacerdotes conficere Eucharistiam possint, ab antiquis Scholasticis disputatum est: sed id diu à Latinis factum, & nunc etiam à Græcis fieri constat (3). Quin apud nos manent adhuc vestigia antiquæ consuetudinis in Presbyterorum, atque Episcoporum ordinationibus.

(1) Num in forma, qua consecratur calix, ad vim sacramenti tantum necessaria sint verba *hic est calix sanguinis mei*, an etiam cetera requirantur, vetus quæstio est, de qua vide Jueninium de Sacram. Diss. 4. quæst. 3. c. 3. & Drouvenium de Re sacrament. lib. 4. quæst. 3. c. 3. Quamquam autem Christus voluntatis imperio Eucharistiam consecrare potuisset, revera tamen evangelicis verbis ex pane, & vino suum corpus, & sanguinem confecisse docet D. Thomas in Summa part. 3. quæst. 78. art. 1. ad 1., quem Theologi fere omnes sequuntur.

(3) Concilium Lateranense IV. c. 1. l. 7. col. 17. collect. Harduini,

...

& Tridentinum *Sess. 22. c. 1. & Can. 2. de Sacrific. missæ*. Lutheri somnium est, omnes Christianos jure divino esse sacerdotes, & omnes, præsertim cum id necessitas postulat, Eucharistiæ conficiendæ habere potestatem. Absurdam hanc doctrinam, & ceteros, qui ab ea dissimiles non sunt, errorer Gnosticorum, Montanistarum, Collyridianorum, Waldensium, Calvinianorum late refulant Theologi, atque inter ceteros Drouvenius *l. c. quæst. 4. c. 1.* Celebrem Tertulliani locum, in quo omnes Christiani sacerdotes esse, & omnes offerre dicuntur, accurate inter ceteros expendunt Albaspineus *de Administrat. Eucharist. lib. 1. c. 8.*, Herminicus *de Sacram. t. 2. c. 19.*, Benedictus XIV. *de Sacrific. missæ sect. 1. c. 13.*

(3) Vetus sane hæc erat Latinae, & Græcæ Ecclesiæ consuetudo, quam pluribus monumentis confirmant Morinus *de Sacr. Ordin. part. 3. exerc. 8. c. 1.* Car. Bona *Rer. liturgic. lib. 1. c. 13. §. 9. pag. 21. t. 1. ed. Taurin. 1749.*, Martenius *de Antiq. eccles. rit. lib. 1. c. 3. art. 8. §. 1. & seq. p. 119. t. 1. ed. Antwerp. seu Ven. 1763.* Eam apud Latinos desisse suspicatur Bona *l. c. p. 22.*, cum late diffusis Ordinibus mendicantium, multiplicata sunt onera missarum, atque ideo necesse fuit singulos Sacerdotes, ut iis satisfacerent, singulis diebus privatim celebrare. Nimirum ea res tota pertinet ad disciplinam, quam, salva fide, ab Ecclesia mutari posse, nemo catholicus inficiabitur. Vide etiam Dominicum Georgiam *de Liturg. Roman. Pontif. in prim. t. 3.*, & Catalanum *in Pontific. Roman. part. 1. tit. 12. §. 17. p. 140. & seq.*

§. XLVII. Eucharistiam à Sacerdote consecratam etiam Diaconi distribuere possunt. Quamquam enim jus ordinarium eam distribuendi sit penes ipsum, qui consecrat, non id tamen ita necessario pendet ab ordine sacerdotali, ut non etiam aliis committi possit. Et olim quidem Diaconi Eucharistiam populo tribuebant (1); verum id in Occidente præstabant, si necessitas urgeret, atque abesset Presbyter, aut juberet (2). Nunc soli Sacerdotes Eucharistiam administrant; & ejus quidem rei jus proprium, atque ordinarium Episcopi, ac Parochi est, ceteri Sacerdotes ex alterutro delegatione id præstant (3). Sed jampridem eo jure utimur, ut omnes Presbyteri Eucharistiam præbeant, atque ita jus Parochorum ad viaticum, & paschalem communionem reductum est.

(1) S. Justinus *Apol. 1. n. 65. & 67. p. 83. ed. Par. 1742.*, Concilium Nicænum *Can. 18. t. 1. col. 1331. collect. Harduini.*

(2) Auctor. *Constit. Apostolic. lib. 8. c. 28* apud Cotelerium *PP. Apostolic. t. 1. pag. 416. ed. Amstelædami 1724.* Concilium Carthagen-

te IV. Can. 38. col. 1440. t. 2., & Arelatense II. Can. 15. col. 4. t. 5. *collet.* Labbæi, Gelasius I. Ep. 9. ad Episc. Lucania c. 8. col. 316. *cod.* t. 5. Quin propter gravem aliquam necessitatem minores quoque clericos, atque etiam laicos Eucharistiam tribuisse constat ex martyrologiis Bedæ, Adonis, Usuardi, atque ex Eusebio *Histor. lib. 6. cap. 44. pag. 318. ed. Valesii Cantabrigiæ 1720.* Ac formidolosis illis temporibus, quibus Etrusci imperio potiebantur, laicos consecratum panem in domos suas detulisse, ut eo clam sumpto sese contra Tyrannos instruerent, testatur Tertullianus *lib. 2. ad Uxorem cap. 5. p. 169. ed. Rigaltii Paris. 1675.* Quem morem etiam post pacem Ecclesiæ redditam obtinuisse demonstrant S. Hieronymus *Ep. 48. ad Pammachium n. 15. col. 225. t. 1. ed. Vallarsii Veronæ 1734.*, S. Basilius *Ep. 93. ad Cæsarium pag. 186. opp. t. 3. ed. Maurin. Paris. 1730.*, S. Zeno *lib. 1. Tract. 5. pag. 60. t. 1. ed. August. Vindob. 1758.* In suas autem domos Christiani deferbant Eucharistiam aut linea syndone, vel sacculo involutam, aut arca lignea inclusam, quod observant Fratres Ballerini in *S. Zenon. lib. 1. tract. 14. pag. 113. t. 1. cit. ed.* Nunc apud Latinos non modo Dominicum corpus, sed sacra etiam vasa laici contrectare prohibentur. Nemo tamen dubitat, quin nunc etiam laicis hæc facultas dari ab Ecclesiâ possit; & certe S. Pius V. Mariæ Stuartæ Sotorum Reginae, cum ab Elisabetha Anglorum Regina catholicis infensissima carceribus detineretur, concessit, ut manu propria Eucharistiam sumeret.

(3) Hinc in *Clem. 1. de Privileg.* excommunicantur Regulares, qui sine speciali Parochorum venia Eucharistiam præbent.

§. XI.VIII. Suscipere Eucharistiam possunt Christiani omnes, qui iusti, ac digni habentur; & olim quidem tum apud Latinos, tum apud Græcos obtinuit consuetudo, ut etiam infantibus post Baptismum Eucharistia tribueretur (1). Sed quamquam id probabili ex causa factum fuerit, numquam tamen Ecclesia infantibus rationis usu carentibus Eucharistiam necessariam iudicavit (2); & Latini jampridem ab ea consuetudine recesserunt (3), quam tamen Græci adhuc retinent (4). Nunc igitur Latini Eucharistiæ participes non faciunt pueros, nisi ea mente, atque ætate sint, ut vim intelligant sacramenti; quod Episcopi, & Parochi iudicio æstimandum est (5). Perpetuo amentes Eucharistiam non sumunt; at si ante amentiam piam, & religiosam voluntatem ostenderint, in exitu vitæ eo sacramento donantur, nisi periculum vomitus, vel alterius indignitatis, & incommodi timeatur (6).

(1) S. Cyprianus de *Lapsis* p. 94. ed. Amstelædami 1700., Auctor *Constit. Apostol. lib. 8. c. 13.* apud Cotelærium PP. *Apostolic. t. 1. p. 409.* ed. Amstelædami 1724., S. Dionysius seu potius Auctor *Eccles. Hierarchy. c. 7. §. 11. pag. 417.* ed. Anuerp. cit., S. Augustinus *Ep. 98. ad Bonifac. t. 2. col. 265. de Peccator. merit. lib. 1. c. 20. col. 15. & 16. t. 10., & Sermon. 174. c. 6. col. 834. t. 5.* ed. Maurin. Ven. 1731., S. Innocentius I. *Ep. 30. ad PP. Concil. Milevitan. n. 5. p. 898.* apud Constantium *Ep. Romanor. Pontificum.*

(2) Concilium Tridentinum *Sess. 21. c. 4. de Communion. & Can. 4. ejusd. Sess.* Quod decretum impudenter hæretici carpunt, atque abantur potissimum Augustini, & Innocentii locis, ut suadeant, eos infantibus necessariam Eucharistiam agnovisse. Ex horum hereticorum numero sunt Joannes Dalleus, quique ejus errorem sequuti sunt Josephus Binghamus *Origin. eccles. l. 15. c. 4. §. 7. pag. 391. & seq. t. 6.* ed. Hæle Magdeburg 1759., & Petrus Zornius *Hist. Eucharist. Infant. Berolini edita an. 1736.* Sed horum commenta graviter, & accurate sunt à catholicis, doctisque viris refutata. Consule D. Thomam Leet. 7. in c. 6. S. Joannis, Card. Toletum *ad d. c. Annot. 28., Natalem Alexandrum Hist. Eccles. sæc. 5. c. 4. art. 3. §. 10. t. 5. pag. 109.* ed. Ven. 1776., Card. Norisium *Vindic. Augustin. §. 4.*

(3) Vigebat hæc consuetudo apud Latinos etiam XI. sæculo, uti patet ex Hugone à S. Victore de *Sacram. t. 1. c. 20. pag. 1376. Bibl. PP. t. 10. ed. Paris., & Radulpho Ardente Sermon. in die Pasch. p. 171. terg. ed. Paris. 1754.,* qui duo scriptores ea ætate floruerunt. Sed jam ævo suo antiquum morem desinere cepisse, ipse Hugo tradit. Neque solum infantes statim post baptismum, sed & omnes innocentes pueri, tum in Oriente, ac præsertim Constantinopoli, tum in Occidente, potissimum vero in Galliis, Eucharistiæ participes fiebant, si quando multæ Dominici corporis particule superessent. Evagrius *lib. 4. histor. Eccles. c. 36. pag. 416. ed. Valesii Cantabrig. 1720., Nicephorus Callistus Hist. eccles. lib. 17. c. 25. t. 2. pag. 772. ed. Paris. 1630. Gregorius Taronensis de Glor. martyri. lib. 1. c. 10. col. 732. ed. Paris. 1699., Concilium Matisconense II. Can. 6. apud Labbæum t. 6. col. 675. ed. Ven.*

(4) Consule Arcudium de *Sacram. Euchar. lib. 3. c. 11., & Janum Nicium Erythræum Epist. 24. lib. 7.*

(5) Catechismus Romanus *part. 2. c. 4. n. 62. & 63.* Consule Benedictum XIV. *Const. Etsi minime 42. §. 9. p. 68. t. 1. ejus Bullar. ed. Rom. seu Ven. 1754., & de Synod. Diæces. lib. 7. c. 12.,* qui ea de re copiose disputat.

(6) Catechismus Romanus *l. c. n. 64., S. Thomas in Summa part. 3. quæst. 80. art. 9.*

§. XLIX. Eucharistia non nisi à jejunis sumenda est (1), exceptis ægrotis, quibus non jejunis datur viaticum (2). cum

in vite discrimine versantur. Nullum quidem ea de re divinum præceptum est: quin Christus Apostolis cœnatis suum corpus, & sanguinem dedit. Verum id ipse fecit peculiari-
bus, gravibusque de causis, neque Ecclesiæ ademit facultatem stabiliendi jejunii, quod stabilivit (3), & quo aliquem solvere unus Romanus Pontifex justis ex causis potest (4).

(1) De hoc jejuniis, quod à dimidia nocte usque ad tempus, quo Eucharistia sumitur, servandum esse constat, late agit Benedictus XIV. de *Synod. diocess. lib. 6. c. 8.*

(2) Viaticum ab antiquis Scriptoribus Ecclesiasticis appellatur quid-
quid Christianos munire posset, cum ex hac vita migrabant; ideoque eo nomine non Eucharistia solum, sed etiam Baptismus, Confirmatio, Absolutio, Extrema unctio continebatur, uti ostendit Albaspinæus *Observ. lib. 1. c. 11. p. 27. & seq. ed. Neapol. 1777.* Ita in Concilio Nicæno *Can. 13. t. 1. col. 330. collect.* Harduini ultimum, & maxime necessarium viaticum, quod penitentibus ex vita excedentibus tribuitur, est absolutio, non Eucharistia; & Concilium Vaseræ I. *Can. 2. t. 1. col. 1787. collect.* Harduini *ed. Paris.* memorat generationem sacramentorum Viaticum. Sed nunc ejus vocabuli significatio angustior est, ac designat Eucharistiam, quæ morientibus datur.

(3) Late hoc argumentum persequitur Augustinus *Ep. 54. ad Januar. c. 6. col. 126. t. 2. ed. cit.* ubi postquam inquit: liquido apparet, quando primum acceperunt Discipuli corpus, & sanguinem Domini, non eos accepisse jejunos; postremo addit: numquid tamen propterea calumniandum est universæ Ecclesiæ, quod à jejuniis semper accipitur? Ex hoc enim placuit Spiritui S., ut in honorem tanti sacramenti in os Christiani prius Dominicum corpus intraret, quam ceteri cibi. Vide etiam S. Thomam I. *Summa par. 3. qu. 80. art. 8.,* Nicolaum I. in *Respons. ad consult. Bulg. c. 65. t. 5. Concil. col. 375. collect.* Harduini, Card. Boam *Rer liturgic. t. 1. c. 21. §. 1. ibique Salam in Not. t. 2. pag. 108. ed. Taurin 1749.*

(4) Confer Benedictum XIV. *Const. 55. t. 4. ejus Bullar. pag. 248. ed. Romæ seu Ven. 1758.,* ubi Jacobo III. M. Britannicæ Regi post tenuem cibum valetudinis causa sumptum facultas Eucharistiæ suscipiendæ conceditur. Ceterum in Sacramentario S. Gregorii *col. 73. opp. t. 3. ed. Paris. 1705.* pueris, qui lac ob necessitatem suxerant, Eucharistia permittitur; quod etiam habet Ordo XV. Ecclesiæ Apamiensis apud Martenium de *Antiq. Eccles. rit. t. 1. c. 1. art. 18. t. 1. p. 75. ed. indic.* Ordo autem Romanus à Mabillonio descriptus *t. 2. Musei Italici n. 46. p. 28.* lactentes pueros tantum ante unam horam, quam Eucharistiam capiant, jejunos esse jubet. Quin etiam feria V. in cœna Domini Eucharistiam in Ecclesiis quibusdam à non jejuniis sumi consuevisse, constat ex *Can. 29. Concilii Carthaginiensis III. apud Labbæum.*

1. 2. col. 1403. ed. Ven., qua de re rogatus S. Augustinus, Ep. 54. ad Januar. c. 5. col. 126. t. 2. cit. ed. respondit, servandam esse locorum consuetudinem. Verum mos ille dandæ pueris Eucharistiæ jampridem antiquatus est, & illa, quam memoravi, consuetudo quarundam Ecclesiarum, dandæ non jejunis Eucharistiæ teria V. in cæna Domini, Ecclesiæ lege sublata est. Vide Juenium d. Sacrament. diss. 4. quest. 8. art. 2. §. 1.

§. I. Olim fideles, qui sacrificio intererant, quotidie (1), atque, ut plurimum, sub utraque specie panis, & vini, Eucharistiam accipiebant. (2). Sed nullum unquam ea de re præceptum fuit; & certe sub una tantum specie integrum sacramentum suscipi, catholica fides docet (3). Inminuta etiam christianorum charitate quotidiana illa communio sensim desiit; ac denique necessitas suscipiendæ Eucharistiæ precipuis quibusdam anni diebus ab Ecclesia imposita est. Primum ter in anno, hoc est in Natale Domini, in Paschate, in Pentecostes (4); postremo semel, hoc est saltem in Paschate, Christiani omnes Pœnitentiæ, & Eucharistiæ sacramenta accipere jussi sunt (5).

(1) Quod ostendit illud Lucæ Act. II. 42. de primis Christianis: *erant autem perseverantes in doctrina Apostolorum, & communicatione fractionis panis, & orationibus*, quod de Eucharistica Communionem Patres intelligunt. Omnes, qui sacris mysteriis intererant, Eucharistiam suscipiebant. Justinus Apol. 11. n. 65. p. 83. indic. ed. Paris. Cyprianus de Orat. p. 192. ed. Paris. 1666., Auctor lib. de Eccles. hierarch. c. 3. §. 12. pag. 290. t. 1. ed. indic.; & canone 16. Apostolorum apud Cotelerium PP. Apostolic. p. 443. t. 1. cit. ed. damnantur fideles, qui ingrediuntur Ecclesiam, & scripturas audiunt, non autem perseverant in oratione, nec sanctam communionem percipiunt, quem canonem explicans de frequentî communionem late disputat Beveregius in Cod. canon. Eccles. primit. lib. 2. c. 3. p. 80. t. 2. apud eundem Cotelerium l. c. Quin sua etiam ætate quotidianam communionem Romæ viguisse testatur Hieronymus Ep. 48. ad Pammachium n. 15. col. 225. opp. t. 1. ed. Vallarsii Veronæ 1734. quod, ipse inquit, non reprehendo, nec probō. Hieronymo antiquior Didymus Alexandrinus d. Trinit. lib. 3. c. 21. pag. 398. ed. Bononiæ 1769. morem eundem memorat Ecclesiæ Alexandrinæ, vocatque Eucharistiam desideratissimum Pascha, quoniam fideles hoc sacramentum summo desiderio appetebant. Augustinus autem Ep. 521. col. 125. t. 2. ed. Ven. cit. variam ea de re Ecclesiarum consuetudinem demonstrat.

(2) Antiquitus Christianos, ut plurimum, sub utraque specie Eucharistiam accepisse patet ex Apostolo I. ad Corinth. XI. 26. seq. Justino Martyre l. c., Cypriano Ep. 57. pag. 253. ed. Amsteladami, Cyrillo Catech. 523. n. 21. & 22. pag. 332. ed. Paris. 1720., Chrysostomi Hom. 82. in Matth. pag. 788. t. 7. ed. Montfauconii Paris., Leone M. Sermone 41. cap. 5. pag. 111. opp. t. 1. ed. Romæ 1753., Zenone lib. 2. Tract. 38. p. 251. & Tract. 53. p. 280. t. 1. ed. August. Vindelic. 1758., aliisque compluribus. Ut plurimum, inquam; nam sæpe sub una tantum specie Eucharistiam datam constat, unde intelligitur, id semper Ecclesiam ratum habuisse, quod nullum sit præceptum, quod laici, & Clerici sacrificium non conscienties Eucharistiam sub utraque specie accipere compellantur. Revera ad ægrotos in lecto decumbentes sub una tantum specie Eucharistia plerumque deferrebat, atque ita etiam Serapionem, & Ambrosium accepisse tradunt Dionysius Alexandrinus apud Eusebium Hist. eccles. lib. 6. cap. 44. p. 318. ed. Valesii Cantabrig. 1720., & Paulinus in Vit. Ambros. num. 47. opp. Ambros. tit. 4. col. XIII. ed. Ven. indic. Similiter pueris infantibus, ut plurimum, sub una specie dabatur sacramentum, & fideles, qui, ethnicis dominantibus, Eucharistiam domi servabant, solum accipiebant panem, quem unum memorant Patres, ac nominatim Tertullianus lib. 2. cap. 5. ad Uxor p. 169. ed. Rigaltii Paris. 1675., non autem vinum, quod facile corrumpitur. Quin etiam in publicis conventibus diu fideles sub una panis specie Eucharistiam suscepisse die Parasceves ex Ordine Romano manifestum est. Fusc, ac diligenter ea de re contra Protestantes disserit Bossuetus duobus libellis, quorum alteri titulus est de Communione sub utraque specie, alteri Defensio traditio de Communione sub una specie. Vide etiam Selvagium Antiquit Christian. lib. 3. cap. 9., Drouvenium de Re sacrament. lib. 4. qu. 8. cap. 2., & Jueninium de Sacramen. diss. 4. qu. 9. art. 2. In primis autem consulendus est doctissimus Cardinalis Garampius, qui in egregio opere, cui titulus Memoria della B. Chiesa di Rimini diss. 5. p. 177., & seq. tum de quotidianæ communionis, tum de Eucharistiæ sub utraque specie accipiendæ usu copiose, & præclare disputat. Ac gravissimas quidem habuit Ecclesia causas, propter quas communicandi consuetudinem sub altera tantum specie non solum approbaret, sed etiam decreta auctoritate firmaret, easque numerat Catechismus Romanus par. 2. cap. 4. §. 66. Etate 8. Thæmæ adhuc in quibusdam Occidentis Ecclesiis a consuetudo accipiendi sub utraque specie Eucharistiam perseverabat; ut patet ex ejus Summa par. 3. qu. 80. art. 12. Græci tamen hanc consuetudinem tunc etiam retineant, atque eam permittendam considerant Concilium Florentinum, Leo X. in Constit. Accepimus. & Clemens VII. in Constit. Provisionis nostræ apud German. Pontificem, Constit. epitom. tom. 2. pag. 576. Confer Leonem Allatum Adnot. 1. de Eccl. Occident. atque Orient. consens., & Arcudiam Concord. Occident. & Orient. lib. 3. cap. 4. Italo Græcis hæc consuetudo integra relinquitur à Benedic-

to XIV. in *Const. Etsi pastoralis* 57. §. 6. pag. 106. n. 15. t. 1., & *Const. Allatæ sunt* 47. §. 25. t. 4. ejus *Bullarii* pag. 183. ed. Rom. seu Ven. 1758.

(3) Concilium Tridentinum *Sess.* 21. cap. 1. & 2. de *Communione*. Quod etiam antea docuerat Synodus Constantiensis *Sess.* 13. apud Labbeum t. 16. *Conc.* col. 218., quæ jam ante istud tempus diutissime illum consuetudinem communicandi sub una specie, ab Ecclesia observatam fuisse testatur.

(4) Concilium Agathense habitum VI. sæculo *Can.* 18. col. 1000. & 2. collect. Harduini ed. Paris *Sæculares*, inquit, qui Natale Domini, Pascha, & Pentecoste non communicaverint, catholici non credantur, nec inter catholicos habeantur. Eadem habet Synodus Turonensis III. habitata IX. sæculo *Can.* 50. col. 1030. t. 4. collect. Harduini. Falso Gratianus Agathensem canonem Concilio Eliberitano, ac Turonensem Fabiano Pontifici adscribit *Can.* 19. & 21. *dist.* 2. de *Consecr.* nam hæc disciplina multo post Eliberitanum Concilium ac Fabianum Pontificem induc-ta est.

(5) Concilium Tridentinum *Sess.* 13. *Can.* 9. de *Eucharist.*, quo decreto confirmatus est canon Concilii Lateranensis in cap. 12. de *Pœnitent.* & *remission.* Hic autem canon omnes utriusque sexus fideles saltem semel in anno proprio Sacerdoti sua peccata confiteri, & Eucharistiam suscipere jubet. Quæsitum est, quis proprius Sacerdos haberi debeat, & omnes fere consentiunt, proprium Sacerdotem, cui sua quisque crimina semel in anno aperire debet, & à quo sacramentaliter absolvendus est, esse Parochum; salva tamen Summi Pontificis in toto orbe Christiano, & Episcoporum in suis diocesisibus auctoritate, qui & eam exercere ipsi possunt, & aliis sacerdotibus exercendam committere. Quare non tantum qui proprio parcho, sed etiam qui aliis Sacerdotibus à Summo Pontifice, aut Episcopo delegatis sua confitentur crimina, Ecclesiæ præceptis satisfaciunt. Confer Natalem Alexandrum *Disert. de Sensu Canonis Utriusque sexus in Thesaur. Theologic.* t. 11. opusc. 9. pag. 548. seq. Quod autem dicitur ab omnibus Christianis Eucharistiæ sacramentum in Paschate esse accipiendum, id de hebdomada sancta, & octava Paschatis accipiendum est, Eugenius IV. in *Bulla. Fide digna* 24. p. 33. t. 3. par. 3. *Bullarii* ed. Rom. ult.

§. LI. Certis autem verbis ab ipsis Ecclesiæ primordiis Eucharistia dari consuevit, uti nunc etiam datur (1). Primum Episcopi, tum Presbyteri, deinceps Diaconi, ceterique inferiores Clerici, Monachi, Diaconisse, Virgines, ac tandem laici, primum viri, postea mulieres (2); & clerici quidem intra, laici extra sanctuarium (3); atque omnes non flexis genibus, uti nunc, sed stantes, prono tamen capite,

ac denissis oculis (4), Eucharistiam accipiebant. Cuncti lotis manibus, & facie accedebant (5); manuque excipiebant Christi corpus (6), sanguinem aut calamo sugabant, aut ex calice ori admoto ebibebant, quin etiam interdum corpus sanguine intinctum porrigebatur (7).

(1) Auctor *Const. Apostol. lib. 8. cap. 13.* apud Cotelierium PP. *Apostolic. p. 409. t. 1. ed. Amstelædami cit.*, & S. Ambrosius *de Sacram. l. 4. cap. 5. n. 25. col. 467. t. 3. opp. ed. Ven. cit.* describunt formulam, quæ ea tempestate adhibebatur, eaque erat: *Corpus Christi: sanguis Christi.* Ætate S. Gregorii uti testatur Joannes Diaconus in *ejus Vit. lib. 2. c. 41. opp. S. Gregor. t. 4. col. 58. ed. Paris. 1705.* formula his erat concepta verbis: *Corpus D. N. Jesu-Christi corparvet animam tuam.* Denique ævo Alcuini, uti ipse tradit *de Sabbato S. Paschæ col. 259. Bibl. PP. t. 10. ed. Paris. 1624.*, facta est formula ad hunc modum: *Corpus D. N. Jesu-Christi custodiat te in vitam æternam.* At non eadem omnino ubique fuit. Recitata à ministro formula, Eucharistiam accipientes respondebant, *amen.* Auctor *Constit. Apostol. l. c.*, Cornelius P. apud Eusebium *lib. 6. cap. 43. p. 315. indic. ed.*, Augustinus contra *Faust. lib. 12. cap. 10. col. 231. t. 8. ed. Ven. cit.*, Leo M. *Serm. 93. cap. 3. p. 263. opp. t. 1. ed. Romæ 1753.*, Cyrillus Hierosolymit. *Cath. 23. num. 21. p. 331. cit. ed. Paris.* Sed jampridem apud nos receptum est, ut fideles Eucharistiam taciti accipiant.

(2) Auctor *Constit. Apostolic. l. c.*

(3) Concilio Toletano IV. *Can. 18. t. 3. col. 584. collect. Harduini* sancitum est: *ut sacerdotes, & Levita ante altare comunicent, & in choro clerus, extra chorum populus.* In Africa etiam laici ad cancellos, qui chorum à populo separabant, Eucharistiam accipiebant, quod colligitur ex Augustino *Serm. 392. cap. 5. col. 1506. t. 5. ed. Ven. cit.* Neophytis tamen, uti constat ex eodem Augustino *Serm. 224. cap. 6. col. 969. d. t. 5. cit. ed.* beneficii loco permittebatur, ut ad altera accederent. In Mediolanensi Ecclesia laicos extra sanctuarium communicasse, demonstrat factum Ambrosii, qui Theodosium Imperatorem sibi intra illud locum arrogantem sanctuario prohibuit. Neque dissimilis fuit Græcorum consuetudo, uti colligitur ex Concilio Laodiceno *Can. 19.* apud Labbæum *t. 1. col. 1534. ed. Ven.*, verum Imperatori datus est intra sanctuarium locus. Concilium Trullanum *Can. 69. col. 1379. t. 7.* apud eundem Labbæum. Galli tamen etiam laicis ad altare communem permisierunt, uti ostendunt Concilium Turonense II. *Can. 4. col. 536. t. 6.* apud eundem, Gregorius Turonensis *Histor. Franc. lib. 10. cap. 8. pag. 491. ed. Paris. 1699.* Cæsarius Arelateus *Serm. 289. in Append. S. August. n. 3. opp. Augustin. t. 5. part. 2. col. 482. ed. Ven. indic.*

(4) Hanc quidem fuisse, & nunc etiam esse Græcorum consuetudinem, manifestum est ex Cyrillo *Catech. 123. n. 22. pag. 332. ind. ed.*

Paris. atque ex libris ritualibus. Idem de Latinis non audent affirmare Card. Bona *Rer. liturg.* l. 2. cap. 17. §. 8. pag. 395. t. 3. *ed. Taurin.* 1753; tantum monet, in missa soleanni Summi Pontificis Diaconum statim communicare, omnino ex veteri ritu. Sed verisimile est, eandem Latinorum fuisse disciplinam. Confer Habertum in *Not. ad Pontif. Græcor.* p. 270., Valesium in *Not. ad Euseb. hist.* l. 7. c. 9. pag. 330. *ed. Cantabrigiæ* 1720., Thiersium in *Gallie. diss. de Altaribus*, Salain ad Bonam l. c. not. 3. pag. 396.

(5) S. Jo. Chrisostomus *Hom.* 3. in *Ep. ad Ephes.* p. 22. t. 11. *ind. ed.*, S. Augustinus *Serm.* 17. c. 5. col. 96. t. 5. *ed. Ven. ind.* Eadem ratione mundissimis quisque vestes sumebat, cum ad Eucharistiam suscipiendam accederet; qua in re singulare est illud, quod legitur in vita S. Jonæ Monachi apud Bollandum 11. Februar. t. 2. part. 520. *Antuerp.* 1658., quod scilicet per annos octuaginta quinque mundam servavit vestem, qua tantum Eucharistiam suscepturus induebatur.

(6) Dionysius Alexandrinus in *Ep. ad Xistum P.* apud Eusebium *Hist. eccles.* l. 7. c. 9. p. 330. *ind. ed. Cantabrig.*, Cyprianus de *Lipsis* pag. 176. *ed. Paris.* 1666., Basilius *Ep.* 93. ad *Casariam* *Paric.* p. 187. *opp.* t. 3. *ed. Mamin. Paris.* 1730., Chrysostomus *Hom. in diem natal. Dom.* n. 7. *opp.* t. 2. p. 365. *ed. Paris. cit.*, Damsenus de *Fid. o.odox.* l. 4. c. 13. *opp.* t. 1. pag. 271. *ed. Paris. ind.*, Augustinus *contr. liter. Petilian.* l. 2. c. 25. col. 233. t. 9. *ed. Ven. ind.* Ambrosius apud *Theodoret.* *Hist. eccles.* l. 5. c. 18. p. 215. *ed. Valesii Cantabrig* 1720., Cyrillus *Catech.* 23. n. 21. p. 331. *cit. ed. Paris.* concava manu, & sinistra dexteræ subjecta Christi corpus suscipi jubet. Hoc autem viros inter, atque mulieres discrimina intercedebat, quod viri nudis manibus, mulieres linteo Eucharistiam excipiebant, ut patet ex Casario Arelatensi *Serm.* 229. *id. append. August.* n. 5. *opp. Augustin.* t. 5. part. 2. col. 376. *cit. ed. Ven.*, & ex Concilio Antisiodorensi *Can.* 36. apud Labbæum t. 6. col. 645. *ed. Ven.* Atque huc etiam canonem 42. ejusdem Concilii Antisiodorensis referendum putant Card. Bona *Rer. liturgic.* l. 2. c. 17. §. 3. p. 369. t. 3. *ed. c.*, Martenius de *antiq. Eccles. rit.* l. 1. c. 4. art. 10. p. 156. t. 1. *ed. Antuerp. seu Ven. c.*, alique complures. Nam eo canone sancitum est, ut unaquæque mulier, quando communicat, dominicalem suum accipiat. Illi autem dominicalem interpretantur linteum mandum, quo subiecto mulieres Eucharistiam accipiebant. Sed cum ea de re Antisiodorenses Patres satis egissent *Can.* 36., neque verisimile sit, eos actum agere voluisse *Can.* 42., recte Baluzius in *Gratianum Can.* 19. *caus.* 23. *quest.* 3. ostendit, dominicalem, cujus in eo concilio mentio est, fuisse tegmen, quo mulieres ad Eucharistiam accedentes caput operiebant. Porro non uno, & eodem tempore ubique desiit mos Eucharistiæ manu excipiendæ. In Ecclesia Romana jam inde à sæculo VI. in os injectam Eucharistiam colligitur ex eo, quod narrat S. Gregorius M. *Dial.* l. 3. c. 3. col. 234. *opp.* t. 2. *ed. Paris.* 1705. Ibi etiam refertur communicatio cuidam muto, & claudio distributa à S. Agapito, qui anno 535.

Summus Pontifex creatus est, ac dicitur corpus Dominicum in os misisse. Similiter Rothomagensi concilio sancitum est, ut nulli laico, aut feminae Eucharistiam in manibus ponant (Sacerdotes), sed tantum in os ejus. Integrum hujus concilii canonem describit Mabillonius *Prefac.* 12. 1. part. sec. 3. *Benedictia. observ.* 11. n. 76. p. XXXIV. t. 3. ed. Ven. 1734., quem editum putat circa annum 880., quo ex tempore, inquit, abrogari cepit mos ille Eucharistiae manibus excipiendae, reservata tamen Diacono, & Subdiacono Domini corporis tractandi facultate. Verum in Romana Ecclesia ante hanc aetatem Christi corpus in os mitteri consuevisse, demonstrat Gregorii locus, quem paulo ante descripsi; nisi quis forte hoc singulare exemplum ducat, unde generalis consuetudo educi non potest. Consulto Franciscum de Berlendis de *Oblation. ad altare commun.* §. 5. p. 137.

(7) Postremum hanc modum rejecit Synodus Bracarenensis IV. Can. 2. apud L. beaui t. 7. col. 579. ed. Ven. probavit autem Concilium Taronense apud Burchardum *Decret.* l. 5. c. 9. Et vero mos hic saeculo XII. omnibus fere ecclesiis communis erat, ut patet ex epistola 2. Ernulfi Rossensis Episcopi ad Lambertum apud d'Acherium *Spicileg.* t. 3. p. 471. ed. Paris. 1723. Confer Martenium de *Antiq. eccles. rit.* l. 1. c. 4. art. 10. §. 13. p. 157. t. 1. ed. cit.

§. LII. Eucharistia omnibus necessaria, qui eam suscipere possunt; atque in primis eos, qui ex hac vita migrant, tam salutari viatico instructos, & munitos esse oportet (1). Ergo hac praesertim de causa, ne quis subita vi morbi correptus sine hoc sacramento decedat, ejus in Ecclesia servandae usus ab antiquissimo tempore inductus est. (2). Labentibus annis Ecclesia nova voluit accedere nostrae venerationis argumenta adversus admirabile sacramentum, quod cum vere contineat gratiarum fontem uberrimum Christum Jesum, eo modo, quo Deum, colere, ac revereri debemus. Nam institutus est peculiaris dies festus Corporis Christi, & supplicationis genus, quod *processionem* dicimus, & mos inductus, ut Eucharistia publice fidelibus adoranda proponatur (3).

(1) Duplex est modus, inquit D. Thomas in *Summa* p. 3. quest. 80. art. 11. percipiendi hoc sacramentum, spiritualis, & sacramentalis. Manifestum est autem, quod omnes tenentur, saltem spiritualiter, manducare; quia hoc est Christo incorporari. Spiritualis autem manducatio includit votum, seu desiderium percipiendi hoc sacramentum; & ideo merito percipiendi hoc sacramentum non potest homini esse satis. Confer etiam Drouvenium de *Re sacram.* l. 4. quest. 8. c. 1.

(2) Samuel Basnagius Calvinianus homo, *Annal. t. 2. an. 269. p. 255. n. 5.* consuetudinem Eucharistiæ in Ecclesia servandæ recentiorum esse arbitrat. Sed Basnagium solide, graviterque refutat Robertus Sala *ad Bonam Rev. liturgic. l. 2. c. 17. §. 6. not. 1. p. 379. & seq. t. 3. ed. Taurin. 1753.* atque hujus quidem religiosæ consuetudinis antiquitatem ipse etiam agnovit hæreticus homo Josephus Binghamus *Origin. eccles. l. 15. c. 4. §. 11. p. 409. t. 6. ed. Halæ Magd. 1754.* Multo antiqua testimonia, quæ pene innumera sunt, quæque viri docti collegerunt; tantum indicabo præclarum locum Cyrilli Alexandrini *Ep. ad Calosyrium Advers. Anthropophormitas p. 365. t. 6. ed. Lutet. Paris. 1636.* Porro, inquit, alios etiam esse audio, qui mysticam benedictionem (hoc est consecrationem) nihil ad sanctificationem juvare dicant, si quid ex ea fiat reliqui in alium diem. Insaniunt vero qui hæc asserunt. Neque enim alteratur Christus, neque Sanctum ejus Corpus immutatur (dum species manent) sed benedictionis eis, ac facultas, & vivificans gratia perpetuo in ipsa existit. Erat autem receptaculum spiritualis alimonie, hoc est Eucharistiæ, uti loquitur Ambrosius *Ep. 4. ad Felic. opp. t. 3. col. 792. ed. cit.*, vas ad instar columbæ, vel turris, ut plurimum, elaboratum, quod aut in præcipuo, aut peculiari altari servabatur. Gregorius Turonensis *de Glor. marty. c. 86. col. 818. ed. Paris. 1699.*, Concilium Constantinopolitanum sub Menna *Act. 5. col. 1319. t. 2. collect. Harduini ed. Paris.* Interdum etiam Eucharistia pone majus altare ad summum Ecclesiæ parietem, ara non supposita, in vasculo patente retinebatur. Paulinus *Ep. 32. ad Sever. col. 197. ed. Muratorii Veronæ in Baptisteriis supra fontes in pixide, quæ columbam representabat, servatam docet Eucharistiam, quam recenter baptizati accipiebant. Consule Mabillonium Comment. ad ordin. Roman. c. 20. p. 139. t. 2. ed. Paris. 1689. Martenium de Antiq. Eccles. ritib. l. 1. c. 5. art. 3. p. 251. ed. laud., Chardonium Histor. sacram. l. 3. c. 13.* Supra altare autem Eucharistia non in imaginario ordine, sed sub crucis titulo, ut inquit Synodus Turonensis II. Can. 3. apud Labbæum *t. 6. col. 536. ed. Ven. nimirum non quovis loco, & cujusvis arbitrio, sed in medio altari, & sub crucis titulo posita esse debebat. Sic enim interpretor hunc canonem, qui eruditorum torquet ingenia, neque assentior doctissimis viris Sirmondo, & Mabillonio, qui alias hujus canonis interpretationes ediderunt. Illud hoc loco animadvertendum est, Eucharistiam in Ecclesiis non parochialibus sine venia Sedis Apostolicæ retineri non posse. Benedictus XIV. Constit. Quamvis justo 7. §. 24. p. 38. t. 3. ed. Rom. seu Ven. 1754. Confer Cardinalem Petram in Const. Apostol. ad Const. 1. Urbani IV. sect. un. n. 29. t. 3. Et quoniam facta mentio est antiquissimæ consuetudinis Eucharistiæ in Ecclesia servandæ, pauca dicenda videntur de celebri, quæ non multis abhinc annis exarsit, controversia, num scilicet recte administraretur Eucharistia ex præconsecratis, an omnino ex sacrificio cum præsentibus communicandum sit. Nam anno 1737. cum Cremæ Episcopatum tenebat Cardinalis Caſinus, Josephus Guerre-*

rius cathedralis Ecclesiæ Canonicus contendere cœpit, Fideles in ipsa Missa post Sacerdotem Eucharistiam accipere oportere, improbandam autem esse consuetudinem accipiendi extra sacrificium communionem ex præconsecratis. Ut omnis hæc controversia diremeretur, à Benedicto XIV. die 13. Novembris an. 1742. edita est Constitutio Certiores 64. t. 1. ejus Bullarii p. 129. ed. Rom. seu Ven. 1754. In ea declarat Pontifex, quod pridem expresserat Synodus Tridentina, optandum quidem esse, ut in singulis Missis Fideles adstantes non solum spirituali affectu, sed sacramentali etiam Eucharistiæ perceptione communicarent, quod ad eos sanctissimi hujus sacrificii fructus uberius perveniret; statuit tamen, nullam esse necessitatem, qua Sacerdotes Missam celebrantes Sacram Eucharistiam omnibus petentibus infra ipsam actionem ministrare cogantur, neque improbari posse consuetudinem communicandi ex præconsecratis, cum id pro tempore, loco, & personis opportunum judicetur. Nihilominus Michael Maria Nannaronius Dominicanus anno 1770. Neapoli catechismum edidit, quo Guerrierii sententiam defendere conatus est; sed eum refutavit Dominicanus alter Josephus Maria Elephantes, edita Neapoli anno 1774. de hoc argumenti genere peculiari dissertatione. Nannaronius tandem rediit in bonam mentem; sed adhuc adversus consuetudinem distribuendi fidelibus Eucharistiam præconsecratam anno 1779. Patavii dissertationem edidit de Ineruenti novæ legis sacrificii communionem Carolus M. Traversarius ex Ord. Serv. B. M. V. Hanc Traversarii dissertationem, & Nannaronii catechismum damnavit Sacra Indicis Congregatio. Totum hoc argumentum accurate pertractavit Benedictus Vulpius libro Venetiis edito an. 1790., cui titulus: *Storia della celebre controversia di Crema sopra il pubblico divin diritto alla Comunione Eucaristica nella Messa, con una dissertazione sullo stesso argomento.* Consule Franciscum de Berlendis de Oblation. commun. §. 5. n. 8. p. 153. ed. Ven., R. Salam in Notis ad Bonam Rer. Liturgic. l. 2. c. 20. §. 2. not. 2. p. 430. & seq. t. 3. ind. ed., Jo. Laurentium Bertium Theologic. discipl. l. 33. in Append. c. 21., Jo. Baptismam Gaticum de Orator. domestic.

(3) Diem festum corporis Christi instituit Urbanus IV. in Bulla Transitus 19. t. 3. part. 1. Bullarii p. 414. ed. Rom. ult. Morem autem solemniter circumgestandi Dominicum corpus memorant Gregorius Turonensis de Glor. martyr l. 1. c. 86. cit. col. 818. & Concilium Bracarense IV. Can. 6. apud Labbæum t. 7. col. 582. ed. Ven. Cuncta hæc accurate persequuntur Jueninius de Sacram. diss. 4. qu. 4. art. 4., Thiersius de Exposit. Venerabilis, Chardonius Histor. Sacram. l. 3. c. 14. 15. 16. Confer etiam Martenium de Antiq. Eccles. rit. l. 4. c. 29. t. 3. p. 196. ed. Antwerp. seu Ven. 1764., Benedictum XIV. Inst. Eccles. 5., Muratorium Liturgia Romana diss. de Reb. liturg. c. 24.

§. LIII. Non sacramenti solum rationem habet Eucharistia, sed etiam sacrificii; imo unum novæ Legis sacrificium

est. Nam quoties illud Sacerdos conficit, toties Christus Dominus sine cruore immolatur, reditque memoria immanæ charitatis ejus, qui pro nostrum salute Deo Patri semetipsum in ara crucis obtulit. Differt sacramentum à sacrificio, quod illud consecratione perficitur, omnis vero sacrificii vis in eo est, ut offeratur (1). Deinde sacramentum, præter ceteras utilitates, meriti causam affert iis, qui illud recte suscipiunt; sacrificium vim habet non merendi solum, sed etiam satisfaciendi (2). Nam quemadmodum Christus Dominus in passione sua pro nobis meruit, ac satisfecit, ita qui hoc sacrificium offerunt, quo nobiscum communicant, Dominicæ passionis fructus merentur, ac satisfaciunt (3).

(1) Catechismus Romanus par. 2. c. 4. §. 71.

(2) Concilium Tridentinum Sess. 22. c. 2. & Can. 3. de Sacrifi. Misæ.

Hinc catholica veritas de sacrificii, quod vere propitiatorium est, oblatione non solum pro vivis, sed & pro defunctis in Christo nondum ad plenum purgatis. Quarto sæculo Aerius preces pro defunctis fundendas esse negavit, quam nefariam hæresim ut everteret S. Ephrem Syrus S. Basilii discipulus, multas de defunctis odas, cantus, & carmina; officia scilicet defunctorum omnia, ut inquit Abraham Ecchellensis ad *Catal. Ebedjesu* p. 45. composuit, de quibus vide Assemanum in *Bibl. orient.* t. 1. p. 132. & seq. Errorem illum Aerii renovarunt Protestantes; verum ea de re Ecclesiæ doctrina ita certa est, atque omnium Patrum consentiente auctoritate firmata, ut plane desipiant, qui eam in discrimen revocare conantur. Nam ipsam testatissimam faciunt S. Cyprianus *Ep.* 66. p. 109. ed. Paris. 1666., Tertulianus de *Coron.* c. 3. de *Exhortat. castit.* c. 11. de *Monogam.* c. 10. p. 102. 523. 531. ed. Ven. 1744. S. Zeno l. 1. *Tract.* 16. p. 133. t. 1. ed. August. Vindel. 1758., S. Cyrillus Hierosolymitanus *Catech. mystag.* 5. n. 9. & 10. ed. Paris. 1720., S. Epiphanius de *Exposit. fid.* n. 23. t. 1. opp. p. 1106. ed. Petav. Paris. 1622., S. Ambrosius *Ep.* 39. ad *Faustin.* n. 4. opp. t. 3. col. 1014., & in *Orat. de Obiit. Theodos.* col. 293. t. 4. ed. Ven. c. S. Augustinus *Confess. lib.* 9. c. 12. col. 168. t. 1. de *Civ. Dei* l. 21. c. 24. col. 641. t. 7. de *Cur. gerem. pro mort.* c. 1. col. 515 t. 6. ed. Ven., Cassianus *Collat.* 19. c. 1. p. 747. ed. Atrebat. 1623., aliique complures, quos longum est referre. Auctor *Constit. Apostol.* l. 8. c. 41. & 42. *PP. Apostol.* t. 1. p. 423. & 424. ed. Amstelæd. ind. orationem describit pro defunctis cum sacrificio fieri solitam. Confer Card. Bonam *Rer. liturgic. lib.* 1. c. 15. §. 4. p. 307. & seq. ubique Salam in *Not.* t. 1. ed. Taurin. 1747., Drouvenium de *Re sacram.* l. 5. qu. 7. c. 1., Jueninium de *Sacram. diss.* 5. qu. 5. c. 1. & seq., Benedictum XIV. de *Sacrifi. Miss.*

sect. 1. c. 17. §. 1. Atque ex hac quidem catholice Ecclesie doctrina de divino sacrificio, quod prodest non tantum vivis, sed etiam mortuis, qui nondum plane sint expiati, pie Missarum foundationes repetendæ sunt. Quarum foundationum præclarum monumentum occurrit in testamento S. Remigii Episcopi Remensis apud Flodoardum *Hist. Eccles. Remen. l. 1. c. 18. p. 92. ed. Duaci 1617.*, qui ita Agricola Presbyterum nepotem suum alloquitur: *vineam, quam Bebrimodus fecit, tibi eatenus derelinquo, ut diebus festis, & omnibus diebus dominicis sacris altaribus mea inde offeratur oblatio.* Ad hunc locum advertens Christianus Locus Schol. in Can. 69. Concil. Trulani opp. t. 3. p. 126. ed. Ven. 1724. adeo antiquum est, inquit, pro anima sua missas fundare. Verum & alii sunt ejusdem rei antiqua monumenta; quia etiam octavo præsertim sæculo matutz societas pro vivis, ac præsertim mortuis commendandis institutæ sunt, & perpetua anniversaria frequentiora fieri ceperunt. De his societatibus insignis est locus apud Ven. Bedam, qui in mercedem vitæ S. Cuthberti à se conscriptæ, hæc rogat in Prologo ad Eadfridum Episcopum, & Monachum Lindisfarnensem t. 3. præfat. p. 152. ed. Coln. Agripp. 1612. *Me defuncto pro redemptionem animæ meæ, quasi pro familiaris, ac vernaculi vestri, orare, & Missas facere, & nomen meum inter vestra scribere dignemini. Nam & tu, Sanctissime Antistes, hoc te mihi promississe jam retines: in cujus etiam testimonium futura conscriptionis religio Fratri nostro Godfrido mansionario præcepisti, ut in alba vestræ sacræ congregationis meum nunc quoque nomen appareret.* Plures ea de re extant epistolæ S. Bonifacii Episcopi Moguntini, quas inter digna præsertim est, quæ legatur Ep. 106. ad Optatum Abbatem p. 150 ed. Mogunt. 1605. opp. ed. Maurin. Accesserunt etiam anniversaria perpetua, non quod ea tunc primam instituta fuerint, sed quod ea frequentissima facta sunt, & horum quidem multa collegit exempla Mabillonius *Acta SS. Ord. S. Benedicti præfat. in sec. III. par. 1. observ. 27. n. 101. p. XLIX. ed. Ven. 1734.* Frequentissima inquam octavo præsertim sæculo perpetua anniversaria facta sunt; verum anniversariorum origo multo antiquior est, atque à primis Ecclesie temporibus repetenda, uti ostendant Patres, quos paulo supra commemoravi. Doctis tamen viris nunc plane compertum, exploratumque est, perpetuo ne fierent, an semel anniversaria officia, quorum antiqui illi Patres maniverunt. Ego assentior iis, qui hæc anniversaria magna ex parte perpetua fuisse arbitrantur, & hujusmodi esse pato anniversarium, cujus monitum Tertullianus dicit: *Mogan. c. 10. p. 531. ed. Ven. 1744.* cum inquit: *Enimvero & pro anima ejus orat, & refrigerium interim adpostulat ei, & in prima resurrectione consortium, & offert annuis diebus dormitionis ejus.* Si semel tantum annuum officium persolutum fuisset, unum tantum annum diem, non plures Tertullianus indicasset.

(3) Catechismus Romanus loc. cit.

§. LIV. Sacrificium Eucharistiæ *Missæ* nuncupatur, quod

Tomo II.

K

vocabulum non Græcum, aut Hebraicum, sed Latinum est; verum, num à mittendis, seu transmittendis ad Deum populi precibus, atque oblationibus, an potius à mittendo, seu dimittendo populo, ea formula, quam Diaconus recitabat, *ite Missa est*, non satis constat (1). Certæ in Missa preces, ac cærimonie adhibentur; atque ille earum ordo vocatur Liturgia, quod Græcum est verbum, ac Latine redditur publicum ministerium. Semper hi ritus, atque hæ preces, in quibus verba Christi Eucharistiam instituentis principem locum obtinent, adhiberi consueverunt; sed non eadem fuit ea de re Ecclesiarum omnium disciplina (2). Hinc plures pro varia temporum, ac locorum ratione exortæ sunt Liturgie (3); in Oriente quidem celebriores fuerunt Liturgie S. Basilii, ac S. Joannis Chrysostomi, in Occidente Romana, Ambrosiana, Gallicana, Hispanica, quæ etiam Mozarabica appellatur (4).

(1) Confer Card. Bonam, qui de Missæ nomine, ejusque origine late disputat *Rer. liturg. l. 1. c. 1. p. 1. & seq. t. 1. ed. Taurin. 1747.* præterea Benedictum XIV. *de Sacros. Missæ sacrific. l. 2. c. 1.*, Natalem Alexandrum *Histor. Eccles. sec. 13. & 14. diss. 13. n. 40. t. 8. p. 499. ed. Ven. 1776.*, Gerbertum Princip. *Theolog. Liturg. sect. 1. c. 2. p. 37. seq.*

(2) Apostolos recitata oratione Dominica, & formula consecrationis rem divinam confecisse, scribunt Gregorius M. *l. 9. Ep. 12. ad. Joan. Syracus. col. 940. t. 2. ed. Maurin. Paris 1705.*, Honorius Augustodonensis in *Gemma anim. c. 86. in Biblioth. PP. t. 10. col. 1205. ed. Paris.*, Walfridus Strabo *de Reb. eccles. c. 22. col. 680. cit. Biblioth. Berno Augustensis Abbas de Quibusd. ad miss. spectan. c. 1. citat. Biblioth. t. 10. col. 697.* Contra Proclus Constantinopolitanus *de Tradit. divin. liturg. p. 159. ed. Lugd. Batavor. 1617. fusissime, longoque verborum ambitu missam decantasæ tradit, atque eos preces, & hymnos adhibuisse testatur Chrysostomus Hom. 27. in 1. ad Cor. n. 5. opp. t. 10. col. 248. ed. cit.* Has, quæ inter se pugnare videntur, sententias conciliat Card. Bona *l. c. cap. 5. §. 3. pag. 75. inquit, brevem illam formulam Apostolos adhibuisse, cum gravis metas, aut justa alia urgeret causa, longiorem autem, cum per tempus, & occupationes licebat.*

(3) Nullus quidem ambigendi locus esse potest, quin vivis ipsis Apostolis aliquis fuerit. Liturgie usus pluribus constans precibus, quæ in conficiendo sacrificio fundebantur. Scriptum est in *Act. Apostol. c. 2. v. 42. fuisse Apostolos perseverantes in communicatione fractionis panis, & orationibus; & Paulus I. ad Timot. c. II. vers. 1. vult fieri obsecrationes, orationes, interpellationes, & gratiarum actiones pro omnibus homi-*

nibus, pro Regibus, & omnibus, qui in sublimitate sunt. Hec autem omnia in sacrificio peragebantur, ut testatur Iustinus Martyr *Apol. 1. n. 65. pag. 82. ed. Paris. 1742.*, & huc etiam spectat Tertullianus *ad Scapulam n. 2. p. 69. ed. Ven. 1744.* Morem hunc ab Ecclesia observatum circa annum 347. describebat S. Cyrillus Hierosolymitanus *Cateches. 23. n. 8. p. 327. ed. Ven. 1763.* inquit, *super illam propitiatoris hostiam* (en sacrificium propitiatorium, quod negare ausi sunt impij homines, qui Missam abrogarunt) *obsecramus Deum pro communi Ecclesiæ pace, pro recta mundi compositione, pro Imperatoribus, pro militibus, & sociis, pro iis, qui infirmitatibus laborant, pro his, qui afflictionibus premuntur, & universim pro omnibus, qui opem indigent, precamur nos omnes, & hanc victimam offerimus.* Propterea S. Augustinus *Ep. 149. ad Psalin. n. 16. opp. t. 2. p. 643. ed. Maurin. Ven. 1759.* considerans, quid a vetastis temporibus in Ecclesia ageretur, obsecrationes, aut precationes, quas Paulus memorat, interpretatur *quæ faciunt in celebratione Sacramentorum, antequam illud, quod est in Domini mensa, incipiat benedici.* Orationes etiam significari ait, *cum benedicitur, & sanctificatur, & ad distribuendum communicatur, quam totam petitionem fert omnis Ecclesia dominicæ orationis conclusit.* Hæc hic paucis expressam Missæ canonem, qualis nunc etiam à novis adhibetur. Præfationis nunc quoque usitatæ diserta mentio est apud S. Cyprianum *de Orat. dominicæ. c. 501. ed. Ven. 1758.*, cum nimirum dicimus *Sursum corda*, & Populus respondet *habemus ad Dominum.* Evidens igitur, aperturque est, primis etiam Ecclesiæ temporibus certum fuisse ordinem, ritumque precum, qui in re divina conficienda adhibebatur. Verum Liturgias, quæ Apostolorum Petri, Jacobi, Matthæi, Marci nominat præsestierant, eorum revera non esse demonstrat Natalis Alexander *Hist. Ecclæ. sæc. 1. c. 12. art. 3. t. 3. p. 32. ed. Ven. 1776.* Eadem de liturgiis Petri, Matthæi, & Marci sententia est Cardinalis Bonæ *liturgic. l. 1. c. 8. p. 122. & seq., ibique Salæ in Not. laud. ed. Taur.* Sed tamen ipse Jacobi liturgiam multis tectur. *l. c. §. 3. p. 128.* Petrus Lebrun *Explicat. Missæ t. 2. diss. 1. contendit*, ante quintum sæculum nullam aut Græcam, aut Latine Liturgiam scripto fuisse mandatam, sed preces omnes, ac ritus memoriæ tradi consuevisse. Sed Le-Brunio adversatur Marturius *Liturg. Roman. dissert. de Rub. liturgic. c. 1.*, ejus ego sententiæ assentior. Illa præclare ab ipso Cardinali Bonæ *l. 1. c. 9. §. 8. p. 162.* animadversa est, quod *discors concordia in omnibus liturgiis manifestum facit, ordinem sacrificii ab Apostolis traditum esse, atque in eumdem terram diffusum.* Quamvis enim non eadem sint verba omnium liturgiarum, neque in omnibus singulæ earum partes eodem modo locatæ sint, tamen omnes *tisdem membris coalescent, quæ sunt precatorum ante omnia confessio, tum introitus, sive quoddam quasi proœmium, deinde Psalmi, ac lectiones Sac. Scripturæ, & potissimum Evangelii, Symboli recitatio, lectio manuum, commemoratio, & invocatio Sanctorum, preces pro omnibus vivis, & defunctis, gratiarum actio, & benedictio, præter ea, quæ essentialia sunt,*

oblationem scilicet, consecrationem, & communionem. Qui sane Ecclesiarum omnium consensus nonnisi à Spiritu S. esse potest; & certe singularis est insania Protestantium, qui Missæ sacrificium Romanorum Pontificum inventum dicunt. Late hoc argumentum, præter scriptores omnes rerum theologicarum, persequitur Robertus Sala in *Not. ad Bonam l. c. not. 4. p. 165. & seq.*, quin etiam saniores Protestantes catholicam veritatem confiteri, ac literis mandare non dubitarunt. Ex eorum numero, præter ceteros, sunt Ernestus Græbii in *Irenæi l. 4. advers. hæres. c. 32.* Thomas Bretilius in *peculiar. Diss. quæ extat in collect. præcipuar. liturg. eccles. Christ. p. 104. Londini 1710.* & Samuel Jebbii in *Justin. dial. p. 215. Londini 1719.* Hi omnes cum catholicis fatentur, Apostolos, cunctosque Ecclesiæ Patres Eucharistiam pro novi testamenti sacrificio habuisse, & sub speciebus panis, & vini illud Deo Patri in altari oblatum docuisse demonstrant.

(4) Occupata ab Arabibus Hispania, Christiani quod essent cum Arabibus commixti, *Mix arabes*, & corrupta voce *Mozarabes* dicti sunt. Confer Rodericum *Rer. Hispanic. l. 3. c. 22.*, & Pagium in *Baron. ad an. 714. n. 7. p. 200. t. 12. ed. Luc.* Inde Hispanica liturgia Mozarabica appellata est, quam antiquissimam esse constat. Ritus Mozarabicus servatus in Hispaniis fuit usque ad sæculum XI., sed eo sæculo ad exitum vergente abrogatus, ejusque loco Romanus suffectus est. Denique Cardinalis Franciscus Ximenius, ne tantæ antiquitatis ritus omnino interiret, cum novis characteribus in lucem emitti voluit, & collegium instituit Sacerdotum, à quibus quotidie divina officia, & Missarum solemnia eo ritu celebrarentur in sacello, quod in majori Ecclesia Toletana edificavit. Sunt etiam Toleti aliquot Parœciæ in quibus hic Mozarabicus ritus adhuc viget, idemque fit Salmanticæ in sacello Doctoris Talabricensis. Confer Alvarum Gomezium de *Reb. gest. Card. Ximenii l. 2.*, Eugenium Roblesium in *Vit. Car. Ximenii c. 23.* Card. Aguirrium *t. 3. Concil. Hisp. m. post Conc. Burgense p. 258. & seq.*, Cennium *Antiquit. Eccles. Hispan. t. 2. diss. 7.*

§. LV. Plures autem hi ritus, & hæ ceremoniæ sunt, de quibus late agunt Scriptores rerum liturgicarum (1), quæque ex Apostolica, aut Ecclesiastica traditione, & disciplina procedunt. Omnia sunt instituta, ut majestas tanti sacrificii commendetur, & mentes fidelium per hæc visibilia religionis, & pietatis signa, ad rerum altissimarum, quæ in hoc sacrificio latent, contemplationem excitentur (2). Ita mysticæ benedictiones luminæ (3), thymianata, sacre vestes (4), in sacrificio adhibentur; similiter receptum est, ut quæ tam submissa, alia vero elatiore voce in Missa pronuncientur (5).

(1) Confer in primis Cardinalem Bonam *Rer. liturgic. libros duos*, &

Petrum Le-Brun *Explicatio Missæ.*

(2) Concilium Tridentinum de *Sacrific. Missæ* sect. 22. c. 5.

(3) Joannes Henricus Outius Calvinianus homo, qui contra annuales Cardinalis Baronii examen instituit, irridet hunc ritum accendendi in Ecclesia lumina, eumque ætate Hieronymi minime obtinuisse arbitrat. Sed eum solide refellit Muratorius *Liturg. Roman. diss. de Rebliturgic.* c. 20., & *Diss.* 16. in *S. Paulinum* p. 835. ed. Veron. 1736. Dicam ea de re paulo post, cum sermo de Ecclesiis habebitur.

(4) De sacris vestibus suo loco opportunius agam.

(5) *Si quis dixerit*, inquit Concilium Tridentinum *Sess. 22. de Sacrific. Missæ* Can. 9. *Ecclesiæ Romanæ ritum, quo submissa voce pars canonis, & verba consecrationis proferantur, damnandum esse, aut lingua tantum vulgari Missam celebrari debere. . . anathema sit.* Nihilo tamen minus post hunc Tridentinum canonem tam disertum, tamque perspicuum fuere aliqui, qui elata voce, ita ut à populo intelligi possent, partem illam canonis, & verba consecrationis proferenda esse consueverunt. Novum hanc errorem superiori sæculo compressit Maturinus Savary Sagiensis Episcopus edito die 16. Martii anno 1698. decreto, quo indicta in eos, qui secus facerent, suspensionis poena sancivit, ut canonis verba, prout in Romano Missali notatum, præscriptumque est secreto, submissaque voce pronuncientur. Quod simili decreto die 22. Januar. an. 1710. à Cardinali de Bissy Meldensi Episcopo constitutum est. Arnaldus & ceteri, qui Arnaldi partes sequuntur, non exigam dederant operam, ut Christiani homines minus æquo animo ferrent, quod Missæ Canon secreto recitaretur. Sed Claudius de Vert Monachus Cluniacensis audacter, & omnium apertissime caput extulit adversus hanc secretam canonis recitationem opere, quod primum divulgavit anno 1706. Adversus hunc hominem Vallemontius theologicam, atque historicam dissertationem opposuit Parisiis editam anno 1710. du *Secret des mystères, ou Apologie de la Rubrique des Missels*; sed eum vehementius, graviusque refutavit Languetus tunc Episcopus Suessionensis *Præfat. Instruct. Pastoral.* 8. Septembr., quæ iterum edita deinceps est anno 1720. Vallemontii dissertationem impugnavit Anonymus Auctor in tractatu Bruxellis edito anno 1717. cum titulo: *Apologie de M. du Vert, ou Remarques critiques sur le Livre de M. Vallemont du secret de Mystères*; sed eum accurate, copioseque defendit Petrus Le-Brun *Diss.* 15. t. 4. operis cui titulus *Explicatio Missæ*, qua quidem dissertatione solide, graviterque ostenditur, semper in Ecclesiis Occidentalibus canonem secreto recitari consuevisse. Dignæ in primis sunt, quæ legantur ea de re dissertationes duæ, in quibus cuncta habes, quæ ad hoc argumentum pertinent, explicata diligenter. Altera nimirum est dissertatio Le-Brunii, cujus paulo ante facta mentio est, altera vero cum titulo: *della Legittima disciplina da osservarsi nella pronuncia del canone della Messa* &c. anno 1787 Romæ edita est à Francisco Antonio Mondellio Viro erudito, & Auditore olim meo in Romana Academia.

§. LVI. Apostoli, eorumque successores in singulis provinciis divina officia persolverunt eo sermone, qui tunc ipsis communis erat (1); atque ita Hierosolymis Hebraice (2); Antiochiæ vero, Alexandriae, atque in aliis Græcorum civitatibus Græce, Romæ, atque in toto Occidente Latine rem divinam confecerunt (3). Labentibus annis licet hæ lingue vulgares esse desiissent, ac tantum doctis viris innotescerent, tamen Ecclesia eas in divinis celebrandis officiis retineri voluit, tum ut major ipsis accederet veneratio, tum ne frequens verborum mutatio sensim etiam mutationem sententiarum induceret (4). Interdum tamen populis, qui novissime Christi Religionem susceperunt, Sedes Apostolica liturgias permittit, quæ vernaculo eorum sermone conscriptæ sint (5).

(1) Apostolos, eorumque successores usque ad ætatem Hadriani Imperatoris Hebraicum sermonem adhibuisse, tum deinceps Ecclesiam Græcum usurpare cœpisse, putat Joannes Echius *de Sacrific. missæ* l. 2. c. 2. Verum hæc opinio nullo nititur idoneo fundamento.

(2) Hebraicum idioma, quo usi sunt Apostoli rem divinam conficientes, non illud erat antiquum idioma, quo veteris testamenti Patriarchæ usi sunt, & quod Apostolorum ætate ne notum quidem vulgo Hebræorum erat. Nam eo temporis cursu, quo ipsi Babylone captivi fuerunt, Hebraici sermonis, quem à parentibus acceperant, oblivisci, & Chaldaicam linguam addiscere cœperunt, quæ deinceps usi sunt, aliquid tantum retinentes ex patrio sermone, quem pridem adhibebant. Hinc orta est tertia lingua ex Hebraica antiqua, & Chaldaica mixta, quæ à regione Syriaca dicta est, quæque deinceps Hebræis vulgaris esse cœpit, & Hebraica vulgo appellata, tum quod communis habebat ex Hebraico sermone voces, tum quod eam Judæi usurpabant. Hæc lingua Christus Dominus usus creditur, & eadem S. Matthæi evangelium, ac S. Pauli epistola ad Hebræos scripta traduntur. Atque hic est sermo Hebraicus, vel potius Syriacus, aut Syro-Chaldaicus, qui Christi, & Apostolorum ætate vernaculus erat sermo Hebræorum, & quo Apostoli rem divinam confecerunt. Confer Petidierum in *Diss. critic. in S. Scriptur. diss.* 8. p. 63., & Renaudotium *Diss. de Liturg. Orient. origin. & antiq.* c. 6., in primis autem videmus est V. Cl. Jo. Bernardus de Rubeis opere *Par-mæ* edito 1772., cui titulus *Della Lingua propria di Christo, e degli Ebrei nazionali della Palestina da' tempi de' Maccabei.*

(3) Consule Card. Bonam *Rer. Liturg. l. 1. c. 5. §. 4. p. 79. t. 1.* Negant Papebrochius in *Conat. chron. hist. dis.* 15., & Martenius *de Antiq. Eccles. rit. l. 1. c. 3. art. 2. t. 1. p. 101.* his tantum linguis divina mysteria ab Apostolis celebrata fuisse, ac multa preferunt monumenta;

ut conficiant, initio omnes gentes vernaculo sermone suo rem divinam confecisse. Sed eos graviter, lateque refellit Robertus Sala in not. ad Bonam l. c. not. 6. p. 85. Vide etiam eundem Bonam in *Appendic.* t. 1. p. 416. ubi extat dissertatio Honorati à S. Maria, qua ostenditur, Apostolos tantum his tribus linguis, nimirum Hebraica, aut Syro Chaldaica, Græca, & Latina, rem divinam confecisse.

(4) Concilium Tridentinum *Sess. 22. de Sacrific. Miss. c. 8.* *Etsi Missa*, inquit, *magnam contineat populi fidelis eruditionem, non tamen expedire visum est Patribus, ut vulgari passim lingua celebraretur.* Tum retineri jubet ubique cujusque Ecclesiæ antiquum, & à Sancta Romana Ecclesia, omnium Ecclesiarum matre, & magistra, probatum ritum, & *Can. 9. ead. Sess.* Si quis, inquit, dixerit... lingua tantum vulgari Missam celebrari debere... anathema sit. Porro de Missa vulgari sermone non celebranda plures extant doctorum hominum lucubrationes, quas omnes simul collectas superiori sæculo jusu Cleri Gallicani Parisiis edidit anno 1661. Antonius Vitæus, quibus apertissime ostenditur, quam recte, quamque sapienter id ab Ecclesia constitutum fuerit. Late etiam ea de re agit, pluresque laudat, qui hoc ipsum argumentum egregie illustrarunt, Benedictus XIV. *de Sacrific. Missæ c. 6.*

(5) Ita Sclavis sæculo IX. à Joanne VIII. permissa est liturgia vernaculo sermone, uti constat ex ipsius Joannis *Ep. 247. ad Sfantopulcrum* apud Labbæum *concil. t. 11. col. 170. ed. Ven.* Sed eandem facultatem postulanti Uratislao Bohemorum Regi concedere noluit S. Gregorius VII. *Ep. 11. apud Labbæum t. 12. Concil. col. 464. ed. Ven.* Confer Benedictum XIV. *de Sacrific. missæ l. 2. c. 3. n. 14.*

§. LVII. Primus Ecclesiæ sæculis non omni die sacra mysteria peragebantur. Solum diem Dominicum Paulus (1) memorant; sed tamen ab Apostolis ternos dies in singulas hebdomadas, hoc est Dominicam, & quartam, sextamque feriam, constitutos fuisse, Epiphanius (2) tradit. Accessit etiam deinceps Sabbatum (3), qua die ab omnibus, exceptis Alexandrinis, atque Romanis, sacra mysteria celebrari consueverunt (4). Ætate Augustini variæ erant Ecclesiarum consuetudines, cum alibi quotidie, alibi Sabbato, ac die Dominico, alibi tantum Dominico die res divina perageretur (5). Sed jamdiu Latini cunctis diebus, exceptis feria sexta, ac Sabbato majoris hebdomadæ, sacrificium conficiunt. Græci illud omittunt per quadragesimam, exceptis Sabbatis, Dominicis, & die festo Annunciationis; & cum non celebrant, adhibent Missam *præsantificatorum*, hoc est corporis Christi

ante consecrati, quæ missa etiam à Latinis feria sexta maioris hebdomadæ adhibetur (6).

(4) Paulus I. *ad Corint. XVI. 2.*, quod etiam habet Justinus Martyr *Apol. 2. n. 67. p. 83. ed. Paris. 1742.*

(2) Epiphanius *Exposit. fid. n. 22. p. 1105. t. 1. opp. ed. Patavii Paris. 1622.*

(3) Basilius *Ep. 93. ad Cæsar Patric. p. 186. opp. t. 3. ed. Maurin. Paris 1730.*

(4) Socrates *Hist. l. 5. c. 22. p. 295. ed. Valesii Cantabrig. 1720.* Verum non multo post etiam Romana Ecclesia aliarum consuetudinem recepit. S. Hieronymus *Ep. 71. n. 6. col. 432. t. 1. ed. Vallarsii Veron.* In Oriente Pascha (quo nomine Eucharistia designatur) ter in hebdomadæ, nonnunquam etiam quater, vel potius quotiscunque voluerimus, celebratum testatur S. Jo. Chrysostomus *Orat. 3. contr. Judeos opp. t. 1. p. 611. ed. Montfauconii Paris. 1718.*

(5) Consule Augustinum *Ep. 54. ad Januar. c. 124. & t. 2. Serm. 58. de Orat. dominic. ad competen. col. 359. t. 5. cit. ed. Ven., Hieronymum cit. Ep. 71.* Hæc autem ad solemnem tantum missam, quam majorem dicunt, pertinere monet Martenius *l. c. art. 3. §. 4. p. 103.* Ipse Augustinus *Confess. l. 5. c. 9. opp. t. 1. col. 133. ed. Maurin. Ven. 1756.* Monicam matrem suam quovis die sacrificio interesse consuevisse testatur, & *de Civit. Dei. l. 10. c. 20. t. 9. col. 335.* altaris sacramentum appellat quotidianum Ecclesiæ sacrificium. Ambrosius etiam quotidie sacrum faciebat *Ep. 20. ad Soror. n. 15. opp. t. 3. col. 905. ed. Maurin. Ven. 1751.* Vos quoque ipsos, inquit, mihi bonos filios gestiebat eripere, pro quibus ego quotidie instauero sacrificium.

(6) De Missa præsentificatorum vide Card. Bonam. *Rer. liturgic. l. 1. c. 15. §. 5. t. 6.*, & Salam in *Not. p. 317. ed. Taurin. 1747.*, Leonem Allatum in *Prolegomen. ad Gabrielem Naudæum de Missa Præsentificat. n. 1. p. 1531.*, & Benedictum XIV. in *Const. allatæ 47. §. 31. p. 188. & Const. Ex quo primum 54. §. 32. p. 234. t. 4. ejus. Bullar. ed. Rom. seu Ven. 1758.*, quibus duabus constitutionibus de Græcorum ritibus late disseritur.

§. LVIII. Quin etiam uno eodemque die idem Sacerdos plures missas, & eas non in eodem, sed in diversis altaribus celebrabat (1). Ita in Natale Domini, Kalendis Januarii, in coena Domini, in Paschate, in Rogationibus, in jejuniis post Pentecosten, in festo Apostolorum Petri & Pauli, S. Joannis Baptistæ, S. Laurentii, & aliorum quorundam unus Sacerdos pluries rem divinam conficiebat, quot nimirum erant officia,

& festa, quæ iis diebus occurrebant. Aliis quoque diebus plures Sacerdoti missas celebrare licebat (2). sed sæculo XI. positus est usque ad tertiam vicem huic arbitrio modus (3). Denique ut avaritiæ quæstus, & obloquentium suspiciones removeret Ecclesia, sancivit, ut semel tantum, nisi aliud necessitas postulet, à Sacerdotibus quotidie sacrificium fiat, excepto die Natali Christi Domini (4).

(1) S. Gregorius Turonensis *de Glor. Confes.* c. 50. col. 935. ed. Paris. 1699., Concilium Amissiodorense *Can. 10. t. 3. col. 445. collect.* Harduini. *Consule Vicecomitem de Antiq. Miss. rit. l. 3. c. 28., Card. Bonam Rer. liturgic. l. 1. c. 18. §. 5. & seq. p. 13. & seq. t. 2. ed. Taurin. 1794., & Martenium de Antiq. eccles. rit. l. 1. c. 3. art. 3. §. 4. & seq. p. 103. & seq. t. 1. ed. cit.*

(2) S. Leo M. Ep. 9. ad Dioscor. Alexandr. c. 2. t. 1. col. 631. ed. Baluzin. Ven. 1753., Regino *de Eccles. discipl. l. 1. c. 33. p. 10. ed. Pienne. 1765., Walfridius Strabo de Reb. Eccles. c. 21 in Biblioth. PP. t. 10. ed. Paris. col. 679.*

(3) Concilium Salegustadiense anni 1022. *can. 5. t. 6. par. 1. col. 829. collect. Harduini.*

(3) *Can. 53. de Consecr. dist. 1. C. Consuluit 3. & Cup. Te referente 12. de Celebr. Missar. Subditis tamen Hispaniarum, & Lusitaniæ Regum à Benedicto XIV. in Const. Quod expensis 61. p. 296. t. 2. ejus Bullar. ed. Rom. seu Ven. 1754. concessa est facultas duas, tresve missas celebrandi in die Commemorationis omnium defunctorum, modo nihil exinde accipiant, casque speciatim non applicent. Ceterum nunc etiam necessitas, secundum Innocentii III. decretalem in c. 3. de Celebr. missar., efficere potest, ut ab uno Sacerdote Missa repetatur. Verum Sac. Congregatio apud Fagnanum in c. In ordinando 1. de Simon. n. 37. declaravit, id tantum posse fieri, cum gravis urget necessitas, quæ primum Episcopo probata sit. Tum Benedictus XIV. in Const. Declamasti 3. p. 13. t. 2. certissimum, esse monet, Missionariis tantum a Sede Apostolica potestatem aliquando fieri, ut uno die sacrificium bis operentur; reliquis vero sacerdotibus opus esse, ut hæc de se facultatem ab Episcopo consequantur, etiamsi causa necessitatis intercedere videatur. Ipse Benedictus XIV. in Const. Apostolicum 16. §. 11. p. 62. t. 4. Bullar. ed. cit. Missionariis in Anglia degentibus bis interdum uno die sacrificium permisit, cum consensu Vicarii Apostolici, ob fidelis populi necessitatem. Quæ eadem necessitatis causa facit, ut Parochus, qui datus habet vicinæ Ecclesiæ, cum in unam universas populus convenire non potest, neque alius est sacerdos, qui rem divinam conficiat, diebus festis, impetrata priam legitima facultate, duas Missas celebrare possit. Benedictus XIV. in Const. Declamasti 3. p. 9. t. 2. ejus Bullar. ed. cit.*

§. LIX. Initio sacra mysteria noctu, & vero etiam post cœnam peragebantur, tum ut fideles Christum imitarentur, qui post legaleni cœnam primum obtulit sacrificium, tum ut ethnicos laterent conventus, quos in latebris habebant (1). Cum pax Ecclesiæ data est, confici res divina per diem cœpit; sed tamen etiam post ea tempora Ecclesia retinuit antiquam consuetudinem certis quibusdam temporibus, nimirum in nocte Natalis Domini, in pervigiliis Paschatis, & Pentecostes, atque in diebus ordinationum (2). Nunc sola Missa Natalis Domini noctu celebratur. Private missæ quavis hora fiebant, uti nunc omni hora recte fiunt ab aurora usque ad meridiem (3); sed pro publicis, ac solemnibus Missis certe erant constitutæ horæ, nimirum tertia, sexta, & nova (4).

(1) Hinc Christiani ab Ethnicis appellati apud Minutium Felicem in *Lib. Octavius* p. 332. *ed. Paris.* 1605. *natis latebris, & lucifuga*; atque hinc nocturne convocati *et catus antecacini* apud Iulianum *Apolog.* c. 2. p. 3. *de Ciron.* c. 3. p. 102. *& ad uxor.* c. 4. p. 168. *ed. Paris.* 1675.

(2) Late ea de re disputant Card. Bona *Rei. liturgic.* l. 1. c. 21. §. 4. p. 114. *& seq.* ibique Sala in *Notis.* t. 2.

(3) Consule Martellium l. c. ant. 4. §. 3. *& seq.* p. 107.

(4) Amalarius *de Rit. Eccles.* l. 3. c. 42. in *Biblioth. PP.* t. 14. p. 1000. *ed. Lugdun.* Honorius autem *de Gemma animæ* l. 1. c. 113. col. 1213. *Bibl. PP.* t. 10. *ed. Paris.* cit. ita rem explicat, ut in festis tertia, in privatis diebus sexta, in quadragesima, vel in diebus jejunii nona hora Missa peragatur, idemque tradit Durandus *Rational.* l. 4. c. 1. Certe diebus festis hora tertia sacrificium offerri consuevisse, manifestum est ex Concilio Aurelianensi III. *Can.* 14. t. 2. col. 1426. *canet.* Harduini, Gregorio M. *Hom.* 37. in *Evang.* n. 9. col. 1632. t. 1. *ed. Maurin.* Paris 1705., Gregorio Turonensi *de Vit. Patr.* c. 8. n. 11. col. 1196. *ed. Paris.* 1699., Regiæ *de Eccles. discipl.* l. 1. c. 33. p. 10. *ed. Vien.* 1765. Atque ita intelligendi sunt Epiphanius *Exposit. fid.* c. 23. p. 1106. t. 1. *ed. Paris.* 1622., & Walladius Strabo *de Reb. eccles.* c. 23. in *Biblioth. PP.* t. 10. *ed. Paris.* col. 685., quorum alter *matutinis horis*, alter *ante meridiem* rem divinam conficiendam statuunt.

§. LX. Nam Missa alia publica, alia privata est. Missa publica apud veteres ea præsertim erat, ad quam populus una cum suo Pastore conveniebat, atque in precibus, &

oblacione communicabat; aderant autem clerici, qui suorum ordinum muneribus fangebantur (1). Quæ missa dicebatur *collecta*, & *synaxis*, quod ad offerendam, atque ad communicandum multitudo fidelium colligeretur (2). Verum lapsu temporum cum illa desit frequens communio Christianorum, missa *publica*, sive *conventualis*, & *parochialis* appellata est, quæ cum cantu, ritumque solenni peragitur, quæque in omnibus cathedralibus, collegiatis, & conventualibus ecclesiis pro benefactoribus quotidie celebranda est (3). Parochialis quoque Missa, quæ omnes Parochi saltem diebus festis pro populo, cui præsumt, offerre debent, publica dicitur (4): ut distinguatur a privatis sacrificiis, quæ pro quovis homine privato, ac bene de ea Ecclesia merito offeruntur.

(1) Non tantum clerici Missæ præsentés erant suorum ordinum munera exercentes, verum etiam Presbyteri adherabant Sacerdoti sacra facienti, cum eoque communicabant & ejusdem sacrificii participes erant, quem ritum late explicat Morinus *de Sac. ordinat.* p. 3. *conc.* 8. c. 11. & *seq.* Certe Auctor *Apostolic. const.* l. 3. c. 11. & *seq.* p. 401. l. *inl.* Episcopum describit, qui rem divinam agit cum Presbyteris adstantibus, offerentibus, & communicantibus. Verba etiam consecrationis ab adstantibus Presbyteris prolata fuisse tradit Amarius *de Eccles. offic.* l. 1. c. 12. in *Biblioth. PP.* t. 14. p. 545. *ed. Lugdun.* itemque patet ex vetero Pontificali Ecclesie Rothomagensis apud Menardum in *Not. ad. sacram. S. Gregor.* not. 282. *col.* 357. *opp.* S. Gregor. *not.* t. 3. *ed. Maurin.* Paris. 1725. Antiquæ hujus consuetudinis apud Latinos vestigia supersunt in Episcoporum, & Presbyterorum ordinationibus; sed apud Græcos consecratio adhuc viget.

(2) S. Augustinus in *brevis. collat. dei* tract. c. 47. *col.* 573. *opp.* t. 9. cit. *ed. Ven.* distinguit *collectam* a *Domino*, veluti speciem à genere, uti nos publicam, & privatam Missam à sacrificio designamus.

(3) Confer ea de re Benedicam XIV. in *Const. Canon.* 103. §. 11. & *seq.* p. 225. t. 1. *Bullarii.*

(4) De missa Parochiali vide laudatam *Const.* 103. Benedicam XIV. §. 2. & *seq.* pag. 223.

§. LXI. Privata Missa est, quæ sine cantu, ac solemnibus caeremoniis, a solo Sacerdote celebratur, uno tantum ministrante; sive parci alii, sive nulli intersint, sive solus Sacerdos, sive alii etiam Eucharistiam accipiant (1). Privatae Missæ usus perpetuus in Ecclesia fuit, ac proinde sese

deridendos præbeant recentiores hæretici, cum rem novam, & contra Missæ œconomiam prædicant id, quod constanti Ecclesiæ sententia, longaque vetustate firmatum est (2).

(1) Missa privata differt à *solitaria*, quam nimirum solus Sacerdos, ministrante, ac præsentem nemine, celebrabat. Id Missæ genus primum instituerunt Monachi Sæculo IX., deinde etiam sæculares Presbyteri arripuerunt. Verum hanc Missam vetuerant sacri canones, quod præsertim absurdum esset in ea Sacerdotem dicere *dominus vobiscum*, sursum *corda*, *gratias agamus*, *oramus*. Concilium Moguntinum an. 813. *Can.* 43. *col.* 1015., Parisiense VI. l. 1. c. 48. *col.* 1324. t. 4. *collect.* Harduin., Nanaetense apud Ivonem *par.* 3. c. 7., *Can.* 61. de *Consecr.* dist. 1. qui canon sæculo IX. antiquior non est, & ideo male Soteri, aut Anacleto attribuitur.

(3) Vide Concilium Tridentinum *Sess.* 22. *Can.* 8. & c. 6. de *Sacrific.* *Missæ*, Benedictum XIV. in *Const. Ceteriores* 64. p. 129. t. 1. ejus *Bullar.* ed. Romæ seu Ven. 1754. Et sane gravis est insania, atque error Lutheri, aliorumque hæreticorum, qui privatas missas, atque eas, in quibus solus Sacerdos sacramentaliter communicat, abrogandas censuerunt. Nun etiam privata Missa quinquam careat externo illo solemnitate, qui intimam ejus naturam non attingit, verum est sacrificium, atque in ea similiter, sicut in Missa solenni, verum Christi corpus, & sanguis consecratur. Atque hæc quoque Missæ, ut recte inquit Synodus Tridentina l. c., *vere communis censeri debent, partim quod in iis populus spiritualiter communicet, partim vero quod publico Ecclesiæ ministro non pro se tantum, sed pro omnibus fidelibus, qui ad corpus Christi pertinent, celebrantur.* Perpetuum ea de re Ecclesiæ usum, pluribus collectis ecclesiasticis monumentis, fuscè demonstrant Card. Bona *Rer. liturg.* l. 1. c. 14. §. 1. & seq. ibique Sala in *Not.* p. 276. & seq. t. 1, Natalis Alexander *Hist. eccles. sæc.* 4. c. 6. art. 19. §. 1. n. 3. t. 4. p. 300., sæc. 13. & 14. tota diss. 13. p. 476. seq. t. 8. & sæc. 15. ac 16. diss. 12. art. 12. n. 5. p. 556. t. 9. ed. Ven. an. 1776., Tournelyus *Prælect. theol. de Sacrific. Missæ* art. 8. Drouvenius de *Re sacram.* l. 5. quest. 9. per tot.; eandemque rem agunt, petitis ex liturgiis argumentis, Maratorius diss. de *Liturg. Rom.* c. 16. seq. & Assemanus in *Diss. Cod. liturg.* l. 6. par. 7. præmiss. sæc. 2. art. 1. 2. 3. Videndus est etiam Emanuel Schelestratus in *Act. Eccles. orient. contr. Lutheran.* c. 1. de *Missis privat.* in *Eccles. Græc. circ. fin.*, ubi narrantur conatus Lutheranorum, qui ut Orientales ad suam sententiam perducerent, ad Hieronymum Constantinopolitanum Patriarcham misserant Augustinam confessionem, in qua privata Missæ tolluntur. Sed responsum est, ab Orientalibus, sicut ab Occidentalibus damnari pravam morem illorum, qui improbi obtinenda elemosynæ cupiditate ad altare accedunt, non autem illos, qui ea, quæ decet, pietate; & religione privatas Missas celebrant, ut Deo sacrificium offerant.

§. LXII. Omni etiam loco, ethnicis dominantibus, sive is esset privata domus, sive carcer, sive cœmenterium, sacrificium offerebatur (1). Cum ad Christianos Imperatores rerum summa delata est, eam ob rem publica templa ædificata sunt; & vero nunc tantum in Ecclesiis consecratis, aut jussu Episcopi benedictis res divina conficitur, nisi secus postulet necessitas, quia tunc est recte fit quovis commodo, & decenti loco (2). Cum venia Sedis Apostolicæ etiam in privatis sacellis sacra mysteria celebrantur (3).

(1) Act. Apostol. XX. 7. Auctor *Const. Apost. l. 6. c. 30. p. 361* apud Cotelierum *l. c.*, S. Cyprianus *Ep. 4. ad Presbyt. & Diacon. p. 12. ed. Paris. 1666.*, Philostorgius *Hist. eccles. l. 2. c. 13. p. 484. ed. Valesii Cantabrig. 1720.*

(2) Confer Benedictum XIV. *Const. Inter omnigenas 89. §. 22. t. 1. p. 180. Bullar. ed. Rom. seu Ven. 1754.*

(3) Vide Benedictum XIV. *Const. Magno 48. p. 216. t. 3. Bullar.*

§. LXIII. Jam Ecclesiæ lege Christiani dominicis, festisque diebus Missæ sacrificio interesse debent. Ac vetus quidem Ecclesiæ disciplina fuit, ut iis diebus singuli accederent ad Ecclesiam parochialem, ibique interessent sacrificio, quod a Parocho conficiebatur (1). Verum hæc disciplina jam pridem antiquata est; & licet deceat Christianos diebus festis ire ad Ecclesiam parochialem, nulla tamen ea de re necessitas est, & qui extra eam sacrificio intersunt, Ecclesiasticæ legi satisfaciunt, neque alicujus criminis rei sunt (2).

(1) Concilium Sardicense *Can. 14. col. 648. t. 1.*, Quini-Sextum. *Can. 80. col. 1690. t. 3. collect. Harduini ed. Paris., c. 2. de Paroch.*

(2) Leo X. *Const. Intelleximus 28. p. 462. t. 3. part. 3. Bullarii Romani*, S. Pius V. *Const. Etsi 58. n. 8. p. 376. t. 4. par. 2. Confer Benedictum XIV. de Synod. dioces. l. 11. c. 14. §. 7. & seq.*

§. LXIV. Mos in Ecclesia fuit, qui quidem diu servatus est, ut Fideles omnes, qui ad Missam convenirent, suam sacrificii partem, hoc est panem, & vinum offerrent (1). Eo pane, ac vino Christi corpus, & sanguis conficiebatur, & quod supererat (supererat autem plurimum, quoniam satis

laute, & copiose oblationes erant) id totum aliis clericis, & pauperibus inserviebat (2). Labemibus annis loco panis, & vini pecunia offerri coepit, quæ initio dabatur Ecclesie, atque omnibus generatim clericis, deinceps autem data est certo sacerdoti, ut privatim pro certis, designatisque personis sacrificium offerret (3).

(1) Late ea de re disseram paulo post, cum de oblationibus agendi locus occurreret.

(2) Confer Christianum Lupum *Schol. in Can. 13. Concil. Roman. V. opp. t. 6. p. 101. & seq. ed. Ven. 1726.*

(3) Ab ipsis Ecclesie primordiis in omnibus Christianorum templis fuisse arcam, in quam fidelium pecunia inferrebitur, constat ex Tertulliano *Apolog. c. 39. p. 31. ed. Paris. 1675.*, & Justino *Apol. 1. ad Antoninum Pium n. 67. p. 84. ed. Paris. 1742.* Eandem consuetudinem adaug. IV. & V. sæculo perseverasse ostendunt Augustinus *Serm. 356. t. 5. var. 2. opp. n. 13. col. 1389. ed. Martin Ven. 1731.*, Hieronymus *Ep. 71. n. 3. col. 431. opp. t. 1. el. Vallarsii Verone 1734.* & Paulinus *Ep. 34. sive Serm. de Gazophylacio col. 213. ed. Verona. 1736.* Sed quo primò tempore pecunia in arcam inferri desierit, atque ad ipsum altare ferri coeperit, certo dici non potest. Testatur quidem Augustinus *Ep. 12. ad Aurelium Primit. n. 6. col. 29. t. 2. opp.* tempore oblationis, seu Missæ pro defunctis fuisset al denarios oblatos, sed eos oblatos fuisse constat ea lege; ut pauperibus tribuerentur. Honorius Augustod.ensis, qui sæculo XII. floruit, in *Gemma animæ l. 1. c. 66. in Bibl. PP. t. 19. col. 1999. ed. Paris.* tunc pecuniam ad altare loco panis offerri coepisse asseverit, eum fideles, qui sacrificio intererant, sacerdotum mysticorum participes esse desiderant; verum non ipsam designat pecuniam, quo id factum fuerit. Illud vero certissimum est, quod recte animadvertit. Thomasinas *Pet. & mo. Eccles. discipl. par. 3. l. 1. c. 7. n. 3.*, scilicet olim sive viam, sive decuriam Ecclesie, atque ornatus generatim clericis offerri consuevisse, non dari certo Sacerdoti, ut privatim rem divinam ageret pro eo, qui oblationem fecerat. Morem offerendi elemosynam certo Sacerdoti, ut ejus largiter exuberet item sacrificii fructum in se, aliosve deriver, tantum sæculo VIII. inductum, ac sæculo XII. postea ubique receptam, ostendit Chrodegangus Metensis Episcopus in regala, quam ea ætate pro suis canonicis scripsit, & in qua c. 32. de Elemosynis apud Holstenium *Codex Reguar. t. 2. p. 107. ed. Augustæ Vindelic. an. 1759.* Canonicorum

cuique permittit accipere, & in quemvis usum convertere elemosynam, quæ pro sua sibi Missa offerebatur. Sæculo vero XI. mos hic tam late patebat, ut etiam pueris notus esset, sicuti patet ex eo, quod de S. Petro Damiani memorie prodiait Joannes Monachus in ejus *Vit.* c. 2. p. 3. opp. *Petri Damiani* t. 1. ed. Paris. 1664., quem narrat reperit numum tradidisse Presbytero, qui Deo pro ejus Patre sacrificium offerret. Confer Mamachium del *Divitto libro della Chiesa* &c. t. 2. par. 1. not. 1. p. 147. seqq. & t. 3. p. 1. not. 1. p. 66 seqq.

§. LXV. Quæ pecunia offertur Sacerdoti rem divinam conficienti, non quasi pretium sit consecrationis Eucharistiae, quod certe simonice crimen esset; sed quasi stipendium debitum Sacerdoti, qui cum altari serviat, habere ex eo debet, quæ suppedient ad cultum, & ad victum (1). Et quoniam Episcopi est judicare, quid singulis Presbyteris in unoquoque loco sit necessarium, ut vitam honeste traducant, hinc ejus est definire, quid ipsis rem divinam facientibus tribuendum sit. (2). Sacrificium pro eo speciatim oblatum, qui stipem dedit, non ei solum, sed etiam toti prodest Ecclesiae; verum ille fructum ex eo capit uberiores, modo ad capiendum sacrificii fructum aptus, & idoneus sit (3).

(1) Lutherani, & Calviniani improbant morem dandi pecuniam Sacerdoti rem divinam acturo, quasi ea pretium sacrificii sit. Sed hæc calumniam jampridem antevererat S. Thomas 2. 2. *quest.* 100. art. 2. ad 2. inquit: Sacerdos non accipit pecuniam, quasi pretium consecrationis Eucharistiae, aut Missæ decantandæ; hoc enim esset simoniacum, sed quasi stipendium suæ sustentationis. Et in 4. dist. 25. qu. 3. art. 2. *questiune.* 1. ad 4. Facere pactionem, inquit, de Missa celebranda est officio Missam cantare, potest accipere denarios, sicuti conducti Sacerdotes faciunt; non quasi pretium Missæ, sed quasi sustentamentum vite. Huc etiam spectat Gersonius in opuse. de *Sollicitud. ecclesiastic.* t. 2. part. 19. p. 603. ed. Antwerp. 1706. cum ait: sufficere in primis debet ad consensum hujus veritatis usus totius communis Ecclesiæ, qui sic habet, & recipit, cui si quis detrahit, imprudenter se decipit. Et part. 6. p. 599. Nihil æquius, inquit, secundum omnem legem esse deducit Apostolus 1. ad Corint. 9. quam qui altario deseruit, de altario & vivat. Hæc eadem, quæ à D. Thoma, aliisque pietate, ac doctrina præstantibus viris de honorario Missarum adversus hæreticos animadversa sunt, quadrat etiam in libellum Neapoli editum, cui titulus: *Dissertazione a Commentario delle Messe, de quo libello judicium ediderunt veritatis, ac sa-*

pietate plenum Scriptores antistitum Trivultiensium ad menses Januarii & Februarii anno 1749. In hoc libello eadem pene dicuntur, quæ contra Missarum honorarium dicta, & à plaribus refutata sunt, tunc potissimum recensentur mala, & incommoda, quæ ex eo propter sacerdotum avaritiam oriri dicuntur. Sed huic rei suis provisum est à Synodo Tridentina Sess. 22. in decret. de observan. & evitan. in celebr. missæ, cum sancivit, ut Episcopi ejusvis generis mercedum conditiones, pacta, & quidquid pro missis novis celebrandis datur, nec non importunas atque illiberales eleemosynarum exactiones potius, quam postulationem, aliæque hujusmodi, quæ a simoniaca labe, vel certe à turpi quæstu non longe absunt, omnino prohibeant; atque à Summis Pontificibus, præsertim Benedicto XIV., cujus præclara ea de re est Constitutio. 22. p. 34. r. 1. ejus Bullarii ed. Rom. seu Ven. 1754. Si qui sunt Sacerdotes, qui saluberrimis hisce legibus non obtemperant, non ideo tollendum est Missarum honorarium, uti nemo tollenda dicat beneficia, quoniam interdum simoniacæ causam præbent; itemque cetera bona, quoniam iis sæpe hominum vitia abutuntur.

(2) Consule Benedictum XIV. de Synod. dioces. l. 5. c. 9. & in Instit. Eccles. 56. Atque in omnibus quidem, quæ ad Missarum celebrationem pertinent, Episcopus tamquam delegatus Sedis Apostolicæ etiam in exemptos jurisdictionem exercet. Benedictus XIV. in Const. Accepimus 17. t. 2. Bullarii p. 78. ind. ed.

(3) Walfridius Strabo de Reb. eccles. c. 22. col. 683. Bibl. PP. t. 10. ed. Paris cit. visus est improbare consuetudinem, per quam sacrificium speciatim offertur pro illo, qui eleemosynam dedit, non plus illud ei prodesse ratus, quam cætui fidelium universo. Sed specialem pro certa persona sacrificii oblationem expresse docet S. Cyprianus Ep. 66. ad Cler. & Pleb. Funn. consisten. col. 272. ed. Maurin. Ven. 1758., S. Augustinus Confess. l. 9. c. 12. n. 32. opp. t. 1. ed. Maurin. Ven. 1756., & in Respons. ad 2. Dulcitii qu. n. 4. t. 11. col. 475., Concilium Carthaginense III. Can. 29., & IV. Can. 79. apud Labbæum t. 2. Concil. col. 1403. & 1443. ed. Ven. alique complures, quos collegit Munchius del Diritto libero della Chiesa &c. t. 3. part. 1. p. 111. & seq. not. 2., ubi ea de re graviter, copioseque agitur, quamquam sacrificium, si rem ipsam, ac præcipuum offerentem, nimirum Christum spectemus, vim infinitam habeat, tamen, ita Christo ipso volente, ejus effectus finitus est, & ideo plus ei, pro quo speciatim offertur, quam ceteris prodesse manifestum est. Aut enim sacrificium tamquam propitiatorium, seu satisfactorium habetur, & certe pro illo speciatim satisfaci, cujus debiti dissolvendi gratia Deo exhibetur; aut tamquam impetratorium habetur, & profecto Deum movet ad uberiora beneficia ei concedenda, pro quo Sacerdos offerens sacrificium, Deum ipsum nominatim rogat. Rem omnem explicat diligenter D. Thomas in 4. dist. 45. art. 4. quæstione. 1. & 2. Hinc triplex Missæ fructus distinguitur, Generalis, Specialis, Specialissimus. Generalis ad totam Ecclesiam pertinet,

specialis ad eum, pro quo nominatum sacrificium offertur, *specialissimo* solus Sacerdos fruitur, præterea nemo. Qui specialem sacrificii oblationem respiciunt, ii ne probandas quidem putant speciales preces, quæ pro aliquo funduntur. Sed alia est doctrina S. Cypriani, qui se pluries his precibus commendavit, alia ceterorum Patrum, alia Concilii Constantiensis, quod damnavit 19. articulum Wicleffi agentis, quod *speciales orationes applicatæ uni Personæ per Prælatos, vel Religiosos non plus prosunt eidem, quam generales, cæteris paribus* t. 16. Concil. col. 756. collect. Labbæi ed. Ven.

§. LXVI. Et quamquam Missæ, quæ pro uno nominatum celebrantur, universam quoque Ecclesiam attingant, tamen Sacerdos pro eo speciatim offerre sacrificium debet, à quo eleemosynam accepit, nec licet Missam unam celebrare, ac pro pluribus stipendium accipere. Nam suam adstringunt fidem Sacerdotes, ut pro uno rem divinam agant; ac præterea cavendum est, ne quis divinum illud opus in questum vertat; si pro pluribus stipendiis Missam unam celebrare liceret (1). Hinc qui propter beneficium, aut capellaniam, qua fruitur, tenetur onere celebrandæ Missæ, non potest pro eadem Missa eleemosynam accipere (2).

(1) Confer propositiones damnatas ab Alexandro VII. n. 8. 9. 10. in Bullar. t. 6. part. 6. Const. 520. p. 85., & Benedictum XIV. Const. Demandatam 37. §. 10. p. 178. t. 1. ejus Bullar.

(2) Vide Decreta Urbani VIII. in Bullar. Const. 132. p. 335. t. 5. part. 5. præsertim ad 4. dubium p. 340., & Innocentium XII. in Const. Nuper 155. p. 464. t. 9. Bullar. ult. ed. Consule etiam Benedictum XIV. in Instit. Eccles. 36. 56. 92., & de Synod. dioces. l. 5. c. 9., & Gagliardum in Instit. Canonie. l. 2. tit. 7. n. 36. & seq., ubi de his omnibus, quæ pertinent ad missarum eleemosynas, late disputatur.

SECTIO IV.

DE POENITENTIA.

LXVII. Effectus, & necessitas sacramenti poenitentiae.

LXVIII. Ejus quasi materia.

LXIX. Confessio peccatorum.

LXX. Qualis confessio esse debeat?

LXXI. Satisfactio, seu Poenitentia.

Tomo II.

LXXII. Ea vel publica, vel privata.

LXXIII. Antiqui Poenitentium gradus, seu stationes.

LXXIV. Flentes, & Audientes.

LXXV. Substrati, & Consistentes.

M

LXXXVI. Stationum Pœnitentiæ tempora.

LXXXVI. Pœnitentium vita.

LXXXVIII. Pœnitentium restitutionum tempus.

LXXXIX. Vetusti solemnisi Pœnitentiæ gradus antiquati.

LXXX. Absolutio quando danda?

LXXXI. Forma sacramenti Pœnitentiæ.

LXXXII. Minister hujus sacra-

menti.

LXXXIII. In ministro requiritur potestas ordinis, & jurisdictionis.

LXXXIV. Unde sumitur potestas jurisdictionis?

LXXXV. Casus Episcopo reservati.

LXXXVI. Casus reservati Summo Pontifici.

LXXXVII. Omnia crimina Ecclesiæ potestati subjecta.

§. LXVII.

Dei gratiam baptismo quæsitam, ac postea nostris criminibus amissam per sacramentum Pœnitentiæ recuperamus. Itaque quantum ad æternam salutem necessarius est baptismus nondum regeneratis, tantum est necessaria pœnitentia iis, qui post baptismum criminis rei facti sunt (1); & recte hoc sacramentum *secunda post naufragium tabula* appellatur (2); quoniam in eo spes est posita, ac salus eorum, qui se contagione scelerum contaminarunt. Dicitur etiam hoc sacramentum *reconciliatio*, & *absolutio*, & *confessio*, & *manuum impositio reconciliatoria* (3), à Græcis autem *Μετανοια*, & *Ἐξομολόγησις* (4) nuncupatur. Definitur à Theologis sacramentum, quo lapsis post baptismum contritis, confessis, ac satisfacere proponentibus absolutio à peccatis tribuitur.

(1) Concilium Trident. Sess. 14. c. 2. de Sacram. pœnit.

(2) S. Hieronymus Ep. 84. ad Pammach. n. 6. col. 524. t. 1. opp. ed. Veron.

(3) Concilium Arausicanum I. Can. 3. apud Labbæum t. 4. col. 702. ed. Ven. Sed in Concilio Carthaginensi IV. Can. 76. col. 1443. t. 2. apud eundem Labbæum dicitur simpliciter *manuum impositio*.

(4) Exomologesis vocabulum & confessionem, & criminum pœnitentiam significat, quod late ostendant Fratres Ballerini Not. 40. in S. Zenonem lib. 2. tract. 14. p. 197. t. 1. ed. August. Vindel. 1758.

§. LXVIII. Hujus sacramenti quasi materia sunt actus Pœnitentis Contritio, Confessio, Satisfactio (1). Qui actus omnes in Pœnitente sunt necessarij, ut integrum sit sacramen-

tum, atque ut ipse plenam; perfectamque suorum criminum veniam consequatur, & ideo pœnitentiæ partes dicuntur. Contritio est *animi dolor, ac detestatio de peccato commisso cum proposito non peccandi de cetero* (2); eaque duplex est, altera *charitate perfecta*, quæ cum sacramenti voto conjuncta hominem Deo reconciliat, priusquam hoc sacramentum actu suspiciatur: altera *imperfecta*, quæ *attritio* dicitur, quoniam vel ex turpitudinis peccati consideratione, vel ex gehenna, & pœnarum metu communiter concipitur; eaque si voluntatem peccandi excludat cum spe veniæ; peccatorem ad Dei gratiam in sacramento Pœnitentiæ impetrandam disponit (3).

(1) Eugenius IV. in Decreto, Concilii Florent. col. 440. t. 9. collect. concilior. Harduini. Conc. Tridentinum Sess. 14. c. 3. de Sacram. Pœnit. Catechismus Romanus. par. 2. c. 5. §. 13.

(2) Concilium Tridentinum l. c. c. 4.

(3) Concilium Tridentinum *ibid.*

§. LXIX. Confessio est peccatorum accusatio, eo suscepta, ut virtute clavium veniam impetremus. Acussatio inquam, quoniam nostra scelera non ita commemoranda sunt, quasi otiosis auditoribus rem gestam narramus, sed accusatorio animo ita sunt enumeranda, ut ea etiam in nobis vindicare cupiamus (1). Omnibus post baptismum lapsis integra peccatorum confessio jure Divino necessaria est: quoniam Christus Dominus ad cœlos migraturus Sacerdotes sui ipsius Vicarios reliquit, tanquam pœsides, & iudices, ad quos omnia Christianorum mortalia crimina deferantur, ut pro clavium potestate remissionis, aut retentionis peccatorum sententiam proferant. Quod iudicium ferri, & justa, quæ facinori debetur, pœna imponi non potest, nisi omnia singillatim, ac perspicue crimina aperiuntur (2).

(1) Consule Catechismum Romanum par. 2. c. 5. §. 38.

(2) Consule Tridentinum Sess. 14. de Sacram. pœnit. c. 5.

§. LXX. Itaque omnia mortalia peccata, quæ post omnes excussas animi latebras diligenter cogitanti occurrunt, Sacerdoti aperire oportet, ac præterea patefaciende sunt *cir-*

constantiae, quæ speciem peccati mutant (1). Cuncta hæc apud solius Sacerdotis aures secreto deponuntur (2). Publicæ confessionis multa extant in antiquis monumentis exempla, eaque justas habuere causas, quas laudant Tridentini Patres; sed nulla unquam Ecclesiæ lege publice confessionis necessitas imposita est (3). Olim sedentes peccata confitebantur (4), qui nunc etiam mos Græcorum est (5); hodie Latini genua flectunt, quam consuetudinem à Monachis, ut videtur, arreptam sæculo XIII. usurpare ceperunt (6).

(1) Confer Concilium Tridentinum l. c.*

(2) De sacramentali confessione, quæ apud Sacerdotis aures absolvi-
tur, quamque semper agnovit, ac probavit Ecclesia, late inter ceteros
agit Jueninius *de Sacram. Diss. 6. qu. 5. art. 2.*, collectis unoquoque
sæculo Patrum testimoniis, aliisque ecclesiasticis monumentis, unde in-
telligitur, illam semper fuisse, quæ nunc est, ea de re Ecclesiæ senten-
tiam. Quare, ut recte monet Julius Laurentius Selvagus *Antiquit. Chris-
tian. l. 3. c. 12. §. 42.*, risu potius, quam solida confutatione excipien-
dum est commentum eorum, qui contendunt, Innocentium III. auricula-
rem confessionem excogitasse vetustati prorsus inauditam. Ac multi qui-
dem adversus catholicam de auriculari confessione doctrinam sunt, sem-
perque fuerunt impetus, & conatus hæreticorum, qui nullo prorsus
modo peccandi licentiam coerceri vellent. Ut mittam Valdenses, Albi-
genses, Wicleffianis in Calvinianis redivos, Joannes Dallæus Calvi-
nianus Minister libros quatuor contra auricularem confessionem in lucem
edidit. Sed eas, ac ceterorum hæreticorum deliramenta late refu-
tavit Natalis Alexander *Hist. Eccles. sæc. 13. & 14. fol. diss. 14. p. 501.*
& seq. t. 8. ab. Ven. cit.; ejusdemque etiam Dallæi ratiunculis, atque
commentis satisfecit peculiaria tractatu, & responsione Dionysius Sin-
marthanus Monachus è Congregatione S. Mauri. Videndi etiam sunt Em-
manuel Schelestratus de *Concil. Antiochen. tot. c. 9. l. p. 231. usque
ad 307.* Mabillonius *Prefat. ad sæc. 3. Benedictin. n. 80. seq. p. XXXVIII.*
t. 3. ed. Ven. an. 1734, Jueninius *de Sacrament. qu. 5. diss. 6. art. 2.*
c. 1., Drouvenius *de Re Sacram. lib. 6. quæst. 5. cap. 1.*, Tournelyus
Prefect. Theolog. de Sacram. Pœnitent. qu. 6. art. 2., Selvagus cit. c. 12.
per tot., alique complures, qui catholicum dogma de auriculari confessione
latissime ostendunt. Dallæi, ac ceterorum hæreticorum errores novissime
renovavit Eybelius libello edito Viindobonæ an. 1784., cujus titulus la-
tine redditus est: *Quid continent documenta antiquitatis Christianæ de
auriculari confessione?* quo quidem libello totus Eybelli labor, & totum
ingenium est in recoquenda crambe toties recocta, atque in alienis er-
roribus describendis. Deterrimum, & dignum homine hæretico librum
merito damnavit sapientissimus, idemque optimus Pontifex Pius VI. A-

postolicis literis *Mediator Dei* datis die 11. Novembris 1784. Illud non omitam, etiam hostes sacramentalis confessionis experiundo discere, ac fateri debuisse, quam utilis, quamque necessaria ea sit non tantum ad salutem animarum, sed etiam pro communi Reipublicæ bono ad vitia comprimenda, virtutesque inducendas. Hinc, uti narrat Sotus oculatus testis in 4. dist. 18. qu. 1. art. 1., cum propter abrogatam à Luthero sacramentalem confessionem virgines Deo dicatæ ex monasteriis ereptæ furta, raptus, adulteria, aliaque multa, eaque gravissima mala erupissent, Norimbergensis Civitas Carolum V. Imperatorem publica supplicatione exoravit, ut ibi sacramentalis confessio restitueretur, quoniam tot, ac tantorum scelerum copia nonnisi ex ejus abrogatione processerat.

(3) Confer S. Leonem M. Ep. 140. opp. t. 2. p. 492. ed. Rom. 1755., & Concilium Tridentinum l. c.

(4) Consule Martenium de Antiq. Eccles. rit. l. 1. c. 6. art. 3. §. 5. p. 265. t. 1. cit. ed. Ven.

(5) Vide Leonem Allatum de Consens. Eccl. Occid. & Orient. l. 3. c. 9. n. 6.

(6) Vide Martenium l. c.

§. LXXI. Satisfactio est poena, quæ poenitenti arbitrio Sacerdotis imponitur. Per sacramentalem absolutionem remittitur quidem culpa; removenturque poenæ in inferis constitutæ; sed tamen sæpe remanent peccatorum reliquiæ, & quæ criminibus debetur, poena certo tempore definita (1). Nani omnis æquifratio postulat, ut pro illatis Deo injuriis aliquid persolvamus; & consentanea est Divinæ clementiæ compensatio, quam ipse postulat, ut ea sit quasi frenum, quo diligentius contineamur in officio, atque à criminibus, pravaque consuetudine abstrahamur (2). Itaque necessaria est satisfactio, per quam eluatur quidquid sordium propter peccati maculam in anima resedit, ac solvamus poenis temporariis, quibus tenebamur (3).

(1) Concilium Tridentinum Sess. 14. de Sacram. poenit. Can. 12. 13. 14. 15., Catechismus Romanus par. 2. c. 5. §. 65.

(2) Concilium Tridentinum Sess. 14. c. 8. de Sacram. poenit., Catechismus Romanus l. c. §. 62. & 66.

(3) Catechismus Romanus l. c. §. 64.

§. LXXII. Hæc satisfactio passim dicitur poenitentia, eaque vel publica est, quæ publice, & coram Ecclesia, vel privata, quæ clau, & privatim absolvitur. Mortalia peccata

palam admissa publica pœnitentiâ expianda esse, constans semper Ecclesiæ doctrina fuit, ut ita publicæ offensioni satisfiat (1). Sed & publica pro gravioribus criminibus, licet occultis, pœnitentia frequens olim erat (2); quin etiam felicissimis illis Ecclesiæ temporibus multi erant, qui sceleris puri publicam pœnitentiam sponte suscipiebant.

(1) Apostolus I. *ad Timoth.* V. 20. Concilium Tridentinum *Sess. 24. de Reform.* c. 8.

(2) Frequentissimam olim fuisse publicam occultorum, eorumque graviorum criminum pœnitentiam, inter omnes constat; verum magna inter eruditos disputatio est, nam hujus, pro occultis criminibus, publicæ pœnitentiæ necessitas aliqua unquam Ecclesiæ lege imposita fuerit. Joannes Morinus *de Pœnit.* l. 5. c. 8., Natalis Alexander *Hist. Eccl. sæc. 3. diss. 6. p. 54. t. 4. ed. Ven. 1774.*, aliique complures, Ecclesiæ lege sancitum putant, ut rei graviorum criminum, quælia erant idololatria, homicidium, adulterium, aliæque his affinia, licet ea essent occulta, publicam pœnitentiam agere cogerentur. Contra vero Bellarminus in *Controuv. de Pœnit.* l. 3. c. 14. opp. t. 3. p. 561. *ed. Ven. 1721.*, Sirmondus *Hist. pœnit. publ. c. 2. & 3. opp. t. 4. p. 482. & seq. ed. Paris. 1696.*, Jacobus Petrus *ad Theodor. Cantuarien. pœnit. t. 2. ad calcem p. 61. & seq.*, Constantinus Roncaglia in *Not. ad Natal. Alexandr. l. c. p. 69.*, atque alii bene multi, nullam fuisse putant Ecclesiæ legem, quapropter occulta crimina, licet gravissima, publica pœnitentia imponeretur. Longum esset in hac questione immorari; confer tamen Tournelyum *Prælect. theol. de Sacram. Pœnit. qu. 8. art. 3.*, & Robertum Salam in *Not. ad Card. Bonam rer. liturg. l. 1. c. 17. §. 6. not. 4. p. 380. & seq. t. 1. ed. Taurin. 1747.*, qui de ea multis disputant.

§. LXXIII. Publica pœnitentia nullis certis definitis spatiis, atque solemnibus initio peracta est, eaque tota erat posita in ejectione ab ecclesia, laboriosisque operibus, quæ rei criminum suscipere cogeantur (1). Sed post schisma Novatianum quod medio fere tertio sæculo erupit, certa, atque solemnia agendæ pœnitentiæ spatia sunt constituta: ut ita vel externis ritibus Ecclesia occurreret Novatianis, qui dimittendi graviora peccata post baptismum admissa in Ecclesia potestatem esse negabant (2). Omnis hæc solemnitas, atque omnes hi ritus consistebant in certis gradibus, sive stationibus quæ quatuor numero erant, *Fletus, Auditio, Substratio, Consistentia* (3).

(1) Consule Martenium *l. indic. art. 4. §. 1. p. 266.* Sane ab Ecclesiæ primordiis usque ad ætatem Montani, & vero etiam Tertulliani nullum fuisse solenne tempus agendæ pœnitentiæ constitutum, patet ex silentio Tertulliani, qui nusquam ejus rei meminit, quamquam de pœnitentia egerit, itemque ex silentio eorum, qui ante Tertullianum floruerunt. Idem jus fuisse à Montano ad Novatianum eorum, qui per ea tempora scripserunt, ac præsertim Cypriani silentium ostendit. Quin etiam constat ex eorum temporum monumentis, rem hanc totam Episcopi arbitrio gestam fuisse; licet post Montanum diuturniores, quam antea, pœnæ dari consueverint, quæ omnia late persequitur Jueninius de Sacram. diss. 6. c. 4. art. 1. §. 1. & 2.

(2) Confer Card. Bonam Rer. liturgic. l. 1. c. 17. §. 3. ibique Salam in Not. p. 363. t. 1. ed. Taurin 1747., Morinum de Pœniten. l. 4. c. 1. n. 3., Albaspinæum Obser. l. 2. c. 22. p. 111. ed. Neap. 1770.

(3) Quatuor hos pœnitentiæ gradus, ut observat Natalis Alexander Hist. Eccles. sæc. 3. diss. 8. t. 4. p. 77. ed. Ven. 1776., primus singillatim, ac distincte S. Gregorius Neocæsariensis cognomento Thaumaturgus Can. ult. epistolæ canonice memoravit. Negat Morinus hunc canonem revera Gregorii esse; sed eum retellit Natalis Alexander l. c. Eorundem graduum mentio est apud S. Basilium Ep. 199. canon. ad Amphilo. 2. can. 22. & Ep. 217. canonic. 3. can. 56. & seq. 64. 75. 77. 80. 81. 83. opp. t. 3. p. 293. & 326. & seq. ed. Maurin. Paris. 1730., Concilium Ancyranum Can. 6. 16. 17. t. 1. collect. Harduini col. 273. & 277., & Trullanus Can. 87. col. 1691. t. 3. Apud Latinos jam inde à IV. sæculo Pœnitentium divisiones fuisse, ostendunt Ecclesiæ per ea tempora ædificatæ, ac præsertim antiquissima Basilica S. Clementis, de qua videndus Joannes Ciampinius Vet. monument. Mus. p. 1., & Philippus Rondininus, qui de ea peculiarem librum edidit. Hos etiam pœnitentium gradus, & ordines in vetustis Urbis Basilicis extitisse Ciampinius ostendit l. c. Consule Morinum, Albaspinæum, Martenium locis indicatis, itemque Christianum Lupum in Sciol. ad Can. 11. concil. Nicani opp. t. 1. p. 254. ed. Ven. 1724., & ceteros recentiores sacrorum rituum scriptores, qui singulos Pœnitentium gradus accurate describunt.

§. LXXIV. Primo gradu erant *Flentes*; qui scilicet extra Ecclesiam in porticu commorabantur, ac lugubri induti veste, sparsisque crinibus, & cinere, ac cilicio sordidati peccata sua publice confitebantur, & flentes, sæpeque etiam ad pedes provoluti, fideles, qui Ecclesiam ingrediebantur, rogabant, ut sibi à Deo, atque Episcopo pœnitentiæ locum impetrarent (1). Hi potius candidati pœnitentiæ, quam veri pœniterentes erant. Proximum tenebant locum *Audientes*, qui scilicet Ecclesiæ narthecem ingressi Divinam Scripturam, sa-

crasque conciones audiebant, quibus finitis, cum reliquis audientibus, sive ethnicis, sive catechumenis ab Ecclesia exire jubebantur (2). Erat hic gradus & beneficii, & opprobrii loco; beneficii, inquam, quoniam ita pœnitentia digni habebantur, opprobrii autem, quod iterum mittebantur ad audienda fidei rudimenta, quæ, quod graviter peccassent, vix didicisse videbantur.

(1) Vide Cipryanum *de Lapsis* p. 177. cit. *ed. Paris.*, & epistolam Clerici Romani ad Cyprianum *Ep.* 31. p. 45., ubi silentium status graphice describitur, Ambrosium *de Pœnit.* l. 1. c. 16. opp. col. 523. & *de Laps. Virgin.* c. 8. col. 392. t. 3., Concilium Agathense *Can.* 15. t. 2. col. 999., Barchinonense l. *Can.* 6. col. 1434. t. 2., Toletanum III. *Can.* 12. col. 481. t. 3. *collect.* Harduini. Apud Basilium *Ep.* 217. ad *Amphilochium* *Can.* 36. opp. t. 3. p. 326. *ed. Paris.* de voluntario homicida, quem inter silentes per triennium esse jubet, habentur hæc: *quatuor annis distare stans extra fores domus orationis: hæc autem Can.* 75. p. 328. de incesto, qui sororem vitiauit: *triennio defleat stans ad fores domus orationis.* Antiqua monumenta Ecclesiastica memorant etiam Hyemantes, qui *Flentibus* inferiores erant, quoniam extra tectum Ecclesiæ pulsati sub dio pœnitentiam agere cogebantur. Præsertim Ancyra Synodus *Can.* 17. apud Labbæum t. 1. col. 149. Gentiano Herveto interprete *ed. Ven.*, eos qui rationis expertia animantia inierunt, & qui leprosi sunt, vel fuerunt, jussit inter Hyemantes orare. Verum hic gradus aut à *Fletu* non differebat, ut quidam putant, aut erat veluti extra ordinem gradus, in quo rei gravissimorum quorundam criminum versabantur, quoniam ordinarius pœnitentiæ cursus conficiebatur ex quatuor illis gradibus, quos recensuimus. Erant autem inter Hyemantes majori excommunicatione percussi, ac plane ab Ecclesia præcisi, quo etiam in loco, procul scilicet à porticu, jussi sunt stare leprosi, ne ceteros inficerent, & qui cum brutis, aut contra naturam luxuriabantur, quas monstra, & furias appellabant. Confer Card. Bonam l. c. §. 5. ibique Salam *Not.* 2. p. 374. & 377. t. 1., Albispinæam in *Not. ad cit. can.* 17. *Ancyran.* p. 203. *ed. Neap.* 1770., & Selvagium *Antiq. christ.* l. 3. c. 11. §. 21. not. 27., à quibus de hyemantibus, deque leprosis, qui in hoc loco erant, late disseritur.

(2) Memorant Audientes S. Gregorius Thaumaturgus l. c., S. Basilii cit. *Ep. can.* 57. p. 326. Concilium Nicænum *Can.* 19. col. 466. t. 1. *collect.* Harduini. Similiter S. Gregorius Nyssenus in *Ep. canon. ad Lectorem Episc. Miletensem.* canon. 4. & 5. p. 951. & seq. t. 1. *ed. Paris.* 1615. hæc adversus homicidam voluntarium post novem annos in fletu exactos statuit: *tot annos in auditione permaneat, sola Doctorum, & Scripturarum auditione dignus habitus.*

§. LXXV. In tertio gradu erant *Substrati*, seu *Genuflectentes*, qui stabant intra Ecclesie ambitum usque ad ambonem; ubi post ejectos *audientes* in genua provoluti (1) manuum impositionem sub certis precibus accipiebant, inde etiam ad Ecclesia exibant; interim vero jejuniis, precibus durisque, & laboriosis operibus exercebantur (2). Quartus denique gradus erat *Consistentium*, qui ita dicebantur, quod post ejectos Catechumenos, ceterosque poenitentes cum fidelibus in Ecclesia consisterent, precesque funderent (3). Hi participes quidem erant precum, quæ fidelium dicebantur, sed non item corporis, & sanguinis Christi, neque eorum oblationes recipiebantur: quo factum est, ut quarta hæc poenitentium statio interdum *Segregatio*, & *Separatio* diceretur.

(1) Illud quasi prætereuntes animadvertemus, non solum Poenitentes Presbyteris, atque Episcopis præsertim advolvi solitos fuisse, sed & ceteros fideles id obsequii genus adversus illos à primis Ecclesie sæculis præstare consuevisse. Hinc illa orta est ethnicorum calumnia apud Minucium Felicem Octavius p. 333. *ed. laud.*, Christianos *Antistitis*, ac *Sacerdotis*, quasi parentis sui, *adorare naturam*. Unde intelligitur, quam graviter desipiant, qui nostras adgeniculationes, seu genuflectiones ad Romani pontificis Christi Vicarii pedes irrident; cum exploratissimum sit, hanc reverentiam ab antiquis Ecclesie sæculis etiam in Episcopos, & Sacerdotes semper adhibitam fuisse. Ea Summo quidem Pontifici hoc semper obsequii genus Christianos exhibuisse, ejusque pedes osculari solitos fuisse, compertum est. In actis antiquissimis S. Susannæ Virginis & Martyris, quæ recitat Cardinalis Baronius *ad an.* 294. n. 10 p. 271. t. 3. *ed. Lucæ de Præpedita Claudii uxore* narratur, quod *audita viri tanta a Deo facta mutatione*, repente ad Cajum Papam se contulit, *ad pedesque coniciens*, *cor ex more exosculata*, *æque se ad fidem recipi postulabat*. Cum autem id ex more factum dicatur, perspicuum est, ab ipsis Ecclesie primordiis veri consecuisse; quod & paulo post confirmatum in iisdem actis, ubi de eodem Cajo Pontifice dicitur nec: *ad ejus adoratum* qui erant congregati in domo Gabbii, in terram prostraverant se omnes ex more. Eadem etiam de Maximo occurrunt. Vetustas Ordo Romanus, qui Gelasio tribuitur, apud Mabronianam *Ord. I. n. 11. Ord. II. n. 8. Ord. III. n. 13. p. 9. 45. & 56. ed. Paris. 1639.* Diaconum inducit osculatum pedes Pontificis, antequam Evangelium legat. In vitis Romanorum Pontificum, quæ Anastasio tribuantur, pluries mentio est obsequii, quo Imperatores Summi Pontificem exceperant. Cum Joannes I. *an.* 523.

Constantinopolim adiit cuncti cum summo honore prosequuti sunt, sed præsertim *Justinus Augustus* datus honorem Deo humiliavit se pronus, & adoravit Beatissimam Papam Joannem. Vide Baroniam ad an. 525. n. VI. t. 9. p. 341. ed. Lucæ 1741. Non multo post Agapitus simili honore exceptus fuit, quoniam piissimus *Augustus Justinianus* gaudio repletus humiliavit se S. Sedi Apostolicæ, & adoravit Santissimum Papam Agapitum. Etiam Justinianus II. incunte VIII. sæculo hoc ipsam obsequium præstitit adversus Constantinum Summum Pontificem: in die autem, qua se invicem viderunt, Augustus Christianissimus cum regno in capite sese prostravit, pedes osculans Pontificis, deinde in amplexum mutuum corruerunt. Anastasius Bibliothecarius in *Vitis Sum. Pontificum* t. 1. Sect. 88. p. 95. Sect. 96. p. 102. & Sect. 173. p. 160. ed. Rom. 1735. Mitto cetera, quæ fusiis, & uberius explicat Cajetanus Cennius Diss. 6. inter ejas dissertationes Pistorii editas an. 1778. t. 1. p. 171. & seq. Vide etiam Thomassinum *Vet. & nov. Eccles. discipl. part. 2. l. 3. c. 65.*, & Dominicum à SS. Trinitate *Biblioth. Theolog. t. 5. part. 2. l. 4. sect. 11. c. 42.*

(2) Vide Concilium Ancyranum Can. 16. apud cit. Labbæum t. 1. col. 1491. ejusd. ed., ubi potissimum de substratis agitur. Erat Substratorum scilicet intra Ecclesiæ ambitum à portis usque ad ambonem, videlicet parvum illud, atque aliud ædificium, ex quo legebantur Epistolæ, & Evangelium, Dyptica recitabantur, atque ad populum conciones habebantur. Adhuc Romæ extant vetusti quidam Ambones in Ecclesia S. Clementis, SS. Nerci, & Achillei, aliisque Ecclesiis, ac de iis late scripserunt Du Cangius in *Not. ad Pauli Silentarii descript. Templi S. Sophie* n. 75. & seq. ac in *Glossar. med. & inf. latin. verb. Ambon.* Thiersius in *Diss. eccles. num. 2.*, Rondinius de *Eccles. S. Clement.* p. 95.

(3) Concilium Nicænum Can. 11. col. 328. t. 1. Collect. Harduini hunc gradum vocat *communicare cum populo orationibus* *κατὰ προσέχας*, sine oblatione, & Can. 12. & 13. col. 330. communionem orationis appellat. Concilium Ancyranum Can. 4. & seq. col. 27. t. 1. Collect. Harduini utitur his formulis: *communicent sine oblatione: sola oratione communicent: communionem ad preces assquantur.* Quæ formulæ etiam apud plures Latinos Patres occurrunt. Consistentium in Ecclesia locum fuisse ab Ambone usque ad Altare, inter omnes constat; sed non ita exploratum est, num permixti cum fidelibus, nullo discrimine, an potius ab iis loco disjuncti fuerint. Verisimilius tamen est, eos fuisse sejunctos; nam secus ad cancellos sanctuarii accedere potuissent, à quibus non offerentes, & non communicantes arcebantur.

§. LXXVI. Certa erant stationum spatia pro singulis criminibus constituta; sed ea tamen pro gravitate delicti longiora aut breviora erant (1): & vero rei gravissimorum quo-

randam criminum toto vitæ curriculo pœnitentiam agere cogebantur (2). Episcopus stata tempora pro vario pœnitentium studio contrahebat, aut producebat arbitrato suo; & hoc quidem Episcopi arbitrium interdum tam late patebat, ut posset pœnitentes ex Auditione ad Consistentiam, omnis Substratione, traducere (3). Longius, ut plurimum, erat tempus substrationis, quoniam hæc statio ad eluendas animorum sordes proprie erat instituta; & interdum anno decimoquinto absolvebatur (4).

(1) Concilium Ancyranum *Can. 5. col. 273. t. 1. collect. Harduini, S. Basilii Ep. 217. ad Amphiloeh. fere per tot. opp. t. 3. p. 324. & seq. ed. Paris. cit.*

(2) Hujasmodi pœnitentiam Concilium Eliberitanum *Can. 3. col. 249. t. 1. collect. Harduini* constituit adversus eos, qui Pœnitentis, sive educti Sacerdotis officium suscepissent, & *Can. 13. col. 251.* adversus virgines consecratas, quæ se siupro contaminassent; Concilium Neocæsareense *Can. 2. col. 28. t. 1.* adversus mulierem duobus fratribus nuptiam; Arelatense l. *Can. 14. col. 265. t. 1.* adversus eos, qui falso fratres accusaverant; Ancyranum *Can. 16. col. 277.*, Valentianum in Gallia *Can. 3. col. 790. col. t. 1.* Herdense *Can. 5. col. 1065. t. 2.* adversus aliorum criminum reos. Confer Maratorium *Antiquit. Italic. mediævi t. 5. diss. 68.*

(3) Concilium Nicænum *Can. 11. col. 323. t. 1. Collect. Harduini.*

(4) Concilium Ancyranum *Can. 16. loco mox laud.*

§. LXXVII. Toto illo temporis cursu, quo Pœnitentes in iis stationibus versabantur, multas edere debebant dolentis animi significationes, sequæ etiam à multis, quæ ceteris licebant, abstinere. Et vero cinere aspersi, & operti ciliicio (1), ac magis vel raso capite, vel tonsis capillis, mulieres aut sumpto pœnitentiæ velo, aut passis tonsis-ve crinibus pœnitentiam accipiebant (2). Præterea corpus jejuniis cruciabant, elemosynas dabant puerperibus, iis etiam diebus, quibus ceteri fideles stantes orabant, flexis genibus preces fundebant, sequæ à balneis, conviviiis, ipsoque matrimonio usu abstinebant (3).

(1) Ciliicium erat vestis aspera ex pilis animalium contexta, quæ totum corpus operiebat Ambrosius *de Laps. v. gen. c. 8. p. 35. opp. t. 3. col. 392. ed. Maurin. Ven. 1751.*

(2) Concilium Agarhense *Can. 15. col. 999. t. 2. Collect. Harduini, Toletanum III. Can. 12. col. 481. t. 3. Collect. ejusd. Ambrosius l. c. Hieronymus Ep. 77. n. 4. col. 456. opp. t. 1. ed. Vallarsii. Veron. Velum pœnitentiæ, quod mulieres sumebant, memorat Optatus Milevitanus l. 2. *Contra Parmenian. p. 58. ed. Paris. 1676.**

(3) Consule Martenium *de Antiq. Eccles. rit. l. 1. c. 6. art. 4. t. 1. p. 266. & seq. ed. c.*, à quæ hæc omnia accurate describuntur.

§. LXXVIII. Certus erat pœnitentium restituendorum dies (1), nisi justa adesset causa, propter quam id celerius faciendum videretur. Nam citius restituebantur ii, quos martyrum libelli commendarent (2), qui ad Martyrium erant comparandi, qui illustrem Christi pii, & obsequentis animi significationem edidissent, qui in vitæ discrimine versarentur; idem denique fiebat, si quid inde mali ab Ecclesia amoveretur, aut si quid boni in eam redundaret (3). Quin etiam multi erant, qui sua crimina privata pœnitentia expiabant, leque publicam subire cogebantur, quamquam graviora flagitia admisissent. Hujusmodi erant juvenes propter ætatis fragilitatem (4), & mulieres adulteræ, quoniam publica pœnitentia, quæ certum erat eorum criminis monumentum, iis mortis causa esse poterat (5); & conjugati, nisi conjugis consensus accederet (6); & clerici majores, qui clam in monasterio sua crimina deflebant, nisi publicam pœnitentiam sponte susciperent (7).

(1) Feria v. in cœna Domini olim pœnitentes reconciliare consuevisse, demonstrat Innocentius I. in *Ep. ad Decentium Eugubim. c. 7. col. 862. apud Constantium Ep. Roman. Pontif. Hæc quidem consuetudo erat Ecclesiæ Romane, aliarumque Occidentalium Ecclesiarum, quæ ejus ritus susceperant. Verum in Mediolanensi Ecclesia Pœnitentes reconciliari solebant feria sexta majoris hebdomadæ, uti patet ex S. Ambrosio Ep. 20. ad Marcellinam soror. n. 26. col. 908. t. 3., & in *Henric. l. 5. c. ult. col. 130. t. 1. ed. Ven. ind. Eandem quoque consuetudinem viguisse in Hispaniis, atque in quibusdam Gallicanis Ecclesiis, ostendit Martenius de Antiq. eccles. rit. l. 1. c. 6. art. 5. p. 10. t. 1. p. 271.**

(2) Confer Albaspinæum in *Can. 25. Concil. Eliberit. p. 167. ed. Neap. 1770., & Natalem Alexandrum Hist. eccles. sæc. 3. & 4. diss. 3. t. 4. p. 46. ed. Ven. 1776.*

(3) Late hæc omnia persequitur, & multis confirmat monumentis Natalis Alexander l. c. diss. 9. p. 80.

(4) Concilium Aurelianense III. *Can. 24. col. 1428. t. 2.*, & Agathense *Can. 15. col. 1000. t. 2. Collect. Harduin.*

(5) S. Basilius *Can. 34. ibique Balsamon, Alexius Aristinus in Scholis apud Beverigium in Pandectis t. 2. par. 1. p. 47. Consule Card. Bonam Rer. liturg. l. 1. c. 17. §. 5. ibique Salam Not. 1. p. 373. & seq. t. 1. laud. ed. Taurin.*

(6) Concilium Arelatense III. *Can. 22. col. 775. t. 2. Collect. Harduin.*

(7) Siricius P. *Ep. ad Himerium Tarraconen. Episc. c. 14. col. 636. apud Constantium l. c., Hieronymus Ep. 147. ad Sabinum Diacon. col. 1078. t. 1. cit. ed. Veron. Confer Morinum Exerc. eccles. l. 2. exerc. 14., Natalem Alexandrum Dissert. 11. p. 89. l. c., & P. Constantinum de Pœnit. major. Cleric. in Thesaur. Theolog. t. 12. opusc. 12. p. 191.*

§. LXXIX. Solemnes illi, quos numeravi, publicæ pœnitentiæ gradus jam pridem antiquati sunt (1); & nunc pœnitentia arbitrio Sacerdotis imponitur. Quod eo spectat, ut non certæ, sicuti olim fiebat (2), pro singulis criminibus constitutæ à canonibus pœnæ infligantur; verum Sacerdotes debent *salutares, & convenientes satisfactiones injungere* (3), quæ scilicet apte conveniant ad novæ vitæ custodiam, atque ad peccatorum castigationem. Hinc pœnitentiæ ministri, ut suo recte munere fungi possint, scire debent canones pœnitentiales, ut inde criminum gravitatem, et dignam crimine pœnitentiam noscant (4).

(1) Solemnes publicæ pœnitentiæ gradus Constantinopoli sustulit Nectarius Patriarcha Constantinopolitanus; cujus exemplum etiam reliquæ Græcorum Ecclesiæ brevi sequutæ sunt. Consule Cl. Franc. A. Zachariam, qui rem totam diligenter explicat *Diatrib. de Pœnitentia Constantinopoli sublata a Nectario in Thesaur. Theolog. t. 11. p. 290.* In Occidente vetus illa disciplina diutius obviavit. Nam Latini octavo exeunte, nonoque incunte sæculo gradus illos integros retinebant, uti patet ex capitularibus Caroli M. & Ludovici Pii l. 5. c. 136. apud Baluzium *Capitul. Reg. Francor. t. 1. col. 569. ed. Ven. 1772.* Medio sæculo IX. solemnes pœnitentiæ ritus memorat Nicolaus I. *Ep. ad Kiro-ladrum Episcopum apud Labbæum t. 8. concil. col. 503. ed. Ven. & Ep. 24. ad Hinemar. Remens. col. 513., & Concillium Wormatiense an. 868. Can. 30. col. 742. t. 5. collect. Harduin.* Sed iis in locis tantum res Pœnitentiæ gradus describebantur, scilicet Fletus, Auditio, Consistentia, omittitur totum Substratio, quod etiam fit in epistolis Summorum Pontificum, & decretis Conciliorum, quæ ad eam ætatem pertinent. Deni-

que sæculo XII. gradus illi pœnitentiæ apud Latinos fere ubique desierunt, atque ejus mutatae disciplinæ causæ præsertim fuerant canonicæ pœnitentiæ commutatio cum certis precibus, & corporis flagellis, cum pecunia collata in pauperes, atque in alios pios usus conversa, aut cum laborioso aliquo opere, quod in bonum Ecclesiæ redundaret; & ideo peccatores sæpe sunt jussi arma capere contra hæreticos, aut infideles: & communis prope Theologorum ejus ætatis sententia fuit, pœnitentiam in foro conscientiæ Sacerdotis arbitrio esse constituendam, quæ omnia late enarrat Morinus *de Pœnitent.* l. 10. c. 17. & 25.

(2) Magna erat veteran Patrum cura, & diligentia, ut propria remedia, & justa pro unoquoque criminis pœnitentiæ tempora constituerentur. Ea de re agebatur in conciliis, ubi plures coadiuti sunt canones, consulebantur etiam primarum sedium Episcopi, & qui ceteris pietate, ac doctrina præstarent; & hi suis dabant literas, quibus aptam, & idoneam ad singula crimina pœnitentiam, & ejus quoque tempus stabiliebant. Hinc collecti sunt *canones pœnitentiales*, ex quorum auctoritate pœnitentiæ imponebantur; & ideo cum Episcopi synodum habebant, inter cetera monebant Presbyteros, ut *non ex corde, sed sicut in pœnitentiali scriptum est*, pœnitentis darent. Apud Reginonem l. 1. c. 98. Similiter Episcopi, cum diocesium lustrabant, illud in primis quærebant, num presbyter haberet libram pœnitentialem, & num secundum ejus leges pœnitentiam imponeret, uti patet ex Buchar-do. l. 1. c. 94., & Regiaone l. 1. c. 95. Multi adhuc extant hujusmodi libri Pœnitentiales divulgati à viris eruditis, quos memorat Benedictus XIV. *de Synod. dioc.* l. 1. c. 11. n. 3.

(3) Concilium Tridentinum *Sess.* 14. c. 8. *de Pœnitent.*

(4) Consule S. Carolum Borromæum in *Præfat. ad can. pœnit.*, & Card. de Aguirre *ad Can.* 11. & 12. *Concilii Toletani III. t. 2. collect. maxim.* Concil. Hispan.

§. LXXX. Absolutio primis Ecclesiæ sæculis, ut plurimum, post actam pœnitentiam concedebatur (1). Verum cum ea res ad disciplinam pertineat, nullaque sit necessitas præmittendæ pœnitentiæ, ut integrum sit sacramentum, labentibus annis invaluit usus tribuendæ absolutionis, antequam pœnitentia peragatur. O in & vetusta ætate quamquam ea, quam memoravi, disciplina obtineret, tamen sæpe ante emissa pœnitentiæ spatia absolutio dabatur, si quem libelli maritum commendarent, si quis præclaram pietatis significationem edidisset, si qua gravis urgeret causa, quæ mitiorem disciplinam postulare videretur (2): diuque obtinuit, ut statim post confessionem dimitterentur cri-

mina, quæ publica poenitentia expiare non oportebat (3). Merito hinc damnata, & proscripta sunt duriores, asperioresque sententiae illorum, qui Christi lege institutum ferunt, ut poenitentia absolutioni præeat, ac minus probant eam, quæ nunc viget, disciplinam, per quam absolutio poenitentiam antevertit (4).

(1) Cyprianus Ep. 10. 52. 59. p. 23. 66. 94. ed. Paris. 1666., Pacianus Ep. 1. ad Sympronian. p. 307. Bibl. PP. t. 4. ed. Lugd., Ambrosius de Poeniten. l. 2. c. 9. col. 549. t. 3. c. ed. Ven., Innocentius I. Ep. 25. ad Decent. col. 862. apud Constantium Ep. Pontif. Roman., Leo M. Ep. 84. ad Theodor. Foro-Julien. Episc. opp. t. 2. p. 328. ed. Rom. c., Concilium Toletanum III. c. 11. col. 481. t. 3. collect. Harduini.

(2) Cyprianus Ep. 18. & 19. ad Celdon. 52. 54. col. 71. 73. 163. 187. ed. Ven. 1758. Cornelius Ep. ad Cyprian., quæ inter Cyprianicas est Ep. 46. col. 147., Innocentius I. Ep. 25. ad Decent. n. 10. col. 862. apud Constantium, Leo M. Ep. 108. ad Theodor. c. 4. col. 1175. opp. t. 1. ed. Ballerin. Ven. 1753., Concilium Nicænum Can. 13. apud Labbæum t. 2. Concil. col. 39. ed. Ven., Carthaginense IV. Can. 76. col. 1443. ib., Ancyranum Can. 5. col. 1487. ib., Arausicanum I. Can. 3. col. 702. t. 4., Epaonense Can. 36. col. 716. t. 5. ib.

(3) Consule Morinum de Poenit. l. 9. c. 14.

(4) Sæculo XV. Petrus Oxoniensis Theologiæ in Salmaticensi Academia Professor docuit, satisfactionem absolutioni omnino esse præmittendam, isque à Sixto IV. damnatus est. Superiori sæculo hunc errorem aliqui renoverunt, contendentes differendam esse absolutionem sacramentalem, ut prius aliqua saltem laboriosa opera à Sacerdote imposita Poenitentes absolverent; sed eam damnarunt Alexander VIII. n. 16. 17. 18. in Bullar. Rom. p. 97. t. 9. ult. ed., & Clemens XI. in Constit. Unigenitus 187. p. 340. t. 10. ejusd. Bullar. Eundem hunc errorem, quem scripto mandarar Theophilus Brachet, Sacra Facultas Parisiensis die 23. Jun. an. 1644. condemnavit.

§. IXXXI. Formam hujus sacramenti conficiunt verba illa absolutionis, quæ Sacerdos profert, *non nudum præstans ministerium pronunciandi, remissa esse peccata, sed actum judiciale exercens: Ego te absolvo &c.* quibus de Ecclesiæ more preces quædam laudabiliter adjunguntur, ad ipsius tamen formæ essentiam nequaquam spectant, neque ad ipsius sacramenti administrationem sunt necessariae (1). Judicativa hæc forma antiquissima certe est apud Latinos (2); de Græcorum forma non eadem omnibus sententia est (3).

(1) Concilium Tridentinum Sess. 14. de Sacram. poenit. cap. 3. & 6.

(2) Joannes Morinus l. 8. de Administrat. poenitent. multis capitulis defendit, deprecativam fuisse formam sacramenti Poenitentiae, quae usque ad saeculum XII. Latini usi sunt. Morinum complures sequuntur, licet fateantur, nunc tantum judicativam esse formam, quam Synodus Florentina, ac Tridentina proposuit. Contra Latincrum formam & nunc esse, & semper fuisse judicativam contendit Edmundus Simonetas de Formis Sacrament. Poenitent. in Thesaur. Theologic. t. 11. Opusc. 9. p. 483. & seq. Aetate S. Thomae, quae pertinet ad saeculum XIII. judicativa forma jamdudum inducta erat, de eaque loquitur ipse Thomas Opusc. 23. alias. 22. c. 1., tamquam antiquissima, & ubique recepta, imo potius existimare videtur, nullam aliam unquam obtinuisse. Martenius autem de Antiq. Eccles. rit. l. 1. c. 6. art. 5. §. 12. in quatuor antiquissimis libris ritualibus sese injudicativam formam deprehendisse testatur.

(3) Simonetus loco mox laudato art. 5. p. 535. & seq. Graecorum formam non deprecativam, sed judicativam esse arbitrat. Sed alia sententia est Morino l. c. c. 12., Jueninio de Sacram. diss. 6. qu. 7. c. 2. art. 1., aliisque compluribus.

§. LXXXII. Minister sacramenti poenitentiae est Episcopus, aut Sacerdos (1). Si quando à Diacono datam absolutionem constat (2), non id referendum est ad sacramentalem absolutionem, quae rei crimen tollit, quaeque ordinis propria est, sed ad caeremonialem absolutionem: quae poenitentem solvit legibus publice poenitentiae, quaeque etiam Diacono committi poterat, cum tota jurisdictionis sit (3). Similiter si quem laico sua interdum patefecisse crimina scriptum est (4), factum id fuit patientiae, & demissionis causa, non quod laicus per sacramentum poenitentiae solvere quemquam posset (5).

(4) Concilium Tridentinum Sess. 14. de Poeniten. c. 6., Eugenius IV. in Decret. union. Armen. t. 9. collect. Harduini col. 440., Leo X. Const. 44. t. 3. par. 3. Bullarii p. 489., ubi inter ceteros damnatur Lutheri error, quod videlicet in sacramento poenitentiae, ac remissione culpae non plus facit Papa, aut Episcopus, quam infimus Sacerdos, imo, ubi non est Sacerdos, aequè tantum quilibet Christianus, etiamsi mulier, aut puer esset. Quo in loco autem Lutherum hesitaverant Wicleffus, Flagellantes, & Hussitae qui spem Sacerdotis Tribuiali, sua apud laicos crimina continebantur, ac jam ab iis absolutionem obtinebant, ut videre est in lib. 3. de Gestis Baldovini de Luezenburgh. c. 9. apud Baluzium

Miscellan. Historie. t. 1. p. 324. ed. Luc. 1761. Quamquam, ut in ceteris, ita etiam in hoc errore Lutheri inconstant, & varius de Capron. *Babylon*. unum Baptismum Sacramentum habeat: quo factum est, ut quasi dux familie proseminatae sint Lutheranorum, quorum alii Penitentiam sacramentum esse affirmant, alii negant. Adeo verum est, nonnisi in Ecclesia catholica unum semper, & eandem esse fidem.

(2) S. Cyprianus Ep. 12. p. 25. ed. Paris. cit., Constitutiones Odoni. Parisiensi Episcopi c. 56. t. 6. par. 2. col. 1946. collect. Harduini. Cap. *Furti de Furtis*, si vera est lectio, quae vulgo traditur, *Presbytero, vel Diacono confessi fuerint*, Nam Antonius Augustinus in Not. ad prim. Collect. Decretalium l. 5. tit. 26. c. 4. p. 326. ed. Luc. 1796 legendum esse monet *Presbytero, vel Diacono*, uti est in Can. 31. Concilii Trid. col. 449., t. 6. collect. Harduini, unde illud caput desumptum est.

(3) Confer Cardinalem de Aguirre Concil. Hisp. t. 1. p. 729., Natalen. Alexandram Hist. Eccles. sæc. 3. diss. 4. t. 4. p. 49. ed. Ven. 1775., & Benedictum XIV. de Synod. Dioc. l. 7. c. 16. n. 5. ad 3. Late etiam, ac solide hoc argumentum persequitur Carolus Blaschus Diss. 1., & contra Basnagium, Luanojum, atque alios ostendit, nunquam Diaconos, etiam urgente necessitate, penitentiae sacramentum administrasse.

(4) Can. *Qui vult de penitent. dist. 6.* Multa hujusmodi exempla colligant Morinus de Penitent. l. 8. c. 24., Joannius de Sacram. dist. 6. qu. 5. c. 4. art. 2., Martenius de Antiq. Eccles. rit. l. 1. c. 6. art. 6. §. 8. p. 274. t. 1. cit. ed. Ven.

(5) Vide D. Tomam in 4. dist. 17. qu. 3. art. 3. qu. 2., & vide etiam Benedictum XVI. l. c. n. 9. & seq.

§. LXXXIII. Ut autem valeat absolutio, in ministro requiritur non tantum potestas Ordinis, per quam ei ex divina institutione committitur judicium animarum in fore penitentiae sed etiam jurisdictionis. Potestas Ordinis efficit, ut Presbyter judicium hoc sacramentaliter exercere possit; sed frustra id exerceret, nisi haberet subditos, in quos suam explicet potestatem. Atque hæc est potestas jurisdictionis, quæ tota pendet ex imperio in subditos, adeo ut sine subditis nulla sit. Cetera sacramenta sine hac potestate conferre non licet, sed tamen valent collata cum sola ordinis potestate: verum sacramentum penitentiae utramque desiderat; quoniam opus est ministro, per quem & conferatur gratia, & feratur sententia, quæ tantum valet prolata in eos, qui Judicis jurisdictioni subjecti sunt (2).

(1) Concilium Tridentinum Sess. 14. de Sacram. penitent. c. 6. &
Tomo II.

Can. 9., & Catechismus Romanus par. 2. c. 5. §. 54.

(2) Consule Cl. Christianopolim in libro della Nullità delle assoluzioni ne' casi riservati c. 2. §. 3. §. 109. p. 158. & seq.

§. LXXXIV. Jurisdictio penes Episcopum in omni diœcesi est, & ideo nisi quis eam ab Episcopo obtineat, in ejus subditos exercere judicium, ac sententiam ferre non potest. Parochi, cum animarum curæ præficiuntur, sui officii jure obtinent hanc potestatem; quia cum Parochi fiunt, accipiunt ab Episcopo subditos, quos regant, & in quos jurisdictionem exerceant. Ceteri Sacerdotes, quibus nulli cum beneficio subditi dati sunt, opus habent venia Episcopi, à quo ad hoc munus apti, & idonei judicentur, ac muneris gerendi potestatem accipiant (1). Itaque Parochi posteaquam iure constituti sunt, jure proprio; reliqui Sacerdotes, sive ex sæcularibus, sive ex regularibus, jure delegato pœnitentiæ sacramentum administrant (2).

(1) Concilium Tridentinum Sess. 23. cap. 15. de Reformat. Consule Benedictum XIV. Instit. Eccles. Instit. 86.; ubi multa sunt, quæ ad hunc locum pertinent.

(2) Nullus ita sit temerarius, inquit Patres Gallicani in Comitiiis generalibus an. 1625. 1635. 1645., ut ingerat se audiendis confessionibus, quin ad ipsam facultatem scripto traditam ab Episcopo, aut ejus Vicario generali obtinuerit. Religiosi, quavis exempti ab illius jurisdictione, excipere non poterant confessiones, quin prius examen subierint, ab eoque, aut ejus Vicario generali approbati fuerint, ex quorum nutu penderet, ut indefinitam, aut ad tempus solum facultatem concedant. Hinc Pius IV. Const. in Principis Apostolorum 109. Bullar. Roman. ult. ed. t. 4. part. 2. p. 214. & Urbanus VIII. Const. Cum sicut accepimus 279. t. 6. par. 1. ejusd. Bullar. p. 142. sustulerunt privilegia omnia concessa Regularibus, aliisque omnibus audiendi sæcularium confessiones, non impetrata primam ab Episcopo facultate. Alias eadem de re propositiones à Regularibus quibusdam Andegavensibus evulgatas contra Episcoporum potestatem confixere Clerus Gallicanus in comitiis generalibus an. 1656., & Alexander VII. die 24. Septembris 1665. Const. 120. ejusd. Bullar. t. 6. par. 6. p. 84.

§. LXXXV. Hæc autem ab Episcopo data potestas modo angustioribus coercetur finibus, & modo latioribus explicatur. Nam ea res pender ab Episcopi arbitrio, qui ut juris-

dictionem attribuit, ita ea non arceat, constingit, explicat suo arbitratu. Ex quo patet, posse Episcopum suo lubitu tantum in certos homines, atque in certa crimina potestatem concedere; unde intelligitur, quamobrem Sacerdotes nequeant ferre sententiam in certos homines, ac judicare de quibusdam criminibus quorum sibi iudicium Episcopus reservavit. Inde jus oritur *casuum*, quos *reservatos* vocamus, quod efficit, ut Sacerdos, excepto mortis articulo (1), nihil possit in iis rebus, quarum potestatem Episcopus non mandaverit (2).

(1) Mortis articulus à periculo differt. *Est namque mortis periculum*, inquit Melchior Canus *de Pœnitent. par. 9.*, *in his dumtaxat unde mors frequenter solet accidere... At articulus mortis intelligitur, cum regulariter certa mors est.* Non solum in articulo, sed etiam in gravi mortis periculo, cum abest Parocus, aut alius ab Episcopo approbatus confessarius, quemlibet Sacerdotem absolutionem impartiri posse, ostendit Carolus Blaschus in *Appendic. ad Dis. 2. de Pœnitent.*

(2) Concilium Tridentinum *Sess. 14. de Sacram. pœnit. cap. 7. & Can. 11.* Inquit autem ipsa Synodus *cit. cap. 7.*, quod nulla sit *reservatio in articulo mortis*, atque ideo omnes Sacerdotes quoslibet pœnitentes à quibusvis peccatis, & censuris absolvere possunt. Quæ verba cum pateant amplissime, ac nullum Sacerdotem excipiant, omnibus fere Scriptoribus Juris Canonici argumento sunt, quod, urgente necessitate, absolvere possit quisvis Sacerdos, etiam excommunicatus, suspensus, degradatus, hæreticus, modo absit publica offensio, ac periculum subversionis. Graviter, & copiose in hoc argumenti genere versatur Carolus Blaschus *Diss. 2. de Pœnitent.* Verum autem adeo est, quod supra dixi, neminem sine Episcopi venia absolvere quemquam posse à casibus ipsi Episcopo reservatis, ut id etiam ad eos pertineat, qui absolvendi à casibus reservatis Sedi Apostolicæ facultatem obtinuerant. *Et habentes*, inquit Clemenens X. *Const. Superna 10. §. 7. p. 32. t. 7. Bullæ Roman. ult. ed.*, facultatem absolvendi ab omnibus casibus Sedi Apostolicæ reservatis, non ideo à casibus Episcopo reservatis posse absolvere. Consule S. Carolum Borromeum *Concil. Provinc. III. tit. de iis quæ ad pœnit. sacram. pert. & Concil. Provinc. V. eod. tit. Act. Eccles. Mediolan. par. 1. p. 79. & 190. ed. Patav. 1754.*

§. LXXXVI. Quod autem Episcopus in sua diœcesi, id potest Summus Pontifex supremo jure, cui subsunt omnes in Ecclesia universa. Nam per totam Ecclesiam ejus propagata, ac diffusa jurisdictio est; & ideo nulla est aliorum

potestas in iis; quæ huic uni Summæ Potestati servata sunt (1). Ac recte quidem, & merito graviora quædam crimina Summo Pontifici, aut Episcopo reservata sunt, ut ea difficultate absolutionis cohiberentur, & gravioribus morbis peritiores medici remedium adhiberent (2).

(1) Concilium Tridentinum *Sess. 14. de Pœnitent. c. 7.* & merito sapientissimus, atque optimus Pontifex PIUS SEXTUS literis doctrinæ, veritatis, dignitatis, auctoritatisque plenis, quas edidit die 28. Novembris an. 1586., Eybelium damnavit ausum in libro *Quid est Papa?* calumniari reservationes absolutionum, quæ ad Sedem Apostolicam pertinent. De casibus à Summo Pontifice, aut ab Episcopo reservatis, deque nullitate absolutionis, quæ contra reservationis legem data est, copiose disputat Cl. Christianopolus libro Romæ edito anno 1785., cui titulus: *Della Nullità delle assoluzioni ne' casi riservati.* Vide etiam Cl. Belgænum in egregio libello Maceratæ edito an. 1785., cui titulus: *Esame della vera idea della S. Sede* §. 133. & 134. p. 268. & seq. Falsi autem sunt Van-Espenius *Jur. eccl. univers. t. 1. par. 2. tit. 6. c. 7. n. 5.*, & Dominicus Cavallarius *Instit. Jur. Canon. par. 2. c. 16. § 7. in not.*, qui graviora crimina Sedi Apostolicæ tantum reservari copiose putant post sæculum X.; & initio quidem potius Episcoporum, quam Summorum Pontificum auctoritate. Nam Romanos Pontifices jam VI. sæculo quosdam sibi casus, ut dicimus, suo sibi jure reservare solitos fuisse, demonstrat S. Gregorius M., quem nemo ignorat abfuisse quam maxime à violandis juribus Episcoporum. Iis autem Ep. 7. l. 3. col. 631. t. 2. opp. ed. Paris. cit. Joannem Larissensem Metropolitam, si quid ageret contra quam ab Sede Apostolica præscriptum fuisset, privandum statuit communione sacerum, quam non recuperaret, excepto ultimo vitæ suæ tempore, nisi concessa Romani Pontificis jussione. Vide etiam S. Leonem M., Ep. 12. ad Anastas. Thessalonicen. c. 1. & ult. p. 49. seq. & 55. seq. Homicidas autem ante annos circiter nongentos, quod vere observat Martenius, de *Antiq. ecclæs. rit. t. 1. l. 1. c. 6. art. 6. n. 6. p. 273.*, veniæ impetrandæ causa ad Summum Pontificem missos fuisse constat ex lib. 3. de *Gest. Sanctor Rotomens. c. 1. sæc. IV. Benedictin.* Cum autem homicidium esset ex genere eorum criminum, quæ in quibusdam Ecclesiis veniæ locum non relinquebant, fortasse cum hæc disciplinæ austeritas emolliiri ac mitigari cepit, id retentum est, ut eorum graviorum criminum rei non nisi a Sede Apostolica veniam consequerentur. Nam ea semper ignis lenitas, benignitasque fuit, ut etiam cum antiqua vigeret discipline severitas, ipsa tamen justis de causis veniam interdum daret in criminibus, quæ alicubi ordinaria lege uni Dei judicio relinqui. non autem ab Ecclesia dimitti solebant. Ita Tertullianus, posteaquam in Montani errores incididerat, Zephyrinum Pontificem reprehendit, quod

veniam daret mœchis, quibus illam aliæ Ecclesiæ antea denegare consueverant.

(2) Concilium Eliberitanum *Can. 32. t. 1. Concil. collect.* Labbæi col. 996. *Apud Presbyterum, inquit, si quis gravi lapsu in ruinam mortis inciderit, placuit agere penitentium non debere, sed potius apud Episcopum.* Ergo gravius crimen jam tunc Episcopo reservatum erat. Sed & nota cunctis est antiqua Ecclesiæ disciplina de publica pœnitentia, quæ donec viguit, publice pœnitentium reconciliatio ad Episcopum perinebat, eademque obsolescente Summi Pontifices, & Episcopi potestatem absolvendi a gravioribus quibusdam criminibus, exira mortis periculum, sibi reservarunt. Quinimo non tantum Episcopis, sed etiam Majoribus Sedi- bus ab atrocioribus quibusdam criminibus absolutionem reservari consuevisse jam inde à V. ineunte sæculo, ostendit Synesius *Ep. 67.* unde constat, Theophile Alexandrino Patriarchæ, cui Synesius suberat, Lam- poniani cujusdam absolutionem fuisse servatam. Inquit autem ipse Synesius *cit. Ep. 67. p. 215. ed. Paris. 1633.* Sed ego in iis perseveravi, quæ semel decreveram; solvendi porro jus, & auctoritatem ad Pontificiam Sedem rejeci.

§. LXXXVII. Nullum esse scelus, quod Ecclesiæ potestati non subjiciatur, contra Montanistas, & Novatianos definitum est; & vero hanc potestatem initio Ecclesiæ, nullo discrimine, exercuisse demonstrant Paulus (1), & Joannes Evangelista (2), quorum alter incestus in novercam reo, alter homicidæ veniam dedit (3). Quoniam vero Christus dimittendorum, æque ac retinendorum criminum jus Ecclesiæ fecit, non desperatione indulgentiæ, sed rigore disciplinæ (4), factum est, ut alieubi venia, & cum Ecclesia reconciliatio non daretur reis graviorum quorundam criminum, quibus spes omnis veniæ in una Dei misericordia relinquebatur (5). Verum disciplina hæc, quæ non diu obtinuit (6), propria fuit peculiarium quarundam Ecclesiarum (7), non totius Ecclesiæ catholicæ, quæ reis criminum pœnitentia functis, præsertim in vitæ exitu, nunquam pacem, aut sacramentalem absolutionem denegavit (8).

① (1) *Ep. II. ad Corinth. c. 2.*

(2) Eusebius *Histor. Eccles. l. 3. cap. 23. p. 112. ed. Valesii Cantabrig. 1720.*

(3) Consule Hermam Pastorem *lib. 2. Mandat. 4.*, & Auctorem *Constit. Apostolic. l. 2. cap. 23.* utranque apud Cotelerium *PP. Apostolic. t. 1. p. 88. & 236. cit. ed. Amstelædani.*

(4) Augustinus Ep. 185. ad Bonifac. n. 45. col. 661. opp. t. 2. ed. cit.

(5) Graviora hæc crimina, quæ in iis locis cum Ecclesia reconciliationis spem adimebant, erant idololatria, homicidium, adulterium.

(6) Zephyrinus Pontifex mœchis veniam dedit; qua de re eum acerbe carpit Tertullianus de Pudicit. c. 1. p. 555. ed. Ven. 1744., posteaquam in Montani hæresim lapsus fuerat. Verum Zephyrinus non novam aliquam disciplinam induxit, sed potius jam inductam confirmavit. Confer etiam Cyprianum Ep. 52. col. 177. ed. Venet. 1758., qui mirari se ait, quosdam ita obstinatos esse, ut dandam non putent lapsis pœnitentiam, aut pœnitentibus existiment veniam denegandam, postremoque addit, neminem putamus à fructu satisfactionis, & spe pacis arcendum. Concilium Nicænum Can. 19. col. 466. t. 1. Collect. Harduini nemini morienti sacramentalem absolutionem, quam viatici nomine appellat, denegandam statuit; qui canon ostendit, adhuc ea ætate quosdam fuisse, qui reis quorundam criminum veniam denegabant. Secus enim ejus condendi canonis causa defuisset. Concilium Sardicense, quod non multo post Nicænum habitum est, Can. 1. col. 637. t. 1. Collect. Harduini, Prælati Ecclesiarum, qui per ambitionem sedem mutaverant, ne in exitu quidem laicam communionem habere permittit; quod decretum ita mitigavit Damasus Pontifex in Ep. ad Paul. Antiochen. apud Holstenium in Collect. Roman. part. 1. p. 183., ut illi à communione alieni haberentur, quamdiu ad eas redierint civitates, in quibus primum sunt constituti. Quam Pontificiam sanctionem memorat etiam Theodoretus Hist. eccles. l. 5. c. 11. p. 210. ed. Cantabrig. 1720. Sed & ante Damasum Julius I., quæ Pontifice Sardicense Concilium habitum est, reum animarum dixit Presbyterum, qui morientibus veniam denegaret Can. 12. caus. 26. quest. 6., Cælestinus I., qui Summus Pontifex creatus est anno 423., Ep. 4. ad Episcopos provinc. Viennem & Narbonen. c. 2. col. 1667. apud Constantium Epist. Roman. Pontific. graviter reprehendit Gallicanos Præsules, qui morientibus veniam denegabant, ac denique sic concludit: quovis tempore non est deneganda pœnitentia postulanti. Eadem sententia est Innocentii I. Epist. 25. ad Decent. Eugubin. c. 7. col. 862. apud eundem Constantium, & eadem Leonis M. Ep. 84. c. 3. opp. t. 2. p. 329. ed. Romæ 1755., cum inquit in dispensandis Deï donis non dicemus esse difficiles.

(7) Fuit hæc disciplina quarundam in Africa Ecclesiarum, uti testatur Cyprianus Ep. 55. ad Antonian. p. 247. ed. Amstelæd. 1700., & quidem apud Antecessores nostros quidam de Episcopis istic in provincia nostra dandam pacem mœchis non putaverunt, & in totum pœnitentiæ locum contra adulteria clausurunt. In Hispaniis graviorum quorundam criminum reis etiam in exitu vitæ communionem denegatam ostendunt plures Eliberitani Concilii canones; nemini tamen unquam pœnitentiæ copia denegata est. Imo eodem Eliberitano Concilio Can. 22. t. 1. Concil. collect. Labbæi col. 995. ed. Ven. cautum expresse est, ut hæretici ad Ecclesiam redeuntes à pœnitentia non repellantur. Si quis, inquit, de Catholica Ecclesia ad hæresim transitum fecerit, rursusque recurrerit, pla-

cuit, hæc pœnitentiam non esse denegandam, eo quod cognoverit peccatum suum. Confer Natalem Alexandrum *Histor. eccles. sec. 3. diss. 7. propos. 2. t. 4. p. 72. ed. Ven. 1776.*

(8) Dyonisius Petavius *Animadvrs. ad Epiph. hæres. 56. t. 2. p. 227. ed. Paris. 1622.*, Gabriel Albaspinæus *l. 2. Observ. 7. p. 90. ed. Neap. 1770.*, Jacobus Sirmondus *Histor. pœnitent. public. t. 4. c. 1. col. 481. ed. Paris. 1696.*, Edmundus Martenius *de Antiq. eccles. rit. l. 1. c. 6. art. 2. t. 1. p. 261. ed. indic.*, alique putant, tribus prioribus, aut saltem II. & III. sæculo Ecclesiam idololatriæ, homicidiis, adulteris veniam denegare consuevisse. Contra Morinus *de Pœnitent. l. 9. c. 20. & seq.*, Natalis Alexander loco mox laudato, Cardinalis Capizucchi *in Select. quest. theolog. p. 52.*, Tournelyus *Praelect. theolog. de Sacram. pœnitent. quest. 9. art. 2.*, Balthasar Francolius *in Cleric. Roman. par. 1. disp. 2.*, alique complures ostendunt, nunquam Ecclesiam eo severitatis vēnisse, ut reis atrociorum quarumvis criminum in vitæ exitu veniam non concederet. Præ ceteris vero Cardinalis Orsius peculiaria ea de re edita dissertatione demonstravit, *Catholicam Ecclesiam tribus prioribus sæculis capitalium criminum reis pacem, & absolutionem neutiquam denegasse.* Certe in Ecclesiis quibusdam aliquamdiu vixit severior illa disciplina, quam ea ætate retinere licuit, cum adversus eam nulla adhuc Ecclesiæ lex esset. Verum Catholicæ Ecclesiæ sententia semper fuit, nulla esse crimina, quorum rei vere pœnitentes veniam, & absolutionem aliquando non obtinerent. Hinc quemadmodum Tertullianum ab Ecclesiæ communione reiecit, ejusque nimiam severitatem repressit Zephyrinus, Novatianum, qui criminum reis implacabilem se, inexpiabilemque præbuit, Cornelius, deincepsque Innocentius; ita duritiem, & asperitatem Episcoporum aliquot Gallie Cælestinus, & postea similem aliorum duritiem Leo M. damnarunt; quos & alii Romani Pontifices usque ad hanc nostram ætatem sequuti sunt, ex recentioribus S. Pius V., Gregorius XIII., Urbanus VIII., Innocentius X., Alexander VIII., & Clemens XI., qui antiquos Montanistas, Novatianos, Eucheritas, Eusathianos, & Luciferianos in Michaele Bajo, Cornelio Jansenio, ceterisque similibus redivos nimiam, atque à Christi, & Ecclesiæ beniguitate alienam severitatem præferentes damnarunt, & rejecerunt. Consule Cardinalem de Aguirre *Concil. Hispan. t. 2. diss. 7. 8. & 9. in Canon. 11. & 12. Concilii Toletani II. vulgo III. anno 589. p. 358. & seq.*, ubi late agitur de antiqua Hispaniarum ea in re disciplina, & in Not. ad Can. 2. 3. & 7. Concilii Eliberitani t. 1. p. 333. & seq., qui Eliberitani canones valde torquent cruditorum ingenia, cum duriores, asperioresque videantur. De his ipsis canonibus agit etiam Cardinalis Orsius. *laudat. sect. 4. c. 1. digress. 5. & c. 3. n. 4.*

S E C T I O V.

DE EXTREMA UNCTIONE.

LXXXVIII. Effectus sacramenti Extremæ Uctionis.

LXXXIX. Ejus materia remota.

XC. Materia proxima.

XCI. Forma.

XCII. Minister.

XCIII. Parochus Minister ordi-

narius.

XCIV. Quibus datur hoc sacramentum?

XCV. Græcorum unctio.

XCVI. Quando datur sacramentum Extremæ Uctionis?

§. LXXXVIII.

Extrema Unctio, quæ & *Oleum Sanctum*, & *Oleum infirmorum* appellatur, sacramentum est, quod ex hac vita migrantibus tribuitur (1). Propterea dicitur Extrema Unctio, quoniam hæc sacrarum unctionum, quas Christus Dominus Ecclesiæ commendavit, ultimo administranda est. Hujus sacramenti vim expressit Jacobus Apostolus his verbis (2); *Infirmatur quis in vobis? inducat Presbyteros Ecclesiæ, & orent super eum, ungentes eum oleo in nomine Domini, & oratio fidei salvabit infirmum, & alleviabit eum Dominus: & si in peccatis sit, remittentur eis.* Quibus ex verbis facile est intelligere materiam, formam, ministrum hujus sacramenti; atque iis utitur, ut hæc cuncta explicet, Synodus Tridentina (3).

(1) Concilium Tridentinum Sess. 14. de Extrem. unct. Can. 1.

(2) Epist. Catholic. V. 14.

(3) Sess. 14. de Sacram. extrem. unct. c. 2.

§. LXXXIX. Materia, unde conficitur Extrema Unctio, est oleum olivarum (1), & oleum quidem merum; quoniam nulla permixtionis mentio in libris ritualibus, atque in antiquis monumentis occurrit (2). Oleum ab Episcopo benedictum esse debet (3), atque hæc quidem vetus Ecclesiæ con-

suetudo est (4). Apud Latinos solus Episcopus oleum infirmorum consecrat feria V. cœnæ Domini (5), ab eoque illud quotannis accipiunt singuli, quibus opus est (6); apud Græcos etiam Presbyteri, & vero non semel in anno, sed singulis vicibus, quibus illud adhibere oportet (7).

(1) Concilium Tridentinum *Sess. 14. de Extrem. unct. cap. 1.*, Catechismus Romanus *de Sacram. extrem. unct. part. 2. n. 5.*

(2) Innocentius I. in *Ep. 25. ad Decent. Episc. Eugubini. c. 8. col. 863.* apud Constantium *Ep. Rom. Pontif.* hujus sacramenti materiam esse inquit oleum *Chrismatis*, qui locus Suaresium *t. 4. in 3. part. Disp. 40. sect. 1. n. 10.*, aliosque Scholasticos in eam opinionem adduxit; ut crederent, olim balsamum cum oleo misceri consuevisse. Verum sæpe apud Ecclesiasticos Scriptores *chrisma* merum oleum infirmorum est. Confer Jueninium *de Sacram. diss. 7. quæst. 3. c. 1.*, & Tournelium *de Sacram. extrem. unct. quæst. 1. art. 3.*

(3) Eugenius IV. in *Decret. præ instruct. Arnaz. Conc. Florent. col. 440. t. 9. Concil. collect. Harduini*, Concilium Tridentinum *Sect. 4. de Sacram. extrem. unct. Can. 2.* Episcopus autem oleum benedixit præsentibus Presbyteris, aliisque clericis, de quibus agit Pontificale Romanum *tit. de Offic. in fer. V. cœnæ D. §. 3.* ibique Catalanus in *Not. n. 4. t. 3. p. 57.* unde ut putat Martenius *de Antiq. Eccles. rit. l. 4. c. 22. §. 3. n. 3. t. 3. p. 87. ed. cit.*, factum est, ut quidam Presbyteri sibi olei consecrandi potestatem adscriberent; sed iis restitit concilium Carthagiense II. *Can. 3. col. 1245. t. 2.*, & Toletanum I. *Can. 12. apud Labbæum cit. t. 2. col. 1474. ed. Ven.* Quæstio tamen est inter Theologos, num ex Christi Domini Institutione, an tantum ex Ecclesiæ præcepto Episcopi benedictio sit necessaria. Verum ut ex Christi institutione consecratio aliqua requiratur, ut oleum fiat apta materia sacramenti extreme unctionis, cum tamen illud ex delegatione Summi Pontificis sive tacita, sive expressa etiam à Presbytero benedici possit, tantum Ecclesiæ lege inductum est, ut oleum infirmorum ab Episcopo benedicatur. Consule Benedictum XIV. *de Synod. Dioces. l. 8. c. 1. n. 4.*

(4) Innocentius I. *l. c.*, Gregorius M. in *Sacram. col. 67. opp. t. 3. ed. Maurin. Paris. 1705.*

(5) Disciplinam conficiendi quotannis chrismatis feria V. in cœna Domini memorat Fabianus P. in *Can. 18. de Consecr. dist. 3.*, verum hic observat Van-Espanias *Jus eccles. part. 2. tit. 2. c. 3. n. 13.*, disciplinam illam sæculo VII. obtinuisse, quoniam eam memorant Sacramentarium S. Gregorii, Vetus Ordo Romanus, atque omnes, qui per ea tempora de divinis Officiis scripserunt. Constitutus deinceps fuit etiam olei conficiendi locus, scilicet ecclesia cathedralis in *c. 12. de Cerebr. Miss.*

(6) Non nisi à proprio Episcopo sacra olea, hoc est chrisma, & o-

leum catechumenorum, ac infirmorum accipiendum est *Can. 122. & 123. de Consecr. dist. 4.* neque exemptionis privilegium aliquem ea lege solvit, quod late ostendit Passerius *de Stat. homin. t. 3. qu. 189. art. 10. inspect. 10. n. 91c. & seq.* Quotannis autem sacra hæc olea sumenda sunt; nam vetus, quod superest, ponitur ut inquit Rituale Romanum. *t. 1. Comm. tit. 2. c. 1. §. 31. n. 3. p. 71. ed. Rom. 1767.* in lampadibus Ecclesie ante sacramentum, ut comburatur; Reliquum autem, quod est in pyxidibus, sive capsulis cum bombice igni comburitur; & novum deinde cum novo bombice in pyxidibus, sive capsulis imponitur. Vide etiam Concilium Provinciale IV. Mediolanense à S. Carolo habitum *Act. Eccless. Mediolan. par. 1. t. 1. p. 113. ed. Patav. 1754.*

(7) Confer Gorrium in *Eucholog. Græc. p. 436.*, Arcadium *l. 5. c. 2.*, Allatium de *Consens. utriusque eccles. c. 16.* Quam Græcorum consuetudinem fatam habuit Clemens VIII. *Instruct. seu Cons. 107. Bullar. t. 5. par. 2. p. 72.*, & Benedictus XIV. *Const. 57. §. 4. t. 1. ejus. Bullar. p. 104. ed. cit.*

§. XC. Consecrato oleo ægrotus inungitur; quæ unctio materia proxima appellatur. Quoniam vero Jacobus Apostolus nullam certam indicavit corporis partem, quam inungere oporteret, hinc varia ea de re fuit Ecclesie disciplina. Olim una pars corporis, puta pectus, inungi consuevisse videtur (1). Placuit deinde plures partes inungere, ac præter ceteras, alicubi partem morbo affectam (2), quo referebant verba Jacobi: *Et alleviabit eum Dominus.* Nunc Latini ungunt quinque organa sensuum, videlicet oculos, aures, nares, os, manus, itemque pedes, & renes: verum renum unctio in feminis propter honestatem omittitur, & omittitur etiam in viris, cum ea morbi vis est, ut infirmus commode moveri non possit (3). Græci Sacerdotes ungunt ægri frontem, mentum, ambas genas, deinde pectus, tum utramque manum, postremo pedes (4).

(1) Consule Mabillonium *Præf. ad sæc. I. Benedictin. n. 97. p. XXXVI. ed. Ven. 1733.*

(2) Vide Menardum in *Sacram. S. Gregorii M. col. 540. & 541. t. 3. opp. S. Gregor. ed. cit.*

(3) Confer Rituale Romanum *t. 1. in Comm. tit. 5. c. 2. §. 15. n. 2. p. 336. ed. cit.*, & *Decretum Eugenii IV. p. n. instruct. Armen. col. 440. t. 9. Concil. collect. Harduini.* Constat inter omnes, pedum, ac renum

unctiones necessarias non esse ad vin sacramenti; verum inter Theologos queritur, num reliquæ quinquæ unctiones omnes necessario requirantur, ut integrum sacramentum sit. Plerique sic statuunt, valere hoc sacramentum collatum per unicam unctionem, prolata tamen formula universali, quæ sensus omnes complectatur; quod tamen facere non licet, nisi id sibi non necessitas postulet. Late ea de re agit Benedictus XIV. *de Synod. dioc. l. 8. c. 3.*

(4) Vide Arcudium *l. 5. c. 7.*

§. XCI. Formam comprehendunt preces, quas Sacerdos fundit, cum egrotum ungit: *per istam sanctam unctionem, & suam piissimam misericordiam indulgeat tibi Dominus &c.* (1). Et quoniam Jacobus Apostolus non designavit verba, quibus Sacerdotem ungentem vi oporteat, hinc Ecclesiæ variis orationibus, & formulis, iisque conceptis verbis tam precantibus, tum directis utæ sunt (2). Synodus Tridentina precativam formulam proposuit; sed cum non expresse rejecerit indicativam, hinc factum videtur, ut etiam post Synodum aliquæ Ecclesiæ eam formulam retinuerint (3). Nunc omnes Latini deprecativa formula utuntur; forma Græcorum non iisdem est concepta verbis, sed tamen eodem redit, ac similiter deprecativa est (4).

(1) Concilium Tridentinum *Sess. 14. c. 1. de Extrem. unct.*

(2) Albertus M. in *IV. dist. 23. art. 4.* plures vetustos Germaniæ rituales libros se legisse testatur, qui indicativam formam describebant, eamque disciplinam ab ipsis Gregorianam appellari dicit. Sacramentale Venerunt à Leone X., ut fertur, approbatam indicativam habet formam, quod Arcudius refert *l. 5. c. 5.* Plures etiam describit Morinus *de Sacram. penit. l. 8. c. 16.* aliam hanc Ecclesiarum formas, quæ conceptæ sunt verbis aut indicativis, aut precibus intermixtis. Vide Menardum in *Not. ad sacrament. S. Gregor. tit. 923. col. 537. & seq. t. 3. opp. S. Gregorii ed. Paris. 1705., & Martenium de Antiqu. Eccles. rit. l. 1. c. 7. tit. 3. §. 4. t. 1. p. 391. ed. cit.*

(3) Confer Benedictum XIV. *de Synod. dioc. l. 8. c. 2.*, ubi queritur, num propter formam directis verbis prolata sacramentum valeat.

(4) Vide Arcudium *l. c.*

§. XCII. Minister hujus sacramenti jure Divino est Episcopus, aut Sacerdos, quoniam uterque *Presbyter* est, quem

Jacobus memorat (1). Et quoniam Jacobus plurali numero *Presbyteros* nominat, plures olim Sacerdotes apud Latinos vocari solebant (2), uti nunc etiam plures à Græcis vocantur (3), ad hoc sacramentum administrandum. Sed jamdiu in Occidentali Ecclesia universa tantum Sacerdos unus adhibetur, atque cum solum recte ægrotum inungere certo jure cautum est (4). Non enim pluralis numerus, quem Jacobus expressit, Divinum aliquod præceptum continet; cum præsertim in sacris libris sæpe pluralis numerus singularis vicem obtineat (5).

(1) Concilio Tridentinum cit. *Sess. 14. c. 3.* Innocentius I. cit. *Ep. ad Decent. Bugupin. c. 8.* quem in locum vide Petrum Constantium in *col. 836.*, ubi omnem evellit scrupulum, quen forte alia ipsius Innocentii verba de ministro extremæ unctionis injicere videntur posse.

(2) Id multis collectis monumentis ostendunt Menardus in *Sacramentur. S. Gregorii not. 909. col. 534. l. c.*, & Martenius *l. c. §. 3.* Quæ disciplina adhuc in Galliis vigeat sæculo XII., uti patet ex constitutionibus Odonis Episcopi Parisiensis apud Harduinum *Collect. Concil. t. 6. par. 2. col. 1941.*, imo vero eam deinceps etiam consequenti ætate obtinuisse, demonstrant synodalia Statuta Ecclesiarum Aëduensis, Cadurcensis, Rutenensis, & Tutclensis apud Martenium *c. 17. t. 4. Anecd.* Recte tamen animadvertit ipse Martenius, illam Latinæ Ecclesiæ consuetudinem non ita firmam, atque constantem fuisse, ut non interdum ab uno tantum Sacerdote ægrotus ungeretur. Nam Artemium febre correptum ab unico S. Nepotiano visitatum, atque oleo S. perunctum narrat S. Gregorius Turonensis *l. 1. Hist. c. 41. p. 31. ed. Ruinart Paris. 1696.*, atque etiam S. Eugenium ab uno de fratribus inunctum legimus in *ejus vita* apud Bollandum *1. Januar.*

(3) Adhibent autem Græci Sacerdotes septem, uti patet ex eorum Euchologio, atque testantur Simeon Thessalonicensis apud Saintebeuvium *de Sacram. extrem. unct. Disp. 6. art. 2.*, & Arcudius *l. 5. c. 3.*

(4) *Cap. Quæsit de Verb. signif.*

(5) Confer S. Augustinum *de Consens. Evangelist. l. 3. c. 16. opp. t. 3. par. 2. col. 128. ed. Ven. 1730.*, & S. Thomam *l. 4. contra Gent. cap. 73.*

§. XCIII. A quovis Presbytero collatum hoc sacramentum valet; sed tamen soli Parocho illud conferre licet, qui ordinarius ejus minister est, aut ei, cui suam Parochus jurisdictionem conunxit (1). Quod si mors instet, ac Parochus

præsens esse non possit, cuius Sacerdoti licet jam jam moriturum ungere (2).

(1) Catechismus Romanus par. 2. & 6. §. 13. Hinc in Clem. 1. de Privileg. vetatur Presbyter sine Parochi venia hoc sacramentum administrare, ac si Religiosus sit, excommunicationis pœna plectitur.

(2) Consûle S. Carolum Borromeum in Concil. Mediolanen. V. par. 1. actor. Mediolanen. par. 1. p. 190. ed. Patav. 1754.

§. XCIV. Datur hoc sacramentum infirmis, de quorum morte timetur (1), sive mortis periculum proxime immineat, sive absit longius; modo ea sit vis morbi, ut in gravi vitæ discrimine versari videantur (2). Decet autem ægrotum ungere, cum integris adhuc sensibus uritur, non cum omnino fractis viribus, ac omni spe salutis amissa vitæ carere incipit. Nam ita salus corporis facilius restituitur, atque ita infirmus integra adhuc mente, & ratione valens fidem, ac religiosam animi voluntatem afferre, ac sacramenti gratiam percipere uberiores potest (3). Pueri, qui nulla admisissent peccata, quorum reliquias hoc sacramentum deleat, sacro oleo non unguuntur; similiter & amentes, nisi interdum rationis usum habuerint, atque eo potissimum tempore suscipiendi sacramenti voluntatem significaverint (4).

(1) Eugenius IV. in Decret. apud Harduinum collec. Concil. tom. 9. col. 440.

(2) Concilium Tridentinum Sess. 14. de Extrem. unct. c. 3., Catechismus Romanus cit. cap. 6. §. 9.

(3) Catechismus Romanus par. 2. de Sacram. extrem. unct. n. 9., S. Carolus Borromeus Concil. Provinc. I. & III. Actor Eccles. Mediolan. par. 1. p. 11. & 79. ed. Patav. 1754. Circa sæculum XIII. loca quædam Occidentalis Ecclesiæ mos perversus invasit differendi hoc sacramentum ad extremum vitæ tempus; quem morem induxit falsa opinio, quod eo sumpto non amplius liceret uxorem cognoscere, & carnes comedere, ac condere testamentum. Falsam hanc opinionem evellere curarunt synodi et aetate habitæ præsertim Wigorniensis c. 19. col. 337. t. 7., & Exoniensis c. 6. col. 1081. t. 7. Collect. Harduini. Consule Thiersium de Superstit. c. 7. t. 2. Mabillonium Præfat. in sæc. 1. Benedictin. n. 100. p. XXXVIII. ed. Ven. 1733.

(4) Vide Catechismum Romanum loc. mox indic.

§. XCV. Græci non eos tantum ungunt, qui corpore, sed etiam qui mente ægrotant, quales sunt peccatores, qui edita peccatorum confessione pœnitentiam agunt (1). Nam apud eos feria V. in cœna Domini, postquam Episcopus infirmorum oleum solemni ritu consecravit, non illud servari jubet, ut suo tempore ad ægrotos deferatur, sed totum insumit inungendo illos, qui præsentes sunt. Verum hæc Cræcorum unctio, sacra tantum cœremonia, non verum sacramentum est (2).

(1) Confer Allatium *de Consens. Eccles. Occident. & Orient. l. 9. c. 16.*, Goarium in *Not. ad Eucharolog. Græcor. p. 432. & seq. ed. Paris. 1647.* Arcudium *l. 5. c. 9. & ult.* Quam Græcorum consuetudinem tolerandam statuit Innocentius IV. *Ep. 10. ad Ottoneum Card. Tusculan. apud Labbeum t. 14. Concil. col. 17. ed. Ven.*

(2) Confer Benedictum XIV. *de Synod. diæces. l. 3. c. 5. n. 3. & seq.*, qui graviter, & copiose ea de re disputat adversus Arcudium, Jueningium, Salmoebeuvium.

§. XCVI. Sacramentum extremae unctionis in veteri disciplina cum pœnitentia, ut plurimum, conjungebatur, ut per utrumque sacramentum omnes eluerentur animæ sordes, ac plane expiatus homo Eucharistiam acciperet (1). Desiit jamdudum hæc disciplina, & nunc post acceptum viaticum ægrotus inungitur (2). Toties autem sacra unctio repetitur, quoties aliquis incidit in morbum, à quo in vitæ discrimen adducitur (3); verum in uno eodemque morbo, cum æger in eodem vitæ periculo versatur, semel tantum ungendus est (4).

(1) Hæc quidem disciplina antiquitus generatim obtinebat, ut ægrotis primam Extrema Unctio, deinceps Eucharistia tribueretur, quod late ostendunt Hugo Menardus in *Sacrament. S. Gregorii not. 915. col. 536. opp. S. Gregorii t. 3. ed. Paris cit.*, Mabillonius *Præfat. ad sæc. 1. Benedictin. nup. 93. p. XXXVII. ed. Ven. cit.* Pougetus *Instit. catholic. t. 2. p. 3. sect. 1. c. 6. §. 4.* Verum contraria consuetudo alicubi obviavit, neque uaquam aliquis hanc consuetudinem improbitre ausus est, quasi Extrema Unctio ante Eucharistiam omnino danda videretur. Sane Cæsarius Arelatensis *Serm. 265. in appendic. opp. S. Augustini t. 5. par. 2. col. 437. ed. Ven. cit.* Eucharistiam ante Extremam Uctionem ægrotis concedi ju-

bet, quoties, inquit, aliqua infirmitas supervenerit, corpus, & sanguinem Christi ille, qui ægrotat, accipiat, & inde corpusculum suumangat; idemque habet *Sym.* 279. col. 465. Concinit id, quod scriptum est in *Vita S. Eligii Episcopi Noyoniensis* l. 2. c. 2. t. 2. *Spicmeg. Dacherii* p. 97. ed. Paris. 1723. quodque ipse tradit *Eligius de Rectitud. catholic. conversat.* num. 6. in *Append. opp. S. Augustini* t. 6. col. 268. indic. ed., ac præterea concinitur Isaac Lingonensis Episcopus in *Capitul.* t. 1. c. 23. apud Harduini in *Collect. Concilior.* t. 5. col. 425. ed. Paris. Herardus Turonensis Archiepiscopus in *Capitalis.* n. 23. apud Labbæum t. 10. *Concil.* col. 62. ed. Ven., Prudentius Trecentis Episcopus in *Sermon. de vit. & morte S. Mauri* apud Camusatium in *Prempr. antiquit. Tricassin. dioces.* p. 47. ed. Augustæ 1610. Idem videri potest in *vita B. Roberti de Arbriscilo* num. 27. & 28. apud Bollandum 25. *Februar.* c. 5. p. 613. ed. *Antwerp.* 1658., in *vetusto Pontificali Iheronimo* apud Mabilonium *Itiner. Italie.* p. 164, & in antiquo libro Rituali Eugubino, quem vidit Cl. Card. Caranpius quemque ipse memorat in *libro Memorie della B. Chiara di Rimini* diss. 5. p. 157. in *not.* l. 6. Ex quibus intelligimus, neque novam esse, neque minus probandam videri posse disciplinam, quæ viget, quæque iustissimas habet causas, dandi ægrotis Extremam Uctionem, posteaquam Eucharistiam acceperunt.

(2) *Rituale Romanum tit. de Extrem. unct.*

(3) *Concilium Tridentinum cit. Sess. 14. c. 3. de Extrem. Unc. Catechismus Romanus par. 2. c. 6. §. 11., S. Thomas in Supplem. 3. quæst. 33. art. 1.*

(4) *Consule Benedictum XIV. de Synod. Dioces. l. 8. c. 8., qui late ea de re agit, atque etiam refert falsam opinionem illerum, qui hoc sacramentum aut nunquam, aut tantum post certum tempus iterari posse putabant, & illorum etiam, qui illud in eadem ægrotatione, eodemque vitæ periculo repetebant.*

SECTIO VI.

DE ORDINE.

XCVII. Quid Ordo, & quot Ordines sunt?

ma Ordinis.

C. Minister, & subjectum Ordinis.

XCVIII. & XCIX. Materia, & For-

§. XCVII

Ordo sacramentum est, quod solemnī inauguratione spiritu dñi potestas ad sacra obvianda munera confertur. Proprie ipsa potestas data ordo est; sacra autem cæremonia, per

quam illa datur, ordinatio dicitur. Ordines sunt numero septem, Ostiariatus, Lectoratus, Exorcistatus, Acolythatus, Subdiaconatus, Diaconatus, Presbyteratus; atque horum priores quatuor *minores*, posteriores tres *maiores* apellantur (1). Presbyteratum, seu Sacerdotium & ordinem, & sacramentum esse certum est: verum non constat inter Theologos, num Episcopatus, ac Diaconatus sacramenta sint à Sacerdotio re ipsa distincta; & num Ostiariatus, Lectoratus, Exorcistatus, Acolythatus, itemque Subdiaconatus Ordines tantum sint, an etiam sacramenta (2).

(1) Concilium Tridentinum *Sess. 23. de Sacram. ordin. c. 2.* Catechismus Romanus *par. 2. c. 7. §. 12.*

(2) Late ea de re disputant Theologi, & Canonistæ, quos omnes referre longum esset. Satis erit indicare Benedictum XIV. *de Synod. dioces. l. 8. c. 9.* & Robertum Salain in *Not. ad Card. Bonam rer. liturgia. l. 1. c. 25. §. 17. not. 1. t. 2. p. 365. ed. Taurin. 1749.* De simplici tonsura quæstio est inter Theologos, & Canonistas, num ea ordo sit, uti animadvertimus *l. 1. tit. 2. sect. 2. §. XXXIII. p. 153.*

§. XCVIII. De materia, & forma ordinis Eugenius IV. (1) habet hæc: *materia est illud, per cujus traditionem confertur ordo, sicut Presbyteratus traditur per calicis cum vino, & patenæ cum pane porrectionem: Diaconatus vero per libri Evangeliorum dationem: Subdiaconatus vero per calicis vacui cum patena vacua superposita traditionem; & similiter de aliis per rerum ministeria sua pertinentium assignationem.* Tum pergit Eugenius, ac forma, inquit, *Sacerdotii talis est; accipe, potestatem offerendi sacrificium pro vivis, & mortuis in nomine Patris, & Filii, & Spiritus S. & sic de aliorum ordinum formis prout in Pontificali Romano late continetur.* Locus hic Eugenii caput & radix est controversiarum, quæ inter homines doctos de ordinis forma, & materia sunt.

(1) In Decreto Concil. Florentin. col. 440. t. 9. Concil. collec. Harduini.

§. XCIX. Nam plurimi sunt præstantes ingenio, & doctrina viri, qui trium majorum ordinum, quos hierarchicos

dicimus, Episcopatus videlicet, Presbyteratus, Diaconatus, materiam faciunt manuum impositionem (1), formam orationem, quam Episcopus manus imponens recitat. Et certe hanc Græci materiam, & hanc formam agnoscunt; neque unquam de vi harum ordinationum Latina Ecclesia dubitabit. Accedit, quod illa instrumentorum traditio recentioris disciplinæ est; quoniam Apostolos, atque antiquos Ecclesiæ Patres per manuum impositionem majores illos ordines contulisse, memoriæ proditum est. Eugenius autem, cum illam memoravit instrumentorum traditionem, verbaque illa descripsit, non ordinis materiam, & formam definivit, unde vis sacramenti penderet; sed tantum proposuit Romanæ Ecclesiæ ritum, quem manuum impositioni Armenos adjungere obtabat, ut ita cum Ecclesia Romana communes haberent ritus, atque ad eam firmiter adhærescerent. Omnis hæc disputatio propria Theologorum est (2).

(1) Ceteros tamen ordines diaconatu inferiores per solam instrumentorum traditionem conferri, inter omnes constat.

(2) Sunt & alii, qui tertiam sequuntur sententiam ponentes ordinis materiam in utroque ritu, scilicet in illa instrumentorum traditione, atque in manuum impositione. Totam hanc quæstionem, præter ceteros, graviter, & copiose pertractat Benedictus XIV. *de Synod. dioces. l. 8. c. 10.*

§. C. Episcopus ordinarius est minister hujus sacramenti; extra ordinem, & cum venia Summi Pontificis, etiam Presbyteri Subdiaconatum, ceterosque inferiores ordines conferre possunt (1). Ordinationes factæ ab Episcopo excommunicato, schismatico, hæretico valent, modo cum legitima potestate, debitoque ritu, materia, forma, intentione percipiantur (2). Soli mares ordines suscipere possunt, non item feminae, quas *turpe est in Ecclesia loqui, ac docere* (3). Cetera, quæ ad hoc sacramentum pertinent, superiori libro explicuimus.

(1) Confer ea, quæ diximus *l. 1. tit. 3. sect. 6. §. LIII. not. 3. p. 231.*

(2) Anglicanas ordines, ceteris etiam missis, nullas omnino, atque irritas esse, facile deprehendet quisquis ad solam advertat formam,

quæ secundum Eduardi VI. Rituale jam usurpatur. Nam ea Christi Domini institutioni, & Apostolicæ Traditioni adversatur, apertasque hæreses complectitur. Hinc merito Romana Ecclesia cæterarum mater, & magistra sancivit, ut, quoties Minister aliquis Anglus ad Catholicam Ecclesiam redeat, si dignus sit, qui in Clerum cooptatur, tamquam merus laicus omnes ordines suscipere debeat secundum Ritualis Romani leges.

(3) Apostolus *I. ad Corinth. XIV. 34.*, & *I. ad Timoth. II. 12.*

SECTIO VII.

DE MATRIMONIO.

CI. Matrimonium novæ legis sacramentum.

CII. Ejus definitio.

CIII. Materia, Forma, Minister.

CIV. Consensus in matrimonio necessarius, & quomodo declaretur?

CV. Matrimonium legitimum, ratum, consummatum.

CVI. Verum, præsumptum, putativum.

CVII. Matrimonium conscientiae.

§. CI.

Matrimonium etiam novæ legis sacramentum est (1). Cum enim Christianus homo Christianæ mulieri rite, & recte nubit, utrumque divina virtute donari voluit Christus Dominus ad perpetuam unius vitæ societatem retinendam, atque ad filios instituendos sapienter educatione, doctrinaque christiana. Recte ab Apostolo (2) matrimonium dicitur *honorabile connubium*; quoniam in baptizatis signum est conjunctionis Christi cum Ecclesia, propter quam Dominus Patrem suum Deum reliquit, & venit ad terras, sicut de homine dictum est: *relinquet homo patrem suum, & matrem, & adhærebit uxori suæ* (3). Matrimonii nomine intelligitur tum ipse contractus inter virum, ac mulierem initus, tum vinculum, quod ex contractu oritur, & quod solvi non potest (4).

(1) Concilium Tridentinum Sess. 24. can. 1. de Sacram. matrim.

(2) Epist. ad Hebr. XIII. 4.

(3) S. Hieronymus in c. 5. ad Ephes. col. 66c. vers. 32. t. 7. ed.

Veron. 1737.

(1) Eugenius IV. in *Decret. pro Armen.* apud Harduinum *Collect. Concil. t. 9. col. 442.* Ita sola vocis explanatione sufficientia est questio, quæ à Scholasticis de matrimonii essentia proponitur. Hanc autem perpetuam matrimonii firmitatem ex jure divino procedere certum est, idque docent Bonifacius VIII. in *c. unic. de Pot. & vot. redempt.* in 6. & Concilium Tridentinum in *Decret. de Sacram. Matrim. Sess. 24.*

§. CII. Et autem matrimonium viri, & mulieris maritalis conjunctio inter legitimas personas, quæ individuum continet vitæ consuetudinem. Ex quo intelligitur, quam procul absit à matrimonii ratione conjunctio non maritalis, neque individuum continens vitæ consuetudinem, uti est concubinatus (1), adulterium, stuprum itemque conjunctio duarum personarum, quas dirimens impedimentum nuptias inire vetat (2). Maritalis autem conjunctio non in corporum commixtione præcise, verum in animorum præcipue copulatione consistit (3); & translatio domini in corpus utriusque conjugis, ab usu separari potest (4).

(1) Concubina proprie est mulier, quam quis non mariti animo, sed concubitus tantum causa domi retinet, atque hæc consuetudo, sive concubinatus, individuum non continet vitæ consuetudinem, & procul abest à matrimonio, quod dissolvi non potest. Decet tamen animadvertere, quod concubina interdum dicitur vera uxor, ducta tamen sine dote, & nuptiali solemnitate, uti colligitur ex *L. 144. ff. de Verb. significat.*, *L. 32. ff. de Donat.*, & *Novell. 18.*, eaque a vera uxore tantum dignitate differebat, quia scilicet concubina, etsi vera esset uxor, non transibat in familiam mariti, neque, uti uxor legitima, ejus jura, privilegia, honorem particeps fiebat. quod ostendunt Meritas *Observat. l. 3. c. 16.*, Antonias Augustinus *de emendat. Gratian. l. 1. Dialog. 15. opp. t. 3. p. 80. ed. Luca*, Da-Cungias in *Gratian. verb. Dos.* De his concubinis, quæ a pellicibus sedulo distinguere oportet, loquuntur antiqui canonici qui concubinas ad Baptismum, & concubinos ad communionem admittunt; & his pariter spectant Auctor *Const. Apostolic. l. 8. c. 32.* apud Cotelæum *PP. Apostolic. p. 418. t. 1. ed. Amstelæd. 1724.* Patres Concilii Toletani I., & Isidorus apud Gratianum *Can. 4. & 5. dist. 34.* Ad hoc sane concubinatus genus non adverterunt Van Espelandus, & ceteri, qui Gratianum reprehendunt, quod Toletanum illum canonem in decreto descripserit. Occurrit & mentio concubinarum, quas viri accipiebant non solum sine nuptialibus, sed etiam cum vinculo, quod offerretur; & cum his quidem viri individuum servabant vitæ consuetudinem, sed eas tamen suo libitu dimittebant. Genus hoc concubinatus non in-

(1) *Cap. 15. & 30 de Spons. & matrim. Cap. 3. & 6. de Condition. apposit. in despons.* At inanis conatus ad copulam præsumptum matrimonium non efficiebat *Cap. 32. & ult. de Sponsal.*

(2) Concilium Trident. *Sess. 24. c. 1. de Reform. matrim.*

(3) *Cap. 11. Qui fil. sint legit.*

§. CVII. Nec prætereundum matrimonium conscientiae, quod coram Ecclesia contrahitur, ea lege, ut semper occultum maneat Matrimonium hoc, ut cetera Christianorum matrimonia palam, ac rite inita, verum est sacramentum (1), & conjungitur coram Parocho, ac duobus testibus, qui omnes arcani silentii lege obstringuntur (2); sed à reliquis differt, quia contrahitur omissis tribus denunciationibus (3), neque contractum describitur in libro, quo Parochus omnium matrimonia describit (4). Non omnes inire suo libitu possunt hoc matrimonium, quod cum occultum sit, gravia mala importare potest, sed ab Episcopo ex justa, gravique causa permittitur (5). Hujus simile est matrimonium *ad Morganaticam* (6), quod in Germania præsertim contrahunt viri nobiles, cum post obitum nobilis mulieris, quam pridem uxorem habebant, ac genitos ex ea filios, aliam ducunt humili loco natam. Uxor hæc, atque ex ea suscepti liberi à viri, ac patris dignitate excluduntur: quod in matrimonio conscientiae secus est (7).

(1) Hertius, Willembergius, alique Protestantes ita explicant hujus matrimonii naturam, ut vix illud à concubitu distingatur. Sed certum est inter catholicos, verum esse, ac legitimum matrimonium, & ideo sacramenti rationem habere. Videndæ autem in primis sunt encyclicæ literæ Satis vobis Benedicti XIV. in ejus Bullario t. 1. n. 35. p. 54. *ed. Rom. seu Ven.*, in quibus omnia, quæ ad hoc matrimonium pertinent, accurate explicantur, quæque regulam præbent Apostolicæ Pœnitentiariæ, cum de his matrimoniis agitur, ut patet ex ipsius Benedicti XIV. *Const. 95. §. 39. p. 198. l. c.*

(2) Late ea de re disputat V. Cl. Franciscus Mazzeus in *Romana Curia Advocatus*, qui de *matrimonio conscientie* singularem librum Romæ edidit *an. 1765. c. 9.*

(3) Facultatem solvendi aliquem lege proclamationum totam Episcopi arbitrio commisit Synodus Tridentina *Sess. 24. c. 1. de Reform. matrim.* De harum proclamationum origine paulo post dicam.

(4) Synodus Tridentina *l. c.*, habet, inquit, *Parochus librum, in*

quo conjugum, & testium nomina, diemque & locum contracti matrimonii describat, quem diligenter apud se custodiat. Eadem Synodus Episcopi arbitrio non committit hanc legem, ut committit proclamationes; sed cum hodie Episcopus, secundum encielycas literas. Benedicti XIV.*, permittere possit matrimonium conscientiae, dubitandi locus esse non potest, quin etiam cum ejus venia hujus matrimonii descriptio in ordinario matrimoniorum libro omitti possit.

(5) Benedictus XIV. in laudatis encielycis mala commemorat, quae ex occulto matrimonio oriri solent, ideoque statuit, illud non esse permittendum sine causa gravi, urgenti, & urgentissima. Unam ipse expressit causam, si videlicet vir, & mulier in occulto concubinato vivant, neque ulla apud homines hujus criminis suspicio sit. Tunc enim permittenda est matrimonium conscientiae; sed recte addit ipse Pontifex: hanc praxim vobis duximus proponendam; non quia dispensatio praemisso casui solum congruat, cum alii similes, & fortasse urgentiores esse possint, in quibus dispensare expediat; sed quia vestri pastoralis officii partes versari debent in sedulo investiganda legitima, & urgenti causa dispensationis, ne matrimonia occulte celebrata luctuosos habeant exitus, quos intimo cordis dolore recensuimus.

(6) De origine matrimonii ad Morganicam, deque hujus vocabuli significatione late disputant Heinkecius Elem. jur. German. l. 1. tit. 13. per tot., & Henricus Coccejus de Leg. morganat. sect. 2. §. 7., quorum alter ex lege Salica, & alter moribus hoc matrimonium obtinuisse putat. Ita autem describitur in l. 2. Feudor. tit. 29., quidam habens filium ex nobili conjuge, post mortem ejus non valens continere, aliam minus nobilem duxit, qui nolens existere in peccato eam desponsavit, ea lege, ut nec ipsa, nec filii ejus amplius habeant de bonis patris, quam dixerit tempore sponsaliorum; verbi gratia decem libras, vel quantum voluerit dare, quando eam desponsavit, quod Mediolanenses dicunt accipere uxorem ad morganicam, alibi lege Salica; hic fittis ex ea susceptis decessit. Isti in proprietatem non succedant aliis extantibus; sed nec in futuro, etiam alius non existentibus, qui licet legitimi sint, tamen in beneficio minime succedant. In proprietate vero succedant patri, prioribus non existentibus; succedant etiam fratribus sine legitima prole decedentibus, secundum usum Mediolanensem. Quo ex loco facile intelligitur, quae hujus matrimonii natura sit, & quibus legibus regatur. Est autem Morgengap, unde ductum est vocabulum ad morganicam, dotam nuptiarum, quod a viro uxori datur post concubitum, cum adhuc nuptiarum solemnia peraguntur. Ac illud quidem erat volutatum magis, scilicet laurum, magisque tenue, pro ejusque amore, & caritate. in uxorem; & in lege Longobardorum l. 2. tit. 1. c. si gratiam donatio dicitur: per gratiam donationem, idest Morgengap. Sed cum quaerimus, quos mulieris illicebat deliniebant, ea in re dissolutius esse observantes, Rex Longobardorum Liutprandus anno quinto regni sui legem hanc in qua sancivit, ut nemo propter Morgengap uxori daret ultra quantum

bonorum suorum L. 2. *Leg. Longobard. tit. 4. c. 1.* Hinc Papias in suo *Vocabulario* inquit: *Morgengap, idest quarta pars in lege Longobardorum.* Multa de hoc *Morgengap* antiqua monumenta afferuntur à Baluzio in *Not. ad Capitular. Reg. Francor. verb. Morgangeba t. 2. col. 668. ed. Ven. 1773.* Vide etiam *Du-Cangium Glossar. verb. Morgangiba.*

(7) Pactum præsertim, quo cavetur, ut uxor, & liberi certis contenti bonis, quæ data sunt, à viri, ac patris hereditate, & dignitate arceantur, matrimonium *ad Morganaticam* à conscientie matrimonio distinguit.

SECTIO VII.

DE SPONSALIBUS.

CVIII. Sponsalia quid?

CIX. Qui ea recte contrahant?

CX. Consensu sponsalia fiunt.

CXI. Eorum vis, & obligatio.

CXII. & CXIII. Quomodo solvantur?

§. CXVIII.

Quod veteribus in more fuisse scribit Ulpianus (1), *stipulari, & spondere sibi uxores futuras*, id etiam à Christianis semper fieri consuevit; tum quia comparare se sponsi debent ad gratiam sacramenti, tum quia periculi plena res est sese perpetuo vinculo temere implicare. Itaque ante matrimonium fiunt sponsalia, quæ à *spondendo* dicuntur (2), quæque sunt futurarum nuptiarum facta, & vicissim accepta promissio (3). Sponsalium nomine proprie intelligitur consensus in futuras nuptias; sed interdum etiam comprehenditur consensus in præsens matrimonium, quæ sponsalia *de præsentì* appellantur (4).

(1) L. 2. ff. *de Spons.*

(2) Confer A. Gellium Noct. *Attic. l. 4. c. 4. p. 281. ed. Lugd. Batav. 1666.*, & Brissonium *de Formul. l. 6. form. 123. p. 518. ed. Hæbe 1731.*

(3) *Cap. 31. de Sponsal.*

(4) Sponsalia *de futuro*, ac *de præsentì* memorat Gregorius IX. in c. 31. *de Sponsal.* Sponsalia *de præsentì* ridet Hotomanus *Disp. de Sponsal. c. 7.*, & A. Matthæus *Munud. ad jus canon. l. 2. tit. 6.* Sed, ut rectissime animadvertit Panormitanus in d. c. 31., matrimonium ratum

sponsalia *de presenti* appellare solemus, non propter conjugale vinculum, quod jam colligatum est, sed propter ejus *exequutionem*, quæ corporum conjunctio est. Hanc sane loquutionem in vulgus probari, ac vulgares loquendi modos ipsi Romani Jurisconsulti probatos consunt. Adde & illud, quod ipsi veteres Romani sponsalia *de presenti*, quæ canones agnoscunt, haud ignorasse videntur, quod recte tradit Hubertus *Observ. jur. l. 2. c. 8.*

§. CIX. Sponsalia consensu perficiuntur, eamque recte contrahant omnes, qui in futurum matrimonium consentire possunt. Furiosi, amentes, itemque pueri, qui nondum è septennio excesserunt, eadem contrahere vetantur (1); sed majores septem annis, qui suo consensu futuras impetias probare possunt, recte illa conciliant; modo, si sint filii familias, parentes assentiantur, aut saltem non dissentiant; quæ naturalis est reverentia, qua filios prosequi decet parentes suos (2). Quoniam vero impuberi lubrica ætas, atque incertum, & preceps consilium est, ideo potest à sponsalibus resilire, cum pubertas advenit (3). Ipsi quoque parentes pro filiis impuberibus dare possunt futuri matrimonii fidem; at ea filii ipsi non obligantur, nisi expresse aut tacite consenserint, postquam puberes evaserint (4). Sed & pro filiis puberibus parentes sponsalia contrahere possunt, verum ut ea vim habeant, illorum consensu opus est (5).

(1) *Leg. 8. & Leg. 14. ff. de Sponsal. Cap. 13. de Desponsat. impub.*

(2) *Leg. 7. ff. de Sponsalibus Can. 1. & 3. can. 30. qu. 5.* Ac sponsalia quidem à filiis familias iuxta parentibus insciis, vel juste inventis, etiamsi jurata sint, nullius momenti esse, demonstrat Franciscus M. Mascetula *Diss. de Sponsal. & Matrim. quæ à filiis familias contrahuntur parentibus insciis, vel juste inventis* dub. 4. n. 146. & seq. p. 107. & seq. ed. Rom. 1766.

(3) *Cap. 8. de Desponsat. impuber.*

(4) Vetus disciplina erat, ut parentes pro filiis impuberibus sponsalia contraherent, eique filii ipsi, cum ad pubertatem pervenerint, servare cogebantur, ut patet ex *Cap. 1. de Desponsat. impuber.* Verum hæc jus abrogavit Bonifacius VIII. in *C. unic. de Desponsat. impub. in 6.* statuitque, ut his sponsalibus illi non teneantur, nisi ex post pubertatem suo consensu probaverint. Consule Benedictum XIV. *Const. Probo* 54. §. 6. t. 3. ejus *Bellar. p. 221. ed. Rom. seu Ven. 1754.*

(5) *Cit. cap. unic. §. ult.*

§. CX. Confirmantur sponsalia donationibus sponsalitiis (1), aliisque solemnitatibus; imo & adhibentur testes (2), & matrimoniales tabule conficiuntur, ut ea jam contracta fuisse constet (3). Sed tota eorum vis posita est in consensu contrahentium, qui modo sit certus, nihil refert, nutu ne quis assentiatur, an verbis sive ore prolatis, sive epistola comprehensis; neque etiam refert, per se quis contrahat, an per procuratorem. Quin etiam sponsalia fiunt sub conditione, quæ pendet ab incerto futuro eventu, quæque si honesta, & possibilis sit, vim contractus suspendit, donec existat, & si non existit, contractum solvit. Turpes autem, atque impossibiles conditiones rejiciuntur, ac firma manent sponsalia; quæ tamen infirmantur, si conditio matrimonii bono adversetur (4).

(1) Mœner hæc, quæ *arrhæ*, & *pignora* vocantur, à Christianis etiam usurpata innotat *Gregorius Turonensis de Vit. Patr. c. 20. p. 1252. ed. Paris. 1699.* Inter manera, quæ in sponsalibus tradebantur, eminebat præsertim annulus, qui à viro fœminæ dabatur ante nuptias, *Tertullianus de Cultu feminar. l. 1. c. 5. p. 152. & Apologet. c. 3. p. 7. ed. Paris. 1675.* Hujus annuli usum, quem Christiani quoque retinebant, memorant etiam *Clemens Alexand. Pædagog. l. 3. c. 11. p. 287. t. 1. ed. Oxoni 1715.* Annulus arthæ nomine in omnibus sponsionibus à Romanis sæpe adhibebatur, cui darent vel pecuniam, vel annulum, ut pignoris loco esset. *Plinius l. 33. c. 6. Histor. Natural. t. 5. p. 16. ed. Paris. 1685, L. 11. §. 6. ff. de Action. empt., L. ult. ff. de Lege commiss., L. 5. §. 15. ff. de Institor.* Hinc ad firmandam sponsionem, quæ in sponsalibus fiebat, annulus adhiberi consuevit, quem ferreum, ac sine gemma sua ætate fuisse, testatur *Plinius loc. cit.* Sed *Tertulliani* ætate, uti constat ex ejus *Apologetic. c. 3. p. 7. ed. cit.* aureas erat. Antiqui Galli per solidum, & denarium secundum Legem Salicam sponsalia contrahebant, uti patet ex formula 5. *Bigonvii*, & ex formula 75. *Lindembrogii* apud *Baluzium Capitular. Reg. Francor. t. 2. col. 344. & 367. ed. Ven. 1773.* Nimirum arrha erat & denarius & annulus, ideoque alterutra sponsalia contrahebantur. Sunt qui annuli caeremoniam non ad sponsalia, sed ad ipsas nuptias referendam putant; sed longe aliud ostendunt *Gregorius Turonensis loc. cit.*, & *Nicolaus I. in Respons. ad consult. Bulgar. c. 3. apud Harduinum Collect. concil. t. 5. col. 354.* *Isiderus de Offic. Eccles. l. 2. c. 19. p. 608. ed. Paris. 1601.* annulum a sponso sponsæ dari inquit vel propter mutua fidei signum, vel propter id magis, ut eodem pignore eorum corda jungatur. Unde & quarto digito annulus idem inseritur, quod in eo venæ quedam, ut fertur, sanguinis ad cor usque perveniat.

(2) Quot numero testes in sponsalibus adhiberi solerent, non satis exploratum est; adhibitos tamen fuisse testes decem, colligi potest ex Ambrosio de *Laps. Virg.* c. 5. opp. t. 3. col. 386. ed. indic. Haud tamen necessaria est præsentia testium, ut sponsalia valeant; nam, ut inquit Benedictus XIV. de *Synod. dioces.* l. 12. c. 5. n. 1. Concilium Tridentinum nihil innovavit circa sponsalia, eaque reliquit sub dispositione juris communis, juxta quod, etiam remotis arbitris, valde contrahuntur.

(3) Consule Martenium de *Antiq. eccles. rit.* l. 1. c. 9. art. 3. t. 2. p. 124. ed. Ven. 1763., & Jacobum Gothofredum in *Leg. 3. Cod. Theodos. de Nuptiis.* t. 1. p. 321. ed. Lips. 1736. à quibus omnes sponsalium ritus describuntur. Præter ceteros ritus, etiam osculum, & dextrarum conjunctio adhibebatur. Osculi quidem sponsalium consuetudinem à Christianis, apud quos nihil osculo sanctius, & usitatius erat, repudiandum putant Jacobus Gothofredus in *Leg. 5. Cod. Theodos. de Sponsal. & ante nupt. donation.* t. 1. p. 308. ed. indic., & Mazochius in *Adnot. ad Muscettule Dissert. de Sponsal. & matrim. &c. distrib.* 1. n. 8. & seq. p. 227. & seq. ed. Romæ 1765. Meminit hujus osculi Tertullianus de *Veland. Virg.* c. 11. p. 179. ed. Paris. 1675., & meminit Constantinus in *L. 16. Cod. de Donat. ante nupt.*, quæ ejus constitutio est *Lex 5.* mox indicata Codicis Theodosiani, ac refertur in Basilicis l. 23. tit. 3. c. 16. Hæc porro sponsalia osculo firmandi consuetudo vixit, & nunc etiam viget in Ecclesia Græca, uti ex Crusii Turcogræcia colligit Mazochius l. c. not. 3. p. 233., sed Latina Ecclesia Græca severior, & austerior, cum sponsalia in grandiore ætate differri cœperunt, atque hominum malitia desit antiqua simplicitas, rituale illud osculum omittendum putavit. Postrema ejus osculi mentio est in *Palea Can. Lex Divina* c. 27. qu. 2., quisquis tandem sit auctor hujus rescripti, quod vulgo Benedicto tribuitur.

(4) *Cap. ult. de Condit. apposit.*

§. CXI. Contracta sponsalia obligationem contrahendi matrimonii pariunt; a leviut renuens implere fidem non tantum monendus; sed etiam metu pœnarum, atque ecclesiasticis censuris cogendus sit (1). Verum coactioni, atque censuris, in quibus nervus inest ecclesiasticæ potestatis, non ita facile dandus est locus, quoniam tristes habent exitus coacta matrimonia; & ideo vel levis causa procul esse jubet coercitiones, atque ab iis plane abstinendum est, cum adhuc sponsus voluntate obstinata pergit matrimonio resistere (2). Quod si qua gravis causa urgeat, puta si mulier à sponso deflorata sit, ipse omnino ad nuptias cogi debet.

(1) Lucius III. in *C. 17. de Sponsal.* sponsam monendam potius, quam

cogendam esse statuit, cum coactiones difficiles soleant exitus frequenter habere. Contra Alexander III. in c. 10. eo l. sponsum non tantum a. n. o. n. e. r. i. , sed etiam ecclesiastica co. a. a. compelli jubet, ut ipsam, nisi rationabilis causa obtiterit, in uxorem recipiat. Ita componendas videtur uterque locus Juris Canonici, ut vel levissima causa faciat soli monitioni locum; contra vero adhibenda sit coercitio, cum eam gravis causa postulat.

(2) Confer Mascettalum *l. aud. Diss. de Sponsal. & matrim. &c. dub. 4. n. 134. & seq. p. 100. & seq.*, ibique Mazochium *not. 34. p. 103.*

§. CXII. Solvuntur sponsalia mutuo consensu eorum, à quibus contracta sunt, etiam si jurata sint quia sacramentum sequitur naturam actus; cui adjectum est (1). Impuberes vero dissentire non possunt, nisi puberes facti sint, & se corporum conjunctione abstinuerint (2). Quod si alter impubes suam obligavit fidem, atque dissentiat, sponsalia dissolvantur, etiam invito altero, qui ea contraxit, cum jam pubes evaserat (3).

(1) *Cap. 25. de Jurejur.*

(2) *Cap. 8. de Desponsat. impuber.*

(3) *Cap. 7. eod.*

§. CXIII. Sed & solvuntur sponsalia per matrimonium, quod sponzorum alter injuria quidem, sed valide cum alia, aliove contraxit, per sacros susceptos ordines (1), aut emissam in approbata religione professionem (2). Quin etiam interdum unus liberatur, sed alter adhuc manet obstrictus sponsione sua; si nimirum ipse dolo rem egit, si in longinqua proficiscatur sine alterius consensu (3), si magnam, atque constantem post sponsalia pertulit mutationem animi, corporis, fortunarum (4), si fidem fregit hoc est suam cum alio corpore commisit (5). Qua in re Canonici Juris interpretes virum liberant, etiamsi mulier ante sponsalia, ac per vim quoque stuprata sit; verum mulier lege solvitur, tantum si vir post inita sponsalia in fide non stetit.

(1) *Cap. unic. de Vot. in 6.*

(2) Qui ingreditur religionem obligatus manet, donec professionem emitat; sed alterius obligatio per solum illius ingressum tollitur.

(3) *Cap. 5. de Sponsal.*

(4) *Cap. ult. de Conjug. lepros.* Nam in omnibus pactionibus, multo magis sponsalibus, inesse censetur conditio, rebus in eodem statu manentibus.

(5) *Cap. 25. de Jurejur.*

SECTIO IX.

DE MATRIMONII IMPEDIMENTIS.

- | | |
|---|--------------------------------------|
| CXIV. Quæ & qualia sint matrimonii impedimenta? | CXXIX. Ligamen. |
| CXV. Ea constituere, & laxare Ecclesiæ est. | CXXX. ad CXXXIV. Cognatio naturalis. |
| CXVI. Matrimonii sacramentum à contractu civili non pender. | CXXXV. Cognatio civilis. |
| CXVII. ad CXX. Summo Pontifici, non item Episcopis laxandi dirimentia impedimenta potestas est. | CXXXVI. Cognatio spiritualis. |
| CXXI. Impedimentorum dispensatio publica, vel occulta. | CXXXVII. Affinitas. |
| CXXII. & CXXIII. Divisio impedimentorum dirimentium. | CXXXVIII. Publica honestas. |
| CXXIV. Ætas. | CXXXIX. Crimen. |
| CXXV. & CXXVI. Impotentia. | CXL. Cultus disparitas. |
| CXXVII. Ordo sacer. | CXLI. Error. |
| CXXVIII. Votum solemne. | CXLII. Ignoratio, servilis conditio. |
| | CXLIII. Vis. |
| | CXLIV. Raptus. |
| | CXLV. Turpis conditio. |
| | CXLVI. Matrimonium clandestinum. |

§. CXIV.

Dum ineuntur nuptiæ, illud in primis considerandum est, num aliquid interveniat, quo illæ vel prorsus irritæ, vel non laudabiles, neque honestæ sint. Quæ irritum matrimonium faciunt, impedimenta dirimentia; quæ minus laudabile, & honestum, impedientia appellantur. Impedimenta impedientia vetant, ne nuptiæ contrahantur, sed non tollunt, evertuntque contractas, dirimentia vim prorsus adiungunt matrimonio, & ideo non tantum contrahendum impediunt, sed etiam contractum dirimunt.

§. CXV. Impedimentorum constituendum, & laxandum ius penes unam Ecclesiam est (4). Mostendit & natura matrimonii, quod cum apud Christianos sacramentum sit,

civilibus legibus subesse non potest; ac perpetua traditio, & consuetudo, quæ semper Christiani omnes ritum firmam habuerunt (2). Civilibus quidem legibus effici potest, ut qui certas nuptias conciliant, potiri non debeant juribus, & privilegiis, quibus reliqui Cives potiuntur; sed unius Ecclesiæ est leges constituere, quæ vim matrimonii respiciunt.

(1) Concilium Tridentinum Sess. 24. Can. 3. *de Sacram. matrim.* Si quis, inquit, dixerit, eos tantum consanguinitatis, & affinitatis gradus, qui in Levitico exprimuntur, posse impedire matrimonium contrahendum, & dirimere contractum, nec posse Ecclesiam in nonnullis illorum disponere, aut constituere, ut plures impediant, & dirimant, anathema sit. Idemque habet Can. 4. Waldenses primam, postea Lutherani, & Calviniani, tum Marcus Antonius de Dominis Archiepiscopus Spalatensis, & apostata, Paulus Sarpius, & Joannes Launojus nullum esse putarunt in Ecclesiastica hierarchia impedimenta illa constituendi potestatem. Errorem hunc jam prope senescentem ab oblivione hominum, atque silentio non multis abhinc annis vindicare coacti sunt Aloysias Litta, Thomas Nestius, Petrus Tamburinius, & quidam alii; qui etiam absurde detorqueant Tridentinos canones, quorum supra facta mentio est, ne in illum ipsi incidere videantur errorem, quem Synodus contra Lutherum, ceterosque hæreticos damnavit. Inquiunt videlicet, canones non esse dogmaticos; Tridentinis Patribus Ecclesiæ potestatem esse potestatem non propriam Ecclesiæ, sed ei à Principibus concessam; denique Ecclesiæ nomen Patres ipsos usurpasse, non ut ecclesiasticum ordinem, sed ut sæculares Principes significarent. Verum si Tridentina Synodus hanc de matrimonio doctrinam non aliquo de reformatione titulo, sed comprehendit canonibus, quibus semper catholicum dogma stabilire solet; si initio sessionis 24., in qua extant duo illi canones de matrimonii impedimentis, declarat, se anathematizare omnes hæreses, & errores, qui de sacramento matrimonii orti sunt; si inter has hæreses, & errores anathematizat etiam eos, qui negant jus esse Ecclesiæ constituendorum, & laxandorum impedimentorum matrimonii, nonnisi obfirmata cavillandi licentia hos canones dogmaticos esse inficiabitur. Quod vero ajunt de prava illa interpretatione vocabuli Ecclesiæ, id argumentum est, quo nullum illustrius, & præclarius esse potest, perditæ, ac desperatæ causæ, quam tuentur. Quis enim putet, Ecclesiam, quæ omnibus, atque ipsis Tridentinis Patribus semper est Ordo Ecclesiasticus, duobus iis canonibus esse potestatem sæcularem; Patres ipsos, qui cuncta suis propriis, germanisque vocabulis explicarunt studio, ac diligentia singulari, eo tantum loco à proposito discesisse, pervertisseque vocabuli significationem, ut facerent disputationi locum, & simul integrum relinquerent errorem Lutheri, cujus erant conatus omnes in ecclesiasticam

potestatem; Principum Oratores qui Concilio intererant, curabantque diligenter, ne quid verbis, aut factis eorum potestati detraheretur, permittere voluisse, quod hæc potestas, quæ suo, & proprio vocabulo clariissime designari potuisset, comprehenderetur vocabulo, quod tantum violenter detortum, ac minus proprie eam significare poterat? C. 1. *Sess. 14. de Reform. matrim.* Synodus irrita facit clandestina matrimonia, quæ rata firma fuisse dicit, *quamdium ea Ecclesia irrita non fecit.* Ergo Tridentinis Patribus Ecclesia, quæ dirimentia matrimonium impedimenta constituit, est ipsa Synodus, hoc est cætus Ecclesiasticus, cujus decreto factum est, ut clandestina matrimonia, quæ prius *Ecclesie lege*, irrita non erant, alia deinceps *Ecclesie legi* irrita habeantur, & sint. Eodem sensu aliis in locis Ecclesie vocabulum Synodus usurpat ex. gr. *Can. 15. Sess. 14. de Pœnitent. Can. 12. Sess. 24. de Matrim. Sess. 25. in Decret. Indulgent.*, quibus locis omnibus Ecclesie nomine intelliguntur Superiores, & Pastores, in quibus inest regendi, ac pascendi oves auctoritas. Quid? Nova illa à Synodo constituta impedimenta; illæ Principum Oratorum preces, illaque de his impedimentis studia, quæ partim Synodi Patres probarunt, partim rejecerunt arbitrio suo, nonne evidenter ostendunt in eo negotio Ecclesie potestatem? Neque his precibus, & officiis rem egissent *Delegantes* cum *Delegato*; nihil illis ab se postulantibus Synodus recusare potuisset; non tuto, ac certo statuere *Can. 3. & 4.* (addita quoque pœna anathematis in eos, qui id negarent) non solum antea potuisse, sed etiam in posterum Ecclesiam posse, matrimonii impedimenta constituere; non pari anathematis pœna plecteretur *Can. 12.*, qui dicerent, *causas matrimoniales non spectare ad Judices Ecclesiasticos*, si in eo negotio Ecclesia delegato tantum jure uteretur, non proprio, & suo. Denique cum Tridentini Patres impedimenta stabilire dicant *Ecclesiam*, & *Sanctum Synodum*, quibus iisdem verbis catholicum dogma constituunt, in utroque, aut in neutro potestas delegata ponendi est. Quis autem dicat, Synodum œcumenicam in constituendo dogmate potestate delegata indigere? Paucis hæc attingi, quæ multo fusius, & uberius explicari possum, sed ita instituti mei ratio postulabat. Præclare in hoc argumenti genere versatus est Cl. Auctor operis editi Hierapoli anno 1786.; cui titulus *Defensio Tridentinorum Canonum de Ecclesie potestate in dirimentium matrimonium impedimenta adversus Launoium, Tamburinium, Nestam, aliosque recentiores, Auctore Petro Deodato Nicopolitano.* Confer etiam ejusdem Auctoris opus editum an. 1788. cum titulo *Nuova difesa dei canon. III. & IV. della Sessione 24. del Concilio di Trento scritta da Pietro Diodato*, itemque opus quod extat in *Supplemento Diarii Ecclesiastici Roman. Mens. Septemb. & Octobr. 1791.*, atque evulsum est à V. Cl. Aloisio Cuccagnio cum titulo *Del Matrimonio Christiano, è della Divina immediata potestata della Chiesa di apporre ad esso g. impedimenti, che si dicono dirimenti, preterea Les vœux principes sur le mariage, opposes aux raports de M. Darrand de Maillane, par P. Abbe Barruel.*

(2) Id ostendam paulo post, cum de unoquoque impedimento singillatim disseram. Interim, ut mittam cetera ejus rei monumenta, quorum magis est numerus, quæque à Gerbaisio recensentur, satis est legere duas canonum collectiones, quas VII. & VIII. sæculo ediderunt Theodorus Cantuariensis, & Egbertus Eboracensis, ut pateat, quod jam essent ea ætate matrimonii impedimenta ab Ecclesia constituta. Ille enim apud Ducherium *Spicileg.* t. 1. C. 24. 23. 30. 31. 32. 63. 92. 93. 108. 139. 140. 142. p. 487. ad 490. ed. Paris. 1723. multa hujusmodi impedimenta describit, & multa item habet Egbertus in collectione, cui titulus *Excerptiones à c. 128. ad 138.* apud Spelmanum *Concil. Britannie.* t. 1. p. 271. & seq. ed. Londini 1639. Vide Jaeminium *de Sacrament.* qu. 6. *de Matrimonii impedimentis in gener.*, Gerbaisium *Traité du pouvoir de l'Eglise, & de Princes sur les empêchemens du mariage*, quo quidem opere tota pars I. aperissime ostendit, Ecclesiam jus proprium habere constituendi impedimenta matrimonii, atque omnium ætatum collectis monumentis, hanc esse demonstrat perperam traditionem, & consuetudinem, quam etiam sæculares Principes sæpissime ratam habuerunt; quamquam *part.* 2. minus vere jus constituendi impedimenta matrimonium dirimentis etiam laicæ Potestati adscribere conetur. Vide etiam Launoii sopismata referentem Auctorem operis *De l'Autorité des deux puissances* c. 3. §. 8. t. 2., & Jacobum Clementem *Traité du pouvoir irrefragable & inébranlable de l'Eglise sur le mariage des Catholiques.*

§. CXVI. Neque vero quod in matrimonio inest etiam civilis contractus, exinde efficit potest, quod si forte civiles leges contractum tollant, matrimonium quoque tollatur; quoniam materia eripitur, in qua consistit. Nam sacramenti materia non civilis, sed naturalis est contractus, qui simul est hinc quidem contractus civilis illinc vero sacramentum; quoniam ab eo perficitur, qui simul civilis, & Christianus est. Atqui nec contractus civilis à sacramento, nec sacramentum à civili contractu pendet, quæ diversa sunt rerum genera certæ Civitatis, & Christianæ religionis, utrumque per se constans, non alterne necessario nexa inter se; cum sit tamen utrumque singillatim innexum conditioni naturali hominis, atque ab hac pendeat. Itaque, sublato etiam civili contractu, integrum tamen est sacramentum, quod ab illo non pendet, & quod suam habet materiam in contractu naturali (1).

(1) Gravis est error illorum, qui cum in matrimonio civilem con-

tractum fieri animadvertant, ita ab hoc contractu sacramentum pendere arbitrantur, ut illo sublato, alterum etiam tolli, evertique debeat. Inquiunt enim, in matrimonio inesse & civilem contractum, & sacramentum; sed primum contractum existere, postea sacramentum, quod ab illo sumit materiam, in qua consistat. Quemadmodum vero civilibus legibus cæteri contractus subiciuntur, ita etiam iis subesse contendunt contractum matrimonii; & ideo cum civiles leges contractum perimunt, ipsam tollunt materiam, sine qua sacramentum stare non potest. Verum materiam sacramenti matrimonii non civilis, sed ipse est contractus naturalis, qui certe absolvi cœpit, multo ante quam ullæ civiles societates constituerentur. Naturalis hic contractus materiam præbet tum contractui civili, tum sacramento. Cum is contractus ab eo perficitur, qui tantum est civis, ejus matrimonium tantum civilis contractus esse potest; atque ex eo genere sunt conjugia, quæ ab infidelibus contrahuntur. Sed quando nuptias conciliat, qui simul civis, & Christianus est, matrimonium simul efficitur contractus civilis, & sacramentum; quia non primum à cive, deinde à christiano, sed ab uno simul cive, & simul christiano contrahitur. Quare utut leges civiles impedimenta constituant adversus civilem contractum, nulla certe possunt constituere adversus sacramentum; neque illo sublato, hoc etiam tollitur, perinde ac non amplius habeat materiam, in qua consistat. Hæc enim est posita in contractu naturali, cui tamquam fundamento utriusque communi, & proximo, tum contractus civilis, tum sacramentum incumbit. Certe Christus Dominus, qui suam instituit Ecclesiam ex omnibus gentibus, quibus dissimiles erant mores, legesque civiles, omnibus, qui ad hanc Ecclesiam pertinerent, matrimonium sacramentum esse voluit. Itaque ejus materiam constituere debuit, quæ omnibus una, & eadem esset; & ideo primam, quæ ante ullas conditas civiles leges fuit, matrimonii institutionem appellavit. Atqui tantum naturalis contractus unus idemque erat omnibus, non civilis, quem aliis legibus Romani, aliis Hebræi, aliis reliquæ gentes, perficiebant. Equidem peto ab iis, qui civilem contractum sacramenti materiam faciunt, quoram populorum civiles leges Christus respexerit, ut in iis sacramenti materiam poneret? An Hebræorum, an Romanorum, an reliquarum Gentium? Si Hebræorum spectavit, negabimus sacramentum fuisse matrimonium cæterorum, qui ex Romanis, aut ex reliquis gentibus ad Ecclesiam veniebant; quoniam non iislem, quibus illi, legibus utebantur. Eadem contra argumentatio redit, si in contractu civili Romanorum, aut reliquarum gentium sacramenti materiam a Christo collocatam dicamus. Adde, quod nullæ tunc erant civiles leges de matrimonio, quæ non Christi legi adversarentur. Hebræorum leges repudium permittebant, leges Romanorum, ac gentium reliquarum & repudii facultatem dabant, & plenæ superstitionum, ac vitiorum erant. Quis dicat, Christum fecisse sacramenti materiam has leges, à qui-

bus Divina, quæ ab eo ferebatur, Lex abhorrebat? Fecisse præterea materiam vagam, & incertam, qualis est contractus civilis, qui à populum moribus, à temporum ratione, ab hominum voluntatem arbitrioque pendet? In reliquis sacramentis una, atque eadem cunctis gentibus materia est. Quis illud sibi in animum indicat, solius sacramenti matrimonii Christum fecisse materiam tam variam, tamque dissimilem, quam varii sunt, interque sedissimiles mores, ac leges civiles, quibus populi reguntur? Confer Jacobum Clementem l. c. c. 3., & Auctorem operis *De l'adulteré des deux puissances* c. 3. §. 8. t. 2.

§. CXVII. Cumque Ecclesiam repræsentent vel ejus caput Romanus Pontifex, vel œcumenicum Concilium, sequitur, ut ab alterutro tantum dirimentia matrimonium impedimenta constitui (1), & constituta, removeri possint (2). Sæpe enim justis de causis aliquis lege solvitur; solvendus est autem potestate pari, qua adstrictus est. Episcoporum potestas infra Summi Pontificis, atque œcumenici Concilii potestatem est; & ideo, quæ superiori lege sancita sunt, impedimenta perfringere, & labefactare non possunt. Quare ut Summi Pontifices jus illud exerceant, quod semper exercuerunt, laxandi dirimentia matrimonium impedimenta, nihil sibi præcipue reservare debuerunt, neque aliquid de juribus episcopalibus deminuere, ac detrahere oportuit. Res ipsa vetat, inferiorem abrogare legem, quæ superioris imperio sancita est.

(1) Impedimentorum matrimonii, quæ à Summis Pontificibus constituta sunt, vel probata, & tunc generalis Ecclesiæ legis vim obtinuerunt, antiquissima exempla suppeditant Innocentius I. Ep. 2. ad Victor. Rothom. c. 13. apud Constantium Ep. Roman. Pontific. col. 756. Siricius Ep. 1. ad Himer. Tarraconen. c. 4. apud eundem Constantium col. 628., Leo M. Ep. 2. ad Rastic. Narbonen. & Ep. 133. ad Nicet. p. 11. & 443. opp. t. 2. ed. Romæ, Gregorius M. Ep. 1. l. 7. Ep. 64. l. 11. Ep. 17. l. 14. & in Decret. 6. opp. t. 2. col. 845. 1154. 1179. 1293. ed. Paris., Gelasius Decret. c. 20. apud Pitheum Cod. canon. Eccles. Roman. Paris 1687. p. 268. Gregorius II. Decret. 1. 2. 3. apud eundem Finhæm l. c. p. 300. Falso igitur auctor libri *Sopra il diritto di stabilire impedimenti diimenti il matrimonio, e di dispensare*, à Romanis Pontificibus constituta negat matrimonii impedimenta. Sane eorum quedam primum à Conciliis particularibus stabilita sunt; sed ea tantum post Decretum Summi Pontificis in Ecclesia universa vim legis habere cœperunt.

(2) Sæculo VI. Gregorius M. Anglorum genti, quæ recens Christi

fidem amplexa fuerat, matrimonia permittit in tertio consanguinitatis gradu, in quo jam tunc irrita conjugia erant. Unde, inquit ipse Gregorius ad Augustinum Ep. 54. l. 11. t. 2. col. 1154. de Paris. cit., necesse est, ut jam tertia, aut quarta generatio fidelium licenter sibiungi debeat; nam secunda, quam diximus, à se omnino debet abstinere. Quæ Indulgentia Pontificis eam displicuisset Felici Episcopo Messanensi, ipseque ea de re vehementiores ad Gregorium literas dedisset, respondit Pontifex Ep. 17. l. 14. col. 1277., se non omnibus univærsæ, sed tantum Anglis hanc veniam justis de causis concessisse. Ea dispensationum matrimonialium, ut vocant, quæ ab Sede Apostolica date sunt monumentum luculentissimum, ac vetustissimum. Scio, quosdam esse, qui has literas Gregorii esse negant; sed & stylus, & rerum, de quibus agitur ratio, & cætera argumenta, meo quidem judicio, evidenter ostendunt, eas omnino Gregorio adscribendas esse. Adeundi sunt eruditi Monachi à Congregatione Sancti Mauri in Not. ad utramque Ep. Hujus simile exemplam suppeditat initio sæculi VIII. Gregorius II., qui Germanis facultatem dedit nubendi post quartum gradum, quo quidem gradu nullum ea tempestate matrimonium erat, uti patet ex ejus Ep. 13. ad Bonifacium Moguntinum apud Libbreum Collect. Concilior. t. 8. col. 177. ed. Ven. Alia multa eadem de re monumenta collegit Auctor operis, quod Fulginei prodit anno 1784. cum titulo *Le storie idee rad. trizzate* c. 3. p. 89. & seq. Interdum etiam à Synodis provincialibus laxata sunt matrimonia impedimenta; quando scilicet Pontificis Constitutionibus, aut totius Ecclesiæ lege nondum probata fuerant. Multa enim impedimenta primum à Conciliis provincialibus constituta sunt; & tunc ea tolli poterant eadem auctoritate, qua stabilita fuerant. Sed posteaquam jus illud totius Ecclesiæ lex evasit, ei certe non amplius derogare potuit Synodus provincialis, cujus potestas infra illam potestatem est. Certe matrimoniales causas inter causas majores, quas Romano Pontifici servatas voluerunt Innocentius I., Leo M., & cæteri, quorum loca indicavi l. 1. tit. 3. sect. 1. §. 16. not. 2. p. 170., recensent Celestinas III. Ep. 9. ad Archiepiscopum Senonensem apud Libbreum t. 13. Concil. col. 698. ed. Ven. Sigefridus Moguntinus Ep. ad Alexm. II. T. 3. Concil. German. p. 152. Annales Bertiniani ad ann. 831. apud Bekarium Gylli oriental. t. 2. l. 23. §. 193. Synodus Tridentina sartam rectam esse voluit præstatem, qua semper Apostolica Sedes usa fuerat, renovandi dirimentia impedimenta, ideoque regulas in materia dispensationis, ac signanter super impedimentis matrimonii præscriptas ad Romanum Pontificem præcipue direxit, uti post Du-Carsium de Jurisdict. eccles. t. 1. c. 10. §. 5. observat Van-Espenius Jus eccles. part. 2. sect. 1. t. 14. c. 1. n. 10. Imo cum disputatum esset à Patribus, num satius esset Episcopis, quam Summo Pontifici facultatem laxandi impedimenta reservare, potissimum Pius IV. æquo animo assentiebatur, ut consanguinitas in quarto gradu, quia frequentior, à Pontificis reservationibus tolleretur, & Episcoporum arbitrio permitteretur. At Synodo magis placuit sententia M. An-

tonii Bëbbæ Augustani Episcopi, & Sabaudiz Ducis Legati, qui animadvertit, fore, ut data Episcopis hac facultate multo facilius, & frequentius, quod Patrum studio, & proposito adversabatur, hujusmodi venire concederetur. Confer Paleottum in *Act. Concil. Trid. ad diem 17. Augusti 1563.*, & Pallavicinum *Histor. Concil. Trident. l. 23. c. 9. n. 17.* Neque verum est, ut aliqui putant, Tridentinam Synodum *Sess. 25. c. 18. de reforma.* dispensandi necessitatem imposuisse, cum revera canones *exacte ab omnibus, & indistincte observari* voluerit. Tantum statuit, ut si interdum canones justis de causis laxentur, id non nisi *causa cognita, ac summa maturitate* fiat. Quibus verbis non dispensandi necessitas constituitur, sed modus præscribitur, quem servare oportet, cum venia datur. Haud multo post Tridentinam Synodum jus renovendi impedimenta matrimonii tantum Romani Pontificis proprium agnoverunt Concilia Turonense *tit. 9. de Matrim.*, & Tolosanum *part. 2 c. 8. col. 1305. & 1804. t. 10. Collection. Harduini.* Merito igitur Optimus, Sapientissimusque Pontifex Pius VI. quem diu Deus servet incolorem omnium bono, literis datis die 28. Novembris 1786., præter cæteros, damnavit errorem Eybelli agentis, dispensationum reservationes indebitas, atque Episcopis injurias esse. Consule doctissimum Mamachium, qui de jure dispensationum, quod in Romano Pontifice inest, graviter, solide, accurate disputat in libro, quem nuper edidit *Pisti Aléthini* nomine contra Auctorem opusculi *Quid est Papa? Ep. 3. §. 9. p. 232. t. 1.*; & CL. Auctorem dissertationis, *qua defenditur Romani Pontificis auctoritas in impedimenta matrimonium diuinentia.*

§. CXVIII. Verum si quid etiam ex juribus Episcoporum detractum, si ipsorum ea in re arctata jurisdictio videatur; quis neget, id suo jure factum à Summis Pontificibus pro suprema, quam habent, in tota Ecclesia potestate (1)? *Primigenia* quidem, ut vocant, sint jura Episcoporum, quæ ad jurisdictionem pertinent, eaque jurisdictio à Christo repetatur. (2). Sed hæc ab ipso Christo ita instituta est, ut uni Summo omnium capiti, & moderatori subesset (3): neque Christus, cum eam Episcopis dedit, divisit diceceses, & singulis certos adscripsit subditos, in quos jurisdictionem illam exercerent. Id totum factum ab Ecclesia est, & factum cum opera, & auctoritate Summi Pontificis, sine quo vera Ecclesia esse non potest. Itaque jurisdictio Episcoporum à Christo, usus, & exercitium hujus jurisdictionis in certos subditos ab Ecclesia est.

(1). Concilium Tridentinum *Sess. 14. c. 7. de Sacram. Pœnitent. Mc.*

rito, inquit, *Pontifices Maximi pro suprema potestate sibi in Ecclesia universa tradita causas aliquas criminum graviores suo potuerunt peculiari iudicio reservare.* Qua in re illud in primis animadvertere oportet, quod si quæ potestas Episcopis jure Divino concessa integra relinqui debet, ea certe est potestas absolvendi à quibuscumque peccatis; quam amplam, ac nullo modo cohibitam à Christo Apostolis, & Episcopis eorum successoribus datam fuisse constat. Quod si tanta hæc, tamque late patens potestas ita (& id quidem Divino jure) Pontificiæ auctoritati subest, ut pro *suprema* Romanorum Pontificum potestate per reservationes coerceri, & arctari merito potuerit; an non cæteræ Episcoporum facultates, simili prorsus jure, ac suprema potestate, cum id expectare visum fuerit, arctius astringi poterunt?

(2) Ne quis obtrudat, nisi me principiis minus exploratis, minusque probatis omnibus tamquam certum pono id, quod incertum, controversumque est. Non enim certo constat, num Episcoporum potestas à Christo *quædam* immediate sit repetenda, an potius in eos per Petrum, ejusque Successores transierit; neque Synodus Tridentina quæstionem hanc definire voluit, ut ostendi t. 1. c. 2. not. 1. p. 19.

(3) Episcoporum iurisdiclio primigenia quidem sit, & à Christo immediate procedens; sed primigenius etiam est, essentialis, & à Christo institutus Primatus non dignitatis solum, sed etiam jurisdictionis in Ecclesia universa. Utraque potestas primigenia est; sed utriusque ex lege divina propria est, atque intima natura, ut altera subsit, altera præsit. Christus & Petrum, ejusque successores toti Ecclesiæ præfecit non solum dignitate, sed etiam imperio; & simul Episcopis jurisdictionem dedit, sed jurisdictionem subjectam superiori potestati, in qua Principatum posuit. *Jesus Christus ipse, inquit Cæsar Gallicanus in cunctis extraordinariis dici 8. Maii 1728, sua institutione limites præscripsit huic potestati Episcopali, quam subjecit Sedi Petri, in qua posuit plenitudinem Apostolicæ potestatis.* Reservationes causarum matrimonialium, & cæteræ hujusmodi non tollunt, evertuntque primigeniam, & essentialem Episcoporum jurisdictionem, quæ Divinæ institutionis est; tantum ejus exercendæ constituunt modum, qui à Christo definitus non fuit. Et vetustiori quidem ætate ea res fere pendeat à Synodis provincialibus, Metropolitanis, Patriarchis; quos humanæ institutionis esse, inter omnes constat; adeo verum est, primigeniæ, essentiali, & à Christo datæ Episcopis potestati non adversari modum, qui in ea exercenda superiori imperio stabilitur. Quod si hunc modum constituit Potestas, quæ tantum humana est, domine id multo magis poterit præstare potestas Summi Pontificis, hæc est Potestas divinitus instituta? Si magis intrare volumus, potius hæ ipsæ reservationes ad jus divinum referri possunt; quatenus videlicet jure Divino Summo Pontifici in omnes Episcopos iurisdiclio data est, & quatenus Christus ordinem inter Potestates omnino servandum constituit. Cujus quidem ordinis ea vis, & natura est, ut inferiores subjecti sint superioribus, uti docet Petrus. Ep. 1. cap. 2.

vers. 13. *Subditi igitur estote omni lumen creature propter Deum, sine Regi quasi præcendenti, sive Ductus &c.*, & Paulus ad Roman. c. XIII. vers. 1. *Omni animæ Potestatibus sublimioribus subdita sit; non est enim potestas nisi à Deo; quæ autem sunt à Deo ordinate sunt.* Eui ordine n inter Potestates à Deo constitutum, ut inferiores quæcumvis potestate aliqua præditi, sublimioribus subesse debeant. Consule *Ballerinum de Potest. Ecclesiast. Summor. Pontif. c. 1. §. 4. 5. 6.*, & doctissimum *Mamachium* egregio opere, quod paulo ante indicavi, *Ep. 1. 2. 3. fere per tot.*

§. CXIX. Cum Episcopo certi adimuntur subditi, non tollitur primigenia illa jurisdictio, quæ divinitus data est; tantum arctatur, & constringitur usus jurisdictionis, quæ amplius exerceri non potest, in subditos, qui ab Episcopi imperio subtracti sunt. Ita Synodi particulares sæpe arctarunt usum jurisdictionis Episcopalis; & id quidem jure, ac recte factum, omnes facile concedunt; quia cum Synodi Episcopis auctoritate præstarent, potuerunt Episcopaliū facultatum usum, pro Ecclesiæ utilitate, præfinire (1). Quod si hæc facta, & rite fieri potuerunt à Synodis particularibus, quæ tantum jure ecclesiastico provinciæ, aut regioni, ejusque Episcopis divinitus institutis præsent; id certe multo magis concedendum est Petri successoribus (2), qui non humano, sed divino jure omnibus Episcopis, ipsisque Synodis particularibus præfecti sunt (3).

(1) Episcopalis potestatis, quæ à Synodis, Metropolitibus, Patriarchis cohibita fuerit, innumera propemodum, & omnibus comperita exempla sunt. Præclarum est illud Concilii Chalcedonensis act. 4. col. 416. t. 2. *Collect.* Harduani, ubi sancitum est, ut nihil absque ipso (Augustino Alexandrino) ageretur ab aliquo subjacente Episcopo. Hæc quidem loco ita arctatur Episcoporum potestas, ut nulla in re non pendeat à Patriarcha, ac nulli Episcopus agere possit sine venia Patriarchæ, cui subest. Divino quidem jure ad Episcopos pertinere ordinationes eorum, quos suarum Ecclesiarum regimini utiles, & multo magis necessarios agnosceant, quis igitur? Africane autem Ecclesiæ in exitu sæculi quinti, & initio quinti uirga sacrorum ministrorum inopia laborabant, adeo ut multæ earum plebes essent desertæ & alicubi ne unus quidem Diaconus reperiretur. Huic malo remedium adhibere oportebat; & vero adhiberi facile poterat; tum si in suis reciperentur gradibus, qui à Donatistis ad Catholicam unitatem revertebantur, tum si ordinibus donarentur, qui apud Donatistas in infantia baptizati, rationis usu præditi ad Ca-

tholicam Ecclesiam redierant. Sed obstabant decreta edita in transmarino Concilio, quorum mentio est in Synodo Africana *Can. 35.* apud Pithoeum *Cod. canon. p. 152. ed. Paris 1687.* Itaque ut ea lex necessitatis gratia laxaretur, missa legatio est ad eos, à quibus illa lata fuerat, sicuti patet ex eadem Synodo Africana *l. c. p. 143.* Quod si Synodi particulares Episcoporum potestatem in re tam gravi, tamque Episcopi propria arctare potuerunt; an non idem multo magis præstare poterit Summus Pontifex, cujus non humano jure sancita, sed à Christo ipso instituta potestas est?

(2) Si antiquis temporibus Episcopaliū facultatum definiendarum modus à Patriarchis, Metropolitīs, Synodisque provincialibus totus fere pendebat, non idcirco Pontificio juri, quod ex Primatu descendit, quidquam detractum videri potest. Cum enim omnis illorum, quæ tandem eumque illa esset, in Episcopos, & Episcopatus jurisdictio tantum ex Ecclesiastico jure procederet; profecto quidquid ecclesiasticæ institutionis est, juri ordinario ac divino Primatus detrachere nihil potuit. Consule Ballerinium de *Potes. ecclesiast. c. 1. §. 4.*

(3) Equidem nescio, qui teneat error, aut miserabilis ignoratio veri eos, qui propria, & nativa Episcoporum jura à legitima superiori Potestate tolli, ac minui posse inficiantur. Ab ipsis Ecclesiæ incunabulis luculentissima sunt monumenta, quæ longe aliud ostendunt. Episcopi erant Timotheus, & Titus, alter Ephesi, alter Crete, ad quos Apostolus literas dedit, & hi à Spiritu S. positi erant regere Ecclesiam Dei in suis diocesisibus, & omnem cum Episcopatu conjunctam potestatem obtinebant. Ergo quemlibet Christianum hominem ordinibus initiare poterant, quoniam ampla Episcopis ea de re data à Christo potestas fuerat, & tamen Paulus arctat, & constringit hanc potestatem, dicta lege, ut neque bigami, neque neophiti ordinentur *I. ad Timoth. c. 3. vers. 2. 6. 12.* Similiter jure Divino Presbyteri Episcopis suberant, atque hi suo lubitu poterant adversus illos eam servare methodum judiciorum, quæ magis commoda, & opportuna videretur, quoniam hæc methodus ab eodem divino jure constituta non fuerat, & tamen Paulus Episcopis imperat, ne adversus Presbyterum accusationem recipiant, nisi sub duobus, aut tribus testibus *I. ad Timoth. c. 5. vers. 19.* Mito cætera similia, quæ sunt à Paulo constituta, & quibus nativa Episcoporum potestas arctata est. Priora Ecclesiæ sæcula pene innumera ejusdem rei monumenta suppeditant. Sane Christus iis verbis quæcumque ligaveritis &c. Apostolis & Episcopis amplissimam concesserat facultatem ligandi, & solvendi in sacramento poenitentiae; verum huic Episcopis insitæ & innatæ potestati, veneranda antiquitas modum imposuit, constitutis legibus, quibus Episcopi jussi sunt quosdam criminum reos tantum solvere post annos plures, diuturnamque poenitentiam, quosdam vero tantum, cum ad vitæ exitum properarent. Res eo demum venit, ut œcumenici Concilii venia, & auctoritate opus fuerit, ut liceret Episcopo humanius aliquid de eis statuere, qui luculentiores dederant dolentis

animi, & pietatis significaciones. Concilium Nicænum *Can. 12. t. 2. Concil. collect. Labbæi col. 38. ed. Ven.* An non ligandi, & solvendi potestas propria, ac nativa Episcoporum esset? Attamen hæc potestas exhibetur modis pluribus, neque Episcopis suo jure, licet proprio, & nativo uti potest, nisi œcumenica Synodus nominatim hanc facultatem tribuat. Idem esto judicium de ordinis sacramento. Certe proprium, ac nativum est jus Episcoporum ordinandi quoslibet Christianos homines, quos ad ecclesiasticum ministerium aptos & idoneos judicant. Verum hoc jus imminuunt antiqui canones, cum vetant, ordinibus initiari eos, qui titulo carent, qui bigami sunt, qui in hæresi fuerunt, qui certam non attigerunt ætatem, qui baptismum in ægritudine acceperunt, qui sibi virilia amputarunt, qui graviora quædam crimina admisserunt. His de rebus multa sunt constituta à canonibus, qui dicuntur Apostolorum, à Concilio Eliberitano, Nicæno, Carthagineasi III., Antiocheno, Chalcedonensi, ceterisque conciliis, quæ antiquissimis Ecclesiæ temporibus habita sunt. Nec leviora sunt de matrimonii sacramento monumenta. Christus nullam dixerat legem, per quam Episcopi ministerium suum exercere prohiberentur in matrimoniis Christianorum cum infidelibus, cum hæreticis, cum schismaticis, itemque in matrimoniis, quæ inter af-fines copulantur. Attamen hæc matrimonia fieri vetat Synodus Eliberitana *Can. 15. 16. 17. 61. 66. tom. 1. Concil. collect. Labbæi col. 994. 999. & seq. ed. Ven.*, atque ita in hujus administratione sacramenti Episcoporum potestas cohibetur. Similia occurrunt in Concilio Laodiceno *Can. 10. & 31. t. 1. cit. col. 1531. & 1535.*, Carthaginiensi III. *Can. 12. t. 2. ejusd. collect. col. 1401.*, Chalcedonensi *Can. 14. t. 4. col. 1687.* Quid dicam de cæteris legibus, per quas arctata potestas Episcoporum est? Trans mare proficisci prohibentur Episcopi, non consulto primæ Sedis Episcopo, hoc est Metropolita. Concilium Carthaginense III. *Can. 28. t. 2. col. 1403.*; Œconomum constituere jubentur, sine quo res Ecclesiæ administrare non possunt. Concilium Chalcedonense *Can. 26. t. 4. col. 1691.* Gentilium libros legere nequeunt, hæreticorum autem pro necessitate, & tempore; gubernationem viduatum, & pupillarum, ac peregrinorum per Archipresbyterum, aut Archidiaconum agere coguntur; prohibentur suscipere tuitionem testamentorum. Concilium Carthaginense IV. *c. 16. 17. 18. col. 1438. & 1439. tom. 2.* Extant & in Decretalibus Pontificum Romanorum plures hujusmodi leges, per quas potestas cohibetur Episcoporum. Vetat Innocentius I. *Ep. 2. ad Victoric. c. 1. 2. 5. apud Constantium col. 748. & 750.* Episcopum extra conscientiam Metropolitanum aliquem ordinare, pluresque à sacris ordinibus arcendos jubet, quod etiam facit *Ep. 3. ad Episc. in Tolosan. Synod. constit. c. 6. col. 770.*, cæterisque literis, quæ à Petro Constantio descriptæ sunt, & in quibus similiter plures feruntur leges, per quas Episcoporum potestas arctatur. Id vero etiam factum est à Siricio, qui Innocentio antiquior fuit. Ne omnes persequar ejus literas, quod esset operæ, scriptionisque longioris, tantum indicabo *Ep. 1. ad Himer., qua c. 4. sta-*

tuitur, ne quis alterius sponsam uxorem accipiat, c. 5. ne Eucharistia tribuatur reis graviorum quorundam criminum, c. 8. ne bigami ordinentur, c. 9. & seq. alia stabiliuntur, quæ ad ætatem, & qualitates ordinandorum pertinent apud Constantium col. 628. 632. seq. Per his leges omnes Episcopi non amplius exercere poterant ampliorem illam, quam pridem habebant propriam, & nativam potestatem in administratione sacramentorum. Confer etiam S. Leonem Ep. 5. c. 3. col. 618. Ep. 6. c. 6. col. 622. Ep. 9. c. 1. & 2. col. 629. seq. Ep. 10. col. 633. opp. t. 1. ed. Ballerin. Ven., postremo fere omnes ejus epistolas, in quibus Episcopis certæ præscribuntur leges, quas eos servare oportet in negotiis ecclesiasticis, atque in sacramentorum administratione; S. Gelasium l. Ep. 9. ad Episc. Lucan c. 3. & 4. apud Labbæum t. 5. Concil. col. 315., S. Gregorium M. Ep. 10. & 11. l. 4. Ep. 7. l. 5. Ep. 43. l. 7. Ep. 70. l. 9. Ep. 2. l. 10. opp. t. 2. col. 689. 690. 733. 390. 986. 1043., aliisque locis compluribus, ubi plures dicuntur leges, quibus Episcoporum jura imminuntur. Infinitus essem, si omnia colligere vellem exempla aut ex conciliis tam provincialibus, tum generalibus petita, aut ex decretalibus Pontificum Romanorum, quibus Episcoporum jura propria, & nativa cohibita, atque immunita sunt.

§. CXX. Hoc sane primigenium jus est Pontificum Romanorum, quod abrogari nequit, nisi abrogetur, quod salva fide tolli non potest, Primatus jurisdictionis, cui Christus omnes subjecit, & cui Episcoporum jurisdictionem obnoxiam voluit (1). Eo jure Summi Pontifices recte potuerunt Episcopalis jurisdictionis modum constituere, ac sibi tantum certorum criminum veniam, ac laxandi dirimentia matrimonium impedimenta facultatem reservare. Atque hæc quidem vetustissima consuetudo est, quam omnium ætatum consensus comprobavit; ut Summus Pontifex dirimentia matrimonium impedimenta constituat, & tollat constituta, cum id justis de causis faciendum est (2). Episcopis permessa tantum est facultas laxandi impedimenta impediencia, exceptis hæresi, & sponsalibus, in quibus non licet fidem fallere, invito eo, cui data est; & voto simplici aut perpetuo castitatis, aut ingrediendi Religionem, quod cum parum fuerit, nullique conditioni obnoxium, tantum Romano Pontifici reservatur (3).

(1) Consule præstantissimas, gravissimasque literas datas à PIO VI. Pont. Max. die 28. Novembr. 1786. adversus auctorem opusculi *Quid est*

Papa, & vide etiam Cl. Marnachium l. *mox indic.*

(2) Auctor libri *Sopra il diritto di stabilire impedimenti dirimenti il matrimonio*, è di dispensare novum excogitavit genus dispensationum, quas vocant, suoque hoc invento efficere se posse censet, ut etiam Episcopi laxandorum impedimentorum potestatem habere videantur. Inquit enim, impedimenta laxata quidem initio fuisse ex gratia, & beneficio, sed frequentem laxandi consuetudinem quasi legis exceptionem induxisse, ita ut dispensationes, quæ initio gratiæ tantum erant, lapsa temporum justitiæ evaserint. Quare Episcopus suo jure removet impedimenta, quorundam vetus est, & longo usu firmatus removendorum usus; & tunc quidem judicat, num locum habere debeat exceptio legis, quæ jam vetustate consuetudinis inducta est. Sed primum nego, ex repetitis actibus fieri posse, ut quod semper ex gratia, & beneficio conceditur, justitiæ actus evadat. Longa consuetudo parere quidem potest exceptionem legis, cum ei populorum mores, & consensus legislatoris ita derogant vel emmino, vel ex parte, ut jus ea lege constitutum non amplius vigeat, neque ullam parandi afferat necessitatem. An qui-quam superiorem rogat, ut eum lege solvat, quæ contraria consuetudine sublata est? Imo legis loco est ipsa consuetudo, quæ antiquo juri adversatur, eique tantum parere omnes debent. Sed dispensationem, quas vocant, longe dissimilis ratio est. Non enim per eas, ut sæpe concedantur, diuque concessæ fuerint, jus novum inducitur. Imo vero ea, quæ petitur, et quæ conceditur, dispensatio, vigetis, & confirmatæ legis incumentum est. Nam quisquis superiorem rogat, ut lege solvatur, necessario tacetur, inter gram esse legem, qua stulte, & inutiliter solvi vellet, si ea esset antiquata; & superior quoties aliquem solvit, ejus quidem gratia legi derogat, sed legem ipsam confirmat, qua obstrictos vult esse ceteros, quos ipse simili beneficio, ac privilegio non solvit. Quod si specialis dispensatio non legem generatim abrogat, sed confirmat, Oedipo opus est conjectere, ut intelligatur, quemodo justitiæ actus evadere possit, ut quis parere non debeat legibus, quæ fixæ, certæque sunt, atque omnibus constitutæ. At enim frequens usus beneficii, quod superior confert in unum, aut alterum, quem lege solvit, quasi vim consuetudinis obtinet, ita ut omnes ad simile beneficium obtinendum jus consequi videantur. Falsè. Nam omnis dispensatio ex gratia, & beneficio est; justitia postulat, ut lex, quæ viget, observetur; sed superior justis de causis hanc justitiam silere jubet, ut in unum, aut in alterum beneficium conflat. Itaque quodquot numero esse petunt dispensationes, cum semper ex gratia, & beneficio concedantur, semper gratiæ ac beneficii actus erunt, neque unquam justitiæ actus evadent; imo semper justitiæ erit obtemperatio legibus, nisi beneficium accedat supremæ Potestatis, per quam aliquis lege solvatur. Sed est; fac sane actus, qui semper gratiæ, ac beneficii sunt, ex longa consuetudine in actus justitiæ converti, ita ut omnes ad beneficium, ac privilegium obtinendum jus consequantur. A quo beneficium ipsum impetrandum erit? Ab eo, qui semper dedit, quique

longa consuetudine hanc sibi legem imposuit, ut quod semper largiri solet, jam amplius nemini denegare possit. Itaque totum hoc inventum *dispensationum*, quas vocant *justitiæ*, eo denum redibit, ut Summus Pontifex jam omnibus concedere debeat beneficium, quod longa consuetudo justitiæ actum fecit; sed certe non efficiet, quod *jas* concedendi beneficium amittat Pontifex, qui illud semper dedit, acquirat autem Episcopus, qui nunquam eo jure potius est. Si Princeps certum aliquod beneficium in omnes conferat, si cunctos lege solvat, si longo usu fiat actus justitiæ, qui pridem erat *gratiæ*, & beneficii; an ideo Magistratus inferior sibi etiam jus arrogabit exercendi actum, quem semper unus Princeps exercere consuevit? Sant hæc plane nugæ. Revera etate S. Anselmi jam obtinebat usus dispensationum, quæ à Sede Apostolica concedebantur, ut testatur Paschalis II. P. Ep. 42. *ad Anselm.* col. 1008. apud Labbæum *Collect. Concil. t. 12. ed. Ven.*, & tamen nullus unquam fuit Episcopus, qui sibi earum concedendarum potestatem arrogaret. Imo ipse Anselmus, qui Episcopus erat, eas à Summis Pontificibus Urbano II. & Paschale II. impetrandas curavit, uti patet ex loco *mx laudato*; & anno 996. Gregorius V. in Concilio Romano Robertum Regem deserere coegit Bertam consanguineam suam, quam in matrimonium acceperat, sacrisque interdixit Erchembaldum Archiepiscopum Turonensem, ceterosque Episcopos, quorum consensu nuptiæ illæ conciliatæ fuerant, apud Labbæum *Collect. Concil. t. 11. col. 1029. Can. 1. & 2. ed. in lic. Seculo XII.* tan crebro dispensationes à Summis Pontificibus concedebantur, ut S. Bernardus *de Consider. l. 3. c. 4. opp. t. 2. pag. 373. ed. Venet. 1781.* Eugenium III. discipulum olim suum monendam putarit, ne quem tam facile lege solveret; & tamen nullus Episcopus propter eam diutè veniæ consuetudinem, jus illud sibi debitum contendeat. Ino cum frequentior esset dispensationum usus, omnis earum potestas Sedi Apostolicæ servata est in Concilio Lateranensi IV. *Can. 19. 20. 57. 58. col. 42. 62. & 63. t. 7. Collect. Harduini*; ac tantum abfuit, quod Summi Pontifices ex crebro illo dispensationum usu jus aliquod, aut aliquam necessitatem inductam putarint, ut plus semel rejecerint preces eorum, qui veniam postulabant. Ita Alexander IV. qui anno 1258. à Galliarum rege rogatus legem solverat de consanguinitatis gradibus, Waldemaro Sæcerum Regi veniam dare noluit, per quam nuberet Sophiæ suæ ex fratre nepi; sed postea gravioribus expensis causis hanc ipsam veniam dedit, & ita nuptiæ illæ conciliatæ sunt, ut narrat Raynaldus *ad an. 1258. n. 20. & 1259. n. 19. p. 27. & 39. t. 3. ed. Lucæ.* Clemens IV. apud Merivium *Annotor. t. 2. p. 537.* lege solvit ex justis causis filium Regis Siciliæ, non item filiam Alphonsi Regis, quam Pater suam Bauduini Imperatoris in matrimonio habere capiebat, licet ipse Pontifex fateatur, quod *larga esset retractis facta temporibus diversarum effusa gratiarum.* Easdem generis exempla suppeditant Clemens VI., & Innocentius VI. apud Baluzium *Miscellan. diplom. tom. 3. edit. Lucæ*, itemque Joannes XXII., qui veniam, quam propter cognationis impedimentum Atragoniæ Rex

ab se postulaverat, concedere noluit apud Raynaldum *ad an. 1329. n. 88. seq. p. 46. seq. t. 5. ed. Luca.*

(3) Consule Benedictum XIV. *de Synod. dioces. l. 9. c. 2.*

§. CXXI. Sunt tamen graviora quædam impedimenta, quæ tametsi divino, aut naturali juri inducta non sint, tamen à Summo Pontifice laxari non solent; & huc spectat consanguinitas in primo gradu, quæ videlicet est inter fratrem, & sororem (1), affinitas in primo item gradu inter vitricum, & privignam, publicum impedimentum criminis ex occisione conjugis cum adulterio (2). In cæteris impedimentis, quæ Ecclesiastici Juris sunt, Summus Pontifex ex justis, gravibusque causis veniam tribuit (3). Quæ venia, si-ve dispensatio, ut vocant, vel publica, vel occulta est; illa pro utroque foro datur per *Datariam*, vel *Secretariam Brevium*, hæc per *Sacram Pœnitentiariam* pro interno tantum foro conceditur.

(1) Non convenit inter Theologos, interque Peritos Juris Canonici, an matrimonium inter fratrem, & sororem jure naturali, Divino, vel humano prohibeatur. S. Thomas, Gonzalezius, Pontius, atque alii solam juris positivi prohibitionem agnoscunt.

(2) Confer Benedictum XIV. in *Ep. ad Ignatium Realem de Celebratione Missæ à sedente*, quæ est in *Appendic. II. t. 4. ejus Bullarii §. 13. 14. 15. p. 7. & 8. ed. cit.*

(3) Ita fidei catholicæ utilitas, timor apostasiæ, bonum publicum, studium averteudi mali, angustia loci, inopia mulieris indotatæ justam præbent causam, propter quam dispensatio conceditur. Sunt & aliæ similiter graves causæ, quarum judicium pertinet ad Summum Pontificem, à quo venia tribuitur. Dataria solet in diem dispensationes publicas concedere super consanguinitate, & affinitate, & spiritali cognatione, & publica honestate, & crimine adulterii, modo nulla fuerit in necem conjugis machinatio. Cæteræ dispensationes super aliis publicis dirimentibus impedimentis raro, atque ex causis gravissimis per secretariam Brevium conceduntur. Ex Cancellariæ Regula 49. in literis dispensationum super aliquo gradu consanguinitatis, vel affinitatis ea adjicitur clausula, seu conditio, *si mulier rapta non fuerit*. Si raptor scienter nuptias cum rapta contraxerit, ac veniam postulet, tunc alia adjicitur ex quaterno conditio, *ut separentur ratione delicti, quoadusque arbitrio commissarii, seu executoris Apostolici congruam egerint pœnitentiam*. Confer Riganium *ad eandem Regulam 49. Concillar.*, & confer etiam Gagliardum *Instit. Jur. Canon. l. 2. tit. 11. §. 5. n. 93. & seq.*

§. CXXII. Jamvero dirimentia impedimenta nuptiarum ad tria summa capita revocari commode possunt. Nuptiæ enim nullius momenti sunt, vel quod aliquis ad eas contrahendas aptus, & idoneus non est; vel quod eas deceptus errore contraxit; vel quod in iis conciliandis non eum servavit modum, quem servare oportebat.

§. CXXIII. Primum caput duplex est; nam quis vel ab omnibus universe, vel à certis tantum nuptiis arcetur. Irrite sunt generatim nuptiæ impedimento vel corporis, vel animi. Corporis impedimento tenetur, qui non satis progressus ætate est, & qui venærem exercere non potest; quorum vitiorum alterum *defectum ætatis*, & alterum *impotentiam coeundi* vulgus appellat. Impedimentum animi triplex est, ordo sacer, votum, ligamen. Quædam autem nuptiæ fieri non possunt propter cognationem, affinitatem, honestatem, delictum, cultus disparitatem. Caput alterum impedimentorum est error, siquidem personæ sit, vel conditionis. Tertium, modus quo frustra incuntur nuptiæ; si nimirum vi, si raptu, si clam, si cum iniqua conditione perficiantur. Singula paritate, atque ordine expendenda sunt.

§. CXXIV. Omnes, uti diximus, generatim nuptias propter corporis impedimentum inire prohibentur, quos vel ætas tenera, vel imbecilla natura, vitiumque corporis cum conjugis liberis operam dare non sinit. Fiunt maturæ viro mulieres anno decimosecundo, mares autem anno decimoquarto idoneam ad procreandos liberos ætatem consequuntur. Ante hoc tempus initum matrimonium irritum est (1); nisi matritia suppleat ætatem, hoc est impuberes dare operam liberis possint, & rem uxoriæ intelligant (2).

(1) Cap. 6. 10. 11. de *Desponsat. impuber.*

(2) Cap. 9. *ead.* Recte tamen animadvertit Benedictus XIV. *Const. Magna nobis* §1. 1. 2. *ejus Bullar.* p. 249. *ed. cit.*, Apostolicæ Sedis venia opus esse, ut recte matrimonium contrahat impubes, qui propter ætatem nondum corporum conjunctioni maturus est, sed tamen ita rationis usu valet, ut matrimonii contrahendi vim, & naturam intelligat. Potest enim episcopus judicare, cum milita suppleat ætatem, sed non potest ei conjugium permittere, qui ad rem uxoriæ exercendam nondum aptus, & idoneus est.

§. CXXV. Vitium corporis procul à matrimonio esse jubet adultos, qui vel natura, vel morbo ita sunt comparati, ut suum cum femina corpus nequeant commiscere; præterea mulieres, quæ ita habent obstructam viam, ut viriles conatus excludant. Quisquis tali hoc laborat vitio, modo perpetuum sit, & contractum ante matrimonium, frustra iniiri conatur nuptias, quæ jure ipso nature irritæ sunt (1). Stat enim vis matrimonii, quando impedimentum postea ortum est (2); & quando illud tolli humana opera, ac sine vitæ discrimine potest, periculum est faciendum (3).

(1) *Cap. 1. & 3. de Frigid. & malefic.*

(2) *Can. 25. c. 32. qu. 7.*

(3) *Cap. 5. de Frigid. & malefic.*

§. CXXVI. Ut hoc impedimentum dirimat matrimonium, certum, atque exploratum esse debet; ubi dubium sit, ad triennale experimentum confugiendum est. Scilicet triennii spatio simul conjuges agere vitam debent, nixuque ad venerem periculum facere virium suarum. Lapsio trienno si omnes conatus inutiles fuerint, matrimonium dissolvitur, accedente jurejurando conjugum, ac septem propinquorum (1). Præsertim vero, cum de alterutrius conjugis viribus controversia est, inspicienda sunt corpora, quod in viris fit per chirurgos, in mulieribus per honestas, & fide dignas obstetrices (2). Omnes hi jurati confirmare debent, sese novisse mulieres, aut viri corpus minus aptum ad rem uxoriâam gerendam.

(1) *Can. 2. c. 33. qu. 1., Cap. 5. & ult. de Frigid. & malefic.*

(2) *Cap. 4. & 14. de Probat.*

• §. CXXVII. Animi, sive voluntatis impedimento irritæ sunt generatim nuptiæ, si quis ante illas vel sacro ordine, vel religiosa professione, vel altero matrimonio sese obligavit. Sacros quidem ordines, vel ex voto, vel ex lege ecclesiastica, impedimento esse, quominus valeant matrimonia eorum, qui illis obstricti sunt, inter catholicos omnes cons-

rat (1). Nam continentes esse oportere majores clericos, ex ipsa Apostolica traditione intelligimus (2); & certe iis nunquam licuit uxores accipere (3). Verum initio nullis opus fuit pœnis, quarum formæ line clerici servare cogerentur officium, in quo eos prisca vivendi ratio pura, & incorrupta satis sua sponte retinebat. Constitutæ sunt ea de re pœnæ annis consequentibus, cum depravati, & corrupti mores clericorum hoc officium comminuere, & violare cœperunt (4).

(1) Concilio Lateranense II. *Can. 7. & 8. t. 12. Concil. Collect. Labbei col. 1501. ed. Ven., & Trideminum Sess. 14. de Sacram. matrimon. Can. 9.*

(2) De origine, ac sanctitate cœlibatus, quem majores Clerici servare debent, copiose disserit V. Cl. Franciscus Antonius Zaccaria duobus libris, quorum alter *Storia Polemica del Celibato Sacro* Romæ editus est a. 1774., alter *Nuova giustificazione del Celibato Sacro*, &c. editus Fulginei a. 1785. His duobus libris egregie, ac diligenter expenditur quicquid ad hoc argumentum pertinet, ac plane everiuntur commenta, & sophismata libereculorum quorundam, qui adversus Sacrum Cœlibatum paucis abhinc annis in Germania, atque alibi prodierunt.

(3) Canon Apostolorum 27. apud Cotelierum *PP. Apostolic. tit. 1. p. 445. ed. Amstelæd. 1724.*, quem canonem, & simul etiam c. 17. l. 6. *Apostolic. Constit. p. 350. l. c.* Græci corrumpunt, atque absurde detorquent, ut observat Cotelierus in *Notis ad utrumque locum*, S. Epiphanius *Exposit. fid. catholic. c. 21. & Hæres. 59. n. 4. t. 1. l. 2. p. 456. ed. Paris. 1622.*, Justinianus *Novel. 22. c. 42. coll. 4. tit. 1.*; S. Hieronymus *contr. Vigilant. n. 2. opp. t. 2. col. 389. ed. Vailarsii Veron.* Quibus ex locis intelligimus, eandem initio fuisse Orientalis, atque Occidentalis Ecclesiæ sententiam quod scilicet majores Clerici post sacros susceptos ordines matrimonium inire prohiberentur, quodque se in posterum matrimonii usu abstinere deberent, qui uxorem habebant, antequam sacros ordines acciperent. Vetustissimam hanc disciplinam Græci relaxare cœperant sæculo VII., cum scilicet Synodus Trullana, seu Quini sexta habita est. Nam hæc Synodus *Can. 6.* ratam quidem firmam haberi voluit antiquam disciplinam, per quam majores Clerici post sacros ordines nuptias conciliare prohiberentur, sed tamen *Can. 13.* Subdiaconis, Diaconis, Sacerdotibus, non item Episcopis, permisit usum matrimonii cum uxoribus, quas antea duxerant. Huc autem novitati Trullani Patres prædian quærere studuerunt in antiquiori Canone Carthaginensi, in quo tamen nihil tale statutum est; sicuti post Fleurium adinvenit doctissimus Zaccaria in opere *Nuova giustificazione del Celibato sacro* &c. *Diss. 2. c. 2. p. 88.* Canonem hunc nunquam probarunt Romani Pontifices, neque ut probarent, Græci Imperatores aut minis, aut blandi-

tiis, & pollicitacionibus efficere potuerunt, uti ostendit ipse Zaccaria-
Storia Polonica del Celibato Sacro p. 159. & seq.; sed tamen eum pos-
 tea tolerandum putarunt, ut præciderent causam schismatis, ad quod
 Græcorum animi propensiores esse videbantur. Opandum vehementer
 esset, inquit Benedictus XIV. *Const.* 57. n. 26. t. 1. ejus *Bullarii* p. 109.
ed. Romæ seu Ven. 1754., ut Græci in sacris ordinibus constituti, non
 secus ac Latini, castitatem servarent: nihilominus ut eorum Clerici, Sub-
 diaconi, Diaconi, Presbyteri uxores in eorum ministerio retineant, dumma-
 do ante sacros ordines, Virgines, non viduas, neque corruptas duxerint,
Romana non prohibet Ecclesia. Irritum tamen est matrimonium apud Græ-
 cos à Diacono, vel Sacerdote contractum; & Sacerdos, qui uxorem
 habeat antea ductam, per hebdomadam, vel per triduum obstinere se ab
 usu matrimonii debet, antequam ad sacrificium conficiendum accedat
 Benedictus XIV. l. c. n. 28., Clemens VIII. *Const.* 107. §. 5. t. 5. par. 2.
Bullarii p. 73. Pertinet etiam ad hunc locum *Constitutio* 129. ipsius Be-
 nedicti XIV. in cit *Bullar.* t. 1. p. 312., ubi multa sunt de uxoribus
 Cophtorum, qui in sacris ordinibus versantur. Ceterum de Subdiacono-
 rum continentia non eadem semper fuit Ecclesiæ disciplina. Canonēs
 Apostolorum, Justinianus, Epiphanius locis paulo ante indicatis eadem,
 qua ceteros majores clericos, continentix lege obstringunt Subdiaconos;
 verum Hieronymus l. c. tantum Episcopos, Presbyteros, Diaconos, non
 item Subdiaconos memorat, qui matrimonii usu prohiberentur. Idem
 de Subdiaconis est silentium in Decretalibus Siricii, & Innocentii, atque
 in reliquis antiquis monumentis. Primus quoniam Subdiaconos continentix
 legi addixit S. Leo M. *Ep.* 14. c. 4. col. 687. t. 1. *ed. Ballerin.*; verum
 hæc decretalis non ubique obtinuisse videtur. Nam Concilium Turonen-
 se I., quod postea habitum est, *Can.* 2. col. 794. t. 2. *Collect.* Harduini
 clericos Diaconis inferiores continentix lege non obstringit. Concilium
 Aurelianense III. *Can.* 2. col. 1413. *mox laud.* t. 2. continentes vult esse
 Subdiaconos; at Concilium Aurelianense IV. *Can.* 17. col. 1438. ibi.
 tantum Presbyteros, & Diaconos, non item Subdiaconos, quorum nu-
 llam mentionem facit. Romæ, cum Pontificatum teneret Gregorius M.,
 Subdiaconi continentiam servare debebant, atque ipse utitur exemplo Se-
 dis Romanæ l. 1. *Ep.* 44. t. 2. opp. col. 538. *ed. Paris.* 1705., ut Sub-
 diaconos Siculos eadem lege constringat.

(4) Extat ea de re decretum latum à Siricio an. 386. in *Ep.* 1. ad Hi-
 merium Tarracmen. c. 6. & 7. apud Constantium *Ep. Pontific.* Roman.
 col. 629. seq., atque hoc decretum postea confirmavit Innocentius I. *Ep.*
 6. ad Exuper. Tolosan. c. 1. col. 790. seq. apud eundem Constantium.

§. CXXVIII. Votum, quod matrimonium dirimit, solem-
 ne votum est, conjunctum scilicet cum professione, que in
 probata Religione emissæ fuit. Quod votum ab eo distinguitur,

quo quis extra Religionem sese obligavit, quod votum simplex castitatis dicitur (1). Hoc enim minus licitum, non item irritum matrimonium facit (2); uti irritum sunt nuptiæ eorum, qui religiosæ professionis voto, aut sacris ordinibus impediti, ac devincti sunt (3). Sed Religiosa Professio differt ab Ordinibus sacris, quoniam ea solvit etiam matrimonium antea contractum, modo ratum sit, non consummatum (4); verum sacer ordo tantum irritum facit nuptias, quæ post eum conciliatæ sunt (5).

(1) Plerique sentiunt, distinctionem voti *simplicis*, ac *solemnis* Gratiani ætate primum inventam fuisse, deinceps ubique receptam, posteaquam ab eo descripta in Decreto fuit. Ego tibi non graviter, ea vocabala *simplicis*, & *solemnis* et tempestate priusnam usurpári cœpisse; sed certe res ipsa, hoc est distinctio eorum, qui solemniter, & qui minus solemniter castitatem voverant, multo antiquior est. Mitto testimonia Hieronymi, Augustini, cæterorum, quæ Gratianus habet *Can. 21. 22. 41. c. 27. qu. 13. & Can. 2. 4. 5. 9. dist. 27.* & ex quibus intelligimus, jam IV. sæculo aliud fuisse votum, quod irritum, & aliud, quod non irritum nuptias efficiebat. Uniusque voti diversitatem luculentissime mihi quidem videtur proposuisse Siricius P., qui IV. Ecclesiæ sæculo Pontificatu Maximo functus est. Is enim *Ep. 10. c. 1. col. 688.* apud Constantiam *Ep. Roman. Pontific.* primo agit de *Virgine velata jam Christo, quæ integritatem publico testimonio professæ à sacerdote prece fusa benedictionis velamen accepit.* Hic sane locus pertinet ad professionem, quam solemnem dicimus. Pergit continuò Pontifex, de quæ hæc virgine dicit hæc: *sive incestum commiserit furtim, seu volens crimen protegere adultero mariti nomen imposuit, tollens membra Christi, faciens membra meretricis &c.* Sane si hæc velatæ virginis conjunctio incestum & adulterium, si ipsa mulier non uxor, sed meretrix appellatur, manifestum est, ejus nuptias irritas judicari. Hæc de virginibus velatis, quæ publicam, aut solemnem professionem emisserant, Siricius constituit; sed longe aliud habet de virginibus non velatis, quæ scilicet privatim castitatem voverant. Eas quidem penitentie subiecit, quod fidem frugerant, & furtivam vœu earum conjunctionem; sed etiam tamen veri matrimonii, ac nuptiarum nomine appellat. Inquit enim: *Item puella, quæ nondum velata est, sed proposuerit sic nupte, licet non sit in Christo velata, tamen quia proposuit, & in conjugio velata non est, furtivæ nuptiæ appellantur, ex eo quod matrimonii castitatis præceptum non servaverit.* Hic quidem locus uno judicio satis aperte indicat, utrum crimen voti simplicis, & solemnis, quorum alterum minus licitum, alterum vero irritum matrimonium efficit. Ex eodem hoc loco intelligimus, quam graviter errent, qui negant, per quinque priora sæcula

irritas fuisse nuptias illorum, qui solemniter castitatem voverunt. Nam eas Siricius apertissime irritas judicat, & con-venit Innocentius I. Ep. 2. ad Victricium c. 12. col. 754. & seq., quem Innocentii locum Constantius in *Notis*, diligenter expendit.

(2) Cap. 4. & seq. Qui cleric. vel voven. Concilium Tridentinam Sess. 24. Can. 9. de Reform. matrim.

(3) Cap. un. de Vot. in 6.

(4) Cap. 2. de Convers. conjug.

(5) Extrav. un Joannis 22. de Vot.

§. CXXIX. Pertinet etiam ad generalia impedimenta matrimonium antea cum alia muliere, virove contractum, quod impedimentum ligamen dicitur. Nam qui obstringitur vinculo primi matrimonii novis se nuptiis obligare non potest, cum divino jure vetitum sit plures simul habere uxores (1); ideoque apud Christianos novæ nuptiæ conciliari non possunt, nisi primum de conjugis morte certus nuntius allatus sit (2).

(1) Concilium Tridentinum Sess. 24. Can. 2. de Sacram. matrim. & hoc spectat Decretalium titulus de Sponsa duorum.

(2) Cap. 19. de Sponsal.

§. CXXX. Nunc à generalibus impedimentis ad particularia veniamus. Sunt igitur qui non omnes, sed aliquas in specie nuptias inire prohibentur; atque id quinque de causis, quarum prima est cognatio, quæ triplex est, naturalis, legalis, seu civilis, spiritualis. Cognatio naturalis vinculum est personarum, quæ per generationem ab eodem propinquo stipite descendunt. Stipes est ille, à quo procedunt ii, de quorum cognatione quæritur.

§. CXXXI. Distribuitur cognatio in lineas, lineæ in gradus. Linea series est personarum sanguine junctarum; gradus sunt intervalla harum personarum, quibus tanquam punctis linea conficitur, & quibus nescitur, quæ persona stipite propinquior sit. Linea vel recta est, quæ genitores et genitos continet; vel transversa, & obliqua, qua comprehenduntur, qui ex latere conjuncti sunt. Cum hi pari gradu distant à stipite, linea transversa æqualis est; cum distant gradu dispari, nimirum alter altero remotior est, inæqualis di-

citur. Ita fratres & sorores, qui æqualiter à patre distant, itemque horum filii, qui similiter paribus intervallis ab avo sejunguntur, in linea æquali sunt; patruus, & fratris filius in linea inæquali versantur; quoniam alter sursum, alter deorsum fertur, & ille ad communem stipitem propius accedit.

§. CXXXII. Jure civili una, & perpetua regula in omnibus lineis gradus numerantur, scilicet *generata persona gradum adjicit* (1), sive tot gradus, quot generationes sunt. Retinent hanc eandem regulam Sacri Canones in linea recta, nisi quod generationum loco personas usurpant, & ita, quot, dempto stipite, personæ sunt, totidem gradus numerant. Quare filius patri est primo gradu conjunctus, quoniam una hic generatio, sive una dempto stipite, persona est, nepos ab avo distat secundo gradu, quoniam duæ generationes, sive duæ, sublato stipite, personæ sunt. Sed in numerandis gradibus lineæ transversæ, alia est Juris Civilis, & alia Canonici Juris ratio. Nam Jus civile subjicit iisdem legibus & rectum, & transversam lineam; & ideo lateris utriusque generationes numerat.

(1) §. 7. *Instit. de Gradib. cognat.*

§. CXXXIII. At canones tot gradus constituunt, quot personæ in uno tantum latere reperiuntur: & in linea æquali collaterales inter se sunt eo gradu, quo distant a stipite communi, in inæquale eo gradu, quo a stipite remotior distat (1). Nimirum canones ex uno latere ascendant ad stipitem, unde collaterales originem ducunt, atque hic subsistunt; civiles leges descendant etiam ad aliud latus, & in utroque colligunt generationes omnes, quotquot sunt, atque ex singulis singulos gradus efficiunt. Itaque secundum canones etiam cognatio collateralium incipit à primo gradu, in eoque sunt fratres, & sorores, veram hic gradus Juri Civili secundus gradus est. Ecclesiastica illa ratio numerandorum graduum obtinet in matrimoniis, at in hereditatibus adhuc ex jure civili gradus æstimantur (2).

(1) Initio canones in numerandis gradibus lineæ transversæ Juris

Civilis regulam retinuisse, putat Cujacius *ad tit. de Consanguinit. & affinit. opp. t. 6. col. 1084. ed. Mutin. an. 1778.* Veram est sane vetus Ecclesiastica illa regula à civili distincta, eamque discrete memorat Gregorius M., qui certe (utut alia quibusdam sententia sit) aucter est *Ep. 64. ad Augustin. l. 11. opp. t. 2. col. 1150. ed. Paris. 1705.*, quæ descripta est in *Can. 20. c. 35. qu. 2. & 3.* Inquit enim terrenam legem in Romana Republica nuptias consobrinorum permittere; sed ipse vetat has nuptias, tamquam in secunda generatione contractas, atque Angelis matrimonium in tertia, aut quarta generatione permittit. Ergo Gregorio Pontifice consobrini erant in secundo gradu, quæ omnino Juris Canonici regula est, neque ipsis licebat nuptias inter se conciliare. Atque hæc quidem ætate editum iam erat jus Justinianæum, quod nuptias inter consobrinos permittebat *§. 4. Instit. de Nupt.* Non enim assentior iis, qui hæc Institutionem loco adjiciendam putant negantem particulam, quoniam hæc sensum reddidit Theophrastus, qui jus expressit, quod post Justinianum in Oriente inductum est. Ea certe vulgata lectio, quam veteres Interpretes, & Glossa sequuntur, legit *affirmative*; sicut & editiones Halesuarii, Russardi, Comii, Carondæ, Cujacii. Atque hoc quidem jus de nuptiis consobrinorum comprehensum Institutionibus consentaneum est Arcadii, & Honorii constitutioni in *L. 19. C. de Nuptiis*, si integra hæc lex illorum revera est, quod negat Comius *Subsec. lectio. l. 1. c. 9. p. 12. ed. Neap. 1725.*, per quam legem abrogata est antiquior Constitutio Theodosii M., qua vetantur inter consobrinos matrimonia. Sed de civilibus legibus, quæ ad nuptias pertinent consobrinorum, deque illa, quam memoravi, Theodosii constitutione disputant Comius *l. c. l. 2. c. 1. p. 19.*, Jacobus Gothofredus in *Cod. Theodos. Leg. 1. tit. 10. & Leg. 3. tit. 12. l. 3. t. 1. p. 330. & 341. ed. Lipsiæ 1736*, Harprechus in *Instit. l. 1. tit. 10. §. 4.*, Fr. Florens, cujus ea de re pecuniaris disputatio est *de Nuptiis consobrin. prohibet. opp. t. 1. p. 389. ed. Norimbergæ 1756.* Nunc eo redeamus, unde discessimus. Post Gregorium Zacharias Pontifex in *Can. 4. c. 35. qu. 5.* similiter ecclesiastica regula utitur in numerandis gradibus cognationis; denique Alexander II. in *Can. 2. c. 35. qu. 5.* novum, & inauditum vocat errorem illorum, qui germanos fratres, ac sorores in secunda generatione esse asseverant, atque ait, in Lateranensi Concilio diu ventilatis legibus, & sacris canonibus deprehensum fuisse, ob aliam, atque aliam causam alteram legum fieri, alteram canonum computationem. Quæ Alexandri constitutio per se ipsa refutat Van-Espenium sus *Eccles. par. 2. tit. 15. c. 5. n. 10.*, qui Ecclesiasticam illam regulam numerandi gradus sæculo XI. nondum ubique receptam, nec extra questionem fuisse arbitrat. Nam eo, qui unam, eandemque esse agebant juris utriusque regulam, Alexander *legum, & canonum imperitos* vocat, & tacere inquit contra sacros canones, & ecclesiasticum morem, eorumque errorem novum esse, & inauditum. Ex quibus facile intelligitur, jam ea ætate ecclesiasticam illam regulam exploratissimam, ac receptissimam

fuisse. Cum Van-Espen sentit Dominicus Cavallarius *Instit. Jur. Canon.* par. 2. c. 21. §. 8.

(2) *Cit. Can. 2. c. 35. quest. 5.*

§. CXXXIV. Jam vero inter illos, qui in linea recta sunt, sive inter generantes, & genitos, matrimonium esse nunquam potest, quotocumque, vel remotissimo gradu inter se distent. Natura enim ab hujusmodi nuptiis abhorremus, & officia conjugum non bene congruunt cum officiis, quæ liberos parentibus tribuere oportet (1). Sed in linea transversa Jus Canonicum nuptias vetat usque ad quartum gradum, gradu ipso comprehenso (2); Jus Civile ad quartum quoque gradum producit interdictum suum; sed gradum ipsum excludit (3). Itaque Jus Civile nuptias probat consobrinorum, quos collocat in quarto gradu. At Canones improbant has nuptias, non solum quod & quartum gradum interdicto comprehendunt, sed etiam quod revera ipsis consobrini in secundo gradu sunt (4).

(1) Ascendentium, & descendantium nuptias jure ipso naturæ veritas esse ferme inter omnes constat. At in linea transversa tantum jure ecclesiastico interdictas nuptias multi sentiunt; contra vero alii etiam primum gradum lineæ transversæ ad juris naturæ interdictum pertinere arbitrantur, quoniam naturalis pudor nuptias inter sorores, & fratres vetare videtur.

(2) Olim cognationis impedimentum ad septimum usque gradum producebatur *Can. 1. & 19. c. 35. qu. 2.* Nicolaus II. *Decret. 13.* apud Baluzium *Miscellan. sac. t. 2. p. 119. ed. Luca 1761.* Sed cum tam late patens impedimentum sine gravi incommodo observari non posset, Innocentius III. in c. 8. de *Consanguinit.* illud coercuit ad quartum gradum, eoque jure nunc utimur.

(3) §. 4. *Instit. de Nuptiis.*

(4) Vetus est regula canonum de nuptiis inter consobrinos vetitis. Nam eam, præter Gregorium M., cujus paulo ante indicavi locum, memorat etiam Concilium Agathens. an. 566. *Can. 61. t. 5. Concil. Collect. Labbæi col. 531. ed. Ven.*, Turonense II. an. 567. *Can. 21. t. 6. col. 544.*, Gregorius II. *Decret. 8. Concil. apud Pithæum Cod. Canon. Eccles. Roman. p. 300. ed. Paris. 1687.* Atque ea quidem ætate, uti demonstratum supra est, Jus Civile consobrinorum nuptias permittit. Abrogat tamen hoc jus Ecclesia, & ita declarat, jus constituendi dirimentia impedimenta ad se pertinere. Nolo autem hic emittere præclarum Ennodii Ticinensis locum, ex quo patet, jam inde à V. & VI.

sæculo (nam Ennodius obiit an. 521.) omnes de matrimonio, deque cognatione controversias ad Summum Pontificem deferri consuevisse. Ipse enim *Ep. 24. l. 5. in Biblioth. PP. t. 9. p. 345. ed. Lugdun. laquit, Divinis tamen legibus cognationem indiculo comprehensam in matrimonio licere sociari, sine dubitatione noveritis. Sed contra, ad Urbem Romanam homines meos dirigo, exacturus à venerabili Papa super hac parte responsum, ut animum vestrum potioris præcepti firmet auctoritas.*

§. CXXXV. Præter cognationem ex sanguine, etiam civilis, & spiritualis cognatio irritas nuptias facit. Civilem cognationem à Jure civili inventam probarunt, atque acceperunt Canones (1), eaque ex adoptione oritur, triplexque est. Prima diffunditur, per lineam rectam ascendentem, & descendente adoptantis, & adoptati (2); altera obtinet in linea transversa inter adoptatum, & filias legitimas, ac naturales adoptantis sub patria potestate manentes, quod impedimentum tollitur, vel soluta adoptione, vel filio emancipato, quoniam his modis solvitur vinculum, unde impedimentum oriebatur (3). Denique affinitatis similitudine oritur etiam impedimentum nuptiarum inter adoptantem, & uxorem adoptati, similiter inter adoptatum, & uxorem adoptantis (4).

(1) *Can. 1. c. 30. qu. 3., Cap. unic. de Cognat. legal.* Integrum ab Jure civili Ecclesia hoc impedimentum accepit; neque aliquid in eo mutavit; hinc Cujacius in *Tit. Decretalium de Cognat. legal. opp. t. 6. col. 1076. ed. Mutin. 1778.* monet, nunc etiam civilem fraternitatem nuptias dirimere.

(2) §. 2. *Instit. de Duptiis.*

(3) L. 35. *ff. de Rit. nup.*

(4) Leg. 14. *ff. de Rit. nup.*

§. CXXXVI. Spiritualem cognationem parit Baptismus, & Confirmatio (1). Vetus est Ecclesie doctrina, qua veluti pater habebatur, qui aliquem Baptismo donaverat, aut in Christo instituerat, & de sacro fonte susceperat. Sed nullum inde impedimentum initio oriebatur, adeo ut ipsi parentes filios suos de fonte susceperent (2). Lapsu temporum hoc impedimentum inductum est, & late etiam propagatum, adeo ut ad instar consanguinitatis, & adoptio-

nis suscipiens ex sacro fonte, ejusque filii, neque cum ejus cognatis nuptias conciliare possent (3). Verum Tridentini Patres, quod experti didicerant, nimis late patente cognationis spiritualis impedimento sæpe per errorem matrimonia contra jus fieri, quæ nec sine peccato stabant, nec sine offensione dirimebantur, statuerunt, cognationem spiritua-lem tantum comprehendere susipientem, & baptizatum, hujusque patrem, ac matrem itemque baptizantem, & baptizatum, atque hujus patrem, ac matrem, præterea neminem. Quod jus etiam obtinet in confirmatione (4).

(1) Solum Baptismum memorat Justinianus in *Leg. 6. Cod. de Nuptiis*, Concilium Trullanum *Can. 53.* apud Labbæum t. 7. col. 1371. *ed. Ven.* Nicolaus I. in *Can. 1. c. 30. qu. 3.* Verum confirmatione contractam cognationem ponit Concilium Compendiense *an. 757. Can. 12.* apud eundem Labæum t. 8. col. 452., non *Vermieriense*, seu apud *Vermorias*, uti habet Gratianus *Can. 2. c. 30. qu. 1.*, qui quidem Compendiensis Concilii canon extat etiam in Capitularibus Caroli M., & Ludovici Pii l. 5. c. 7. apud Baluzium t. 1. col. 553. *ed. Ven. 1772.* Diserte autem Bonifacius VIII. in c. 1. & ult. de *Cognat. spirit.* in 6. hoc impedimentum memorat. Interim ex iis, quæ mox collegimus, monumentis intelligimus, antiquissimum esse, & multo ante quam in Decretalibus describeretur, ab Ecclesia agnatum, ac probatum spiritualis cognationis impedimentum. Quod etiam ostendit Gregorius II. *Decret. 4.* apud Pitbæum. l. *mox indic.*

(2) S. Augustinus *Ep. 98. ad Bonif. t. 2. col. 266. n. 6. ed. Ven. 1729.*

(3) Consule Gratianum *caus. 30. qu. 3. & 4.*

(4) Concilium Tridentinum *Sess. 24. c. 2. de Reform. matrim.*

§. CXXXVII. Est & alia nuptiarum prohibitio inducta ex maris, & fœminæ conjunctione, per quam dux cognationes copulantur, & inde affinitas oritur (1). Leges civiles tantum ex maritali, canones etiam ex vetita conjunctione affinitatem repetunt (2). Quod affines ab affinibus non generantur, nulli proprie gradus inter eos sunt (3). Verum exemplo cognationis etiam affinitatis gradus recepti sunt, & ideo quo gradu quis est cognatus viro, eodem est affinis uxori, & contra (4). Affinitas orta ex nuptiis matrimonium impedit eo modo, quo cognatio; perpetuo scilicet in linea recta ascendentium, & descendentium, in linea trans-

versa usque ad quartum gradum (5); orta vero ex vetita corporum coniunctione tantum primum, atque alterum gradum comprehendit (6). Contrahit autem affinitatem sola uxor cum viri consanguineis, & solus vir consanguineis uxoris; verum nulla inter utriusque consanguineis affinitas intercedit (7).

(1) Affinitatis impedimentum ecclesiastica lege constitutum initio fere sæculi IV. habes in Concilio Neocæsariensi *Can. 2.* apud cit. Labbæum t. 1. col. 1511. Hujus quoque impedimenti diserta mentio est in *Can. 61.* Concilii Eliberitani, quod habitum est an. 305., apud Labbæum t. 1. col. 999. Itaque vehementer errant, qui hujus impedimenti originem repetunt à Jure Civili, nimirum a *L. 2. Cod. Theodos. de Incest. nupte* apud Gothofredum t. 1. p. 337., quæ quidem lex lata est an. 355.

(2) *Can. 10. cap. 35. quæst. 2., cap. 8. & 10. de eo qui cogn. consanguin. uxor.*

(3) Consule Cujacium *ad tit. de Consanguinit. & Affinit. opp. t. 6. col. 1084. ed. cit.*

(4) *Leg. 10. ff. de Grad. & afin.*

(5) *Cap. 1. de Consanguinitat. & afin.*

(6) Concilium Tridentinum *Sess. 24. c. 4. de Reform. matrim.*

(7) *Cap. 5. eod.* Jus civile vetat etiam conciliari nuptias inter vitricum, & uxorem privigni *Leg. 15. ff. de Rit. nuptiar.*, veram huic legi derogatum est à Jure Canonico in *cap. 8. de Consanguinit. & afin.*, uti ostendit Benedictus XIV. *de Synod. diæces. l. 9. c. 13.* Conter etiam Cujacium in *tit. de Consang. & afin. opp. tit. 6. col. 1085. ed. Mutin. seu Ven. 1778.*

§. CXXXVIII. Tertium particulare impedimentum est publica honestas, hoc est reverentia certis personis debita, quæ facit, ut si quis cum aliqua matrimonium ratum, non consummatum, aut etiam sponsalia contraxit, quæ certa, ac pura, hoc est sine conditione, & valida sint (1), cum consanguineis uxoris usque ad quartum gradum, cum consanguineis sponse usque ad gradum primum, matrimonio jungi vetetur, ac si jungatur, nihil agat (2).

(1) Etiam sponsalia irrita, modo non deesset consensus publicæ honestatis impedimentum parere, Bonifacius VIII. constituit in *cap. unic. de Sponsal. in 6.* Veram Concilium Tridentinum *Sess. 24. de Reform. matrim. cap. 3.* sustulit impedimentum honestatis ex sponsalibus quavis ratione nullis, quam Tridentinam legem tantum ad sponsalia de

futuro pertinere, declaravi. S. Pius V. in *Const. Ad Romanum* 85. in *Bullario ed. Rom. ult. t. 4. part. 3. p. 18.*

(2) Publicæ honestatis impedimentum tanquam recens inventum Hæretici reprehendunt, atque eorum è numero Henricus Brouwerus *de Jure connub. l. 2. cap. 14.* plura de hoc impedimento, præter verum, atque honestum, dicit, atque illud primum à Bonifacio VIII. excogitatum putat. Verum multo ante Bonifacium hujus impedimenti diserta mentio est in *Can. 14. & 15. c. 27. qu. 2.*, quin etiam IV. sæculo Siricius *Ep. 1. ad Himer. c. 4.* apud Constantium *col. 628.* vetat generatim, ne quis alterius sponsam uxorem accipiat; ac plane falsum est, sicuti Juvenius observat, *de Sacram. Dissert. 10. quest. 7. c. 9.*, decretum, quod ex Benedicto Pontifice Brouwerus recitat. Quin impedimentum publicæ honestatis vetus origo est, non obscure expressa in *Jure civili*, uti late ostendi Alexius Symonachus Mazochius *Diatrib. in Can. II. librit. 54. n. 15. & Not. 6. p. 235. & seq. ed. Rom. 1766.* Et sane laudat Vir doctus *L. 12. §. 1. L. 14. ff. de Rit. nup., & §. 9. Instit. ut de Nupt.*, additque præterea Alexii Comneni constitutiones 3. & 4. apud Gothofredum in *Corp. jnr. civ.*, quibus in locis de publica honestate agitur disertissime. Itaque hoc impedimentum in remotissima Ecclesiæ antiquitate fixas habet radices; imò nunc etiam magna ex parte mitigatum est, cum antea quartum gradum comprehenderet, nunc à Synodo Tridentina coercitum si intra primum gradum, si ex sponsalibus, intra quartum, si ex matrimonio rato procedat; tantum abest, ut conqueri Browerus, aliique hæretici possint, inventum hoc impedimentum fuisse ambitu, & cupiditate Summorum Pontificum, ut suam latius jurisdictionem, potestatemque explicarent.

§. CXXXIX. Sequitur impedimentum criminis quod duplex est, adulterium, & homicidium. Adulteram nubere adultero vetat Jus Civile Romanorum (1); quod quidem jus initio etiam Ecclesiæ fuisse videtur (2). Sed nunc adulterium tantum matrimonium dirimit, si adulter, & adultera, vel eorum alter in innocentis uxoris, vel mariti mortem conspiraverint, ut nuptias inter se conciliarent, vel vivo adhuc alterius conjuge, patratum sit a adulterium, ac simul mutuo data futuri matrimonii fides, cum alter alterius nuptias non ignoraret (3). Homicidio quoque dirimitur matrimonium; nam si quis alterius conjugem interfecerit, nuptias inire non potest cum altero conjuge, qui superstes est, modo & ipse in hanc mortem conspiraverit (4).

(1) *Leg. 11. §. 11., & Leg. 40. ff. ad L. Jul. de Adulter., Novel. 234. c. 7. col. 9. tit. 9.*

(2) *Can. 1. c. 31. quest. 1.*, qui canon à Gratiano tribuitur S. Leoni M., sed revera desumptus est ex Concilio Triburiensi anno 895. *Can. 51.* apud Labbæum t. 11. *Concil. col. 653.* Idemque habet Concilium Altheimense apud eundem Gratianum *Can. 3. ibid.* Canon autem 2. *ead. c. & quest.* qui excerptus est ex S. Augustino de *Nupt. & concupiscen. c. 10. opp. t. 13. col. 355. ed. Maurin. Ven. 1768.*, longe aliam, ac ininterpretum vulgus putat, habere significationem, ostendit Sebastianus Eberardus *Gratiani canones &c. part. 3. cap. 19. p. 310. ed. Ven. 1783.* Porro solum adulterium initio irritum fecisse videtur matrimonium; sed Gratianus antiquos canones arctavit iis conditionibus, quas descripsit post cit. *Can. 13.*, si adulter nihil in mortem viri machinatus fuerit, vel si vivente viro fidem adulteræ non dedit, se sumpturum eam sibi in conjugem, si viro ejus superviveret. Jus idem hoc constitutum est in *c. 6. & pen. de Eo qui dux. in matrim. quam polluit per adulter.* Conditiones illas à Gratiano descriptas minime necessarias habuisse videtur Alexander III. in *c. 1. eod.*, uti intelligitur ex eo, quod aitur verbo *maxime*, sed eas ut necessarias agnovit Innocentius III. *ind. c. 6.* Quare simplex adulterium sine conspiratione in conjugis necem, aut sine data matrimonii fide dirimens impedimentum non inducit. Confer Benedicum XIV. in *Constit. Reddita 113. t. 1. ejus Bullar. §. 15. & seq. p. 279. ed. Rom. seu Ven. 1754.*

(3) *Cap. 1. & 7. De eo qui dux. in matrim. quam polluit per adulter.*

(4) *Cap. 1. de Convers. infidel.*

§. CXL. Cultus disparitas matrimonio jungi vetat baptizatos, & non baptizatos. A primis Ecclesiæ sæculis semper interdictæ fuerunt Christianorum nuptiæ cum Judæis, & Infidelibus, quoniam eas contrahere idem videbatur, ac *prostituerere membra Christi cum gentilibus* (1). Verum Christiani, qui tales nuptias conciliabant, tantum violatæ disciplinæ rei erant, poenisque subiciebantur; at nulla Ecclesiæ lex erat, quæ illas infirmaret. Quin talium nuptiarum occurrunt exempla celeberrima, quæ sunt S. Monica, & S. Clotildis, quarum altera Patriciam, altera Clodovæum Francorum Regem, utrumque ethnicum, virum habuit. Postremo consuetudine, ut videtur, inductum, ac lege ecclesiastica sancitum est, ut fidelium conjugia cum infidelibus irrita habeantur (2). Matrimonia Catholicorum cum Hæreticis improbat Ecclesia, sed ea tamen consistunt; quin etiam interdum à Sede Apostolica ex justa causa, certisque adjectis legibus permittuntur (3).

(1) S. Cyprianus de *Laps. p. 88. ed. Amstelæd. 1700.* Vide etiam

Concilium Eliberitanum Can. 15. 16. 17. 26. 332. t. 1. ; Chalcedonense Can. 14. col. 627. ; Agathense Can. 67. col. 1285. t. 1. Collect. Harlani, & Gratianum tot. c. 28. q. 1. Neque cum infidelibus soram; sed etiam cum hæreticis Catholicorum matrimonia damna Aobrosius in Can. 15. c. 28. q. 1. Synodus Agathensis in Can. 16. l. c. niseri veteri concubia cum hæreticis: nisi profiteantur, Christianos esse futuros, & catholicos. Jus Græcorum in his matrimoniis constitutum explicat Synodus Trullana Can. 72., quæ in locum vide Balsamonem, & Leontium apud Beveregium Pandect. Canon. t. 1. p. 241. 529. ed. Oxon. 1672.

(1) In sacris literis nihil est, ex quo necessario interri debeat, jure divino, ac præcepto positivo vetita esse fidelium cum infidelibus matrimonii; sedulus subversionis periculo, quia tunc quilibet omni jure hujusmodi conjugium intrare prohiberetur. S. Augustinus lib. de Fid. & oper. c. 19. opp. t. 11. col. 550. ed. Maurin. Ven. 1767 S. Cyprianum inter malos Christianorum mores recensere testatur jungere cum infidelibus vinculum matrimonii, quod nihil aliud esse asserbat, quam prostitueri gentilibus membra Christi; quæ nostris temporibus, pergit ipse Augustinus, jam non putantur esse peccata, quoniam revera in novo testamento nihil inde præceptum est; & ideo aut licere creditum est, aut velut dubium dorectum. Quod etiam confirmat de Conjug. adulterin. l. 1. c. 25. tom. 8. col. 1746. Non enim, inquit, tempore testamenti revelati novi, in Evangelio, vel ullis Apostolicis literis sine ambiguitate declaratum esse recolo, utrum Dominus prohibuerit fideles cum Infidelibus jungi. Itaque hoc impedimentum ex vetusta consuetudine, ac lege Ecclesiæ videtur repetendum. Consule Tournelyum Prælect. theol. de Sacram. matrimon. q. 2. art. 2., & Juvenium de Sacram. diss. 10. q. 7. c. 6. art. 2.

(3) Late ea de re agit Benedictus XIV. in Const. Matrimonia. 34. tom. 1. ejus Bullar. p. 53., & in Constit. Magne 51. t. 2. p. 247. ed. Rom. seu Ven. 1754., ubi etiam antiquiores Summorum Pontificum constitutiones indicantur.

§. CXLI. Caput alterum impedimentorum, uti supra diximus, error est. Non omnis error, qui in nuptiarum contractum incidit, eas irrita facit, sed ille, qui personæ dicitur, cum videlicet is, cum quo contrahitur, alius revera est ab eo, qui creditur (1). Quod naturali rationi consentaneum est, cum in id, quod ignorat, consentire nemo possit. Error, qui dicitur fortune, aut qualitatæ, nihil officit, cum non pertineat ad vim intimam, sive ad substantiam contractus (2); nisi error qualitatæ in personam redundet (3). Itaque valent nuptiæ; cum quis uxorem accepit inopem, ignobilem, inelegantem, quam divitem, nobilem, elegantem putabat.

- (1) *Tot. caus. 29. quest. 1.*
 (2) *Cap. 26. de Sponsal. & matrim., L. 9. ff. de Contrah. empt.*
 (3) *Confer S. Thomam in 4. Senten. dist. 39. & 30. quest. 1. art. 2.*
ad 5.

§. CXLII. Sed & ignorata quoque servilis conditio nuptiis impedimento est; ideo non valet matrimonium ab homine libero contractum cum ancilla, quæ libera habebatur (1). Civiles Leges nullas servorum nuptias, sed tantum contubernia agnoverunt (2); & canones initio desiderasse videntur consensum dominorum, ut nuptiæ illæ ratæ firmæ haberentur (3). Sed nunc valent matrimonia servorum, etiam invitis dominis contracta (4); & valet etiam matrimonium liberi hominis cum ancilla, modo ipse ejus servitutem non ignoraverit (5).

- (1) *Cap. ult. de Conj. servor.*
 (2) *Leg. 3. C. de Incest. & inutil nupt. Consule Harpecthum, & ceteros interpretes in tit. Inst. de Nupt.*
 (3) *Can. 8. c. 29. qu. 2.*
 (4) *Cap. 1. de Conj. servor.*
 (5) *Can. 2. 4. & seq. c. 29. qu. 2., Cap. 2. de Conj. serv. Van-Spenius, ejus mira in figendis epochis confidentia est cum pari rerum ignoracione conjuncta Jus eccles. par. 2. tit. 13. c. 3. n. 9. affirmare non dubitat, Gratianum nixum falso Decreto Julii Pontificis in Can. 1. c. 29. qu. 2. primum adhibuisse distinctionem inter scienter, & ignoranter cum personis servilis conditionis contrahentes, eam accepisse Summos Pontifices, cum ea de re Decretales ediderunt, atque ita inductum fuisse hoc impedimentum restrictum ad casum, quo circa conditionem servilem error intervenisse probatur. Sed ut paucis me expediam, atque hominis errorem patefaciam, dabo Concilia duo, quæ multo antiquiora Gratiano sunt, scilicet Vermeriense, quod anno 752., & Compendiense, quod an. 757. habitum est. Daobus his Conciliis proponitur disertissime ea distinctio, quam Van-Spenius à Gratiano excogitatum putat. En Vermeriensis Concilii verba Can. 13. apud Labbæum t. 8. Concil. col. 408. Qui scit uxorem suam ancillam esse, & accepit eam voluntarie, semper postea permaneat cum ea. Clariora sunt etiam Compendiensis Concilii verba Can. 5. col. 451. ibid. Si Francus homo accepit mulierem, & sperat quod ingenua sit, & postea invenit, quod non est ingenua, dimittat eam, si vult, & accipiat aliam. Similiter si femina ingenua, & sciebat tunc quod servus erat, habeat interim quo vivit. Una lex est viris, & feminis. Hæc ac disertissime propositum, explicatumque discrimen inter scienter, & ignoranter cum personis servilis conditionis contrahentes. Eadem jurispruden-*

tia est in Capitularibus Regum Francorum *l. 5. c. 20. t. 1. col. 554. ed. Balutii Ven. 1772.*, eadem apud Burchardum *l. 9. c. 27.*, & eadem apud Ivonem *par. 8. c. 52. & 165.* Vides igitur Van-Espenii errorem; sed & aliis similibus, atque gravioribus refertum est indigestum illud opus, quod equidem non intelligo, quomodo à quibusdam tanopere laudari possit.

§. CXLIII. Postremum caput impedimentorum pertinet ad formam, atque rationem, qua nuptiæ conciliantur. Principio nullum est matrimonium, quod vi adhibita, illatoque metu contractum fuit; cum omnem consensus libertatem postulet nuptialis consociatio, quæ semel rite inita amplius dissolvi non potest. Verum ut vis, indeque ortus metus irritum matrimonium faciat, debet esse gravis, & quo vir fortis & constans afficiatur (1); præterea ab homine injuste illatus esse debet, quia si quem Judex metu poenarum cogat nubere puellæ, cui stuprum intulit, justus hic metus est à legis imperio procedens, & ideo nuptiæ consistunt (2). Est autem Judicis metum expendere, gravis ne sit, an levis, & inanis (3); ac sæpe novo, liberoque consensu convalescit matrimonium, quod irritum metus facerat (4).

(1) *Cap. 6. 15. & 28. de Sponsal., Cap. 2. de Eo qui dux. in matrim. quam pol. per adulter.*

(2) *Cap. 1. de Adulter. & stupr., Cap. 10. de Sponsal. & matrim.*

(3) *Consule Fagnanum in c. Consultationi de Sponsal. num. 12.*

(4) *Cap. 21. de Sponsa. & matrim. Vide etiam Fagnanum inc. Is qui 30. de Sponsal. n. 14., ubi habes ea de re etiam à S. Pio V. declarationem.*

§. CXLIV. Eadem est causa raptus, qui vetat consistere matrimonium, quod inter raptorem, & raptam contractum fuit. Mulier enim per vim abducta, ac raptoris imperio, aspectuque truci perterrita non videtur sponte in nuptias consentire. Atque antiquis quidem legibus nunquam ipsa raptori matrimonio conjungi poterat (1), sed nunc potest: si à raptore separata, atque in loco tuto constituta libere assentiatur, quia procul est metus, qui suum mulieri arbitrium, & liberam voluntatem adimebat (2).

(1) *Can. 11. c. 36. qu. 2. Vide etiam Codicem Theodosianum l. 9.*

tit. 24. de Raptu virgin. vel viduar., L. 1. & L. unic. C. l. Justinian. cod. tit., & Capitularia Regum Franc. l. 9. c. 96. t. 1. ed. 62. et B. luzzii Ven. 1752. Concilium Chalcedonense Can. 27. t. 4. Concil. Concet. Labbæi col. 1691. ed. Ven. *Eas, qui nomine conjugii mulieres rapiunt, operam ferunt, ac consentiunt iis, qui rapiunt, si sit quidem eiendi proprio gradu excidere jubet; si autem laici anathematizant.*

(2) Concilium Tridentinum Sess. 24. c. 6. de Reform. matrim., Cap. 7. de Raptor. Certum porro est raptum violenter purum d'fina impedimentum inducere; sed non ita exploratum omnibus est, an non laici impedimentum oriatur etiam ex raptu seductionis, ut vocant, cum scilicet mulier dolo, aut illecebris decepta est. Afferunt Toarnelyas. *Praelect. Theolog. de Sacram. matrim. qu. 8. art. 1., Collectas Inst. theol. t. 9. tract. de Matrim. c. 7. §. 2.,* & alii praesertim ex Galacis scriptoribus; sed alii tamen negunt, & horum opinionem commatorem vocat Giraldus *Exposit. Jur. Pontific. par. 1. sect. 84c. p. 666.* Illud animadverti oportet, raptum, qui paratus est non tantum consentiente, sed etiam perculante, & suadente puella, impedimento non esse, quominus raptor cum ea contrahat matrimonium, sicut à Ste. Congregatione Concilii responsum fuisse testatur Giraldus *l. c. §. par. 2. sect. 123. p. 999.*

§. CXLV. Turpes, & inique conditiones faciunt irritum matrimonium, modo ejus bono adversentur. Ita si qui nubat adjecta lege, ut mulier suum corpus in questum conferat, ut partum abigat, ut matrimonium dissolvatur, faciunt hae conditiones ut nulla vis matrimonii sit (1). Ceterae conditiones, licet turpes, & inique sint, modo cum matrimonio bono non pugnent, haud illud vitiant, sed potius ipsae vitiantur, ac despiciuntur, quasi adjectae non fuerint (2).

(1) Cap. 7. de Condit. apposit.

(2) Cap. 1. cod.

§. CXVI. Denique irritum est matrimonium non contractum *in facie Ecclesiae*, quod clandestinum dicitur. Hujusmodi matrimonia etiam ante Synodum Tridentinam prohibuit Ecclesiae, quae semper exegit praesentiam Parochi, ac testium, sed ea pridem subiciebat poenis, non item infirmabat (1). Concilium Tridentinum cum adverteret ad damna gravissima, quae ex his matrimoniis oriebantur, ea irrita declaravit (2); & ideo nunc nuptiae non valent, nisi coram proprio Parocho, aut alio vel ejus, vel Episcopi mandato

Sacerdote, ac duobus, tribusve testibus concilientur (3). Quod non pertinet ad eas regiones, in quibus Tridentinum Concilium receptum non est; nam ibi adhuc valent clandestina matrimonia, nisi quis tantum ut clam nuberet, eo se contulerit, relicto loco, in quo Tridentina lex obtinebat (4). Quod attinet ad ea matrimonia, quæ temere sunt contracta, omis- sis tribus denunciationibus (5), ea verita quidem, & minus honesta, non tamen irrita sunt.

(1) Disputat ea de re accurate, & copiose Benedictus XIV. *de Synod. Dioces. l. 8. c. 12.*

(2) Concilium Tridentinum *Sess. 24. de Reform. matrim. c. 1.* Con- sulte Pallavicinium *Histor. Conc. Trident. l. 22. c. 4. & l. 23. c. 9.*, ubi accurate explicatum habes, quam diligenter expensa sint omnia, ante- quam illud evulgaretur decretum, quo clandestina matrimonia irrita de- clarata sunt.

(3) Modo autem Parochus præsens sit, atque id, quod agitur, intel- ligat, matrimonium valet, etiam si casu repertus, aut aliam ob causam vocatus sit. Vide Benedictum XIV. *de Synod. Dioces. l. 13. c. 23.*, ubi & alia multa habes, quæ ad hanc rem pertinent. Confer etiam Schmalz- grueber *Jus eccles. univers. l. 4. tit. 3. §. 3.* ubi etiam late ostenditur, qualis, & quomodo Parochus præsens esse debeat. Similiter necesse non est, quod testes expresse sint vocati, ut præsentem matrimonio sint; sed etiam testes casu reperti, apti & idonei sunt. Consule Schmalzgrueber. *l. c. §. 5. n. 234. & seq.*

(4) Vide Benedictum XIV. *l. c. l. 13. c. 4. n. 10.*, ubi habes de- cla- rationem ea de re editam à Sac. Congregatione Concilii, quam Urbanus VIII. confirmavit.

(5) Vetus est lex Ecclesie confirmata à Synodo Tridentina *Sess. 24. c. 1. de Reform. matrim.*, per quam omnium matrimonia, antequam con- jungantur, tribus continuis diebus festis in Ecclesia publicè inter Mi- sarum solemnia nuntianda sunt, ut ita, si quod forte late, inopertum detegatur. Concilium Lateranense in *Cap. 3. de Clandest. desponsat.* hæc edicta, sive denunciationes repetit ex speciali declaratione, & con- suetudine, quam ubique servandam esse constituit. Concilium in *Cap. 27. de Sponsal.* & in *Cap. 3. de Clandest. desponsat.* *cap. 1. c. 6. col. 1041. & 1055. ed. Mutin. 1778.* præsertim apud Germaniam, huiusmodi consuetudinem viguisse tradit, sed eadem revera & in aliis locis obtine- bat. Nam illas in Papensi Ecclesia adhibere testatur Gualtero *lib. 17. c. 20. Bannis de Sponsal.*, & in Africa et in insulas fuisse, ex Tertuliano monet Bohemerus *ad c. 3. n. 21. de Clandest. desponsat.* Quod ad primævam apostolorum institutionem eam semper fuisse disciplinam, ut ap- plicaretur non clam, sed publice in facie Ecclesie, coram testibus, & de Epis-

copi sententia conciliarentur, facile colligitur ex S. Ignatio Ep. ad Polycarpum n. 5. apud Cotelerium PP. *Apostolic.* t. 2. p. 41. ed. cit., & Tertulliano l. 2. ad Uxor. n. 8., & de Pudicit. n. 4. p. 171. 557. ed. Ven. 1744. Eadem est disciplina in Can. 2. c. 30. qu. 5., quem canonem exemplo Burchardi, & Ivonis Hornisdæ P. falsæ Gratianus adscribit; eadem in Capitularibus Regum Francorum l. 6. cap. 133. & l. 7. c. 179. t. 1. col. 632. & 709. ed. Baluzii Ven. 1772., & in canonibus Isaac Episcopi Lingouensis. tit. 5. c. 6. apud Labbæum t. 10. Concil. Col. 46. ed. Ven. Quanta vero sit harum denunciationum utilitas, ipsi etiam Protestantes noverunt, qui eas suis legibus pluries confirmarunt, uti ostendunt Menckenius de Omiss. proclamat, sacerdotali thes. 1., & Bohemus Jur. Parochial. sect. 4. c. 3. §. 2.

SECTIO X.

DE IMPEDIMENTIS IMPEDIENTIBUS.

CXLVII. Antiqua impedimenta impedientia plura numero. CXLVIII. Hodie quæ sint?

§. CXLVII.

Impedimenta impedientia esse dicimus, quæ contractum matrimonium non dirimunt, sed tantum contrahendum impediunt. Sunt igitur cum his impedimentis minus laudabiles, & minus honestæ nuptiæ, irritæ vero non sunt. Magnus olim horum impedimentorum numerus. Nam reus graviore criminis, & qui publicam agebat pœnitentiam à nuptiis arcebat (1); nec puellæ nuberet poterat, qui eam ad christianam religionem instituerat, qui patrinus catechismi dicebatur.

(1) Can. 5. 12. & seq. c. 33. qu. 2., Cap. de Pœnitent. & remiss.

§. CXLVIII. Nunc impedimentis impedientibus irretiti sunt sponsi, qui cum sibi futuras nuptias promiserunt, nequeunt fidem fallere, & cum alio, aliave inire matrimonium; filifamilias, qui sine parentum consensu nubere prohibentur (1); obstricti vòto simplici castitatis, quale est votum extra sacros ordines, aut extra religiosam professionem emissum; ignorantes elementa christianæ religionis (2); catholici conjungentes nuptias cum hæreticis (3); nubentes omis-

denunciationibus; aut extra tempus permissum, hoc est à prima Dominica Adventus usque ad diem Epiphaniæ, & à feria quarta Cinerum usque in octavam Paschatis *inclusive*, ut ajunt, quo toto temporis cursu publicæ, ac solennes nuptiæ interdictæ sunt (4); vetiti à Summo Pontifice (5), vel ab Episcopo, aut Parocho certas inire nuptias ob latens impedimentum, quod subesse creditur, donec ejus suspicio removeatur (6).

(1) Concilium Tridentinum *Sess. 24. de Reform. matrim. c. 1.* Qua in re Jus Canonicum abrogat Jus Civile, quod parentum consensum necessarium statuit ad vim matrimonii *Inst. de Nupt. in princ. L. 2. 10. 11. ff. de Rit. nupt. L. 7. 12. 20. Cod. de Nupt.* Sed obstat locus Pauli IC. *Recept. senten. l. 2. tit. 19. n. 2;* qui etiam ex Jure civili valere inquit matrimonia, quæ à filiisfamilias sine parentum consensu contracta sunt. De hoc Pauli loco multæ sunt doctorum virorum Cujacii, Gonnolredi, Viunli, Grotii interpretationes, quas vide apud Antonium Schultingium *ad euml. loc. n. 6. Jurisprud. vet. ante Justinian. t. 1. p. 300. ed. Lips. 1737.* & Alexium Symmachum Mazochium in *Dissert. Muscettulæ de Sponsal. & matrim. dub. 1. not. §. p. 21. ed. Romæ 1766.* Ecclesia autem, cujus tantum ea in re leges sequi debemus, hæc quidem matrimonia inita à filiisfamilias contra reverentiam, qua eos prosequi decet parentes suos, semper dæstata est, sed ea tamen rata firma habet. Multi putant, Gallos eo jure uti, ut apud ipsos parentum dissensus impedimentum dirimens inducat. At longe alia Gallis plerisque mens est, ex quorum sententia defectus patris consensus secundum mentem Regum Christianissimorum non attingit contractus substantiam, sed tantum effectus civiles, uti ex Jueninio tradit Mazochius *l. c. not. 12. p. 30.* Argumentum hoc late, & diligenter pertractavit Francisus Maria Muscettula peculiari dissertatione, *De Sponsalibus, & matrimoniis, quæ à filiisfamilias contrahuntur parentibus insciis, vel jure initis*, quam dissertationem Alexius Symmachus Mazochius doctis, copiosisque notis illustravit.

(2) Consule Rituale Romanum *tit. de Matrim., 8.* Carolum Borromeum in *Concil. Provinc. Mediolanen. V. part. 3. act. Eccl. Mediol. part. 1. p. 287.*, Benedictum XIV. *Const. Etri minime 42. §. 11. t. 1. ejus Bullar. p. 68. ed. Rom. seu Ven. 1754. & de Synod. dioces. l. 8. c. 14.*

(3) Concilium Laodicenum *Can. 16. t. 1. Collect. Haradani col. 784. Can. 16. c. 28. qu. 1., Cap. 14. de Hæret. in 6. Benedictus XIV. Const. Matrimonis 34. §. 3. t. 1. ejus Bullar. p. 53. cit. ed.* Quæmadmodum autem, & quibus legibus interdum à Sede Apostolica catholicarum cum hæreticis matrimonia permittantur, late explicat Benedictus XIV. *cit. Const. 34. & Const. Magnæ nobis 51. p. 247. t. 2.* Confer etiam eundem

Benedictum XIV. *de Synod. Dioces. l. 6. c. 5. 6. & 7.*, ubi de matrimoniis, quæ inter catholicos, & hæreticos contrahuntur, late disseritur.

(4) *Can. 8. & 11. c. 33. qu. 4. Concilium Tridentinum Sess. 24. de Reform. matrim. c. 10.* Vide etiam Fulgentium Ferrandum in *Breviar. Canon. n. 210.*, & Crisocolum in *Breviar. Canon. c. 188.* utramque apud Pithecam *Cod. Canon. Eccles. Roman. p. 513. & 322.* Multiplex autem erat olim hoc tempus, quo publicæ, ac solennes nuptias inire non licebat, uti patet ex *Can. 10. & qu. cit.*, quem canonem Gratianus tribuit Concilio Salagonstadiensi *Can. 3. apud Labbeum t. 11. col. 1131. ed. Ves.* Sed nunc a Concilio Tridentino ita, uti diximus, arcuatum est. Hoc autem tempore tantum publicas, ac solennes nuptias vœtas, non iter vœtam esse matrimonium, quod sine solemnitate conjungitur, omnes plerique sentiunt. Quare non datur sollemnis benedictio, neque item celebratur missa pro sponso, & sponsa, in qua eadem benedictio tribuitur, neque sponsa sollemniter in viri domum traducitur, neque demum ceteræ sollemnitates peraguntur. Confer Cabassutium *Jur. Canon. theor. & prax. l. 3. c. 20. n. 8.* & Benedictum XIV. *Inst. eccles. 80. n. 3. seq.*

(5) Summus Pontifex, cum matrimonium vetat, etiam clausulas adjungere potest, per quas irritum fiat, si contrahatur *Cap. 4. de Spons. duor. Episcopi*, & Parocci interdictum tantum impediens impedimentum inducit, donec in latens malum, & impedimentum inquiratur.

(6) *Cap. ult. de Clandestin. desponsat. Cap. 1. & 3. de Matrim. contract. contr. interdict. eccles.*

SECTIO XI.

DE DIVORTIIS.

CXLIX. Quid divortium, & repudium? CLII. & CLIII. Quibus de causis tori separatio fiat?

CL. Quomodo solvatur matrimonium consummatum? CLIV. & CLV. Quomodo, & quibus sollemnitatibus experientia sit?

CLI. Quomodo ratum?

§. CXLIX.

Matrimonium interdum solvi contingit, idque duobus modis, vel quoad ipsum vinculum, quo conjuges obstricti tenentur, vel tantum quoad torum, & mutuam habitationem. Jure Romano ipsa vinculi solutio divortium dicitur, & hoc facit potestatem novas inveniendi nuptias, cum prius solvantur. Differt divortium à repudio, quod hoc &

in uxorem, & in sponsam cadit, illud tantum in uxorem: quoniam non recte dicitur sponsa divertere, cum divortium ex eo dicatur, quod in diversas partes eunt, qui discedunt (1). Jure Canonico & ipsa vinculi nuptialis solutio, & separatio tori, atque habitationis, quæ fit, integro vinculo, divortium appellatur.

(1) *Leg. 101. ff. de Verb. significat.* Consule Philippum Vicat. *Vocabular. jur. verb. Divortium.*

§. CL. Nuptiale vinculum difficilius solvitur si consummatum, facilius, si nondum consummatum matrimonium sit. Consummati matrimonii vinculum solvit mors naturalis conjugis, quo vita functo alias nuptias inire licet (1), & conversio conjugis infidelis; si nimirum alter adhuc infidelis sit, atque ab illo discedat, aut ejus mora injuriam religioni afferat, ac peccandi occasionem præbeat (2). Quod si conjugi, qui Christi fidem amplexus est, molestus non sit infidelis, divortium fidei non conceditur, ut nimirum alter alterius salutem procuret. Separato autem conjugio per Christianam Religionem ab altero susceptam, si deinceps etiam infidelis Christianus fiat, antequam alter novas nuptias conciliet matrimonium redintegratur (3). Verum matrimonii vinculum non solvitur, si duo fideles conjugio juncti sint, atque alter eorum à fide discedat (4).

(1)* Apostolus I. *ad Corinth. VII. 39.* Non defuerunt hæretici Montanistæ, atque alii, qui contra Ecclesiæ doctrinam secundas nuptias vetitas dixerunt. Confer Juennium *de Sacram. diss. 10. qu. 4. c. 1. art. 2.*

(2) Apostolus I. *ad Corinth. VII. 13. & seq.*, *Cap. 4. & seq. c. 20. qu. 1.*, *Cap. 7. de Divort.* Monendus est autem conjux infidelis; nam & ipse Christi Religionem amplecti velit, antequam hoc matrimonium dissolutum habeatur. Consule, qui ea de re copiose disputat, Benedictum XIV. *de Synod. dioces. l. 13. c. 21. n. 2. & seq.*

(3) *Cap. 8. de Divort.*

(4) *Cap. 7. eod.*

§. CLI. Ratum matrimonium, præter alterius obitum, & infidelis conjugis conversionem, solvitur etiam auctoritate Summi Pontificis, qui ea tamen uti non solet, nisi

causa cognita (1), & Religionis professione. Nam ut conjuges de meliori proposito deliberent, postquam matrimonium contraxerunt, non eo statim uti coguntur, sed habent duos menses; à quo temporis intervallo si eorum alter Religionem ingrediatur, in eaque professionem emittat, ita solvitur matrimonium, ut conjugum relicto suo libitu liceat alias nuptias conciliare. (2).

(1) Confer Benedictum XIV. l. c. n. 4.; & vide etiam ipsius Constitutionem Dei miseratione 33. §. 15. t. 1. ejus Bullar. p. 52. cit. ed., ubi declaratur, quomodo, & quo ritu matrimonium ratum à Sede Apostolica dissolvatur.

(2) Cap. 2. 7. 14. de *Convers. conjug.* Concilium Tridentinum Sess. 24. Can. 6. de *Matrim.* Tridentinum hunc canonem, & Pontificias illas leges, quibus statutum est, matrimonium ratum, non consummatum dissolvat per solemnem Religionis professionem, carpere ausus est Petrus Suavis, sive Paulus Sarpheus, aut Marcus Antonius de Dominis, quisquis sit auctor historiæ Concilii Tridentini. Sed omnia hujus scriptoris commenta, & sophismata, præter ceteros, solide, graviterque refutavit Carolus Blaschus. *Diatrib.* 4. p. 205. seq. Vide etiam Torarnelyum *Prælect. theol. de Sacram. matrim.* qu. 5. art. 2.

§. CLII. Tori, seu habitationis separatio minorem quoque habet difficultatem; quoniam & mutuo consensu conjugum, & altero invito fieri potest. Mutuo consensu fit, cum uterque conjux castitatem vovet, aut approbatam Religionem profitetur (1). Altero autem invito plures sunt divortii causæ; nimirum si alter conjugum in hæresim, aut in idolatriam prolabatur (2); si ea conjunctio peccatum parere, aut disjunctio emendationem afferre possit (3); si gravem in uxorem sævitiam maritus adhibeat (4); si alter conjugum adulterium; aut infandæ veneris scelus commiserit (5).

(1) Cap. 1. & 4. de *Convers. conjug.* Quia in re illud decet animadvertere, non cogi uxorem religiosam professionem emittere, cum in ea iuratum est, ut sine suspitione in communi hominum societate versari possit, modo extra religionem castitatem voveat, cogi autem omnino, cum florens ætas facit hunc suspitioni locum.

(2) Cap. 2. 6. 7. de *Divort.*, Can. 5. c. 28. qu. 1.

(3) Cap. 2. de *Divort.*, Cap. 3. de *Adulter.*

(4) *Cap. 8. & 13. de Restit. spoliat., Can. 6. c. 31. qu. 1.* Verum si maritus caveat de non vexanda uxore, neque tanta sit ejus sævitia, ut non satis caveri posse videatur, eam ob causam tori separatio non conceditur.

(5) Quin debet maritus uxorem adulteram, nisi pœnitentiam agerit, ab se remove Can. 4. & 6. c. 32. qu. 1., sed post actam pœnitentiam eam recipere potest *Can. 7. eod., Cap. 3. de Adulter.* Vide etiam Hermann Pastorem l. 2. *Mandat. 4.* apud Cotelerium PP. *Apostolic. t. 1. p. 87. ed. Amstelæd. 1724.*

§. CLIII. Verum propter adulterium separatio non permittitur, si mulier invita fuerit compressa (1); aut vir deceptus, quod aliam mulierem uxorem putaverit (2); vel si uterque conjux ejusdem criminis reus sit (3); vel si vir aut opera, aut hortatu causa adulterii fuerit (4), vel si crimen remiserit uxori, cum qua concubuerit, licet ejus culpam non ignoraret (5).

(1) *Can. 3. c. 32. qu. 9.*

(2) *Can. 6. c. 34. qu. 1. ibique Glossæ.*

(3) *Cap. 6. & 7. de Adulter.*

(4) *Cap. 6. de Eo qui cognov. consanguin. uxor.*

(5) *Can. 4. c. 32. qu. 1.*

§. CLIV. Quæcumque autem fuerit causa, non proprio arbitrio, sed re primum diligenter cognita, & ecclesiastici judicis sententia conjuges separantur (1). Quod faciendum in primis est, cum agitur de vinculo matrimonii, quod non facile, nec temere dirimendum est. Quare ob impedimentum dirimens matrimonium solutum haberi non potest, nisi primum ea de re sedulo quæsierit Judex Ecclesiasticus (2), atque edita sententia solutum declaraverit.

(1) Confer. *Benedictum XIV. de Synod. diæces. l. 9. c. 9. n. 4.*

(2) Conc. Tridentinum *Sess. 24. c. 20. de Reform. matrimoniales causas Episcopi judicio commisit, Prælati inferioribus generatim exclusis.* Hæc Benedictus XIV. causas matrimoniales eorum, qui subsunt Capitulo Veronensi, non ab ipso Capitulo, sed ab Episcopo Veronensi judicandas esse decrevit in *Constitut. Regis Pacifici 59 §. 29. t. 4. Bullarii sui p. 265. ed. Romæ seu Ven. 1758.,* quemadmodum & similes causas non ab Abbate Cryptæ Ferratæ loci Ordinario, sed ab Episcopo Tusculano cognosci voluit in *Constitut. Inter multa 33. §. Tertium l. 2. p. 170.*

§. CLV. Quod iudicium certo ritu expediendum est, ne quid in re gravissima inconsiderate, ac negligenter fiat. Nimirum in omnibus his controversiis publicis matrimonii Defensor esse debet, sive uterque conjux, sive alter tantum solutionem postulet, eoque citato gerenda sunt omnia, ut iudicium valeat. Si Iudex ratum firmum habendum esse definiverit matrimonium, neque quis ab ea sententia appellaverit, etiam matrimonii Defensor abstinere se a iudicii progressu debet; verumtamen ejus est provocare ad Judicem superiorein, cum sententia contra vim matrimonii lata est. Altera sententia si matrimonium similiter irritum declaretur, necesse non est longiori iudicio experiri, & tunc eo finito conjuges, qui interim, dum fervebat iudicium, novas nuptias inire prohibebantur, ad eas transire libere possunt. Semper tamen integrum est, etiam postquam duabus sententiis infirmatum est matrimonium, redintegrare iudicium, quoniam he sententiæ vim nunquam accipiunt rei judicatæ (1).

(1) Cuncta hæc, quæ pertinent ad cognoscendas causas matrimoniales, earumque judicia expedienda, accurate, lateque explicantur à Benedicto XIV. in *Constit. Dei interatione* 23. t. 1. ejus *Bullarii* p. 49. ed. Romæ seu Ven. 1758.; quam constitutionem ipse Benedictus memorat in *Const. Si datam* 47. t. 2. *Bullarii* p. 236. & in *Constit. Etsi matrimonialis* 51. t. 4. p. 213.

TITULUS III.

DE INDULGENTIIS ET REMISSIONIBUS.

- | | |
|--|---|
| I. Indulgentiarum fons, & effectus. | tas penes Ecclesiam. |
| II. Indulgentiæ plenariæ, vel partiales. | IV. Variæ earum species. |
| III. Earum concedendarum potestas. | V. Earundem finis. |
| | VI. Indulgentiæ pro vivis, & defunctis. |

§. I.

Habet Ecclesia thesaurum inexhaustum conflatum ex infinitis Christi meritis, Sanctorumque satisfactionibus (1), unde depromit Indulgentias, quibus remittit pœnas tempo-

rales, quas pœnitentes subire, & quibus sua scelera expiare debent. Sacramentalis absolutio veniam peccati tribuit, Indulgentiæ reum criminis liberant à pœnis temporalibus, in quas æternæ vi sacramenti commutantur (2). Utraque potestas à Christo data Ecclesiæ est (3), & ea usus Apostolus veniam peccati dedit, & pœna solvit Corinthium, quem prius ab Ecclesia eiecerat (4).

(1) *Extravag. 2. de Pœnit. & remission. int. Communes.* Vide etiam Benedictum XIV. in *Constit. Peregrinantes* 17. §. 4. t. 3. ejus *Bullarii* p. 75.

(2) Non desunt Theologi, qui per indulgentias tolli posse peccata venialia, etiam quoad culpam existimant, sed hæc valde dubia sententia est, neque sanæ theologiæ rationibus convenit, quod ostendunt *Pas-serinus de Indulgent. quæst. 7. n. 82.* & Theodorus à Spiritu S. *cod. tract. t. 1. c. 5. §. 1.* Hinc si quæ occurrunt indulgentiarum formulæ, quibus quis à culpa, & à pœna liberari dicitur, eæ vel falsæ haberi debeant, uti monet Benedictus XIV. de *Synod. diocess. l. 13. c. 18. n. 7.* vel tribuenda sunt eleemosynariis quæstoribus, quos increpat Clemens V. in *Clem. 2. de Pœnitent. & remiss.* Si quæ autem reperiuntur indulgentiæ, in quibus ex gr. quarta, aut septima pars venialium peccatorum remittitur, qualis est indulgentia data ab Urbano III. apud Du-Cangium *Glossar. med. & infim. Latinit. verb. Indulgentia*, eæ referendæ sunt ad remissionem pœnæ temporalis, & huc illa spectat Urbani indulgentia, uti patet ex ejus verbis, quæ describit Lucas Dacherius t. 3. *Spicilegii* p. 383. *ed. Paris cit.*

(3) Concilium Tridentinum *Sess. 25. in Decret. de Indulgent.* Confer Theologos, atque inter ceteros, Juvenium de *Sacram. Diss. 13. quæst. 1.*, qui de vi Indulgentiarum, deque earum concedendarum à Christo Ecclesiæ data potestate contra Lutherum, Zuinglium, Calvinum, ceterosque hæreticos copiose disputat; & consule Amorium *Histor. Indulgentiar.*, & Theodorum à Spiritu S. de *Indulgentiis*, qui latissime de Indulgentiis agunt. Videndæ præterea sunt *les Conférences de Luxon tom. 7.*, ubi multa, & egregia de Indulgentiis continentur, & hic porro tractatus nuper in Italicum sermonem conversus descriptus est in *Diario Ecclesiastico Romano Supplemento dell' anno 1790. per i mesi di Marzo, Aprile, Maggio, e Giugno.*

(4) Apostolus II. ad Corinth. II., quem in Pauli locum vide Christostomum *Hom. 4. in. 2. ad Corinth. opp. t. 10. p. 454. ed. Paris. indic.* Ambrosium, Anselmum, Thomam, aliosque apud Cornuchum lapide in *Paul. Ep. 2. ad Corinth. c. 2.*, qui cuncti istam de pœnaria indulgentia interpretantur. Præclarum aliud indulgentiæ exemplum reliquit Joannes Apostolus, qui juvenem latronem, & homicidam Ecclesiæ res-

tituit, uti narrat Eusebius *Histor. Eccles. l. 3. c. 23. p. 99. ed. Taurin.* 1746. Confer etiam Juvenium *l. c. cap. 2.*, qui illam Pauli locum diligenter expendit.

§. II. Indulgentia vel integram relaxat pœnam, vel ejus partem, & ideo vel plenaria, vel partialis est. Jus concedendi indulgentias à Christo datum est Apostolis, eorumque successoribus, quibus potestas ligandi, & solvendi, in qua illud continetur, concessa est. Sed quoniam Episcoporum potestas Romano Pontifici, qui illius exercende modum constituit (1), jure suo Pontifices Maximi, pro suprema potestate sibi in Ecclesia universa tradita, sibi plenarias indulgentias reservarunt, ac tantum partiales Episcopis permiserunt (2). Quare unus Romanus Pontifex plenarias indulgentias tribuit, Episcopi tantum partiales; & vero ab ipsis in Ecclesiæ dedicatione unius anni, in ceteris vero temporibus quadraginta dierum indulgentia tribuitur (3). Jure extraordinario, & delegato etiam Presbyteri, imo & inferiores clerici indulgentias elargiuntur; quin etiam interdum Summus Pontifex Vicariis Apostolicis plenarias indulgentias permittit (4).

(1) Confer quæ scripsi in *Prolegomenis c. 2. §. 20. p. 19.* & confer, quem eo loco laudavi, Petrum Ballerinum. Atque huc etiam redeunt ea, quæ supra dixi de Summi Pontificis potestate in Ecclesia universa, deque jure, quod habet, aretandi Episcopalem jurisdictionem. Ex his autem, atque ex cæteris harum Institutionum locis satis patere arbitror, quid ego revera sentiam de Primatu Summi Pontificis, deque ejus in tota Ecclesia potestate. Sed Scriptores Annalium Ecclesiasticorum Florentiæ primum me immerito reprehendunt, quod nimis late hujus Primatus jura explicaverim; deinde aliam mihi sententiam adscribunt, meque immerito similiter laudant, quasi harum Institutionum *l. 1. tit. 3. sect. 1. prim. ed.* Primatus jura aretare voluerim. Præsertim vero appellant §. 14. not. 6. *ejusd. ed.*, ubi egi de judiciaria Summi Pontificis potestate, atque ita hunc locum explicant, quasi negarim, etiam omissis mediis judicibus ad Pontificem provocari posse. Sed ego eo loco ne attigi quidem hanc disputationem, quam integram servavi lib. III., ubi ostendam, etiam medio judice prætermisso, recte ad Primum totius Ecclesiæ provocari. Ordinarius quidem judicii cursus est, ut gradatim appellatio fiat, ac medius judex non negligatur, antequam controversia deferatur ad summum omnium Rectorem, cujus judicium soli Deo subijcitur; & huc referendus est Innocentius *l.*, cujus ibi descripsi locum.

Sed non inde efficitur, quod Summus Pontifex eodem jure, quo arctat Episcoporum jurisdictionem, ex eaque subtrahit certos Subditos, eodem inquam vocare ad se non possit controversias, & ita de iis rebus agere prohibeantur medii Judices, qui Primatis, cui subsunt, imperio parere debent. Agam ea de re copiose *Libro III.*, ut annalium Scriptores intelligant, mini de his appellationibus ad Summum Pontificem interponendis fixum esse, certamque sententiam. Primatus autem jura, ut pluribus ostendi harum Institutionum locis, patere confirmo quam latissime, & prorsus assentior Bellarmino, Baronio, Mamachio, Billerinio, cæterisque similibus doctissimis viris, quorum pluries opera laudavi.

(2) Concilium Lateranense *Can. 62.*, qui canon descriptus est in corpore Juris canonici *cap. 14. de Pœnitent. & remiss.*, Martinus V. in Bulla quæ incipit *Inter cunctas*, quæque approbante Constantiensi Concilio edita est contra errores Wiclefii, & Joannis Hussi, extatque *t. 16. Concil. col. 751. Colb. Labb. ed. Ven. Consule Bellarminum de Indulgent. l. 1. c. 11. contrav. t. 2. opp. p. 584. ed. Ven. 1721.*, & Benedictum XIV. de *Synod. Dioces. l. 2. c. 9. n. 7.* Multa etiam, atque præclara de Indulgentiis, deque Summi Pontificis in iis concedendis potestate habet Mamachius contra Auctorem opusc. *Quid est Papa? Ep. 5. §. 6. t. 2. p. 48. & seq.*, & doctissimus Cardinalis Gerdilius *Confutazione di due libelli contro il Breve Supr. soliditate t. 1. p. 87. & seq.*

(3) *Cap. 14. de Pœnitent. & remiss. Cap. 3. cod. in 6.*

(4) Benedictus XIV. *Constit. Apostolicum 16. §. 23. p. 66. t. 4. Bullarii ind. ed.* Ita etiam Cardinalibus de latere Legatis, qui jussu Summi Pontificis anno Jubilæi aperiunt, clauduntque portas sanctas, plenariæ indulgentiæ permittuntur. Benedictus XIV. *Constit. Nemo 23. §. 9. p. 146. & Const. 26. p. 151. t. 3. cit. id.* Solent quoque Episcopi, uti movet ipse Benedictus XIV. de *Synod. dioces. l. 5. c. 1. n. 5.* saltem cum primam agunt Synodum, plenariam à Summo Pontifice indulgentiam impetrare illis, qui una ex tribus Synodi diebus Ecclesiam cathedralen visitaverint. Quod etiam à Sede Apostolica concedi solet semel in anno ea die, qua Episcopi jussu generalis communio fit in Ecclesia Cathedrali; cum sacræ, ut vocant, *Missiones* habentur; cum Episcopus prima vice Pontificalia exerceat in Ecclesia cathedrali, & in insignioribus diœcesis Ecclesiis, ea die, qui prima vice cathedralem Ecclesiam, vel aliquam ex Ecclesiis locorum insigniorum diœcesis visitat. Similiter ab eadem Sede Apostolica Episcopis bis in anno facultas tribuendi populo Pontificiam benedictionem cum plenaria Indulgentia conceditur.

§. III. Indulgentias ii tantum consequuntur, qui ab omni lethalis peccati labe expiati satisfaciunt universis operibus, quæ præscripta sunt ab eo, qui illas elargitus est (1). Fuisse semper penes Ecclesiam potestatem concedendi indulgentias certum est; sed usus hujus potestatis, qui totus ab Ecclesiæ

judicio pendet, pro rerum, temporum, personarum ratione multiplex, variusque fuit (2). Initio justæ concedendarum indulgentiarum cause erant libelli martyrum (3), reclusorum hæreticorum ad Ecclesiam, imminens in Christianos persecutio, ferventius agende poenitentiae studium (4).

(1) Vide Bened. XIV. *Const. Accepimus* 6. t. 2. p. 19. *Bullarii laud. ed.* Proponuntur Indulgentiæ contritis, & confessis, sacraque communione refectis; hinc quaesitum est, num actualis confessio, & sacramentalis communio necessaria sit, ut quis indulgentiam consequatur. Ea de re variae sunt intelligentiae hominum opiniones; sed omnem dubitationem sustulit Bened. XIV. *Const. Inter præteritos* 21. §. 2. ad 7. p. 99. *W. seq. t. 3. ejus Bullar.*, qua definitum est, necessariam esse actualem confessionem, & sacramentalem communionem, ut acquiratur indulgentia, quæ pro confessis, & sacra communione refectis concessa est.

(2) Consule Papebrochium in *Responsionibus ad P. Sebastianum à S. Paulo respons. ad art. 14. n. 22.*

(3) Ferventibus persecutionibus confessores, qui carceribus detinebantur, libellos dabant ad Episcopos, quos rogabant, ut lapsis poenitentiam, vel ejus partem remitterent, pacemque darent. Tertullianus *ad Martyres* c. 1. p. 137. *ed. Paris 1675.*, Cyprianus *Ep. 11. 21. 22. 23. p. 24. 33. 34. ed. Paris. 1666.*, & alibi præsertim libro *de Lapsis*. Videntur ea de re Morinus *de Administr. poenitent. l. 9. c. 26.* Magna vis erat eorum libellorum, qui valebant etiam jam sedata persecutione, mortuiisque martyribus, uti recte ostendit Albaspinæus. *l. 1. Observ. 20. p. 52. ed. cit.*

(4) Integrum erat Episcopis, poenitentibus; quorum maximus erat in agenda poenitentia fervor, & studium, tempus contrahere, ac *de ipsis aliquid humanius cogitare*, uti loquitur Synodus Nicæna *Can. 12. col. 330. t. 1.*, idemque habet Synodus Ancyra *Can. 2. & 5. cod. t. 1. col. 271. 272. Collect. Harduini.*

§. IV. Labentibus annis invaluit redemptio poenitentiarum elemosynis, quæ au in pauperum subsidium, aut in ædificandas, reparandasve ecclesias convertebantur; tum etiam data indulgentia per Missarum sacrificia, aliqua suffragia, vel sacras peregrinationes, aut pia opera, quæ ab Ecclesiarum Prelatis imponebantur (1), Sæculo XI. potissimum in Ecclesiæ dedicatione Indulgentiæ concedebantur (2), eademque ætate tributæ sunt illis, qui captis armis contra infideles Hierosolimitanum iter susceperent (3). Denique Bonifacius VIII. plenam indulgentiam attribuit iis, qui certis vi-

cibus Apostolorum ecclesias visitarent (4), quæ est indulgentia Jubilæi (5), centesimo quoque anno initio constituta, deinceps vero à Clemente VI. vocata ad annos quinquaginta, ab Urbano VI. ad annos tres, ac triginta, à Paulo II. ad annos viginti quinque.

(1) Hujusmodi poenarum redemptiones memorant Concilium Tribuniense an. 895. *Can. 56. col. 455. t. 6. Collect. Harduini*, Ratherius Veronensis *Orat. synodic. ad Presbyter. n. 9. col. 416. ed. Verona 1765.*, atque alii bene multi.

(2) Benedictus IX., ut tradit Mabillonius *Pref. in sæc. V. Benedictin. n. 109. p. LV. t. 7. ed. Ven. cit.*, an. 1010. indulgentiam tribuit omnibus, qui se ad Ecclesiam S. Victoris Massiliensis recenter dicatam contulissent; eamque indulgentiam concessit Alexander II. in Cassinensis Ecclesiæ dedicatione, tum iis, qui tunc præsentibus erant, tum reliquis omnibus, qui per octo continuos dies eo convenirent, uti patet ex *Ciron. Cassinens. l. 3. c. 31*. Similis data venia est an. 1098. ab Urbano II. visitantibus Ecclesiam S. Nicolai Andegavensis, quam ipse dicaverat, eodemque modo Calixtus II. an. 1120. dedicata Maurianensi prope Stampas Ecclesia, uti narrat Duchesnius *Histor. Franc. t. 4. p. 369.*, annuam peccatorum remissionem in dedicationis anniversario die constituit, quod & consequentes Pontifices præstiterunt.

(3) Alexander II., ut tradit Malaterra *de Rebus gestis à Roberto Guiscardo Calabriae Duce aliisque l. 2. c. 33. in Schotti. Hispan. illustr. t. 3.*, contra infideles in Sicilia pugnantibus anno 1063. indulgentiam largitus est, deinde Urbanus II. in Concilio Claromontano an. 1096. *Can. 2. apud Labbæum t. 10. Concilior. col. 507.* plenam attribuit veniam omnibus, qui capitis armis contra infideles irent ad Terram Sanctam, ut eam recuperarent. Quam indulgentiam omnium, quæ plenariæ sunt, antiquissimam putat Cardinalis Thomasius in *Commentar. de Conces. Indulgent. opp. t. 7. p. 126. ed. Rom.*, quam accurate, & erudite perficiendam curavit Antonius Vezzosi Collega olim meus in Romana Academia, Vir præstans ingenio, doctrina, pietate singulari, minique, dum vixit, amicissimus. Sed alia plenariarum, ut videntur, Indulgentiarum exempla Urbano II. antiquiora sunt apud Schelesiratium in *Act. Eccles. Orient. t. 2. diss. 1. c. 5. p. 761. & seq.*, & Amortum *Hist. Indulgent. par. 1. sect. 2. p. 46. ed. Ven. sect. 4. p. 105. & sect. 7. p. 155.* Urbani Indulgentiæ similem, quam S. Bernardus *Ep. 426. opp. t. 1. p. 319. ed. Mabilionii Ven. 1781.* largissimam veniam appellit, Eugenius III. iisdem Crucesignatis impertiit, uti patet ex ipsius Bernardi *Ep. 363. p. 276.*; quod exemplum & alii Summi Pontifices sequuti sunt.

(4) Centenariam hanc indulgentiam, quæ Jubilæi nomine appellatur, primum à Bonifacio VIII. institutam fuisse, plerique arbitrantur; verum ejus ætate antiquiorem esse, ostendit Jacobus Cajetanus Diaconus

Cardinalis S. Georgii ad velum aureum in tract. de Centesimo seu Jubilæo anno in Biblioth. PP. t. 25. p. 936. ed. Lugdunen. Omnium accuratissime, copiosissimeque de anno Jubilæi, sive anno Sancto peculiari opere Romæ edito anno 1775. disserit Cl. Zaccaria.

(5) Hebræi quinquagesimo quoque anno habebant annum Jubilæi L. c. 25., & hic porro annus in sacris literis appellatur annus remissionis, sanctificationis, & quietis. Annus hic aliquo modo imago fuit Jubilæi, quem postea Romani Pontifices instituerunt. De origine hujus vocis Jubilæi late disputat Calmetus in *Levit. l. c.*

§. V. In concedendis indulgentiis adhibenda est moderatio; quoniam effusa liberalitas pœnitentiam enervat. Itaque ante oculos habenda sunt exempla veterum Patrum, qui respectu habito ad dolorem, atque ad lacrimas pœnitentium indulgentias concedeabant (1). Quavis vero de causa dentur indulgentiæ, non eas certe largitur Ecclesia, ut foveat pœnitentium ignaviam, sed ut nostram imbecillitatem erigat, atque excitet (2). Itaque non desides nos, & ignavos esse oportet, cum vocamur ad cœlestem thesaurum accipiendum; sed omni ope enitendum est, ut dignos pœnitentiæ fructus facientes, Deoque pro nostris criminibus satisfacientes studio obsecundemus Ecclesiæ, quæ omnem nobis opem ferre conatur, ut æternam gloriam consequamur (3).

(1) Concilium Tridentinum Sess. 25. in decret. de Indulgent.

(2) Consule Baronium ad an. Chr. 1073. n. 71. t. 17. p. 371. ed. Luce, Pallavicinum Hist. Concil. Tridentin. l. 24. c. 12. n. 6., Bellarminum de indulgent. l. 1. c. 12. §. Ad tertium opp. t. 2. p. 587. ed. Ven.

(3) Consule Juvenium de Sacramen. dist. 12. qu. 5. c. 5. & qu. 6. c. 1. & 2., Baronium ad an. 1073. n. 71. t. 17. p. 471. ed. Luce., Pallavicinum Histor. Conc. Trident. l. 24. c. 12. n. 6., & Benedictum XIV. Inst. ecclies. 53. §. 11.

§. VI. Prosunt Indulgentiæ tum vivis, tum illis, quos vita defecit, sed his per suffragii, illis vero per absolutionis modum (1). Nunciande autem sunt ab Episcopo cum duobus Canonicis, & oblatæ à Fidelium pietate eleemosynæ, nulla prorsus accepta mercede, colligendæ sunt. Quod sanctissime, & providentissime sancitum est à Synodo Tridentina (2), ut omnes intelligant, hos cœlestes Ecclesiæ thesauros non ad quæstum, sed ad pietatem exerceri. Ideo sublati

sunt eleemosynarum Quæstores, qui suo sæpe abusi munere gravissima Ecclesiæ mala attulerunt.

(1) Confer Benedictum XIV. *Cons. Apostolica* 19. §. 14. p. 87. t. 3. *ejus Bullarii*, & confer etiam, quæ eodem loco laudatur, Leonis X. *Constitutionem*.

(2) Concilium Tridentinum *Sess. 22. de Reform. c. 9.*, & in decret. *de Indulgent. Sess. 25.*

TITULUS IV.

DE DIVINO OFFICIO.

I. Quid Divinum Officium? & diversa ejus nomina.

II. Horæ canonicæ.

III. Matutinæ, & Vespertinæ preces antiquissimæ.

IV. Horarum canonicarum distributio.

V. Quando hæc ubique inducta?

VI. & VII. Quo tempore Divinum

Officium persolvendum sit.

VIII. Olim etiam laici ad Divinum officium conveniebant.

IX. Qui nunc illud persolvere cogantur.

V. Quomodo persolvendum sit; & quis ejus ritus, ac formulas constituit?

§. I.

Certus ille, ac sollemnis numerus, ritusque psalmodiarum, hymnorum, lectionum, aliarumque precum Ecclesiæ auctoritate institutus, atque in statas dici horas distribuitus, ut continenter Deo laudes offeramus, *divinum officium* appellatur. Nam officium significat id, quod ratione habita locorum, temporum, personarum efficere omnes debent: unde tractum est nomen divini officii, quoniam in eo comprehenditur, quod erga Deum quotidie præstare debemus (1). Dicitur etiam divinum officium *sacra synaxis*, & *collecta*, hoc est conventus, & congregatio fidelium, qui ad fundendas preces conveniunt; & *cursus ecclesiasticus*, quasi orbem, & cursum constituat, quem singulis diebus conficere oportet (2); & *Breviarium*, quasi summa caeremoniarum, & precum, quas servare, & quas fundere oportet, ut divinum officium recte persolvatur (3).

(1) Confer Cardinalem Bonam *de Divin. Psalm.* c. 2. §. 1. Antequam vero sæculo XI. Breviarium introduceretur, ad recitandas horas canonicis in Ecclesiis Occidentalibus adhibebantur Psalteria, Biblia Sacra, Homiliaria, Passionaria, Antiphonaria, Hymnaria, Collectaria, Martyrologia, de quibus omnibus doctissime, accuratissimeque agit V. Cl. Franciscus Antonius Zacaria *Biblioth. ritual.* l. 1. c. 4. art. 3. t. 1. pag. 96.

(2) Ratherius Veronensis in *Orat. synodic. ad Presbyter.* n. 6. col. 414. ed. Veronæ 1765., Confer etiam Regulam S. Columbani c. 7. apud Holstenium *Cod. Regul.* t. 1. p. 171. ed. August. Vindelic. 1759., & vitam S. Serenici apud Mabillonium *Act. SS. Ordin. S. Benedict.* sæc. II. p. 552. ed. Ven. 1733.

(3) Breviarium ita appellantum est, nimirum *breve horarium*, seu *precum epitome*, & *compendium*, ut inquit Gavantus, *Thesaur. sacr. rit.* t. 2. par. 1. sect. 2. c. 1. Primus autem divinum officium contraxit S. Gregorius VII., qui anno 1073. ad an. 1085. Pontificatum obtinuit; & inde verisimile est, divinum officium ita contractum *Breviarium* fuisse appellatum, quo quidem nomine utitur Micrologus c. 28. de *Eccles. observ.* p. 481. t. 18. *Biblioth. Patr. Lugd.* 1677. qui circa annum 1080. vitæ usura fruebatur. Narrat Radulphus Tappensis de *Canon. observ. prop.* 22. p. 313. t. 26. *eiusd. Biblioth. Patr. Lugdun.* Summos Pontifices, cum olim in Lateranensi palatio commorarentur, Romanum officium in eorum sacello non ita absolutum, ut in aliis Ecclesiis, recitare consuevisse, quod & Pontificii sacelli clerici faciebant, ut negotiis suis vacare possent, additque Radulphus, se hujus officii ordinarium vidisse Romæ à tempore Innocentii III. recollectum. Et istud officium brevium sequuti sunt Fratres Minores, inquit ipse Radulphus, inde est quod *Breviaria* eorum, & libros intitulant secundum consuetudinem Romanæ Curie. Nimirum cum S. Franciscus eorum institutor precepisset, ut Divinum officium secundum ordinem Romanæ Ecclesiæ peragerent, rati illi, quod qui in Pontificio sacello servabatur, mos esset Ecclesiæ Romanæ, ac preterea cum Missionibus Apostolicis distinerentur, contractum Breviarium, quo Pontificium sacellum utebatur, susceperunt. Breviarium porro hoc cum male digestum esset, Haymo Generalis Minister Franciscanorum illum emendandum suscepit, mandante, & approbante Gregorio IX., sicuti narrat Wadingus *Annal. Minor.* t. 3. ad. an. 1244. Hoc postea Breviarium ab Haymone emendatum Nicolaus III. in omnibus Romæ Ecclesiis recipi, servarique jussit, sicuti Radulphus narrat. Sed Radulphum vel in Fratres Minores male animatum, vel deceptum putat Franciscus Pagius Junior in *Vit. Nicolai III.* n. 22., propterea quod ex epistola apologetica, quam adversus S. Bernardum scripsit Petrus Abaelardus circa annum 1140., nimirum ante annos fere centum, quam Franciscanus ordo approbaretur constat, quod ea tempestate omnes Romæ Ecclesiæ contracto officio utebantur. Itaque contractam officium Franciscanis tribui posse negat Pagius, & Radulphum tamquam suo

Ordini inimicum reprehendit. Sed nulla justa est ejus reprehendendi causa. Nam si ante Franciscanos Romæ Ecclesiæ contracto illo officio utebantur, hoc deinceps ab Haymone emendatum jussu Nicolai III. ab omnibus Romæ Ecclesiis receptum est. Vere igitur Radulphus scripsit Breviarium Ecclesiarum Urbis Romæ esse Breviarium Franciscanum, quoniam tale revera est Breviarium ab Haymone Generali Ministro Franciscanorum emendatum, quod Nicolaus III. in cunctis Ecclesiis adhiberi voluit. Verum Breviarium hoc ita contractum, seu potius recognitum, & emendatum brevius adhuc redditum est hortatu Clementis VII. a Francisco Quignonio Cardinali, qui opus ipsum an. 1536. Paulo III. Pontificæ Penæ evalgavit. Hujus Breviarii usus per annos circiter quadraginta perseveravit, nimirum à Paulo III. usque ad S. Pium V., nunquam tamen præcepta, sed solum permissa fuit ejusdem Breviarii recitatio. S. Pius V. Quignonii Breviarium abrogavit, novumque confici curavit, quo nunc omnes utimur, & quod deinceps recognitum est etiam Clementis VIII. & Urbani VIII. auctoritate. Consule Card. Bonam Rer. liturg. l. 1. c. 7. §. 7. t. 1. p. 119. & seq. ibique Salam Not. 3. ed. Taurin. 1747. Meratum ad Gavant. Thesaur. sacr. rit. t. 2. par. 1. sect. 2. c. 1., & Zaccariam Bibliothec. ritual. l. 1. c. 4. t. 1. p. 107.

§. II. Frequens quoque est *horarum canonicarum* nomen, quo divinum officium appellamus. Omnes Cristiani, ac præsertim clerici, prece, & obsecratione humili adversus Deum continenter uti deberent; sed quoniam id neque infirmæ naturæ patiuntur vires, neque negotia, quibus implicamur, sapienter Ecclesia constituit, ut certis saltem horis has preces fundamus, atque ita nunquam internittamus officium, quod erga Deum præstare debemus. Inde processit nomen *horarum canonicarum*, quoniam in eas divinum officium tributum est (1). Quod autem divinum officium statis horis persolvitur, pluribus constat officiis, quæ omnia simul conjuncta ecclesiasticum cursum conficiunt. Hæc vero officia ex recepta ecclesiæ disciplina sunt Matutinum cum laudibus, hora prima, tertia, sexta, nona, vespera, & completorium.

(1) Institutionem hanc certis saltem horis debitas Deo laudes persolvendi ab ipsis Apostolis repetendam esse, atque ad nos perpetua traditione delatam, ostendit Martenius de *Antiq. eccles. rit.* l. 4. c. 1. §. 1. & seq. t. 3. p. 1. & seq. & de *Antiq. Monach. rit.* l. 1. c. 1. & seq. t. 4. p. 1. seq. ed. indic., ubi cuncta fere habes, quæ ad hoc argumenti genus pertinent.

§. III. Verum hæc officia non omnia ejusdem antiquitatis, sed alia vetustiora, alia recentiora sunt. Apud priscos Christianos celebres sunt matutinae, & vespertinae preces. Nimirum quotidie Christiani ante ortum lucis in Ecclesiam conveniebant, ut preces funderent, laudarentque Deum, qui conventus quod ante lucem haberentur, *cætus antelucani*, & *vigiliæ*, & *horæ nocturnæ* dicebantur (1). Sed & Vespere, cum Sol ad occasum vergeret, in solemnibus conventibus preces fundebantur (2); atque hæc duo tempora, matutinum, & vespertinum quotidie erant præcipua antiqui ministerii tempora.

(1) Tertullianus *ad Uxor.* l. 2. c. 4. p. 168. & *de Coron. milit.* c. 3. p. 162. ed. Paris. 1675. Hinc Christiani apud Minucium Felicem *de Idolatr. vanit.* in l. Octavius p. 332. ed. Paris. 1605. appellant *latebrosa*, & *lucifuga natio*; & Plinius *Ep.* 97. l. 10. *ad Trajan.* p. 629. n. 7. ed. Lipsiæ 1711. ex ore quorundam Apostatarum de Christianis se accepisse scribit, quod *stato die ante lucem convenire soliti sunt*. In his conventibus adhibitam psalmodiam constat, eamque incoatam à psalmo LXII. tradit Actor *Constit. Apostol.* l. 2. c. 59. apud Cotelerium *PP. Apostol.* t. 1. p. 270. indic. ed. Matutinum hoc officium plures psalmos, precesque comprehendebat; sed non illam habebat distinctionem nocturnorum, & laudum, quæ recentiori ætate à Monachis initium habuisse videtur. Hi tribuerant Officium antelucanum, seu matutinum in tria nocturna, atque in laudes. Tria nocturna tribus primis noctis vigiliis seorsim celebrari solebant; quod S. Thomas in *Ep. I. ad Corinth.* c. 14. lect. 6., S. Marcellus Franeolinus *de Hor. canonic.* c. 6. observarunt. Qui in quibusdam Occidentalium Monachorum regulis expresse sancitum est, ut nocturna seorsim celebrentur, atque ita porro habet Regula Columbani cap. 7. apud Holstenium *Cod. Regul.* p. 171. t. 1. ed. August. Vindelic. 1759. Laudes etiam distinctum à nocturnis officium constituerunt, uti ostendit Card. Bona *de Divin. psalmod.* c. 5. §. 1. Primus S. Benedictus tria nocturna conjunxisse videtur; saltem ita fert ipsius regula c. 11. p. 121. apud Holstenium *Cod. Regul.* t. 1. ed. laud., ut uno tempore tria nocturna celebrentur. Longo post tempore in Ecclesia Romana etiam laudes nocturnis connectæ unum continuum officium nocte persolvendum constituerunt, uti testatur Hugo à S. Victore *de Offic. eccles.* l. 2. c. 2. col. 1389. in *Biblioth. PP.* t. 10. ed. Paris. Rem totam, præter Card. Bonam *de Divin. psalmod.*, explicant Thomasinus *Vet. & nov. eccles. disciplin. par.* t. 1. l. 2. c. 71. & seq., Martenius *de Antiq. Monachor. rit.* l. 1. c. 2. & seq. t. 4. p. 4. & seq. ed. Ven. 1764., & Binghamus *Origin. ecclesiast.* l. 13. c. 9. §. 7. & seq. p. 299. & seq. t. 5. ed. Halle Magdeburg: 1754.

(2) *Matutinas, & vespertinas preces omnium apertissime distinguit Auctor Constit. Apostol. l. 8. c. 35. p. 421. laud. ed., & Concilium Laodicensem Can. 18. t. 1. col. 784. Collect. Harduini, memorat tum preces vespertinas, tum eas, quæ ad nonam fiunt, & eandem in utrisque liturgiam servari jubet. Vespertinum officium initium sumebat à psalmo CXL., quem Auctor Const. l. 8. c. 35. p. 421. vocat τὸν ἐπιλυχνίαν φάσματ lucernalem psalmum, quod canebatur eo tempore, quæ lumen accendi solebat, & Chrysostomus Homil. in psalm. 140. t. 5. n. 1. p. 427. ed. Paris. 1724. pluribus explicat, quam apte hic psalmus in vespertino officio adhiberetur. Est apud eundem Auctorem Const. l. c. c. 36. & 37. p. 421. προσφώνημα ἐπιλύχνος, ὡχασία ἐπιλύχνος, precatio & gratiarum actio lucernalis. In hoc quoque vespertino officio psalmi, hymni, precesque aliæ adhibebantur, atque hæc matutinis, & vespertinis officiis à Christianis dies in orationibus Dei inhababatur, dies hymni Dei claudabatur, uti loquitur Hilarius in Psalm. 64. n. 12. ed. 169. ed. Paris. 1693. quod etiam tradit Hieronymus Epist. 22. ad Eustoch. n. 37. p. 119. t. 1. ed. Veronæ 1734.*

§. IV. Accessere deinceps horæ, quæ dicuntur *canonica*, exque ex monachorum instituto repetendæ videntur. Aegypti monachi, qui omnium antiquissimi sunt, & à quibus monasticæ vitæ initia ducuntur, præter vespertinos, & antelucanos conventus, nullas canonicas publicarum precum horas videntur habuisse; cum reliquum diei spatium tribuerent labori manuum, cum quo tamen continenter miscbant preces, psalmos, ac meditationem rerum divinarum (1). Non multo post monasteria Mesopotamiæ, ac Palestinæ consuetudinem induxerunt, ut monachi ora tertia, sexta, & nona publicè convenirent, ut preces fundere, psalmosque canerent (2). Sed nondum erat novum aliquod matutinum ministerium, distinctum ab antiquo, quod ante lucem peragebatur. Hoc primum in monasterio Bertheemitico institutum est, ne monachi post laudes usque ad horam tertiam inertes, & somniculosi in cellis jacerent, cum eos nulla conventus necessitas ad preces vocabat (3). Denique completorium, quod vocatur, ut distinctum à vespertino, seu lucernali ministerio, instituit S. Benedictus, ut monachi, finitis diei operibus, in unum collecti, preces laudesque complerent, ac solemni ritu absolverent (4).

(1) Vide Cassinum *Instit. Cœnob.* l. 3. c. 2. p. 30. *ed. Francofurti* 1722.

(2) Cassianus l. c. l. 3. c. 3. p. 32. *ed. cit.* Tertullianus de *Jejun.* c. 10. p. 549. *ed. Paris.* 1675. , & Cyprinus de *Orat. dominic.* p. 108. *ed. Amstelæd.* 1700. memorant horas tertiam, sextam, nonam; verum non has horas pro publicis ecclesiasticis conventibus constitutas fuisse scribunt. His quidem horis Christiani privatim preces fudisse videntur, deinceps vero ille à Monachis, ut plerique sentiunt viri docti, publicis conventibus addictæ sunt. Vide Josephum Medum. *Ep.* 66. , & Joannem Pearsonium *Prælect.* 2. in *Act. Apostol.* n. 3. & 4. Certe antiqui Patres Hieronymus, Basilius, Gregorius Nyssenus, alique sæculi IV. Scriptores cum memorant horas canonicas, tantum monachos rescipiunt. Chrysostomus *Serm. IV. de Anna* opp. t. 4. p. 737. *ed. Paris.* 1721. de tribus diei horis pro publicis conventibus constitutis loquitur, verum, præter matutinam, & vespertinam, quæ alia fuerit hora, non indicat. Fortasse jam tunc hora nona in Ecclesia Constantinopolitana inducta erat, & eam quidem discrete commendat ipse Chrysostomus *Hom. 2. de Inscript. act. apostol.* opp. t. 3. n. 4. p. 67. *ed. Paris.* 1721. atque etiam Concilium Laodicenum *Can.* 18. Gentiano Herveto Interprete apud Labbeum t. 1. col. 1534. *ed. Ven.* Sed cum de monachis loquitur Chrysostomus *Hom. 14. in 1. ad Thimoth.* opp. t. 11. p. 629. n. 3. expresse memorat matutinas, ac vespertinas preces, horamque tertiam, sextam, nonam. Negari tamen nequit, quod in Oriente in quibusdam Ecclesiis jam inde à IV. sæculo recepta erat illa pro publicis conventibus horarum distributio, uti constat ex Auctore *Constit. Apostolic.* l. 8. c. 34. p. 420. *laud. ed.*, qui preces fieri jubet mane, & tertia hora, ac sexta, & nona, & vespera, atque in Gallicinis. Mabillonius de *Liturg. Gallican.* §. 5. n. 57. p. 423. *ed. Paris.* 1685. , ex Gregorio Turo-nensi demonstrat, sextam, & nonam horas circa initium sexti sæculi in Galliis fuisse receptas, eademque ferme ætate similem consuetudinem in Hispaniis delatam constat ex Isidoro Hispalensi de *Regul. Monach.* c. 6. p. 537. t. 2. *ed. Matrili* 1778.

(3) Cassianus l. c. lib. 3. c. 4. p. 36. *ed. c.* Hinc hora prima dicebatur officium matutinum novum, ut distingueretur à matutino officio veteri, quod semper ante lucem celebrabatur.

(4) Completorium, ut distinctum à vespertino ministerio, antiquiori ætate plane ignotum fuisse, contra Bellarminum ostendit Cardinalis Bona de *Psalm.* c. 11. §. 1. n. 2. Ejus origo à Sancto Benedicto repetenda est, uti patet ex ejus *Reg.* c. 17. t. 1. p. 122. *ed. Augustæ Vindelicorum ann.* 1759. , ac brevis illa lectio, quæ hodie completorium anteverit, sine dubio illam representat, quam psalmis præmissi voluit Benedictus *Reg.* c. 42. p. 127. *ibid.* Vide Martenium de *Antiq. Monach. rit.* l. 1. c. 12. t. 4. p. 12. *ed. indic.*

§. V. Singulæ hæ horæ à monasteriis serius ocius ad

omnes ecclesiās translatae sunt. Quod factum est opera vel monachorum, qui ad Episcopatum evecti divina officia in suis ecclesiis ad exemplum vitae monasticæ composuerunt, vel clericorum, qui monachorum instituta, & consuetudines in clericatu amplexi sunt (1). Potissimum vero inducta vita communi, datisque canonice regulis, quæ ex regulis Monachorum magna ex parte decerptæ sunt, ubique invaluit ea partitio divinorum officiorum, quam primum monachi instituerant. Hodie igitur divinum officium constat his septem partibus, matutino cum laudibus, horis prima, tertia, sexta, & nona, vespers, & completorio. Matutinum cum laudibus faciunt officium, quod nocturnum dicitur, quod olim noctu celebraretur (2), uti nunc etiam à quibusdam celebratur; reliquæ horæ diurnum officium constituunt.

(1) Consule Selvagiū *Antiquit. christian.* l. 2. c. 9. §. 7. & seq. Martenium l. c. cap. 1. & seq., & Thomasium *Vet. & nov. Eccl. discipl.* part. 1. l. 2. c. 71. & seq., à quibus omnia, quæ ad divinum officium pertinent, fusius, & uberius explicantur.

(2) De antiqua consuetudine divinum officium noctu recitandi multa, & præclara habes apud Cl. Cardinalem Garampium *Memorie della Beata Chiura di Rimini diss.* 10. p. 315. & seq.

§. VI. Omnia hæc officia non solum intra spatium viginti quatuor horarum, sed etiam suo quæque tempore, atque ordine celebranda sunt. Matutinum officium cum laudibus, à clericis sæcularibus (1) mane illucescente crepusculo celebrandum est, prima jam lucis orto sidere, tertia, sexta, nona, horis respondentibus (2), vespere decima, vel undecima hora diei, completorium post solis occasum. Sed nunc pro more ecclesiarum matutinum cum laudibus, horæque prima, tertia, sexta, & nona eo temporis spatio, quod est inter auroram, & meridiem recte persolvuntur, vespere circa horam nonam, aut decimam, quin in quadragesima circa meridiem; completorium autem statim post vespas celebratur (3).

(1) Regulares choro addicti nocturnum officium quod tamen vulgo

matutinum vocatur, vel media nocte, vel hora secunda post mediam noctem; id vero, quod reipsa matutinum est, illucescente aurora persolvunt. Sed ea in re peculiare singulorum regulas spectare oportet.

(2) Tertia hora apud Romanos respondet nostræ horæ nonæ antemeridianæ; sexta horæ duodecimæ, unde circa meridiem, exsolvenda est; quod & hymnus indicat his verbis, *splendore mane illuminas, & ignibus meridiem*; nona tertiæ horæ nostræ pomeridianæ, & ideo non ante, sed post meridiem persolvenda est.

(3) Sunt qui à matutino & laudibus primam, sunt qui omnes horas sejungunt, sunt qui simul conjungunt omnia officia, quæ ante meridiem persolvuntur. Ea res tota pendet ex moribus, atque ex legibus ecclesiarum.

§. VII. Atque hæc quidem pertinent ad publicam, & solemnem divini officii celebrationem. Privata etiam ut statis horis fiat, curandum est, quoniam ea mens est Ecclesiæ, quæ divinum officium in certas horas distribuit, ut in omnibus diei partibus ad Deum animum revocemus, eumque crebro debitis laudibus, & honore prosequamur (1). Ex juxta tamen causa, non servato horarum intervallo, divinum officium rite persolvitur (2); verum curandum est, ut vespere, & completorium pomeridianis horis recitentur, excepta quadragesima, in qua fictione canonica vespere ante meridiem celebrantur. Sed & matutinum sequentis diei post elapsam dimidium tempus, quod est à meridiem ad occasum solis, privatim recitari potest (3).

(1) Consule Card. Bellarminum *de Bon. oper. l. 1. c. 18. opp. t. 4. p. 550. §. Sed quidquid sit, & seq. ed. Ven. 1721.* Statis autem horis divini officii varia tribuuntur mysteria, quæ tradit Card. Bona *de Divin. psalmod. c. 2. §. 2. & seq.* Sed illud in primis constat, quod horæ canonicæ divinis addictæ laudibus mysteria exhibent nostræ redemptionis, & hæc quidem mysticæ rationes enarrat Autor Apostol. *Constit. l. 8. c. 34. p. 420. l. c.*

(2) Mitimus ea in re duriores, asperioresque quorundam opiniones, ad sequimur sententiam, quam & sequitur Benedictus XIV. *Inst. eccles. 24. §. 9.*, S. Thomæ, qui in *Quodlibet 5. q. 14. art. 1.* habet hæc: *consideranda est intentio ejus qui prævenit tempus in matutinis dicendis, vel in quibuscumque horis canonicis. Si enim hoc facit propter lasciviam, ut scilicet quietius somnolentia, & voluptati vacet, non est absque peccato. Si vero hoc faciat propter necessitatem licitarum, & honestarum occupationum, puta si clericus, aut magister debet videre lectiones suas de*

nocte, vel propter aliquid hujusmodi, licite potest sero dicere matutinas, & in aliis horis canonicis tempus prævenire, sicut etiam hoc in sollemnibus ecclesiis fit; quia melius est Deo utrumque reddere, scilicet & devotas laudes, & alia honesta officia, quam quod per unum aliud impediatur.

(3) Adeundus Benedictus XIV. *Inst. eccl.* 24. §. 10. & *Inst. n.* 107.

§. VIII. Initio non solum clerici, sed etiam fideles laici ad divinum officium celebrandum quotidie conveniebant, & cum clericis psallebant, & canebant (1). Verum id veteres Christiani faciebant sponte sua, & incitati studio pietatis, quo fervebant, cum nulla lex esset, quæ laicum occupatum assiduis laboribus ad vitam sustinendam, quotidie interruptis officiis, statisque horis ad ecclesiam ire compelleret (2). Tantum diebus dominicis, & præcipuis festis legis necessitate debebant laici ad divinum officium convenire, ut sanete agerent dies festos (3); in qua quidem sanctificatione festorum eadem nunc est, quæ semper fuit, ecclesiæ mens, licet non amplius laici ad divina officia convenire cogantur.

(1) Consule Thomassinum *Vet. & nov. eccles. disciplin. par.* 1. l. 2.

c. 79. seq.

(2) Vide S. Joannem Chrysostomum *cit. Homil. 6. de Anna.*

(3) Confer. Van-Espenium *de Hor. can. diss. p.* 1. c. 3. §. 2. & 3.

§. IX. Præcepti necessitas cogebat clericos ad ecclesiam quotidie convenire, ut divinum officium persolverent, & vero nullum ea in re inter majores, minoresque clericos discrimen erat. Omnes enim in ordinatione certæ ecclesiæ adscribebantur, ut ei perpetuo servirent; ideoque in ea divinum officium celebrabant, quæ pars erat præcipua, ac nobilissima servitii, quod prestare debebant. Sed cum desin hæc disciplina, & clerici in ordinatione non amplius adscribi coeperunt certæ ecclesiæ, cui semper addicti essent, sensim minores clerici illud ecclesiæ officium obire desierunt. Nunc igitur divinum officium recitare quotidie debent Regulares choro adstricti, beneficiati, & clerici in sacris ordinibus constituti (1). Canonici, & ceteri clerici, qui in chorum conveniunt, debent officium sollemniter in choro persolvere, aut quotidie, aut alternis diebus, hebdomadibus, mensibus, ut ferunt instituta, moresque ecclesiarum (2).

(1) Vide *Const. Eo quavis tempore*. 129. Benedicti XIV. §. 43. & 44. & 1. ejus *Bullarii cit. ed. p. 317.*

(2) Debent autem Canonici, qui in choro versantur, Divinum officium recitare, & cantum sequi Cappellanos, aut Mansionarios, ac suo plane deessent muneri, qui taciti tantum choro interessent. Confer Benedictum XIV. *Instit. Eccles.* 107. §. 3.

§. X. Preces, cæremonias, ritus in divino officio adhibendos constituit Sedes Apostolica (1); quod rectissime sancitum est, ut amoveantur mala, & inconveniencia, quæ olim ex diversis divini officii formulis oriebantur. Quisquis autem ejus persolvendi lege obstringitur, sive privatim domi, sive publice in ecclesia; id *reverenter, distincte, ac devote* facere debet (2); & quisquis illud sine justa causa (3) omittit, non solum lethalis criminis reus evadit, sed etiam si beneficium habeat, pro ea parte, quam omisit, beneficii fructus restituere debet.

(1) Cum ex diversitate formularum, quibus divinum officium conceptum erat, inagna rerum confusio, & gravia damna orirentur, actum est in Concilio Tridentino de breviario emendando, deque certa proponenda formula, quam omnes in posterum sequerentur. Sed Concilii Patribus *Sess. 25. in decret. de Indice librorum, & catechismo, breviario, & missali* satius visum est rem totam Summi Pontificis judicio committere, atque hinc S. Pius V. P. id negotii dedit selectis quibusdam viris, atque opere absoluto edidit Bullam *Quod à nobis* 87. t. 4. par. 3. *Bullarii p. 22.*, ubi certam proposuit breviarii formulam ab omnibus observandam, illis tantum exceptis, qui ab ipsa prima institutione à Sede Apostolica approbata, vel consuetudine, quæ ducentos annos superaret, aliis breviariis uterentur. Pianam hanc Bullam confirmavit Clemens VIII. *Const. Cum in ecclesia* 276. t. 5. par. 2. *Bullarii p. 422.*, deinceps vero Urbanus VIII. *Const. Cum alias* 749. t. 6. par. 2. p. 380. hymnis quibusdam auxit, atque emendavit. Ac recte, & jure Romanos Pontifices omnem semper dedisse operam, ut Occidentales Ecclesiæ traditiones, & ritus Ecclesiæ Romanæ in celebranda Missa, in Sacramentis administrandis, in Psalmodia, in cæteris ad publicum cultum pertinentibus amplecterentur, ostendit Cl. Zaccaria *Biblioth. Ritual. t. 1. diss. 1. c. 4. & 5. p. XXIX. & seq.*

(2) Concilium Tridentinum *Sess. 24. de Reform. c. 12.*

(3) Cæcitas, aut gravis infirmitas, quæ officium recitari non sinat, justa causa est, propter quam illud impune omittatur. Qua in re sequi oportet medici, aut superioris, aut prudentis viri judicium. Similiter si quis sine sua culpa breviario careat, atque in loco versetur, in quo

illud invenire non possit, item si quis administrare debeat sacramenta, neque moram ferre possit, legitimam excusationis causam habere censetur. Possunt & aliae hujusmodi esse causæ, de quibus late agunt scriptores, qui in hoc argumenti genere versantur. Confer inter cæteros Lucium Ferraris in *Biblioth. verb. Officium divinum artic. 5.* Illud tamen est animadvertendum, quod qui matutinum, & laudes ob aliquod necessarium impedimentum recitare non potest, reliquas tamen partes persolvere debet, uti constat auctoritate Innocentii XII., qui contrariam sententiam proscripsit *Propos. 64. in Bullar. Const. 54. t. 8. p. 82.*

TITULUS V.

DE FESTORUM CELEBRATIONE.

- | | |
|---|---|
| I. Festorum celebratio apud Christianos antiquissima. | tota Ecclesia, quidam particulares in certis locis. |
| II. Festi dies vel immobiles, vel imobiles. | V. Summus Pontifex constituit, & deminuit festos dies in tota Ecclesia observandos. |
| III. Paschatis Celebratio. | VI. & VII. Festorum sanctificatio. |
| IV. Festi dies quidam generales in | |

§. I.

Omnes ferme gentes habuere dies festos, quibus suos Deos honore prosequerantur, & in quibus magnam religionis cultus partem constituebant. Apud Christianos jam inde ab Apostolorum ætate festi sunt acti, & instituti dies. Antiquitate ceteros vincunt omnes dies Dominici, Pascha, Ascensio, Pentecostes (1). Postmodum alii quoque accesserunt, videlicet Natalis Christi Servatoris (2), sollemnitates B. Mariæ Virginis, Apostolorum, Martyrum, Confessorum, aliarque complures (3).

(1) Festivitates dierum Dominicorum, Paschatis, Ascensionis, Pentecostes ab Apostolis celebratas tradit S. Augustinus *Ep. 54. cap. 1. opp. tom. 2. col. 124. ed. Ven. 1729.* Verum Ascensionem* Latini non uno, & eodem ubique ritu, sicuti observabatur Dies natalis Domini, Pascha, Pentecostes, observatam fuisse monet Martenius de *Antiq. cæcer. rit. l. 4. c. 28. §. 1. tom. 3. p. 192. indic. ed. Ven.*

(2) Certo statui non posse videtur, quod etiam diem festum Natalis Christi Apostoli instituerint; & vero Augustinus, uti nunc demonstratum est, cum memorat dies festos ab Apostolis institutos, nullam hujus

diei mentionem facit. Primam hujus diei disertam mentionem multi referunt ad existum sæculi III., hoc est ad ætatem Diocletiani Imperatoris, quem Nicephorus *Histor. l. 8. cap. 7. p. 545. ed. Paris. 1630.* narrat ingentem Christianorum numerum natalem Christi noctu celebrantem igne injecto combussisse. Hoc certum est, in Occidente ab antiquissimis inde temporibus festum hunc diem celebrari consuevisse. Testatur id Chrysostomus *Hom. in diem Natal. Christ. t. 2. n. 1. p. 355. ed. Paris 1718.* inquit, quod hic dies jam inde à primordio ab ipsa Thracia Gades usque incolentibus manifestus, & celebris fuit. Memorat etiam hanc solemnitatem tamquam ubique receptam, & jamdiu pervulgatam Augustinus *Ep. 55. cap. 1. opp. t. 2. col. 169. & Serm. 51. & 287. t. 7. col. 282. & 1152. ed. Maurin. Ven. 1756.* Quia non tantum ipsa solemnitas, sed etiam constitutus solemnitatis dies, hoc est 25. Mensis Decembris in antiquis monumentis designatur. Kalendarium Bucherianum, quod anno 354. scriptum fuisse cruditi sentiunt, ab hoc festo initium ducit: *VII. Kal. Jan. Natus Christus in Bethleem Judææ*; eundem diem servant Polemeus Silvius, & auctor Kalendarii Carthaginensis, uterque proximus eorum temporum, eundem quoque Constitutiones Apostolicæ *l. 5. c. 13. apud Cotelerium PP. Apostol. t. 1. p. 312. ed. Antwerp. 1598.* Verum in Oriente prima Chrysostomi ætate nondum hæc solemnitas obtinebat, quod manifestum facit ipse Chrysostomus homilia, quam prima de Natali Christi Antiochiæ habuit, postquam inter Presbyteros cooptatus fuerat anno 386. In ea enim diserte inquit *l. c.* quod nondum quidem decimus annus est, ex quo hic ipse dies manifeste nobis innotuit. Nam antea in Oriente unum erant festum Natalis Christi, & Epiphania. At Constantinopoli, exemplo Occidentis, jampridem hæc solemnitas recepta fuisse videtur, quod testimoniis Joannis Chrysostomi, & Gregorii Nazianzeni ostendit Cl. Morecellus *Kalend. Constantinopol. ad. d. 25. Decembr. t. 1. p. 281.* Tanta autem religione festum hoc Natalis Christi celebratum fuisse constat, ut clerici ea die gravibus constitutis præuis à suis Ecclesiis abesse prohiberentur. Concilium Agathense *Can. 64. t. 5. Collect. Labbæi col. 531. ed. Ven.* Quin etiam laici eo die suos Episcopos communionis, ac benedictionis gratia convenire jubebantur Concilium Agathense *Can. 63. loc. cit. Aurelianense I. Can. 25. col. 547., & Epaonense Can. 35. col. 716. d. tom. 5. conc. Confer etiam Concilium Tolitanum XIII. Can. 8. col. 1473. t. 7. conc.* De hujus festi celebritate multa habet Card. Baronius *Appar. ad. Annales circa fin. n. 23. p. 475. ed. Lucæ,* & multa etiam Franciscus M. Florentinus in vetustissimo suo *Martyrologio exerc. 2. p. 195. & seq., qui & p. 201. & 228. de Epiphania, seu Apparitione Domini loquitur, atque hunc diem tum in Orientali, tum in Occidentali ecclesia semper celeberrimum fuisse demonstrat.*

(3) Martyrum solemnitates antiquissimas esse, & jam sæculo II. receptas constat. Jam enim ea ætate S. Policarpi memoria festive celebratur, ejusque festus dies agebatur, uti patet ex Smyrnenis epistola

ad Philomelienses apud Eusebium *Histor. eccles. l. 4. c. 15. p. 171. ed. Valesii Cantabrig. 1720.* Memorant etiam his martyrum solennitates Tertullianus de *Coron. milit. c. 3. p. 102. ed. Paris. 1675.*, & Cyprianus *Ep. 34. p. 48.*, atque *Ep. 37. p. 51. ed. Paris. 1666.* mandat Cero suo, ut diligenter notetur dies, quo martyres ex hac vita migrant, siquæ significetur, ut, inquit, *celebrentur hic à nobis oblationes, & sacrificia ob commemorationes eorum.* De hac martyrum veneratione loquitur etiam Augustinus de *Civit. Dei l. 8. c. 27. opp. t. 7. n. 1. col. 217. & contra Faustum Manichæum l. 20. c. 21. col. 346. t. 8. ed. Ven. 1733.*, ubi refutat Manichæorum calumnias, qui non verebantur falso accusare catholicos, quod mortuos adorarent. Quod autem de martyribus dico, idem etiam de Apostolis dictum volo; cum eorum solennitates ab Ecclesia celebrarentur, potissimum quod pro Christo martyriam perlassent. In his solennitatibus legebantur passionum martyrum, quorum dies festus agebatur. Concilium Cartaginense III. *Can. 47. col. 953. tom. 1. Collect.* Harduini: atque hæc forte ea de causa dicte sunt *legende*, quod publice in ecclesia legerentur. Habebantur etiam in eorum laudem orationes, quarum sexcenta sunt exempla apud Chrysostomum, Basilium, Nazianzenum, Nysseum, Augustinum, Ambrosium, Leonem, Chrysologum, atque alios. Paulo serius institutæ sunt confessorum solennitates, atque hinc initio solis martyribus publice dicte Ecclesiæ sunt, & in diurno Pontificum in formula petitionis dedicationis Ecclesiæ *c. 34. 35. 39. 42.* martyris tantum, non confessoris mentio est. In Oriente IV. sæculo Hilarionem celebrasse diem mortis Antonii, scribit Hieronymus in *Vit. Hilar. c. 30. opp. t. 2. col. 31. ed. Veron. c.*, & Sozomenus *Histor. Ecclesiast. l. 3. c. 14. p. 114. ed. Valesii Cantabrig. 1720.* narrat à Palæstina ecclesia celebratam fuisse solennitatem plurium confessorum, nimirum Hilarionis Gazei, Aurelii Authedonii, Alexionis, & aliorum. Primus in Occidente ex confessoribus publico cultu honorari cepit S. Martinus Turoensis, qui obiit an 402., atque hanc cultum probavit Concilium Turoense II. *Can. 18. col. 360. t. 3.*, & Matisconense I. *Can. 9. col. 402. t. 3. Collect.* Harduini, eique S. Benedictus in Monte Cassino monasterium ædificavit. Contra Jacobus Laderchius edito ab se libro demonstrare conatus est, SS. Confessorum, ac mulierum cultum à prima ætate perpetuum in ecclesia catholica fuisse. Equidem non inficit, ab ipsis ecclesiæ primordiis privatum cultum fuisse tributum SS. Patriarchis, Prophetis, Confessoribus, Virginibus, ac Viduis; cum catholica Ecclesia id semper ratum fixum habuerit, non solum martyres, sed etiam cæteros, qui servatis Christi præceptis in ejus dilectione mortui sunt, æternam gloriam consequi, eosque etiam colendos, & invocandos esse; atque hæc à primis usque sæculis Patrum omnium sententia semper fuit. Sed publicus, de quo hic tantum loquimur, cultus, citius martyribus, serius autem confessoribus datas ab ecclesia est. Consule Card. Bellarminum de *Missa l. 6. c. 8. p. 429. §. Tertia objectio tom. 3. ed. Ven. 1721.*, & Card. Thomaſianum *Prefat. ad Codices sacramental. Eccles. Roman. n. 5.*, & ip-

§. II. Festi dies vel mobiles, vel immobiles sunt. Mobiles dicuntur, qui non eodem die quovis anno celebrantur, immobiles, qui certis semper diebus hærent; atque hi sunt Natalis domini, Circumcisio, Epiphania, dies festi Beatæ Mariæ Virginis, & Apostolorum. Dierum festorum mobilium celeberrimus est Paschalis, à quo omnes reliqui mobiles pendent. Pascha antecedit jejunium quadragesimale, ad quod præparentur animi tribus hebdomadibus, quæ proxime antevertunt; & quarum prima *septuagesima*, altera *sexagesima*, postrema *quingagesima* est (1). Pascha sequitur Ascensio Domini post dies quadraginta post quinquaginta Pentecoste. Reliqui dies Dominici usque ad Adventum, & ab Epiphania usque ad Septuagesimam numeris distinguuntur. Ergo in ligendo Paschate præcipuus labor.

(1) Plures olim, ac præsertim Monachi sese à carnibus abstinentes ad Quadragesimam præparabant; & vero Græci hanc abstinenciam inchoabant à die, qui Dominicam Sexagesimæ proxime sequebatur; post Dominicam vero Quingagesimæ non solum carnibus, sed ne lacte quidem, atque ovis vesciebantur. Itaque à Græcis hebdomada Sexagesimæ dicitur *Ἀπόφατος* hoc est carnis privium; quo vocabulo non raro utuntur mediæ ætatis Scriptores, ut designent tempus bæcanaliæ, quodam tunc Christiani carnibus privantur. Inde ortum forte est vocabulum *Carnævale*, quia tunc Christiani carni valedicebant; & nunc à tollendis, deserendisque carnibus hoc idem tempus *carne-levamen*, & *carne-laxare* appellatum ostendit Muratorius *Antiquit. Italic. dissert. 71.*, unde etiam vocabulum *carnevale* effici potui.

§. III. Est autem celebrandum Pascha die Dominica, quæ post æquinoctium vernum proxime sequitur Lunam XIV. Martii, hoc est plenilunium, sed non illa ipsa die XIV., quia Christus postridie Paschatris Hebræorum ex inferis resurrexit. Itaque nostrum Pascha cum Paschate Hebræorum convenire nunquam potest. Vetus est hæc de celebrando Paschate Ecclesiæ Romanæ regula, quam Nicenum Concilium probavit contra Asianos, qui festum illud agebant diem ipsa luna XIV. Hebræorum more (1).

(1) Magnæ olim de celebrando Paschate fuere controversiæ excitatæ præsertim ab Asiaticis, qui antiquam traditionem proponentes, ipsa luna XIV., more Judaico, pascha celebrandam esse contendebant. Contra Summi Pontifices nixi traditione, quam a D. Petro acceperant, hanc solemnitatem differebant ad diem Dominicum, qui post æquinoctium vernali ipsam lunam XIV. proxime sequitur. Romanæ ea de re venit Polycarpus, ut cum Aniceto Pontifice consilia conferret; sed nihil tunc perfectum est, & Asiaticæ Ecclesiæ in sua sententia persistenter, sicuti narrat Irenæus in *Epist. ad Victor.* apud Eusebium *Histor. eccles. l. 5. c. 24. p. 245. & seq. ad Balesii Cantabrig. 1720.* Recruduit controversia Victore Pontifice, qui Asiaticis Episcopis ecclesiasticam communionem interdixit, quod Pascha eodem, quo Judæi, tempore celebrare pergebant, denique Nicæno Concilio probatum, confirmatumque est, quod à Romanis Pontificibus statutum fuerat. Atque hi, qui Pontificiæ, ac Nicænæ sententiæ de celebrando Paschate pervincens obistere ausi sunt, hæretici, & schismatici habiti sunt, & Quartadecimani, Tessaradecantæ, Audiani appellati. Sed quæquam catholicorum Ecclesiæ de celebrando Paschate in die Dominico consentirent, non una tamē, eundemque erat omnium sententia in hoc Dominico die constituendo. Nam interdum eveniebat, ut ecclesiæ quædam unanimes mandata, vel mense citius, quam reliquæ festam illum diem agerent; & Ambrosius quidam *Epist. 25. n. 15. & seq. col. 94. t. 3. ed. Ven. cit.* testatur, anno 337. pascha ter separatis temporibus celebratum fuisse, ab aliis scilicet XII. Kal. Apriles, ab aliis XIV. Kal. Majas, ab aliis VII. Kal. Majas. Similiter Leo M. *Ep. 110. t. 2. c. 1. p. 401. ed. Rom. tradit.* an. 455. octo dierum intervallum inter Romanorum pascha, & pascha Alexandrinorum intercessisse. Tanti hujus discriminis ratio erat, quod non omnes uno, eodemque cyclo uterentur. Præscos Christianos Hierosolymitanos adhibuisse constat cyculum Judaicum 84. annorum, quo Judæi aliquanto ante ad constituendam anniversariam paschatis sui celebritatem usi fuerant. Cyculum hunc per ducentos fere annos Christiani adhibuerunt, quæquam Pascha suum die dominico, non quartadecima luna cum Hebræis observarent, uti adversus Josephum Scaligerum d. *Emendat. tempor. l. 2.* ostendunt Gaillienus Beveregius in *Can. 7. Apostol. & Jacobus Usserus Prolegom. ad Ignat. c. 9.* uterque apud Cotelerium PP. *Apostolic. t. 1. p. 164. & t. 2. p. 218. ed. Amstel. 1724.* Post Julium statum omnino ab Hadriano sublatum, Christiani alios cyclos adhibere coeperunt, cum movissent Iuliani errores, qui interdum Pascha æquinoctio verno anteferebat, adeo ut illud aliquando bis in uno anno fieret. Hypolitus Portuensis in Arabia Episcopus circa annum 220. cyculum composuit annorum sexdecim, alium annorum 60. non multo post delit Dionysius Alexandrinus Episcopus, & aliam antequam Alexandrinum Annolius similiter Alexandrias an. 270., quæ omnia narrat Eusebius *Histor. eccles. l. 6. c. 22. & l. 7. c. 20. & 32. p. 236. 344. & 369. ed. Cantabrig. 1720.* Sed cum res adhuc incerta maneret, Synodus Ni-

cæna, quæ die tantum dominico pascha celebrandum esse decreverat, omnem hanc curam Alexandrinis Episcopis commisit; ut reliquos Episcopos quoque anno certiores faceret de die dominico, quo pascha celebrare oporteret, sicuti testatur S. Leo M. *Ep. 96. ad Marcian. opp. t. 2. p. 453. ed. Rom. 1755.* Verum hoc Nicænum decretum vel non ubique obtinuit, vel progressu temporis antiquari cœpit. Nam Cyrillus Alexandrinus *Ep. Paschal.* apud Bucherum *de Doctrin. tempor. p. 481. seq. ed. Antwerp. 1634.* de gravi queritur confusione, quæ de tempore celebrandi paschatis ubique dominabatur, cum Romanorum, & Alexandrinorum rationes una quandoque hebdomade, vel mense inter se discrepant. Romana enim Ecclesia adhuc vetusto cyclo judaico annorum 84., non autem novo Alexandrino annorum 19. utebatur. Denique rem perfecti Dionysius Exiguus an. 525., qui in Romanam Ecclesiam induxit canonem Alexandrinum, atque ita omnes inter Romanos, & Alexandrinos ea de re controversiæ sublatae sunt. Sed adhuc magna erat confusio ob discrimen, quod est inter annum astronomicum, & civilem, quo utitur, neque recte novilunia constabant; ideo Gregorius XIII. fastos emendandos curavit, & nunc post Gregorianam emendationem ex fastis perpetuis, & Kalendariis, quæ singulis annis evulgantur, facile deprehendimus ordinem anni cum civilis, tum ecclesiastici. Nostro hoc sæculo hujusmodi argumentum, quod pertinet ad Gregoriani Kalendarii emendationem, atque ad tempus celebrandi Paschatis, late pertractavit Jacobus Bettazzius Pratensis, qui an. 1732. Florentiæ librum edidit, cui titulus: *Epitome operis Paschalis proferens necessitatem emendandi correctionem Gregor., deinde opportunam ejusdem Gregor. emendationem sine Kalendarii, & martyrologii variatione: atque exhibens dissertationes IV., & appendices II. ad materiam de cycli Paschalis constitutione emendandam.* Cujus operis deinde ipse Bettazzius defensionem edidit.

§. IV. Ex festis diebus quidam sunt omnibus per totum orbem christianum; & omni tempore sacri, ut cuncti dies Dominici, Pascha, Pentecoste, ceteræ majores solennitates; & quidam sunt non ubique, sed à certis tantum civitatibus, aut nationibus observati. Ita unaquæque fere civitas suum habet patronum, cujus festum diem agit cum venia Sedis Apostolicæ (1); atque in provinciis quibusdam certi sunt festi dies antiquissima majorum traditione constituti. Rursum quidam sunt festi dies, in quibus ubique Christiani & Missæ sacrificio interesse debent, & ab omnibus se abstinere operibus, quæ servilia vocantur; & quidam sunt minus solennes, in quibus alicubi Christianis, posteaquam divino

sacrificio fuere præsentes, integrum est suis rebus vacare, ac pauperibus licet victum sibi ex suis laboribus comparare.

(1) De eligendo Sancto Patrono alicujus civitatis, aut provinciae, cujus ab universo populo festus agatur dies, habes apud Læcium Ferraris in *Biblioth. verb. Festa* n. 4. decretum Sac. Congregationis Rituum, quod jussu Urbani VIII. editum est die 23. Martii an. 1630. Ejus autem decreti summa est, ut ii tantum eligantur Patroni, qui Sanctorum albo adscripti sunt, non item qui tantum Beati vocantur; ut hæc electio fiat per secreta suffragia ab universo populo, cum Episcopi, & Cleri consensu; ut hujus electionis causæ Sac. Rituum Congregationi aperiatur, ab eaque noscantur, & approbentur.

§. V. Dies festos, quos de præcepto omnes in toto orbe Christiani observare debeant, constituit Summus Pontifex, cujus est auctoritas, & potestas in Ecclesiam universam (1). Idemque deminuit numerum minorum festorum (2); quod non multis ab hinc annis factum est à Benedicto XIV., qui rogantibus Episcopis, & conquerentibus, quod propter festorum multitudinem, vetitosque labores pauperibus eriperetur occasio sibi parandi victum, & universa pene festa minus religiose observarentur, diebus festis minus solemnibus, integro præcepto audiendi missam, laborandi facultatem attribuit (3).

(1) Consule Urbanum VIII. *Cons. Universa* 720. *Bular. t. 6. par. 2. p. 341.* Episcopos in sua diœcesi dies festos præcipere posse quidam negant. Sed mihi à Synodo Tridentina *Sess. 25. Cap. 12. de Regular* hæc facultas Episcopo perspicue concedi videtur; & Urbanus VIII. in laudata Constitutione *Universa* §. 3. monet quidem Episcopos, ut se à novis festis præcipiendis abstineant, ne nimia eorum copia mali aliquid pariat, non tamen ipsis adimit hanc facultatem. Consule Gonzalezium in *c. ult. n. 17. de Feriis*, & Ferrarium *Biblioth. verb. Festa in nov. addit. n. 2.* Sunt autem etiam à Regularibus, cæterisque exemplis servandi dies festi, quos Episcopus in sua diœcesi servari jussit. Concilium Tridentinum *l. c.* Vide Giraldum *Expos. Jur. Pontif. par. 2. sect. 166. pag. 1042.*

(2) Extant inter epistolas selectas Cardinalis Bonæ duæ ipsius literæ, nimirum 258. & 259. datæ ad Jo. Baptistam Thiersium auctorem operis *de Dierum festorum immunitione*, atque in postrema ipse reprehendit Thiersium, qui putaverat, Episcopum posse in sua diœcesi tollere dies festos in universa ecclesia receptos, atque id tantum à Summo

Pontifice fieri posse animadvertit. Confer ea de re peculiarem dissertationem editam à Benedicto XIV., quæ descripta est in ejus opere de *Canonizatione Sanctorum* l. 4. par. 2. c. 16.

(3) Adeundus est Benedictus XIV. *Cons. Non multi* 63. ejus *Bullar.* t. 2. p. 393. *ed. cit.*

§. VI. Sed reliquos dies festos integros Deo, & Religioni tribuere oportet, eaque est, quæ dicitur, festorum sanctificatio, quæ in eo est posita, ut non tantum sacrosancto Missæ sacrificio præsentem simus, sed etiam diem in divinis laudibus, in precibus, in cæteris religionis officiis transigamus (1). Justum enim est, ac rationi consentaneum, quod vacui reliquis curis, atque negotiis certos quosdam dies habeamus, quos totos divino cultui tribuamus, Deumque immortalem, a quo summa, & innumerabilia beneficia accipimus, cognoscamus, colamus, ac veneremur. Si enim jussisset, nos quotidie religionis cultum sibi tribuere, nonne pro innumeris, quibus ab eo cumulati sumus, beneficiis, omni ope, & opera enim nos oporteret, ut ei prompto, alacrique animo pareremus? Nunc vero paucis ad ejus cultum institutis diebus; non socordes, & negligentes nos esse oportet in officio persolvendo, quod sine gravissima culpa prætermittere non possumus (2).

(1) Catechismus Romanus par. 3. præc. c. 4. §. 25.

(2) Catechismus Romanus l. c. §. 26.

§. VII. Itaque his diebus, qui toti Deo, ac Religioni addicti sunt, Christianis abstinendum est ab omnibus, quæ animum à Deo abstrahunt, quæque impedimento sunt, quominus ipsi ad Ecclesias conveniant, rebusque religionis animum adjungant. Hinc vetita sunt opera servilia, quæ olim apud Romanos præsertim à servis gerebantur; & ideo servilia dicuntur (1). Similiter nefas est agere mercatus rerum vernalium, quæ nunquam nundinæ longo usu receptæ cum certis legibus tolerantur (2); & nefas judicialia acta exercere, quæ si gesta fuerint die festo, irrita sunt (3). Urgente vero necessitate, veluti si fruges ingenti periculo subsint, aut præclara sit occasio piscandi, quæ alio die haberi non possit, Episco-

pus metendi, & piscandi tribuit facultatem (4).

(1) Opera servilia, quæ diebus festis expedire nefas est, numerat Lucius Ferraris *Dibiot. Canon. verb. Festa n. 12. & seq.* Vide etiam Benedictum XIV. *Inst. Eccles. Inst. 43. & 65.*

(2) Consule Benedictum XIV. *Const. Ab eo tempore 144. ejus Bullar. t. 1. p. 355. ed. Ven. seu Rom. cit.*

(3) *Leg. 2. & 3. Cod. de Feriis, Cap. 1. & Cap. 5. de Feriis.*

(4) *Cap. de Feriis. Catechismus Romanus par. 3. præc. 3. c. 4. §. 23.* Vide etiam Benedictum XIV. *cit. Cons. 144. §. 26. & 27. & cit. Inst. 65.* Edicto S. Caroli Borromei spectacula etiam, ac publici ludi interdiciuntur; de quo edicto vide ipsum Benedictum XIV. *de Synod. diocæs. l. 11. c. 1. n. 7.*

TITULUS VI.

DE JEJUNIIS.

I. Quid jejunium, & abstinencia?

II. Jejunium Quadragesimæ, Quatuor Temporum, Vigiliarum.

III. Jejunium quartæ, ac sextæ feriæ, & Sabbati.

IV. Jejuniorum finis.

V. Vigiliæ.

VI. Abstinencia à carnibus, lacte, ovis.

VII. Et unica comestio in diebus jejunii.

VIII. Jejunium à quibus, & quomodo observandum sit?

§. I.

Ut celebratio dierum festorum, ita jejuniorum observatio pertinet ad religiosa officia Christianorum, qui per ea corpus castigant, atque in officio continent. Jejunium proprie sic dictum distinguitur ab abstinencia, quæ jejunii pars est. Nam abstinencia propria est eorum, qui carnes non comedunt, sed quavis diei parte cibum sumere possunt; jejunare autem dicuntur ii, qui non modo abstinent se a carnibus, atque a delicato convivio, sed etiam cibum ad certam, statamque horam differunt, atque nemini semel in die sumunt. Hoc porro est jejunium, quod ecclesiasticum dicitur, & quod cum naturali confundi non debet. Nam hoc nihil cibi, potusque permittit, adeoq. tantum observetur ab iis, qui plane jejuni sunt, hoc est nihil cibi, aut

potus in stomachum immiserunt, quale est jejunium eorum, qui Eucharistiam accipiunt. Verum jejunium ecclesiasticum (1) potum, cibumque permittit, modo stato tempore, & vero talis capiatur, qualis tunc capi potest.

(1) Jejunium ab Ecclesiasticis Scriptoribus etiam statio appellatur. *Hermas in Pastor. l. 3. simil. 5. n. 1. apud Cotelerian PP. Apostol. t. 1. p. 103. ed. Antwerp. 1698. Respondi: Quoniam, Domine, stationem habeo. Quid est, inquit statio? Et dixi: Jejunium. E. dixit: Quod est illud jejunium? Sicut solebam, inquam, sic jejuno. Eodem sensu stationis vocabulum accipiunt Tertullianus de Coron. c. 11. p. 107. de Anima c. 48. p. 300. de Jejun. c. 10. p. 550. ed. Ven. 1744., Cassianus de Cenob. inst. l. 5. c. 20. & 24. p. 125. & 129. & collat. 21. c. 29. p. 804. ed. Atrebat. 1628., Isidorus Orig. l. 6. c. ult. p. 83. ed. Paris. 1601. Alii stationem à jejunio distinguunt. Nam Rabanus lib. 2. de Instit. Cœc. c. 28. p. 17. t. 6. opp. ed. Colon. Agrip. 1626. Jejunium, inquit, est indifferenter cujuslibet dici abstinencia, non secundum legem, sed secundum propriam voluntatem. Statio autem est observatio statutorum dierum, vel temporum; dierum, ut quartæ, & sextæ feriæ jejunium ex vetere lege præceptum; temporum autem, ut jejunium quarti, quinti, septimi, & decimi mensis, & observatio Quadragesimæ; quæ in universo orbe institutione Apostolica observatur. Cur autem statio dictum sit jejunium explicat Auctor Serm. 21., qui extat in Apend. opp. S. Ambrosii t. 4. col. 517. ed. Maurin. Venet. 1751. Castra enim nobis sunt nostra jejunia, quæ nos à diabolica oppugnatione defendunt. Denique stationes vocantur, quod stantes, & commorantes in eis inimicorum insidias repellamus. Veram Cotelerias in Hermam. l. c. not. 56. inter jejunium, & stationem hoc tantum discrimen fuisse contendit, quod interdum statio pro jejunio quartæ, & sextæ feriæ acciperetur; de cetero unum, & idem utramque fuisse putat. Similiter observat, quod sicuti diebus jejunii conventus, sive stationes Christianorum in Ecclesia longiores erant, quam Dominicis, festisque diebus, hinc forte factum est, ut jejunium stationis nomine vocaretur.*

§. II. Religiosa jejunia apud Christianos (1) alia generali Ecclesiæ lege sunt constituta; atque omnes obstringunt, statoque tempore quotannis redeunt, ut jejunium quadragesimæ, quatuor temporum, vigiliarum; & alia certos tantum homines attingunt, qualia sunt jejunia, quæ pœnitentibus imponuntur, quæ suscipiuntur ex voto, quæ ab Episcopo in diocesi, propter sollicitudinem, curamque ecclesiasticam, indicuntur (2). Inter stata, & solemnia jejunia maxime sacrum est jejunium ante Pascha, quod Quadragesima ap-

pellatur, & quod licet à Christo præceptum affirmari non possit (3), tamen ab Apostolica traditione repetendum est (4). Hoc jejunium nunc complectitur dies quadraginta, atque ejus initium fit à die cinerum (5); olim constabant sex hebdomadibus, hoc est diebus triginta sex (6); nam die dominico Christiani de veteri more in memoriam dominicæ resurrectionis non jejuabant.

(1) Calviniani, atque in primis Joannes Dallæus *lib. de Jejun. & Quadrages.*, contendunt de veteri ecclesiæ more Christianos pro arbitrio suo, non autem ex necessitate, jejuni observare. Hinc ajunt, jejuniorum disciplinam, quæ à Catholica ecclesia constituta est, non abesse à sententia Montanistarum; quoniam ut his erant, ita catholicæ ecclesiæ sunt stata jejunia, quæ ex necessitate observari debent. Sed patidæ hæ calumniæ sunt, quas satis reuturum catholici, quos inter videndus est Natalis Alexand. r. *Hist. eccles. sæc. 2. disert. 4. t. 3. p. 304. seq. ed. Ven. 1776.* Sane veteris ecclesiæ jejunia non ex nominum voluntate, & arbitrio, sed ex legis necessitate Christiani observarunt; & Montanistarum jejunia Ecclesia rejecit, atque damnavit, quod ea illi ducebant ex figmento novarum revelationum, quas se à Paraclete Montanus accepisse jactabat. Egregie etiam de catholicorum jejniis contra hæreticos doctissimi Cardinales Boronius, Bellarminus, Cozza, Grotius disputarunt.

(2) Vide Benedictum XIV. *de Synod. diocæs. l. 13. c. 4. n. 6.* ubi etiam quæritur, num exempti observare debeant jejunium, quod ab Episcopo pro tota diocæsi indictum est.

(3) Consule Ludovicum Thomassinum in *tract. de Jejun. part. 1. c. 4.* S. Hieronymus in *Isaiam l. 16. t. 4. c. 58. col. 688.*, & in *Jonam c. 3. opp. t. 6. col. 416. ed. Vallar. Veronæ 1736.* quadragesimæ jejunium repetere videtur ex jejatio, quod per dies quadraginta Moyses, Elias, & Christus Dominus observarunt. Verum id ita intelligendum est, non quod Christus de quadragesimali jejatio disertum, atque expressum mandatum dederit, sed tantum quod proposuerit exemplum, cui insistens Ecclesia quadragesimæ jejunium iussit, ut monet Augustinus *Epist. 55. ad Januar. c. 15. opp. t. 2. col. 139. ed. Ven. 1729.* Atque ita etiam intelligendi sunt Basilias, Theophilus, Cyrillus Alexandrinus, Petrus Chrysologus, ceteri Patres, qui hoc jejunium ad divinam institutionem referant. Vide Bertium *Hist. Eccl. l. 1. disert. 6. n. 31.*

(4) S. Augustinus de *Baptismo Cont. Donatist. l. 2. c. 29. opp. t. 9. col. 140. ed. cit.*, S. Hieronymus *Ep. 41. ad Marcellin. opp. t. 1. n. 3. col. 137. ed. cit.*, S. Leo M. *Ser. 43. de 12 ad gent. c. 2. opp. t. 1. p. 117. ed. Rom. 1753.* Apostolos observare constat jejunium antepænitentiæ, quod numero dierum à quadragesimali differt, quoniam completebatur tres

illos dies, cui inter Christi mortem, atque ejus resurrectionem intercesserunt. Ante paschale hoc jejunium ipsa fortasse ætate Apostolorum amplificatum deinceps est, atque ita quadragesima instituta; & certe cum hæc institutio retenta semper in universa ecclesia fuerit, atque ejus origo igauretur, non nisi Apostolica auctoritate tradita haberi debet, quæ celebris est Augustini regula. Consule Natalium Alexandrum *cit. Dissert. 4. art. 3. p. 313.*, & Selvagium *Antiq. Christian. l. 2. par. 2. c. 7. §. 4. & 5.* Porro quadragesimam tamquam ubique observatam, ac jampridem receptam memorant Origenes *Hom. 10. in Levit. opp. tit. 2. p. 246. ed. Maurin. Paris. 1733.* Concilium Nicænum *Can. 5. col. 326. t. 1. Collect. Harduin.*, Athanasius in *Apolog. ad Constant. opp. t. 1. p. 341. n. 15. ed. Patav. 1777.*, Cyrillus Hierosolymitanus *Catech. 3. de Bapt. p. 4. & in Notis ed. Paris. 1720.*, Basilus *Hom. 2. de Jejun. opp. t. 2. p. 11. n. 2. ed. Paris. 1722.*, Gregorius Nazianzenus *Orat. 40. in baptism. t. 1. p. 659. ed. Colon. 1690.* Epiphanius in *Exposit. fid. t. 1. c. 22. p. 1105. ed. Paris. 1622.*, Leo M. *Serm. 1. & seq. de Quadragesim. opp. t. 1. col. 143. & seq. ed. Bellerin. Ven. 1753.*, alique Patres. Illud non omitam, & alias olim fuisse Quadragesimas, ideoque illam, quam statim Pascha sequitur, majorem appellatam fuisse, ut à reliquis distingueretur. Confer Cl. Card. Garampium *Memorie della B. Chiara di Rimini dissert. 6. §. 6. & seq. p. 202. seq.*

(5) Quis diem cinerum, & tres dies alios initio quadragesimalis jejunii primus addiderit, ut numerus conficeretur quadraginta dierum, incertum est. Alii id à Gregorio M., alii à Gregorio II. tactum putant.

(6) Quædam Ecclesiæ sex hebdomadibus, & quædam septem jejunium observabant; uti constat ex Cassiano *Collat. 21. cap. 24. & seq. pag. 566. & seq. ed. cit.* Sed nulla tamen earum quadraginta dierum numerum explebat, cum illæ dies Dominicos, hæ vero etiam Sabbathata exciperent, & ideo tantum ex diebus tringinta sex jejunium constare Chrisostomus *Hom. 11. in Genes. c. 2. opp. t. 4. p. 84. ed. cit. Paris.*, & Ambrosius *de Eliâ c. 10. n. 34. t. 1. col. 655. ed. Mursa. Ven. 1718.* Atque ita quidem quadragesimam usque ad ætatem Gregorii M. observatam fuisse constat ex ejus *Homil. 16. in Evangel. opp. t. 1. l. 1. m. 5. col. 149. ed. cit.*

§. III. Stati jejuniorum dies erant etiam quarta, & sexta feria in qualibet hebdomade, quæ jejunia jam inde à primis sæculis recepta sunt, quod quarta feria Judæi ad occidendum Christum consilium inierint, feria sexta interfecerint (1). Jejunia hæc, quæ singulis hebdomadibus, exceptis quinquaginta diebus à Paschate ad Pentecosten, observabantur, non ad vespervas, uti quadragesimalia, producebantur, sed hora nona finiebantur (2). Latini ab

antiquissima ætate etiam jejunium Sabbati habuerunt, quod semper una cum jejunio sextæ feræ retinuerunt; jejunium quartæ feræ labentibus annis paulatim desiit (3). Nunc feræ sextæ, & Sabbati jejunium tantum à carnibus abstinentia est.

(1) Clemens Alexandrinus *Strom.* l. 7. c. 12. p. 877. ed. Ven. 1757. Epiphanius *Hæres.* 56. sive 76. n. 3. & 6. l. 3. t. 1. p. 908. & 910. ed. Colonia 1682. Augustinus *Epist.* 86. seu 36. ad Casimianum. opp. t. 2. c. 13. n. 30. col. 80. *ed. Ven.* 1729. Petrus Alex. Can. 15. col. 23. apud Bevereg. *ed. Oxonii* 1672. Auctor *Coast. Apostol.* l. 5. c. 15. apud Cotelerium *PP. Apostolic.* t. 1. p. 322. *ed. de reled.* 1704.

(2) Hæte Ratherii Veronensis, qui ante medium sæculum X. vitæ usari fræbatur, mitigari cæperat antiqua disciplina, & jejunium quadragesimale non amplius ad vesperas, sed tantum ad nonam producebatur, uti ostendit ipse Ratherius *Orat. Synod. ad Presbyt.* n. 15. col. 420. *ed. Veron.* 1765. Sed etiam post eam ætatem vetustam disciplinam alicubi stetisse, movent Frares Billerhi *ibid.* n. 48.

(3) Orientales unum Sabbatum post Paschævacum jejuniis consecrabant, cæteris vero totius anni Sabbatis non solum non jejunabant, sed eodem fere solemnî ritu, quo diebus dominicis, sacros conventus, & synaxes celebrabant, uti testantur Athanasius *Hom. de Senectute* t. 3. n. 1. p. 45. *ed. Patav.* 1777. Socrates *Hist. Eccles.* l. 5. c. 22. & l. 6. c. 4. p. 293. & 313. *ed. Valesii Cantabrig.* 1720. Cassianus *Instit.* l. 3. c. 2. p. 30. *ed. cit.* Quinimo die Sabbati vetitum ipsi erat jejunium, uti patet ex Can. 56. *Apostol.* apud Cotelerium l. c. p. 450. & Auctore *Constit.* l. c., quod à Catholicis Orientalibus factum est, ne assentiri viderentur errori Marcionis, qui Sabbati jejunium suæ fecerat hæreseos partem, uti demonst. Epiphanius *Hæres.* 22. vol. 42. l. 1. t. 1. c. 3. p. 304. *ed. cit.* Quæ disciplina magisque apud Orientales firmata est, cum hæreses eruperant Miteianistarum, Lampetianorum, Chorentarum, Adelphianorum, qui superstitiosi, & vana observatione Sabbato jejunabant. Orientalium consuetudinem nunquam damnavit Ecclesia Romana, imo à Benedicto XIV. *Const. Etsi pastoratis* 57. §. 9. n. 8. & seq. *Bullar. t. 4.* p. 110. *cit. ed.* tolerandus edicitur apud Græcos esus carniû die Sabbati, si sine scandalo fieri potest; in locis autem ipsorum, & inter eos tantum. Gabriel Albaspinæus *Observ.* l. 1. c. 13. p. 30. *ed. Neap.* 1770. putat, olim etiam in Ecclesia Romana die Sabbati carnes edi consuevisse. Verum sæculo IV. jam Sabbatum inter esuriales dies recensebatur, uti ostendunt Hieronymus *Ep. 71. ad Lucinium Bxt.* n. 6. col. 432. t. 1. *ed. Veron.* 1734. Augustinus *Ep. 36. ad Cazulian.* c. 13. not. 31. & *Ep. 82. ad Hieronym.* c. 2. n. 14. opp. t. 2. c. 128 & 256. *ed. Maurin. Ven.* 1759. Vide etiam Concilium Ephesianum Can. 26. & 1. Conc. Labbæi col. 995. *ed. Ven.* Neque vero hoc Sab-

bati jejunium, ut quidam putant, primum institutum est ab Innocentio I. *Epist. ad Decent. Eugubin. c. 4. n. 7. apud Constantium col. 359.*; nam Innocentius non novi aliquid constituit, sed confirmat, quod jam constitutum, receptumque erat. Vide Bertium *Histor. Eccles. t. 2. Diss. 1. n. 5.* Exiat etiam de jejunio Sabbati dissertatio Paschasii Queenelli, quæ est *Dissert. 6. in opp. S. Leonis t. 2. col. 1069. ed. Baller. Ven. 1756.* In Africa ætate Augustini, uti ipse testatur *cit. Ep. ad Casulanum n. 32. col. 103.*, quædam Ecclesiæ erant, quæ Sabbato jejunabant, quædam, quæ non jejunabant; item in Ecclesia Mediolanensi Sabbati jejunium non observabatur, uti narrat ipse Augustinus *l. c.*, & Ambrosius de *Elia & jejun. c. 10. n. 34. opp. t. 1. col. 655. ed. Wen. 1748.*; similiter in Hispaniis Romanæ Ecclesiæ consuetudinem non obtrivisse, constat ex Concilio Coyacensi *c. 11. t. 6. part. 1. Collect. Harduini col. 1028.* Labentibus annis jejunium Sabbati fere ubique antiquari cœpit, & ideo S. Gregorius VII. in Concilio Romano *Can. 31. dist. 1. de Consecrat. non ausus antiquam disciplinam integram residuere satius putavit Fideles commonere, ut ea die sese ab esu carnum abstineant.* Innocentius III. in *c. 2. de Observat. jejun.* cum à Bracharensi Episcopo de Sabbati jejunio interrogatus fuisset, respondit, *quod super hoc consuetudinem tuæ regionis facias observari.* Hinc communis Doctorum opinio est, licere die Sabbati carnes comedere, ubi earum esus à recepta consuetudine non est interdictus. Consule Glossam in *cit. Can. 31. S. Antoninum in Summ. Theolog. part. 1. tit. 16. c. unic. Faguanum in cit. c. 2. n. 19. & seq. de Observat. jejun. Pirhingium Jus eccles. tit. 46. l. 3. n. 2.*

§. IV. Quatuor temporum jejunia initio Quadragesimæ post Pentecosten, ac mensibus Septembri, & Decembri, quarta, ac sexta feria, & Sabbato quotannis celebrantur (1). Exemplo Judæorum, qui quater in anno jejunabant, quatuor temporum jejunia recepit Ecclesia; quæ jam sæculo V. obtinebant (2); quamquam non judaico ritu, sed Christiano animo observarentur (3). Quibus jejniis id sibi vult Ecclesia, ut pro acceptis beneficiis Deo gratias agamus, ut divinam opem exoremus, atque his poenitentiae operibus nostra crimina expientur, ut denique bonos altaris ministros divinitus impetremus. Nam his temporibus uti superiori libro demonstratum est, solennes clericorum ordinationes peragantur.

(1) Trium temporum jejunia ab Apostolis instituta fuisse, Callistum autem Summum Pontificem addidisse jejunium Decembris, scriptum est in *Ep. 1. ipsius Callisti*; verum hæc epistola Isidori Mercato-

ris figmentum est. Ab Apostolica traditione initium sumere hoc jejunium tradunt Baronius *ad an.* 57. n. 209. t. 1. p. 488. *ed. Lucæ*, & Thomassinus *de Jejun.* part. 1. c. 21. n. 7. Cum deinde aliqua ex parte vetus disciplina immutata esset, & nonnullæ Ecclesiæ verum jejunium mense Martio, æstivum vero in hebdomade, quæ post festum Pentecostes sequitur, quodam more celebrarent S. Gregorius VII. Quadragesimæ initio primum jejunium fieri, alterum in hebdomade Pentecostes perpetua lege constituiri. Quid memorat Micrologus scriptor Gregorio suppar. *de Eccles. observ.* c. 24. & 25. col. 746. & seq. in *Biblioth. PP.* t. 10. *ed. Paris.*, & huc spectat Concilium Claromontanum habitum Urbano II. Pontifice Cœl. 27. apud Labbæum t. 12. col. 832. *ed. Ven.* Confer Odericum Vitalem *de Histor. eccles.* l. 9., & Muratorium in *Anecdor.* l. 2. dissert. *de Jejun.* quatuor temporum. Præsertim autem videndas est Thomas Valfredius, qui anno 1771. Bononiæ dissertationem edidit *de Usu*, & *Institutione jejuniorum temporum.*

(2) Consule S. Leonem M. *de Decim. mens. jejun.* Serm. 6. c. 1. p. 32. & Serm. 8. c. 2. p. 38. *de Jejun. Pentecost.* Serm. 2. c. 2. p. 231. & Serm. 4. c. 4. p. 233. *de Jejun. mens. septim.* Serm. 4. & 9. opp. t. 1. pag. 256. & 270. *ed. Rom.* 1753.

(3) S. Leo M. *cit.* Serm. 4. *de Jejun. sept. mens. cap.* 1. p. 256. *tit.* 1. *ed. cit.*

§. V. Sed & in vigiliis Natalis Domini, Pentecostis, Assumptionis B. Virginis, multorumque Sanctorum per annum jejunia observantur. Vigiliæ erant nocturni cœtus, quos Christiani in Ecclesia habebant ante præcipuum aliquem festum diem, ut divina officia persolverent. Hæ differebant a comuni nocturno, seu matutino officio, quod hoc non nisi post mediam noctem circa gallicinium incipiebat, vigiliæ autem longiores erant, quod cœtum in Ecclesia per maximam noctis partem detinebant, unde & *Per-noctationes*, & *Pervigiliæ* dicebantur (1). Nunc cum non amplius fideles noctu ad Ecclesiam conveniant, vigiliæ illæ cum jejunio agendæ sunt.

(1) Videndi sunt in primis S. Joannes Chrisostomus *Homil.* 1. t. 6. p. 95. & *Homil.* 4. p. 121., *Homil.* 30. in *Genesisim.* t. 4. n. 6. p. 303. *Homil. de Tricennotu* t. 2. p. 718. *ed. Paris. cit.* S. Augustinus *Contra* l. 9. c. 7. n. 1. opp. col. 162. *ed. Ven.* 1729., Socrates t. 1. c. 37. p. 73. & Dozenenus l. 2. c. 6. & 29. p. 53. & 68., uterque *ed. Valerii Cantuari.* 1720., Sidenius Appollinaris l. 5. Ep. 17. p. 148. *ed. Paris.* 1652.

§. VI. Jamvero duabus veluti partibus jejunium cons-

tat, abſtinentia à carnibus, ovis, lacte, aliisque cibis delicatioribus, & unica in die comestione. Nam institutum est, ut agamus pœnitentiam, & corpus affligamus. Et abſtinentia quidem à carnibus, cibisque delicatioribus semper ecclesiastici jejuni pars fuit, atque etiam antiquis canonibus constituta (1). Cibi quoque delicatiores, vinique potus erant interdicti (2), ac multi addictos jejunio dies fructibus, herbis, leguminibus transgebant; multi quoque ad duos, tresve, aut quatuor dies jejunium producebant, neque deerant, qui tota hebdomade prorsus jejunii vitam agerent. (3). Quin ab ipso aquæ potu, nisi legitimum advenisset solvendi jejunii tempus, sese Majores nostri abſtinebant (4).

(1) Præclarum quadragesimalis abſtinentiæ monumentum est apud S. Gregorium Turonensem l. 5. c. 4. p. 205. ed. Paris. 1699., qui miratur, quod Ruceuleus, licet ægrotus, & miles, quadragesimæ tempore carnes comederet. Eandem hanc abſtinentiam laudat S. Epiphanius *Exposit. fid.* c. 23. t. 1. p. 1106. ed. Paris. 1822. In Capitulatione de partibus Saxoniae cap. 4. apud Balazium *Capitular. Reg. Francor.* t. 1. col. 181. ed. Ven. 1772. statum est, ut si quis sanctum quadragesimale jejunium pro despectu Christianitatis contempserit, & carnes comederit, morte moriatur. Et Carolus M. *Epist. ad Offm Regem Merciorum* apud eundem Balazium l. c. col. 198. graviter reprehendit Scotum quendam Presbyterum, quod carnem diebus quadragesimalibus comedisset. Confer Natalem Alexandrum, cit. *Dissert. 4. artic. 2.* p. 305. & seq., qui late contra Dallæum, variosque hæreticos ostendit, abſtinentiam à carnibus semper ecclesiæ iei jejunii partem fuisse, atque etiam apud veteres Christianos Ecclesiæ lege præceptam. Vide etiam Bossuetum *Histoire des Variations.* l. 7. n. 92. Quæritur autem num hæc abſtinentia ad antiquam consuetudinem, an potius ad jus positivum referenda videatur; qua de re vide Benedictum XIV. *Inst. eccles. Ins.* 16. n. 3.

(2) Basiliius Hom. 1. de Jejun. t. 2. p. 9. n. 10. ed. cit., Cyrillus Hierosolymitanus *Cuth.* 4. ad illuminat. p. 65. c. 27. ed. Paris. Viæ etiam quæ de Valentiniano Jun. narrat S. Ambrosius in ejus *Orat.* col. 254. n. 16. t. 4. ed. Ven. 1751., de Justiniano Procopius de *Ædific. Justin.* l. 1. c. 7. p. 19. t. 2. ed. Paris. 1666.

(3) Confer Augustinum de *Morib. eccles. catholic.* c. 33. n. 70. col. 712. t. 1. ed. cit., & Auctorem *Constit. Apostolic.* l. 5. c. 18. ibique Concilium Nov. 18. p. 325., qui multis allatis monumentis ostendit, quousque jejunii austeritas apud majores nostros progredereetur. Intende-
batur autem jejunium potissimum in majori hebdomade, quo temporis

intervallo vereres Christiani sub vesperam utebantur *ἑσπερία*, hoc est, arido victu, qui constabat aut pane, & sale cum aqua, uti tradit Epiphanius *Exposit. fidei* n. 22. t. 1. p. 1103. *ed. Petavii Paris. 1622.* aut pane, aqua, sale, & oleribus, uti eum describit Aucter *Const. Apostolic. loc. cit.* Aridum hunc victum per totam Quadragesimam adhiberi jubet Concilium Laodicenum *Can. 50. t. 1. Conc. Labbæi col. 1539. ed. Ven.* Sed Laodiceno Concilio recentior Epiphanius *loc. cit.* legem hanc xerophagiorum tantum in majori hebdomade ab Ecclesia universa observatam fuisse testatur. Ipse enim triplicem jejunii formam distinguit; alteram illius Quadragesimæ partis, quæ septem dies Paschatis, seu majorem hebdomadam præcedit, hæc mitior erat, quoniam xerophagiis minime adstricta; alteram majoris hebdomadæ, quæ illa severior erat, ac xerophagiorum lege tenebatur; postremam utraque asperiores, quoniam hujus hebdomadæ pars, inio & tota sine cibo traducebatur. Prima, & altera universæ Ecclesiæ, cunctisque populis in more erat, & ideo vim legis habuit; postremo vero iis tantum, qui plus pietate servebant, merumque consilium, non preceptum fuit. Hinc ipse Epiphanius majorem hebdomadam *τὴν ἑσπερίαν ἢ δευτέρα* appellat. Epiphanius antiquiores Ireneus. *Ep. ad Victor. P. opp. t. 1. p. 340. ed. Ven. 1734.* & Dionysius Alexandrinus *Ep. ad Basilid. apud Labbæum t. 1. Concil. col. 855. ed. Ven.* ostendunt, plures etiam ea ætate fuisse de forma, ac ratione ante-paschalis jejunii controversias. Consule Massuetum in *Ireneum Dissert. 2. art. 1. n. 23. & seq. p. 74. & seq. opp. Iren. t. 2. ed. cit.* Ceterum qui plures continuos dies jejunium agebant, dicebantur jejunium superponere, & conjungere, uti habent Epiphanius *loc. cit.* Tertullianus *de Patient. c. 13. p. 147. ed. Paris. 1675.* Hieronymus *Ep. 24. ad Marcellam n. 4. col. 128. opp. t. 1. ed. Veronæ 1734.* de qua quidem superpositione jejunii videndus est Du Cangius *verb. Superpositio. Cc. lser etiam Tertullianum de Jejun. cap. 14. p. 552.* & Sozomenum *Histor. l. 1. c. 11. p. 24. ed. Valesii Cantabrig. 1720.*

(4) Celebre est, quod de S. Fructuoso Episcopo Tarraconensi narrat Prudentius *Hymn. 6. p. 188. ed. Paris. 1687.* qui cum ad mortem raperetur, haustum frigidæ recusavit, quod illo die jejunium agebatur, neque adhuc ejus solvendi tempus advenerat. Alia multa ea de re habet Bailletus *t. 3. de Vit. Sanctor. in Histor. quadrag. §. 4. & 7.* ac Mamachius *Costumi de primitivi Christiani t. 2. l. 2. c. 5. §. 2. seq. p. 109. seq.*

§. VII. Unica etiam in die comestio, quæ ex cibis esurialibus frugaliter (1), atque hora legitima, hoc est circa meridiem capiatur, jejunii partem constituit (2). Nunc jejunantibus exigua cœnula permittitur, quæ *collatio* dicitur (3), quæque constare debet ex eo cibo, eaque potio-

ne, quibus homines jejunantes rectæ meticulousæ conscientiae uti solent (4).

(1) Qui in illa unica comestione, ciborum copia, modo, vel condimentis communes excedit limites, si minus præceptum ecclesiasticum reipsa violat, tamen immunis non est ab intemperantiæ nota, sicuti docet S. Thomas in 4. dist. 15. qu. 3. art. 4. qu. 3. ad 2. Igitur norma quædam, sicuti inquit Benedictus XIV. *Inst. eccles. Inst. 15. n. 12, pro ciborum genere, copia, modoque statuendo ex piis, moderatisque viris* sumenda est. Ipse Benedictus XIV. post editas Institutiones, quas emisit, cum Cardinalis esset, postquam Pontifex creatus est, Constitutionibus suis, quas paulo post indicabo, edixit, quid jejuniis, ciborumque genere observandum sit.

(2) Quæsitum est à Theologis, num duæ illæ partes, quibus jejunium constat, abstinencia à certis cibis, & unica comestio, ita inter se conjunctæ, & conglutinatæ sint, ut una sublata, altera quoque necessario tolli debeat. Sed inutilis est hæc disputatio, posteaquam Benedictus XIV. *Cont. 19. 27. 55. 99. ejus Bullar. t. 1. p. 29. 39. 100. 216. ed. indic. jussit* Episcopis, ne cui valetudinis causa diebus quadragesimæ carnis vesci permittant, nisi adjecta lege servandæ alteram jejunii partem, quæ in unica comestione consistit. Confer ipsum Benedictum *cit. Inst. 15. n. 19. & seq. & de Synod. diac. l. 7. c. 3. n. 1.*

(3) Collatio, sive cœnula vespertina originem ducit à monachis, quibus ob laborem manuum, in quo tota die versati fuerant, ipsis jejunii diebus post sumpsum sua hora cibum haustus aquæ permittebatur, cui deinceps frustulum panis adjunctum est, ne simplex aqua noceret. Erat autem proprie collatio lectio spiritualis, quæ statis horis, maxime post cenam quotidie absolvebatur, quæque in clauastro, vel in capitulo fieri solebat, diebus autem jejunii fiebat in refectorio, ne scilicet tempus regularis vitæ officiis destinatum in illa cœnula tereretur. Mox ut surrexerint à cœna, inquit Regula S. Benedicti *cap. 42. apud Holstenium Cod. Regul. t. 1. p. 127. ed. Aug. Vindelic. 1759. sedant omnes in unum, & legat unus collationes, vel vitas Patrum aut certe aliud, quod edificet audientes.* Eodem sensu collationis vocabulum accepit Isidori Regula c. 8, p. 192. *ibid.* Semper autem vespertinus ille ad refectionem aditus esurialibus diebus significabatur his verbis: *ire ad collationem, aut accedre ad lectionum collationum.* Nomen hoc collationis translatus est deinceps ad cœnulam illam, sive refectionem vespertinam, quemadmodum illud adhibetur in Regula Templatorum c. 16. apud Holstenium t. 2. *ibid. p. 434.*, eodemque sensu hoc vocabulum usurparunt sæculares, cum illam cœnulam sumere cœperunt. Vide Natalem Alexandrum *cit. Uissert. 4. art. 7. prop. 2. p. 331.*

(4) Benedictus XIV. *Const. Si Fraternitas 99. p. 216. tit. 1. Bull. ed. cit.*

§. VIII. Observatio jejunii omnibus indicta est, qui ad constitutam ætatem pervenerunt; & Episcopus curare præsertim debet, ut hæc integra observatio sit (1). Verum carnes, aut ova comedendi facultas à Præsidibus iis tribuitur, præsertim in Quadragesima, qui judicio medicorum propter adversam valetudinem cibos esuriales ferre non possunt (2); & sæpe etiam à Summis Pontificibus integre nationi justis de causis eadem hæc venia conceditur (3). In quo illud animadvertere oportet, quod quibus est permissus esus carniū, ovorum, casei, lactis, ii jejunii diebus unicam comestionem servare debent (4), neque cum carnibus pisces miscere possunt (5), aut in vespertina cœnula carne, ovis, lacte, caseo vesci (6).

(1) Concilium Tridentinum *Sess. 25. de Reform. decret. de Elect. cibor. jejun. & dieb. fest.*

(2) Late, ac diligenter hoc argumenti genus persequitur *Benedictus XIV. Instit. Eccles. Inst. 15. n. 13. & seq.*

(3) Inter cæteras, quæ à Romanis Pontificibus integra nationi ea de re datæ sunt facultates, celebris est *Bulla Cruciatæ*, quæ ita dicitur quod olim hæc Bulla concederetur militibus, qui rubro signo S. Crucis insigniti ad bellum contra Turcas proficiscebantur sub Urbano II., & in Concilio Lateranensi sub Julio II. Nunc conceditur Christianis omnibus in Regno Napolitano, atque in regnis, & provinciis Hispaniarum Regi subjectis certam opem, sive operam in subsidium belli contra infideles, & hæreticos conferentibus. Hoc idem privilegium an. 1743. *Benedictus XIV. in Const. Quoniam 86. t. 1. ejus Bullar. ed. cit. p. 172.* attribuit etiam Militiæ Hierosolymitanæ, & incolis insularum ipsius ditioni subjectarum. Qui ejus Bullæ beneficio utuntur, præter alia privilegia, illud etiam habent, ut perseverante anno Bullæ ovis, lacte, carnibus jejunii diebus vesci possint. Multa, quæ ad hanc Bullam pertinent, præter cæteros, collegit *Lucius Ferraris Biblioth. verb. Bulla Cruciatæ.*

(4) *Benedictus XIV. Const. Non ambigimus 19. §. 4. p. 30. & Const. Si Fraternitas 99. p. 217. ejus Bullar. t. 1. ed. cit.*

(5) *Benedictus XIV. Const. 19. §. 4. & Const. 99. mox. cit.*

(6) *Benedictus XIV. ead. Const. 99.* Vide etiam ejusdem *Benedicti Constitutionem. Libentissime 130. p. 319. t. 1. ejus Bullar.,* ubi multa habes, quæ ad jejunii leges pertinent.

TITULUS VII.

DE REBUS SACRIS ET PRIMUM DE ECCLESIIS.

- | | |
|---|---|
| I. Res sacra quæ? Cultus externus. | IX. Variæ ejus partes. Narthex. |
| II. Christianorum Ecclesiæ, & varia earum nomina. | X. Navis. |
| III. Quales primo, quales postea Ecclesiæ fuerint? | XI. Sanctuarium. |
| IV. Vetus earum forma, & situs. | XII. Altare. |
| V. Ecclesiæ significatio duplex. | XIII. Sacra imagines in Ecclesia. |
| VI. Quibus de causis. | XIV. Exteriores Ecclesiæ partes. Vestibulum, & atrium. |
| VII. Et quibus solemnitatibus nova Ecclesiæ ædificetur? | XV. Baptisterium, Secretarium, Pastophorium, Schola, Bibliotheca. |
| VIII. Ecclesiæ reparatio. | |

§. I.

Res sacræ sunt res Deo, & religioni consecratæ, ut quæ pertinent ad divinum cultum, peragantur. Hujusmodi sunt in primis Ecclesiæ, sacræ nimirum ædes, ad quas Christiani conveniunt, ut opera religionis impendant. Ecclesiæ vocabulum proprie significat societatem, & conventum fidelium; sed omnium consensu tractum est ad designandum locum, in quo Christiani suos agunt conventus; & nos hoc sensu ecclesiæ vocabulum usurpamus. Nimirum cum Christi Ecclesia visibilis sit, præter cultum internum, habere etiam debet externum, qui omnis consistit in communibus precibus, in sacris ritibus, in sacrificiis, in sacramentorum administratione; ideoque instituta sunt loca, ad quæ Christiani concurrerent; ut divinis sacrisque rebus operam darent.

§ II. Jam inde ab Apostolorum ætate Christiani certa habuerunt loca, ad quæ frequentes conveniebant, ut res divinas, ac sacras agerent, quæ loca postmodum Ecclesiæ appellata sunt (1); Ecclesiæ inquam, potius, quam templa, ne illi convenire viderentur cum ethnicis, penes quos celeberrima fuerunt templorum, & sanctorum nomina (2). Vocatur autem Ecclesia ab ecclesiasticis scriptoribus etiam *oratorium*, hoc est locus, in quo preces funduntur (3), & *domi-*

nicum, hoc est domus Dei (4); & *basilica*, quo nomine appellabantur regie ædes ad audiendas causas, aut alium publicum usum constitutæ, quæ ædes à piis Imperatoribus Christianis datæ sunt, ut ibi conventus agerent suos (5); & *templa*, quo nomine Christiani serius uti cœperunt, antea non utebantur, cum proprium esset ethnicorum (6); & *tituli* loca scilicet Deo consecrata, quæ sacerdotes, & ministros sibi addictos habebant (7). Si quam in memoriam Prophetæ, aut Apostoli, aut Martýris ecclesiam ædificabant, eam *Propheteum*, *Apostoleum*, *Martyrium* Christiani appellabant (8).

(1) Quamquam certo affirmari non possit, Apostolos initio habuisse Ecclesias, quales certe eorum discipuli habuerunt, tamen exploratum est, eis certa fuisse loca, in quibus opera religionis impenderent. Quod enucleate in primis, & copiose demonstrat Cl. Mamachius de' *Costumi de' primitivi cristiani* l. 1. c. 4. §. 2. n. 2. t. 1. p. 296. seq. Videndus est etiam Medus, peculiari dissertatione, ejus veluti compendium dedit Binghamus *Origin. eccles.* l. 8. c. 1. §. 13. t. 3. p. 141. & seq. ed. Halæ Magdeburg. 1758., qui & sua quædam adjecit, ea-que gravia argumenta adversus eos, qui plane singularem, & novam sententiam, ut inquit, evalgarunt, Christianos tribus prioribus sæculis istiusmodi distincta cultus divini loca non habuisse. Præcipua sunt, quod Paulus I. ad Corinth. XI. 22. iis verbis nunquid domos non habetis ad manducandum, & bibendum? aut Ecclesiam Dei contemnitis? sine dubio Ecclesiæ nomine designat locum sacrum, atque ita Paulum explicant Augustinus, Basilius, Chrysostomus, Sedulius, Theophylactus; quod Apostoli semper in certum locum ad fundendas preces in monte Sione convenerunt, qui fuit hyperoon, sive cœnaculum, ejus in actis Apostolorum toties mentio est; quod Ignatius Ep. ad Dignes. n. 7. apud Cotelerium PP. *Apostol.* t. 2. p. 19. ed. Amstelæd. 1724. discrete memorat *καὶ οὗ τοῦτο τὸν τοῦ Θεοῦ τὸν ναὸν*, & Ep. ad Philadelph. n. 4. p. 31. l. indic. unum altare, quæ altaris mentio satis ostendit, Christianos certum pro sacris conventibus habuisse locum; quod Therapeutas jam in Æta Marci temporibus loca quædam ad Divinum cultum secreta habuisse scribit Eusebius *Histor.* l. 2. c. 17. p. 67. ed. Cantabrig. 1720.; quod denique Alexander Severus, cum Christiani quendam locum, qui publicis fuerat, occupassent, contra popinarii dicerent, sibi eam debere, rescripsit apud Lampridium p. 215. n. 30. ed. Francofurti 1688. melius esse, ut quomodocumque illis Deus colatur, quam popinarii, dedatur. Atque hæc quidem, uti observat Card. Orsias *Histor. Eccles.* l. 6. §. 23., prima fuisse videtur publica Ecclesia, quam Christiani habuerunt, cum antea nonnisi privati, & occultas haberent.

(2) Hinc Origenes, Minucius Felix, Arnobius, Lactantius inquit, Christianos templa non habuisse; quod ita accipiendam esse multis ostendit Mezas, eos talia non habuisse templa, quælia gentes habebant.

(3) Oratorium appellata est Ecclesia, hoc est domus preceationis, idque nomen primum publicæ Ecclesiæ, uti testantur Eusebius *Histor. l. 10. c. 3. p. 461. & de Laude Constantin. c. 17. part. 770.*, & Socrates *Histor. l. 1. c. 18. part. 49. ed. Cantabrig. 1720.*, postea privati oratorii proprium fuit. Oratoria tamen, sive ædes oratorias ab Ecclesiis distinguunt Dionysius Alexandrinus *de Trinit. l. 2. c. 7. p. 200. ed. Bonon. 1769.*, Socrates *Histor. l. 5. c. 10. p. 233. ed. Turin. 1741.*, Geophilus *Antecessor Inst. l. 2. tit. 1. p. 213. ed. anno 1751.* Proprie oratoria minores quædam Ecclesiæ erant.

(4) Hieronymus *Circa. olimp. 277. opp. t. 8. col. 785. ed. Vallarsii Veron. indic.* auctor est nobis, celebrem Ecclesiam Antiochiæ à Constantino ædificari coeptam, & à Constantio absolutam Dominicum aureum appellatam fuisse. Eodem vocabulo ad designandam Ecclesiam utitur Hilarius *ad Constant. l. 1. n. 8. opp. t. 2. col. 540. ed. Veronæ 1736.*

(5) Nomen hoc frequens est apud Ambrosium *Ep. 20. ad Marcellin. n. 1. & Ep. 40. n. 15 opp. t. 3. col. 960. & 1621. ed. Ven. 1751.*, Augustinum *Serm. 356. n. 9. opp. t. 5. p. 2. col. 1383. ed. Ven. cit.*, Hieronymum *Ep. 107. ad Lætan c. 9. t. 1. col. 680. laud. ed.*, Sidonium *l. 7. Ep. 17. p. 1416. opp. Poetarum Latinorum t. 2. ed. Londini 1713.*, aliosque sæculi quarti, & quinti scriptores.

(6) Vix ullus est Christianus scriptor, qui tribus prioribus sæculis ad designandas Ecclesias templi nomine usus fuerit. Sublata, eversaque ethnicorum superstitione, tum deum Christiani scriptores nomen hoc adhibere coeperunt. Magis autem abhorruerunt à fani vocabulo, eoque utebantur, ut indignationem, atque animi dolorem ostenderent adversus quædam conventicula hæreticorum, quos eodem, quo ethnicos, habebant loco, uti patet ex Ambrosio *Ep. 40. ad Theodos. n. 16. opp. t. 3. col. 1021. ed. cit.*

(7) Consule *l. 1. tit. 4. sect. 2. §. 9. not. 2. p. 284.*, ubi de titulis actum est.

(8) Martyrium memorat Eusebius *de Vit. Constantin. l. 3. c. 48. p. 604. ed. cit.* Eaque de causa Eusebius *de Vit. Constantin. l. 4. c. 33. & 40. p. 597. & 648.*, alique *martyrium Salvatoris* appellant ecclesiam, quam Constantinus ædificavit in honorem Christi Salvatoris, qui præcipuus fuit martyr eorum, qui divinæ religionis causa mortem peritulerunt, cujus rei ampla narratio est in epistola Henrici Valesii, quæ est ad calcem historiæ ecclesiasticæ Eusebii, Latini loco martyrii hujusmodi ecclesiam vocat *memoriam martyris*, uti constat ex Augustino *de Civit. Dei l. 22. c. 8. n. 17. & c. 10. col. 669. & 673. t. 7. ed. cit.*, atque apud eos *martyrium* designat etiam Ecclesiam in honorem alicujus sancti, qui martyr non esset, uti patet ex S. Hieronymo *in Vit.*

*Hilarion. c. 31. opp. t. 2. col. 32. ed. Veronæ cit. Apostolei mentio est apud Sozomenum l. 8. c. 17. p. 322. ed. Taurin. 1747., Prophetæi in Concilio Constantinopolitano sub Menna act. 3. col. 1243. t. 2. Collect. Harlani. Memorat etiam ipse Sozomenus Histor. l. 2. c. 3. p. 45. ed. cit. *μυχάλιος* Michanum, hoc est Ecclesiam, quam in honorem S. Michaelis archangeli Constantinus M. in Hestis extra Constantinopolim Deo crexit.*

§. III. Primæ Christianorum Ecclesiæ simplices, & modicæ fuisse videntur, quales videlicet fidelium paupertas, & paucitas, ac formidolosorum temporum ratio patiebatur. Sed aucta fidelibus, atque oblationibus Ecclesia, & extincta christiani nominis invidia, multæ, eæque splendidissimæ ædes ædificate sunt (1). Accesserunt edicta Imperatorum de templis ethnicorum in Ecclesias convertendis (2), & eorum, ac præsertim Constantini munificentia, qua sumptu vere regio magnificentissima templa excitata sunt (3).

(1) Baronius *ad an. 57. n. 82. p. 445. t. 1. ed. Lucæ* copiose demonstrat, Ecclesias pluribus, iisque ditissimis ornamentis antiquitus fuisse refertas. Joannes Henricus Osius Calvinianus in libro, cui titulus: *Examen perpetuum historico-theologicum in Card. Baronii annales*, eam refelle-
re conatus est. Sed ea in re opus hoc errorum, & ineptiarum plenum refutavit Muratorius *diss. 16. ad calc. opp. S. Paulini p. 832. seq. ed. cit.* ubi late ostendit, quam magna, & quam magnifica fuerint antiquarum Ecclesiarum ornamenta. Confer etiam Cl. Mamachium *de Dirritto libro della Chiesa di acquistare, e di possedere beni temporali l. 3. par. 2. c. 3. n. 24. & seq. p. 428 seq.* Monumentis, quæ ab his duobus doctissimis viris allata sunt, addam Didymum Alexandrinum Scriptorem IV. sæculi, qui *l. 2. de Trinit. c. 7. p. 200. ed. Bonon. 1769.* testatur sua ætate Ecclesias fuisse auro, argenteo, & choro ornatas.

(2) Plures ea de re leges extant in Codice Theodosiano *l. 9. tit. 17. & Leg. 2. Cod. de Sepul. violat.*, idque etiam testatur non Christiani solum Scriptores Eusebius *de Vit. Constantin. l. 3. c. 51. & 58. p. 606. & 613. ed. cit.*, aliique, sed etiam ethnici Eunapius *Vit. Aedez. p. 33. ed. Coloniae Allobr. 1616.*, Libanius *Orat. apolog. 26. p. 391. t. 2. ed. Paris. 1627.*, Julianus *Orat. 7. p. 224. t. 1. ed. Lips. 1699.*

(3) Constantinus nullis perpercit sumptibus, ut in omnibus Orientis partibus, ex gr. Hirosolymis, Antiochiæ, Nicomediæ juxta quæcumq; Maandro, Heliopoli in Phœnicia, aliisque locis complaribus splendidissimæ Ecclesiæ edificarentur, sicuti narrant Eusebius *de Vit. Constantin. l. 3. c. 50. & 51. p. 603. & 606.* & Socrates *Histor. l. 1. c. 16. 17. 18. p. 45. & seq. ed. cit.* Ipse etiam fundamenta jecit celebratissimæ Ec-

clesiæ, quæ *S. Sophia*, & *Magna dicta*, quæque annis triginta tribus post à Constantio absoluta est, uti Socrates l. 2. c. 16. p. 95. ed. Cantabrig. 1720., & Auctor *Chronici Alexandrini ad an. 360.* memoriæ prodiderunt; quam quidem Ecclesiam incendio consumptam iterum Justinianus splendidius ædificavit. Ejus autem descriptionem habes apud Evagrium, Procopium, Agathiam, Paulum Silentarium.

§. IV. Vetus Ecclesiæ forma, & situs non semper idem. Interdum oblonga erat, ac navis similis, interdum rotunda, aut plurium laterum, aut ad formam crucis (1); quæ de re non unus semper, nec ubique mos fuit. Ecclesiæ frons, ut plurimum, ad Occidentem spectabat, sanctuarium ad Orientem, quoniam versus Orientem Christiani preces fundebant (2). Sed sæpe neque Orientem, neque Occidentem, Sanctuarium respiciebant; & vero antiquis monumentis quavis forma, & situ Ecclesiæ exhibentur (3).

(1) Auctor *Constit. Apostol. l. 2. c. 57.* apud Cotelerium *PP. Apostolic. t. 1. p. 263.* & 264. cit. ed. Ecclesiam valde esse oblongam navis similem. Verum Ecclesiam à Constantino in monte Golgotha ædificatam rotundam fuisse, octo autem laterum Ecclesiam Antiochenæ tradunt Eusebius in *Vit. Constantii. l. 3. c. 38.* & 50. p. 599. 606. ed. cit., & Strabo de *Reb. eccles. c. 4.* in *Biblioth. PP. t. 10. col. 664.* ed. Paris. Alias fuisse Ecclesias ad formam crucis, scribit Evagrius *Histor. l. 1. c. 14. p. 268.* ed. Valesii Cantabrig. 1720., & Cedrenus *Vit. Justin. in compend. histor. t. 1. p. 390. n. 160.* ed. Paris. 1647.

(2) Auctor *Constit. Apostolic. l. c.*

(3) Late id ostendit Binghamus *Orig. eccles. l. 8. c. 3. §. 1. & 2. t. 3. p. 172.* ed. cit.

§. V. Ecclesiæ vocabulum latius, & angustius accipitur. Latius acceptum significat sacras ædes, ad quas populus confluit divinis, sacrisque rebus operam daturus; & hujusmodi sunt templa cathedralia, Parochialia, collegiata, conventualia. Cathedralis Ecclesia est, quæ fixam habet Episcopi cathedram, & mater, ac princeps est Ecclesiarum omnium, quæ in diocesi sunt. Parochialis Ecclesia proprium habet Presbyterum, qui sub Episcopo curam animarum gerit; collegiata collegium canonicorum. Denique conventuales Ecclesiæ sunt, quæ à Monachis, & Regularibus administrantur. Latius acceptum Ecclesiæ nomen comprehendit e-

tiam oratoria, sacella, capellas, quæ privatis conventibus, præsertim vero mittendis ad Deum precibus addictæ sunt.

§. VI. Novum templum non temere, & cujusque arbitrio ædificandum est, sed causa cognita, & cum Episcopi auctoritate (1). Causæ sunt populi commoda, & necessitates (2). Quare si tanta sit populi distantia, viarumque discrimen, ut ille sine magno incommodo, aut periculo ad Ecclesiam accedere nequeat, novum templum excitandum est (3), & nova etiam Ecclesia conceditur leprosis, aliisque contagioso morbo laborantibus, ubi suos agant conventus, ne cæteri fideles inficiantur (4). Sed & Episcopo pro paranda sibi sepultura novam Ecclesiam ædificare permittitur, eique ex propriæ Ecclesiæ redditibus dotem attribuere (5).

(1) *Can. 9. de Consecrat. dist. 1. Concilium Chalcedonense Can. 4. col. 601. & seq. t. 2. Collect. Harduini.*

(2) *Can. 10. dist. 1. de Consecr., Cap. 3. & ult. de Eccles. ædific.*

(3) *Concilium Tridentinum Sess. 21. c. 4. de Reform.*

(4) *Cap. 2. de Eccles. ædific.*

(5) *Can. 74. c. 12. qu. 2., Cap. 9. de Donat.*

§. VII. Cum nova fabrica inchoanda est, Episcopus designato loco preces fundit, & crucem humi deligit, ubi majus altare locari debet (1). Ante ædificationem curandum est, ut nova Ecclesia dotem habeat, unde necessaria pro ministris, pro luminaribus, pro sacra suppellectile, & cæteris, quibus est opus, perpetuo compareantur (2); audiendique sunt Parochus antiquæ Ecclesiæ, & cæteri, quorum interest, iisque etiam injuste adversantibus, novum opus inchoatur, & adsolvitur. Parochus antiquæ Ecclesiæ, quæ *matrix* dicitur, respectu habito ad novam, seu *filialem* Ecclesiam, debet partem fructum Parochiæ suæ novo Parocho attribuere, habetque ab Ecclesia *filiali* annuam præstationem, quæ ejus subjectionis argumentum est. Cum opus fuerit, Episcopus etiam novæ Parochiæ cives compellit ad præstandum Parocho id, quod ei necessarium est ad vitam honeste traducendam (3).

(1) *Consule Pontificale Romanum par. 2. t. 1. & 2. t. 2. p. 1. seq. ed. Rom. 1739.*

(2) *ibid. ibid. ibid.*

- (2) *Can. 26. & 36. caus. 16. q. 7., Cap. 8. de Consecrat. Eccles.*
 (3) *Concilium Tridentinum cit. Sess. 21. c. 4. de Reform.*

§. VIII. Ecclesie jam constructe identidem reparandæ, instaurandæque sunt. Id vero faciendum est ex bonis earumdem Ecclesiarum, & ideo jam inde à sæculo VI. viguit consuetudo, ut certa pars reddituum ecclesiasticorum ad Ecclesie fabricam pertineret (1). Cum Ecclesia non habet hos redditus fabricæ addictos, beneficiarii debent suorum beneficiorum Ecclesias instaurare (2), eidemque oneri subsunt etiam, qui decimas, aut alia bona ecclesiastica possident (3). Cathedralem Ecclesiam reparare præsertim debet Episcopus, atque aliquid etiam ejus canonici in id conferre coguntur (4). Cum bona ecclesiastica non suppetant, patronos, & ceteros ecclesiasticorum bonorum possessores, ac denique parochianos Episcopus ad parochiam instaurandam cogit. Quod si nullus sit Ecclesie reparandæ modus, ea convertitur in profanos non sordidos usus, ibique crux erigitur, & ejus jura ad matricem, aut ad viciniorum ecclesiam transferuntur (5).

(1) Hoc juris Augustino Angliæ Episcopo Gregorius M. præscripsit *Can. 30. caus. 12. qu. 2.*, & idem etiam sancitum extat aliis canonibus, qui eodem loco à Gratiano referuntur. Eademque quoque aliorum, præsertim in hispaniis, Ecclesiarum fuisse disciplinam, & quidem ex antiqua traditione, constat ex Concilio Tarraconensi *Can. 8. col. 1042. t. 2. Collect. Harduini.*

(2) *Cap. 1. & 4. de Eccles. edific.*

(3) *Can. 2. & 3. caus. 10. qu. 3.*

(4) *Cap. ult. de His quæ fiunt à major. par. capit.*

(5) *Concilium Trident. Sess. 21. c. 7. de Reform.*

§. IX. Jamvero Ecclesie, præsertim ampliores, pluribus constat partibus, quarum aliæ interiores, hoc est intra parietes sunt, aliæ exteriores, quæ parietibus non includuntur. Partes interiores ex antiqua disciplina erant *narthex*, sive *ferula*, *templum*, sive *navis*, & *bema*, sive *sanctuarium* (1). *Narthex* erat pars oblonga, & angusta ad instar *ferule*, è transverso frontis Ecclesie, ibique, dum sacræ conciones habantur, infideles, hæretici, cathecumeni, & poenitentes *audientes* dicti consistebant (2).

(1) In has quidem partes tres plerumque Ecclesiæ dividebantur. Morinus tamen de *Pœnitent.* l. 6. c. 1. n. 20., & Le-Brunius *Explicat. Missæ* r. 2. dissert. 1. art. 8. p. 64. ed. Ven. 1770. monet, primis temporibus Ecclesias in duas tantum partes fuisse triuitas, in aulam, sive atrium laicorum, & in Sanctuarium, in quo consistere Episcopis, Presbyteris, & Diaconis tantum licebat; divisionem autem illam in partes tres serius à Monachis initium habuisse.

(2) De antiqua Ecclesiarum forma copiosissime, accuratissimeque disputat Cl. Mamachus de *Costum. de' primitivi cristiani* l. 1. c. 4. §. 2. n. 3. & seq. t. 1. p. 308. seq.

§. X. Nartheceem excipiebat pars illa Ecclesiæ, quæ proprie *templum*, ac *navis* dicebatur. Hæc, ut plurimum, quadrata erat (1), eamque à narthece separabant lignea quædam repagula pervia portis; quas portas *regias*, & *speciosas* appellabant (2). In inferiori hujus partis loco, qui statim ingredienti occurrebat, stabant poenitentes *substrati* (3), in superiori, qui erat Sanctuario propinquior, *Consistentes*, & fideles communicantes; & hi suum quique habebant locum mares discretum à feminis, virgines à nuptis, monachi à sæcularibus (4). In media *navi* erat *Ambo*, hoc est locus editus, ad quem per gradus patebat ascensus, in eoque stabant cantores (5), & lectores, qui epistolas, atque evangelia legebant (6), & in eo etiam diptycha recitabantur (7).

(1) Hinc in Constitutione Theodosii, & Valentiniani, quæ extat in *Codice Theodosiano post Leg.* 4. l. 9. tit. 45. t. 3. p. 397. ed. Lips. 1738., Ecclesiæ navis quadratum populi oratorium appellatur.

(2) Regiæ, seu speciosæ dicebantur navis portæ, vel quod per eas ad regium Dei patatium, hoc est Ecclesiam patebat accessus, vel quod ibi Reges templum ingressuri coronas deponebant. Hinc Leo Grammaticus in *Vit. Michael. Imper.* p. 466. ed. Paris. 1655. tamquam rem insolentem, & indignam animadvertit, quod ipse Imperator cum venisset ad portas regias, coronam non deposuisset, uti reges facere consueverant.

(3) Omnes ecclesiasticarum antiquitatum scriptores suum substratis adscribunt locum à cæteris discretum, auctoritate præsertim Tertulliani de *Pudicit.* c. 13. p. 564. ed. Paris. 1675., & Socroni *Histor.* l. 7. c. 16. p. 300. ed. Cantabrig.

(4) Mures à foraminis per ligneos parietes scernebantur; cujus consuetudinis testimonia sunt apud Cyrillum Hierosolymitanum *Prefat. in Catech.* n. 14. p. 10. ed. Paris. 1720., Augustinum de *Civit. Dei.* l. 2.

c. 28. & l. 22. c. 8. n. 3. col. 57. & 685. t. 7. ed. Ven.; Paulinum in Vit. Ambros. n. 11. opp. Ambros. t. 4. col. 4. ed. Ven. 1751.; Socratem Hist. l. 1. c. 17. p. 47. ed. Cantabrig. 1720.; & ligneos quidem parietes, per quos communis à maribus discernebantur, nominat Chrysostomus Hom. 74. in Matth. opp. t. 7. p. 712. ed. Paris. 1727. Aliæ erant portæ, per quas viri, & aliæ, per quas mulieres Ecclesiam ingrediebantur. Hinc Auctor Constit. Apostolic. l. 2. c. 57. p. 266. t. 1. ed. cit. Estiarios stare jubet ad virorum introitus, quos custodiant, Diaconissas ad mulierum. Atque ex eodem Auctore loc. cit. intelligimus, virgines, & nuptas fuisse discretas, quod etiam patet ex Ambrosio de Lapsu virgin. c. 6. n. 22. & 24. col. 387. & seq. t. 3. ed. Ven. 1751.

(5) Concilium Laodiceum Can. 15. col. 784. t. 1. Collect. Harduini.

(6) Cyprianus Ep. 34. p. 49. ed. Paris. 1666.

(7) Concilium Constantinopolitanum V. sub Menna act. 5. t. 2. col. 1523. Collect. Harduini.

§. XI. Tercia, & intima antiquarum Ecclesiarum pars erat *sanctuarium*, quod Græci *Bema* appellabant. Locus hic septis, sive cancellis munebatur (1), uti nunc munitur, ne laicis ad eum pateret aditus (2), cum sacra officia peragebantur (3). Cancelli erant portulis pervii; portulas autem, & spatia cancellorum vela quædam obtegebant (4). Suprema pars *Sanctuarii Apsis* (5) dicebatur, ædificium scilicet semicirculi formam exhibens, ubi thronus Episcopi, sedesque erant, seu throni Presbyterorum (6).

(1) Eusebius Hist. eccles. l. 10. c. 4. p. 419. ed. Taurin. 1746. Memorat etiam altare cancellis septum Zeno Veronensis l. 2. Trac. 30. t. 1. p. 241. ed. Aug. Vindelic. 1758.

(2) Confer Concilium Trullanum Can. 69. t. 7. Collect. Labbæi col. 1379. Concilium Laodiceum Can. 19. col. 1533. t. 1. ejusd. Collect. similis interdictio in sanctuario communicare permittit, quod nomine alii superiores tantum clericos, Presbyteros, & Diaconos, alii etiam interiores intelligunt.

(3) Pars hæc Ecclesiæ *adyta*, seu *inaccessa* dicebatur, quoniam ad eam populo accedere non licebat. Quamquam non uia semper, neque eadem omnium Ecclesiarum consuetudo fuisse videtur. Nam Dionysius Alexandrinus Ep. ad Basilidam Can. 2. apud Labbæum t. 1. Conest. col. 856. ed. Ven. viros, & feminas minus ad altare accessus se memorat. cum faciem suam accipiebant, atque ita Dionysio exprimit Valesius in Euseb. Hist. l. 7. c. 9. p. 330. Idem habet Concilium Turquense II. Can. 4. col. 358. t. 3. Collect. Harduini.

(4) Vela hæc memorant Athanasius Ep. ad solitar. t. 1. p. 298. n. 56.

ed. Patav. 1777. Hieronymus in Epitaph. Nepotian. opp. t. 1. col. 338. ed. Vallars. Veron., aliique complures. Ea Synesius Ep. 67. ad Theophil. p. 212. ed. Paris. 1633. vocat *vela mystica*; sæpe autem erant aurea ornata, uti testatur Evagrius l. 6. c. 21. p. 466. ed. Valartii Cantabrig. 1729. Confer Da-Cangium in *Glossog. græc. hær. verb. lxxviii.*

(5) Apsis græcum verbum est ἀψῖς, quod latine significat arcum, fornicem. Pars illa Ecclesie, in qua majus altare collocabatur, propriam habebat fornicem, aut arcum, quo tegebatur, ideoque apsis appellata est. Hieronymus l. 2. in Ephes. c. 4. opp. t. 7. col. 614. ed. Vallars. Veron. In summo, inquit, cæli fornice, & ut ipso verbo utar, apside. Vide Du-Cangium verb. *ἀψῖς*.

(6) Presbyterorum sedes proprie secundi throni dicebantur, quos memorat Nazianzenus Cirm. *imonic. 22. t. 2. p. 244. ed. Colonie 1690.*, atque nunc Constantinus apud Eusebium l. 10. c. 5. p. 485. ed. indic. Cæsarium Syracusanam Episcopam ad Arelatense Concilium vocans duos *secundi throni*, hoc est duos Presbyteros secum deferre jubet.

§. XII. In medio sanctuario à pariete sejunctum erat altare, quod etiam *ara, mensa sacra, sanctum sanctorum* dicitur (1). Initio lignea, ut plurimum, erant altaria, deinde lapidea facta sunt (2); erantque etiam in locis compluribus auro, argentoque cooperta (3). Unum in Græcis ecclesiis erat altare, uti nunc etiam est (4); sed Latini jam inde ab antiquissimis temporibus plura in una Ecclesia altaria habere consueverunt (5). Altare obtegebat lintetum (6), atque ornabat ciborium (7), & crux in eo stabat (8); & prope crucem ex utroque latere candelabra, quæ ardebant, dum sacra peragebantur (9).

(1) Altare semper Christianos habuisse, in quo rem divinam conficerent, certum est; ut probe inscitia sit, aut impudentia hereticis Calvinianorum, qui verum Christi corpus in Eucharistia esse negantes vocem *Thysiassterion*, seu *Altare* per tria priora secula vero, ac proprio significata usurpatam non fuisse contendunt. Videamus et de re Cardinalis Petronius de Sacrosanct. *Eccles. sacram. adversus Philippum Morneau du Plessis. l. 2. p. 174. & seq.* ubi id late demonstrat, & ipsi etiam videndi sunt a catholica communione alieni Scriptores Gaudelinas Beveregias in Cod. Canon. *Beates. primitiv. c. 10. n. 3.*, Joannes Clericus apud Cœclerium PP. *Apostol. t. 2. p. 113. ed. indic.*, Josephus Binghamus *Orig. & antiq. eccles. l. 8. c. 6. §. 12. & 13. t. 3. p. 222. seq. ed. Hæle Magd. 1758.*

(2) Augustinus Ep. 185. ad Bonifac. opp. t. 2. col. 654. n. 27. ed. Ven. 1729, Optatus Milevianus l. 6. p. 112. ed. Paris. 1676., Athana-

sias *Ep. ad Solitar. vit. agen. t. 1. p. 198. n. 56. ed. cit.* De lapideis altari-
bus decretum extat Silvestri Pontificis; sed hujus decreti suspecta fides
est. Certe etiam post hanc ætatem in multis Ecclesiis lignea fuisse alta-
ria, ostendit Martenius *de Antiq. eccles. rit. l. 1. c. 3. art. 6. §. 4. t. 1. p. 111. ed. Antwerp. seu Ven. 1763.* Lapidum altare memorat Gregorius
Nyssenensis *Baptism. Christ. p. 801. opp. t. 1. ed. Paris. 1615.*; & Con-
cilio Epæonensi *Can. 26. col. 1050. t. 2. Collect.* Harduini sancitam est,
ut altaria, nisi lapidea, unctione non sacrentur. Cum autem altariam ma-
teria mutari cæpit, formam etiam mutatam fuisse, tradit Binghamus
Orig. & antiq. eccles. l. 8. c. 6 §. 15. t. 3. p. 228. ed. c. Nam cum ea
mensarum similitudinem antea referrent, ad instar aræ erigi cœperunt,
& una, duabusve, aut quatuor columnis lapidea mensa nitebatur, ac
nonnulla etiam quadro superposita ædificio, uti observat Card. Bona
Rev. liturg. l. 1. c. 20. §. 1. t. 2. p. 64. ed. Taurin. 1749., tumuli for-
mam referebant, tamquam martyrum sepulchra, quæ proprie altaria,
quasi altæ aræ, dicebantur.

(3) Sozomenus *l. 9. Histor. eccles. c. 1. p. 364. cit. ed. Cantabrig.*, &
Nicephorus *l. 14. c. 2. p. 439. t. 2. ed. Paris. 1630.* narrant, Palene-
riam Augustam Arcadii filiam, & Theodosii Junioris Imperatoris scro-
rem Constantinopolitanæ Ecclesiæ donasse sacram mensam auro, gem-
misque confectam, quam describit Paulus Silentarius in *Descript. Ædis
Sophianæ p. 518. n. 335. ed. Paris. 1670.* Ejusdem materiæ fuisse men-
sam altaris Ecclesiæ, quam Basilius Macedo in palatio suo ædificavit,
testatur Constantinus Porphyrogenitus in *ejus. vit. c. 83. p. 200. ed. Pa-
ris. 1685.*, & aureum item altare memorat Ughellius *Ital. Sac. t. 4.
col. 82. ed. Ven. 1719.*

(4) Unum Græcis altare fuisse demonstrat S. Ignatius M. *Ep. ad Phi-
ladelph. n. 4. p. 77. ed. cit.*; idque etiam patet ex Theodoro *l. 1. c. 31.
p. 64. cit. ed. Cantabrig.* Sed quamquam Græci unum habebant in Ecclesia
altare, plura tamen, ipsique Ecclesiæ proxima, ac muro disjuncta sa-
cella, sive oratoria habent, quæ *Paræcclesiæ* vocantur, quasi Ecclesia-
rum appendices, in quibus, uti narrat Goarius in *Not. ad Eucholog.
p. 16.*, pro festis diebus liturgiam privatim agunt. Consule Leonem Alla-
tium *de Græcor. recent. templis p. 177. ed. Paris. 1646.*

(5) Latinos jam inde ab ætate Gregorii M. plura in una Ecclesia al-
taria habuisse, inter omnes constat. Nam disertus est Gregorii locus
l. 6. Ep. 49. ad Pallad. Santonens. Episc. t. 2. p. 828. ed. Paris. 1705.,
ubi habentur hæc: *Veniens lator presentium insinuat nobis, Frater-
nitatem vestram Ecclesiam construxisse, atque illi tredecim altaria collo-
casse, ex quibus quatuor necdum dedicata compervimus remansisse.* Verum
& ante hoc tempus eandem fuisse Latinæ Ecclesiæ disciplinam facile in-
telliget, quisquis in ecclesiasticas antiquitates paulo diligentius inquirat.
Revera in vetustissimo S. Sepulchri templo Hierosolymitano à Constanti-
no M. erecto tria, & in Ecclesia Beatae Mariæ de Valle Josaphat qua-
tuor altaria fuisse, tradit Arculfus Episcopus Gallus, qui VII. sæculo

loca sacra lustravit, uti testatur Adamnanus de *Loc. sanct.* l. 1. c. 2. & 13. apud Mabillonium *Act. SS. Ord. S. Benedict.* sec. 3. part. 2. p. 457. & 460. ed. Ven. 1734. Plura quoque in una Ecclesia altaria memorant S. Ambrosius *Ep.* 20. ad *Marcellin. soror.* n. 8. & 26. c. 908. t. 3. ed. Ven. 1751., S. Augustinus *Serm.* 5. de S. Stephan. opp. t. 5. par. 2. col. 1271. & de *Civit. Dei* l. 8. c. 27. t. 7. col. 217. ed. Venet. 1732., Frudentius *lib. de Peristeph.* seu de *Coron. hymn.* 3. 4. & 5., S. Paulinus *Poem.* 19. col. 471. & *Ep.* 31. & 32. col. 193. 199. 202. & 471. ed. Veronæ 1736., S. Gregorius Turonensis de *Glor. marty.* l. 1. c. 34. col. 760. ed. Paris. 1699. Similiter Joannes Diaconus Scriptor vitæ S. Gregorii M. *Ep. ad Senarium* apud Mabillonium *Mus. Italic.* t. 1. p. 74. a Majoribus, qui certe Gregorio antiquiores erant, decretum testatur, quod Romæ Sabbato Paschæ septem in Ecclesia altaria consecrarentur. In cœmeteriis etiam plura erant altaria, atque unum ex iis describit Aringhius *Rom. subterr.* l. 3. c. 22., in quo non pauca martyrum tumulis superposita altaria observantur. Cœmeteria autem Christianis erant Ecclesiæ, cum eumci imperio potirentur. Recte hinc Cabassutius *Notit. Eccles. Dissert.* 10. n. 5. p. 40. ed. Lugduni 1680., Jueninius de *Sacram. Dissert.* 5. q. 7. c. 3., Muratorius in *Paulin. cit. poem.* 19. col. 471., PP. Maurini in *S. Gregorium cit.* p. 49. l. 6., alique colligunt, plurium in una Ecclesia altarium usum apud Latinos antiquissimum esse. Ex quo intelligitur, quam falso, & quam imperite hæreticus homo Claudius Salmasius in *Solin. Polyhist.* p. 1213.; & ceteri, qui Salmasii errorem sequuntur, tanquam rein novam reprehendant hodiernam Latinæ Ecclesiæ disciplinam, per quam plura in uno, eodemque templo altaria retinentur. Non inficior, in quibusdam etiam Occidentis Ecclesiis unum fuisse altare in unoquoque templo, atque hanc fuisse quarundam Africæ Ecclesiarum consuetudinem, intelligimus ex Optato Milevitano l. 1. p. 21. ed. Paris. 1676, sed certe in reliquo Occidente obtinebat ea, quæ nunc obtinet, consuetudo plura in una Ecclesia altaria retinendi.

(6) Vide Optatum Milevitano l. 6. p. 113. ed. cit., & Victorem Vitensem de *Persecut. Vand.* l. 1. in *biblioth. PP.* t. 7. p. 1896. ed. Lugdun.

(7) Sacræ mensæ ciborium imminuebat, hoc est umbraculum, ut inquit Da Fresnius *comment. in Paul. Silent.* p. 569. n. 57. ed. cit., alius eductum, quo universa sacra mensa tegebatur. Conter ipsam Pauli Silentarii, & Da Fresnii locum. Consule etiam Anastasium Bibliothecarium in *S. Gregorio I.*, in *Honorio*; in *Leone III.* p. 115. 120. 285. ed. Rom. 1713., quibus locis ciborri mentio est, & vide etiam vetustum ordinem, ubi ciborii benedictio extat, apud Martenium de *Antiq. eccles. rit.* l. 2. c. 19. t. 2. p. 294. ed. cit.

(8) Usuum crucis, quæ in altari locatur, ab Apostolica traditione descendere putat Card. Bona *Rer. liturgic.* l. 1. c. 25. §. 8. p. 317. t. 2. ed. Turin. Variæ autem erant crucis figuræ, quas describit Maratorius *Anecd.* t. 1. diss. 21. de *Cruce Nolani* p. 210. cit. Mediolani 1697.,

Consule Robertum Salam in *Notis ad illum Bonæ locum*, & Gretserum de *Cruce* l. 2. c. 13.

(9) Candelabra, aliaque vasa affabre facta ex auro, argento, aliove metallo, quibus fixæ candelæ, vel ellychnia oleo imbuta accendebantur ad præbendum lumen, ab ipsa Apostolorum ætate in Ecclesia adhiberi consuevisse, ostendit Baronius *ad. an.* 58. n. 70. & seq. p. 515. t. 1. ed. Luc. Confer etiam Card. Bonam *Rer. liturgic.* l. 1. c. 25. §. 7. ibique Salam *Not.* 4. t. 2. p. 314. & 316. ed. Taurin. 1749., Tourne-lyum *Prælect. theol. de Sacrifi. Missæ* q. 8. art. 13., Casalian de *Veter. sacr. Christianor.* rit. c. 42. p. 184., Durantum de *Rit. eccles. cathol.* l. 1. c. 8., Ciampinium de *Sacr. ædific.* Constant. M. c. 10. p. 134. Dominicum Georgium de *Liturg. Rom. Pontif. disquisit. de Sacr. ministr.* c. 8. & seq. In antiqua inscriptione Eugenii Notarii apud Aringhium *Rom. subterr.* t. 1. l. 2. c. 10. p. 340. mentio fit reddituum quorundam ex hortis transtyberinis ad luminaria. Accendebantur autem lumina non solum noctu, sed etiam die, quem morem cum reprehenderet Vigilantius ei graviter, nervoseque respondit Hieronymus *Contr. Vigilant.* t. 1. c. 394., inquit, eam esse Ecclesiæ consuetudinem, accendique luminaria non ad fugandas tenebras, sed ad signum lætitiæ demonstrandum; quibus iisdem verbis utitur Isidorus *Orig.* l. 7. c. 12. p. 100. ed. Paris. 1601. Sane qui luminum in Ecclesia usum vetustissimum esse negat, is plane rudis Ecclesiasticæ antiquitatis esse debet. Mitto quæ de cereis in pervigilio Paschatis accendi solitis in Ecclesiis Christianorum scriptum reliquerunt Eusebius in *Vit. Constantin.* l. 4. c. 22. p. 575. ed. Taurin. 1746., ibique Valesius in *Not.* 8., S. Gregorius Nazianzenus *Orat.* 19. n. 31. opp. t. 1. p. 304. & *Orat.* 42. n. 4. p. 676. ed. Colonæ 1790., S. Zeno Veronensis *Tract.* 38. t. 1. p. 250. ed. Augustæ Vindelic. 1758., quem in locum videndi sunt Fratres Ballerini *Not.* 3.; quæ item de luminibus in funere S. Cypriani adhibitis tradita sunt in *Actis ejus passion.* opp. S. Cypriani col. CXLVI. ed. Ven. 1758., in funere autem S. Paulæ memoriæ prodit S. Hieronymus *Ep.* 27. seu. 108. ad *Eustoch.* t. 1. col. 716. n. 29. ed. Vallarsii Veron., quæ demum supra demonstra- vi tit. 2. sect. 1. §. 35. de cereis facibus catechumenorum. Mitto in- quam hæc; nam latinam, quæ noctu, & interdiu in Ecclesiis arde- bant, dissertissimam mentionem faciunt S. Paulinus Nolanus *Poem.* 14. de *S. Felic.* vers. 99. & seq. p. 385. ed. Verona 1736., S. Epiphanius *Epist. ad Joann. Hierosol.* opp. t. 2. p. 317. ed. Colonæ 1682., Pruden- tius apud Ruinart in *Act. prim. Mart. Hymn.* 2. de *Martyrio S. Lau- rent.* p. 190. ed. Amstelæd. 1713. S. Leo M. *Serm.* 14. c. 2. t. 1. col. 434. ed. Butleri. Ven. 1753., Concilium Cartuaginense IV. c. 6. t. 2. *Con- cil.* col. 1437. *Collect. Labbæi.* De canone 24. Concilii Eliberitani, qui cereos per diem in cœmeteriis incendi vetat, multæ sunt doctorum ho- minum interpretationes, quas vide apud Cardinalem de Aguiere *Concil. Hisp.* t. 1. p. 537. & seq. Confer etiam Albaspinæum in *Not. ad eund.* p. 172. ed. Neap. 1770.

§. XIII. Vix ullus in antiquissimis Ecclesiis sacrarum imaginum usus fuisse videtur (1). Non enim eas adhiberi patiebatur & prisca Christianorum paupertas, & veterum formidolosorum temporum ratio, & petulantia ethnicorum, qui illas facile deridere, & contemnere poterant. Accedit & alia ratio, quod illæ imagines aliquam forte offensionem afferre poterant ethnicis, qui Christi religionem amplectebantur. Sed eversa Idololatria, lateque diffusa, & constituta Christianæ Religione, sacræ imagines aut pictura, aut statuis expressæ adhiberi cœperunt (2).

(1) Nullum quidem est, quod ego sciam, antiquum monumentum, unde colligi possit, tribus prioribus sæculis in Ecclesiis adhibitæ fuisse sacras imagines, uti nunc adhibentur. Hoc tantum certum est, iis etiam temporibus non plane ignotum fuisse earundem imaginum usum. Nam Pastoris suis humeris ovem gestantis, hoc est Christi imaginem in calice extantem memorat Tertullianus de Pudicit. c. 7. p. 559. ed. Paris 1675., & Lucianus Dial. Philopater. t. 3. p. 597. ed. Amstelæd. 1743 satis clare indicat imaginem S. Pauli, quam ipse viderat, & quam petulanter irridet. Adde quod de muliere Syrophœnissa scribit Eusebius Histor. l. 7. cap. 18. p. 342. ed. cit., eam ex sanguinis fluxu à Christo Domino sanata in ejus honorem æream statuam crexisse, quæ Eusebii ætate adhuc Cæsarææ Philippi visebatur. Quam statuam cum ethnici Juliano Apostata Imperatore confregissent, Christiani eas frustula colligerunt, & in Ecclesia collocarunt, sicuti narrat Sozomenus Histor. l. 5. cap. 21. p. 212. cit. ed. Cantabrig. Adde etiam antiqua vitra, ex quibus prioribus quoque sæculis sacrarum imaginum usus estenditur; sed quod illæ in ecclesiis adhibitæ non fuerint, uti post extinctam idololatriam adhiberi cœperunt, mirari non poterit quisquis eorum temporum rationem animo comprehensam, & exploratam habeat.

(2) Innumera fere sunt monumenta IV. V. & VI. sæculi, ex quibus constat, ea tempestate sacras imagines in omnibus fere ecclesiis adhiberi consuevisse. Seligam quædam, sed dissertissima Patrum loca. Augustinus de Consens. Evangelist. l. c. 10. opp. t. 3. part. 2. col. 8. ed. cit. memorat imaginem Christi pictam cum Petro, & Paulo; tum Apostolorum Petri, & Pauli effigies ibidem coloribus expressas referi Ambrosius, & Hieronymus, quos laudat Selvagus antiq. Christian. l. 2. c. 4. §. 4. Similiter Gregorius Nyssenus sacrarum imaginum usum vehementer laudat in Orat. de S. Theodor. opp. t. 1. p. 1011. ed. Paris 1615.; & Luc etiam referenda sunt testimonia Asterii Amasæe in Ponto Episcopi Panegyric. de S. Euphem. apud Ruinart. p. 490. num. 1. ed. Amstelæd. 1713., Paulini Natal. 9. & 10. Felic. p. 641. vers. 511. & seq., & p. 615. vers. 14. & seq. ed. Veron. 1736., Vener. Bedæ in Vit. S. Bene-

dicti Episcopi Abb. apud Mabillonium *Act. SS. Benedict. sæc. II. l. 1. n. 6. §. 9. p. 964. & 966. ed. Ven. 1733.*, & Theodori *Hist. relig. vit. 26. p. 882. t. 3. ed. Par. 1642.*, qui refert S. Simeonis Scythæ imagines frequentissimas Romæ fuisse, ut tantum, tanquam Deo earum hominem multi Patronum haberent. Illud tamen animadvertit Petavius de *Incarnation. l. 15. c. 14. n. 3. theol. dogmat. t. 4. part. 2. p. 580. ed. Paris 1650.*, magis usitatas picturas, quam statuas fuisse. Locum autem Epiphanii in *Ep. ad Joan. Hierosolymit. t. 2. p. 317. ed. Paris 1622.* & canonem 36. Concilii Eliberitani, quæ duo antiquo usui sacrarum imaginum obstare videntur, late explicat Alaspineus in *Not. ad d. can. Eliberit. p. 174. ed. Neap. cit.*, Bona Rerum *liturgic. l. 1. c. 16. §. 2. t. 1. p. 328.*, ibique Sala *Not. 6. & seq. p. 331. ed. Taurin.*, Schelstratius de *Disciplin. arcan. c. 7. art. 3. p. 122. & seq. ed. Rom. 1685.*, Pagius in *Baron. ad. an. 57. n. 113. t. 1. p. 455. ed. Lucæ*, Assemanus de *Eccles. reveren. & asyl. art. 5. p. 59.*; Natalis Alexander *Hist. eccles. sæc. 3. Dissert. 21. art. 2. & c. 6. art. 28. t. 4. p. 139. & seq. & 314. ed. Ven. 1776.* Consule eundem Natalem Alexandrum, qui adversus antiquiores, recentioresque Iconomachos, præsertim adversus Joannem Dallæum Calvinianum hominem late disputat de cultu sacrarum imaginum *Dissert. 6. sæc. 8. t. 6. p. 94. & seq.*, atque illud recte animadvertit, imaginum usum in templis rem esse discipline sed earum usu semel constituto, rem esse fidei honorariam earum venerationem.

§. XIV. Exteriores Ecclesiæ partes erant ædificia*, quæ ad eam pertinebant, sed Ecclesiæ angustiori sensu acceptæ parietibus non includebantur. Talis erat *exterior Narthex*, qui *vestibulum*, & *atrium*, sive *aream* comprehendebat. *Vestibulum* erat primus aditus, inter quem, & Ecclesiam angustius acceptam media erat area, sive atrium, locus scilicet cujus medium sub dio erat, latera vero quatuor porticibus cingebantur. Erant in medio aquæ salientes, seu putei, & canthari, aut conchæ, ubi Christiani templum ingressuri manus, & os lavabant (1); unde usus aquæ benedictæ repetendus est (2).

(1) Eusebius *Hist. l. 10. c. 4. p. 473. cit. ed.*, 6. Paulinus *Ep. 32. ad Sever. p. 205. ed. cit. Veron.*, S. Jo. Chrysostomus in *Joan. Hom. 73. n. 3. p. 433. t. 8. ed. Paris. cit.* Vide etiam Variorum *Notas in S. Paulin. Ep. 13. n. 41. p. 882. & seq. ed. cit.*

(2) Usum aquæ benedicti ab Apostolica traditione profectum, semperque in Ecclesia observatum docent Baronius *ad an. 132. n. 3. t. 2. p. 122. ed. Lucæ.*, & Bona Rer. *liturg. l. 1. c. 20. §. 5. t. 2. p. 77.*

ed. Taur. Auctor Constit. Apost. l. 8. c. 29. apud Cotelierum PP. Apostol. tit. 1. p. 411. ed. Antuerp. 1698. benedicendæ aquæ formam describit. Memorant etiam aquam sanctificatam, aut benedictam Tertullianus de Baptismo c. 4. p. 225. ed. Ven. 1744., Cyprianus Ep. 70. ad Januar. col. 300. ed. Ven. 1756., Epiphanius lib. 1. Hæres. 30. n. 12. p. 137. ed. Colon. 1682. Ambrosius De Sacram. l. 1. c. 5. n. 15. opp. t. 3. col. 443. ed. Ven. 1751., Theodoritus Hist. Eccles. l. 5. c. 21. p. 197. ed. Taurin. 1748. aliique Patres. Decretum tamen Alexandri I., quod à Gratiano descriptum est Can. 20. dist. 3. de Consecr. pertinet ad falsas decretales Iudæi Mercatoris. Quæ hæretici obijciunt adversus usum aquæ benedictæ, solide inter cæteros expendit, atque refellit Robertus Sala n. Notis ad cit. Bonæ locum p. 78. & seq.

§. XV. Cætera ædificia circum Ecclesiam generali exedrarium nomine vocabantur, eaque erant *Baptisterium*, *Secretarium*, sive *Diaconicon*, *Pastophorium*, *Scola*, *Bibliotheca*. *Baptisterium* erat satis amplum ædificium, ac duabus constabat partibus, vestibulo, in quo catechumeni abrenunciationes emittebant, ac domo interiori, in qua fiebat ablutio, ritusque cæteri in baptismo adhibiti peragebantur (1). *Secretarium*, sive *Diaconicon* locus erat, in quo sacra indumenta, vasa, ac reliqua Ecclesiæ supellex servabantur (2). *Pastophorium* generale nomen est, quo multa significantur (3). Sed, ut plarium, designat ædificia, quæ stabant ab utroque Ecclesiæ latere ad extremitatem orientalem (4); & custodum, ac ministrorum templi domicilium (5). *Schola*, & *Bibliotheca* locus erat, in quo animi literis, atque doctrinis excolebantur (6).

(1) Baptisterium separatum ab Ecclesia locum fuisse, ostendit Martenius de Antiq. eccles. rit. l. 1. c. 1. art. 2. n. 7. t. 1. p. 4. ed. cit. idque etiam observant Fratres Bellerini in S. Zanoni l. 2. tract. 31. p. 241. t. 1. ed. August. Vindelic. sæculo tamen VI. intra Ecclesiam baptisteria constitui coepisse, ex Gregorio Taroneasi docet Durandus de Rit. eccles. l. 1. c. 19.

(2) Atque hoc quidem *Diaconicon* magnum erat, de quo vide Du Cangeum in Glossar.; nam quod dicebatur *Diaconicon* *thronum*, id erat intra Ecclesiam, eoque Diaconi ea, quæ erant ad usum liturgiam necessaria ex *Diaconico* magno deferreant, ut ad manus essent. Auctor Chronic. Alexand. p. 290. ed. Paris.

(3) *Pastophorium* generali nomine usurpatum comprehendebat etiam *Diaconicon*, & *Gazophyiacium*, videlicet locum intra, in quo penes

bantur populi oblationes, quæ super altare ponendæ non erant, sed potius Episcopi domum mittendæ judicabantur.

(4) Memorat Paphlagonia Auctor *Constit. Apostolic. l. 2. c. 57. p. 264. ed. cit.*, quo ex loco intelligimus, ea fuisse loca ex utraque Ecclesiæ parte versus orientem. Ipse Auctor deinceps *l. 8. c. 13. p. 409.* eorum locorum usum explicat, cum illuc Eucharistiæ reliquias, post omnium communionem, deferri jubet.

(5) Consule Schelesiratum in *Concil. Antioch. p. 186.*

(5) De cænetis exterioribus antiquarum Ecclesiarum partibus late disputat Binghamus *Origin. eccles. l. 8. c. 7. t. 3. p. 252. & seq. cit. ed. & Selvagijs Antiquit. christian. l. 2. c. 3.*

SECTION I.

DE CONSECRANDIS, ET RECONCILIANDIS ECCLESIIS.

- | | |
|---|--------------------------------------|
| XVI. Consecratio Ecclesiarum, & ejus antiqui ritus. | Episcopum pertinet. Et non iteranda. |
| XVII. Ritæ, qui nunc obtinent. | XIX. Ecclesia violata, aut polluta. |
| XVIII. Ecclesiæ consecratio ad | XX. Ea reconcilianda est. |

§. XVI.

Ædificata Ecclesia, ut primum fieri potest consecratur, vel saltem benedicitur; nam secus in ea rem divinam conficere nefas est. Antiquissimus est Ecclesiarum consecrandarum usus (1); sed non iidem semper ritus, eademque cæremoniæ adhiberi consueverunt. Ex veteri disciplina vicini Episcopi vocabantur (2); & interdum etiam concilia celebrari solebant (3). Episcopi sermones habebant (4), cuncti fundebant preces, ac denique divinis sacrificiis, mysticis oblationibus, hymnis, aliisque pietatis operibus summo omnium gaudio, & celebritate consecratio peragebatur (5). Martyrum quoque reliquias, ritu saltem Romano, adhibitas fuisse constat (6).

(1) Ecclesias tantum IV. sæculo, pacato Constantini imperio, consecrari cœpisse multi arbitrantur, studantque Eusebium *Histor. l. 10. c. 3. p. 464. ed. cit.*, & Athanasium *Apol. ad Constant. n. 17. & 18. opp. t. 1. p. 242. & 243. ed. Patav. 1777.* Equidem iis facile

assentior, si publicam illam, & solemnem consecrationem intelligunt, quæ tantum pace Ecclesiæ data absolvi potuit; sed ab his valde dissentio, si etiam privatam consecrationem excludunt, ac plane omnem adhibitum negant actum religionis, per quem Ecclesia divino cultui addiceretur. Nam templorum consecrationem è veteri testamento ad novum, atque ab Apostolis ad eorum successores transiisse, semperque in Ecclesia retentam, ac servatam arbitror. Quomodo expedita fuerit vetus consecratio toto illo temporis spatio, quo ethiæl homines imperio potiebantur, incertum est; & forte initio consistebat in solemni gratiarum actione, ceterisque precibus, quas tunc eorum temporum usus postulabat, quæ est simillima veri conjectura Josephi Aloysii Assmanni præstantissimi olim in Romana Academia Collegæ mei, mihi quæ, dum vixit, amicissimi in *Tract. de Eccles. rever. & aryl. art. 6. p. 64.*, & Laurentii Selvagii *Antiquit. Christian. l. 2. c. 5. §. 1. Consule Bonam Rev. liturg. l. 1. c. 19. §. 3. t. 2. p. 71. & seq. ibique Salam in Not.*

(1) Vide Eusebium *Histor. l. 10 c. 3. p. 464. & de Vit. Constant. l. 4. c. 43. p. 650.*, Socratem *l. 1. c. 28. p. 65.*, Sozomenum *l. 2. c. 26. p. 81.* Theodoretum *l. 1. c. 31. p. 64. omnes ed. Valesii Cantabrig. 1720.* Augustinum *Ep. 269. ad Novitium col. 902. opp. t. 2. ed. Ven. cit.*

(3) Hinc propter dedicationem Ecclesiarum frequentes habitæ sunt Synodi, qualis fuit Antiochena an. 341, quæ in *encaniis* dicta est.

(4) Plures hujusmodi sermones apud Ambrosium, Augustinum, atque alios extant.

(5) Eusebius in *Vit. Constantin. l. 4. c. 45. p. 651. ed. cit.*

(6) Ambrosius *Ep. 22. col. 931. n. 13. opp. t. 3. ed. Ven. cit.*, Paulinus *Ep. 32. ad Severum col. 199. n. 7. ed. Veronæ 1736.*

§. XVII. Ritus, qui nunc servantur, describit Pontificale Romanum (1), ejus decreto diei consecrationis antequam debet jejunium, & vespere canende coram reliquiis, quæ subtus altare collocantur. Deinde Episcopus mane ter ipsam Ecclesiam exterius circumit, & aqua benedicta abspergit; tum Ecclesiam ingreditur, delineato duplici græco, ac latino in ipso templi pavimento alphabeto, ac una quidem in porta, duodecim vero in interioribus partibus signatis crucibus, hisque sacro chrismate linitis, psalmis, hymnis, precibus, aliisque ritibus consecrationem perficit; denique Missam celebrat, quæ tamen ad vim intimam consecrationis non pertinet. Altaria etiam consecrantur, & sup. etiam ob eam rem habent ritus, & cæremonias (2).

(1) *Part. 2. tit. 2. p. 32. ea. Catalani Rom. 1739.*

(2) Vide Pontificale Romanum *loc. cit.* tit. 3. 4. 5. p. 137. & seq.

§. XVIII. Consecratio Ecclesie actus est sacer, & sollemnis, per quem ea divino cultui addicitur (1). Tantum Episcopus Ecclesiam consecrat diocesis suæ, neque hæc Presbyteris potestas est (2). Quovis die fieri potest consecratio, quamquam fieri soleat die festo (3), & sollemnia sacra dedicationis quovis anno celebranda sunt (4); semelque facta nunquam iteratur, nisi tota pene colapsa, aut exusta instaretur Ecclesia, vel nisi de illius consecratione dubitetur (5). Altaris etiam consecratio non repetitur, nisi frangitur, at nisi evellatur à basi, ubi affixum fuerat (6).

(1) Ecclesie consecratio, & dedicatio passim confunditur, quasi Ecclesiam consecrare, ac dedicare unum idemque sit; sed revera alia consecratio, & alia dedicatio est, quod observat Mazochius de *Camp. Amphih.* cap. 3. *Dist. de Consecr. & Ep. de Dedicat.* sub ascia c. 1. Dedicatio proprie est *initium*, hoc est initiatio, & primus rerum usus, consecratio autem potius ad ceremonias pertinet, quibus ecclesie consecrantur. Sed quoniam utrumque conjunctim perficitur, factum est, ut duo hæc vocabula indiscriminatim accipiantur.

(2) *Can. 9. & 25. de Consecrat. dist. 1., Cap. 1. de Relig. domib.*

(3) *Cap. 2. de Consecr. eccles.*

(4) *Can. 16. & 17. de Consecr. dist. 1.*

(5) *Can. 16. 18. & 20. de Consecr. dist. 1.*

(6) *Can. 19. de Consecr. dist. 1., Cap. 1. de Consecrat. eccles.*

§. XIX. Consecrata Ecclesia, si voletur, aut polluitur, reconciliari debet, quoniam in ea res divina fieri non potest (1). Polluitur autem injuriosa humani sanguinis effusione, & homicidio, quod etiam non effuso sanguine, in Ecclesiam patratum est (2); item humani seminis voluntaria effusione (3); denique infidelis, aut excommunicati vitandi sepultura (4).

(1) *Cap. ult. de Consecr. eccles.*

(2) *Cap. 4. eod.*

(3) *Cap. 4. & ult. eod.*

(4) *Cap. 7. eod., Can. 27. de Consecr. dist. 1.*

§. XX. Reconciliatio fit ab Episcopo, missis precibus,

& aspersione aquæ, cum qua vinum, & cinis cominiscetur (1). Quæ cæremonia designat peccatorum reconciliationem, eoque videtur spectare cinis, qui in publica pœnitentia adhibebatur. Si Ecclesia benedicta tantum erat, non consecrata, etiam Presbyter lustrali aqua reconciliationem facit (2). Cum pollutio facta est ob sepulturam excommunicati, aut infidelis, ante omnia cadaver, si discerni possit, effodiendum est (3). Reconciliata autem Ecclesia, reconciliantur etiam altaria, eique conjuncta cœmeteria, quæ duo simul cum violata Ecclesia violantur (4).

(1) *Cap. 4. 7. & 9. de Consecr. eccles.*

(2) *Cap. ult. eod. ibique Glos.*

(3) *Can. 27. & 28. de Consecr. dist. 1.*

(4) *Cap. unico de Consecr. eccles. in 6.*

SECTIO II.

DE IMMUNITATE ECCLESiarUM.

XXI. Sacrorum locorum reverentia
apud omnes gentes.

XXII. Christiani suarum reverentia
Ecclesiarum cunctis præstare de-
beant.

XXIII. Quanta fuerit veterum Chris-
tianorum reverentia.

XXIV. Unde orta Ecclesiarum im-
munitas?

XXV. In Ecclesia profani actus

non exercendi.

XXVI. Jus asyli.

XXVII. Unde repetendum?

XXVIII. Regendum legibus eccle-
siasticis.

XXIX. Quæ loca asyli jure potiantur?

XXX. Quorum criminum rei ab ec-
clesiastico asylo excludantur?

XXXI. Quomodo hi ab Ecclesia e-
ducendi?

§. XXI.

Omnes gentes, quæ templa habuerunt, habuerunt au-
tem cuntæ, quibus erat Religio (1) ades suis Diis addictas,
& consecratas præcipuo quodam honore, ac reverentia pro-
sequi consueverunt. Hinc nefas erat violare templum, aut
quidquam in eo facere aliter ac deceret, & in ipso armorum
strepitu, ac tumultu militaris licentia templorum jura sanc-

ta, & inviolata servabat. Hebræorum templorum quantam venerationem haberet, omnibus compertum est; & certe nemo non intelligit, quam venerandus, & colendus esset locus, quem ipse Deus sanctum se fecisse affirmaverat, quem suam domum elegerat, & sponponderat se auditurum preces quæ in eo funderentur (2).

(1) *Si terrâs obeas, inquit Plutharcus, invenire possis urbes muris, literis, Regibus, domibus, opibus, numismate carentes: urbem templis, diisque carentem nemo uspiam vidit.* Ita videlicet ethnicus homo loquitur.

(2) *Isai. LVI. 7. Genes. XXVIII. 17. Exod. III. 5. Machabæor. II. III. 12. Reg. III. VIII. 13. & seq. & IX. 3.*

§. XXII. Christiani suorum reverentia templorum non Hebræis, non reliquis gentibus concedere, imo vero cunctis præstare debuerunt. Nam in eorum Ecclesiis non hircorum, aut vitulorum sanguis offertur, sed ipse Christus sine cruore immolatur, atque ipse adest Deus reali præsentia sua, qua in re Hebræos vincunt; uti cultu etiam vincunt cæteras gentes, quæ non verum, ut ipsi, colebant effectorem, & dominatorem rerum omnium Deum, sed Deos hominum voluntate confictos, & omnium scelerum contagione contaminatos.

§. XXIII. Hinc Ecclesiæ à Christianis semper pro sacris usibus, cultuque Religionis adhibitæ, exclusaque omnia, quæ non aliquo modo ad pietatem tenderent, vel proxime ad eam essent referenda (1); Episcopi mori maluerunt, quam Ecclesias ab hæreticis violari sinerent (2); Reges Ecclesiam ingressuri diadema deponebant, atque extra illam custodias relinquebant (3); cuncti autem fideles manus, atque os lavabant, ut significarent innocentiam, ac puritatem, quam omnes in illo tam pleno reverentiæ, ac majestatis loco præferre oportebat (4), calecosque detrahebant (5); in ipso vestibulo caput, ac genua flectebant (6), osculabantur, & circumplebant amplexu januas, atque columnas (7); denique Ecclesia tutissimus erat rerum servandarum locus & perfugium miseris, quos eo vocaverat spes tutelæ, & metus publicæ calamitatis (8).

(1) Itaque ne quod in Ecclesiis scelus latenter admitteretur, prohi-

bitæ sunt fœminæ in iis vigilias agere. Concilium Eliberitanum *Can. 35. col. 254. t. 1. Collect. Harduini.* Eademque de causa vetita sunt in Ecclesia convivia. Concilium Carthaginense III. *Can. 30. col. 964. t. 1. Collect. Harduini.* Itemque vetitæ, aut certæ immutata agapæ, scilicet convivia sola caritatis, quæ in Ecclesia fiebant, quæque Apostoli instituerant. Concilium Laodiceum *Can. 28. col. 785. t. 1. Collect. Harduini.* Hinc Synodus Gangrensis duos edidit canones, videlicet *Can. 5. & 6. col. 534. & 536. t. 1. Collect. Harduini* adversus hæreticos Eustathianos, Massalianos, atque alios, qui inter Ecclesias, privatasque domos discrimen non faciebant, quæque in Ecclesia peragebantur ecclesiastica officia, etiam domi peragi posse existimabant. Quis verò ignorat factum Christi Servatoris, qui è templo emtores, ac venditores, & cæteros negotiationem exercentes eiecit? *Matth. XXI. 12. & 13. Joann. II. 14. & seq.*

(2) S. Ambrosius *Ep. 1. q. 7. n. 13. col. 869 & seq. t. 3. ed. Ven. 1751.*

(3) S. Jo. Chrysostomus *Orat. post redit. ab exil. t. 3. p. 428. Idemque habetur in Serm. 1. in Pentecost. int. spur. t. 3. p. 791. ed. Paris. 1721.* Vide etiam Edictum Theodosii post *Leg. 4. Cod. Theodos. de Iis qui ad Eccles. confug. t. 3. p. 598. ed. Lipsiæ 1738.*

(4) Hujus consuetudinis crebra mentio est apud Chrysostomum, Eusebium, Tertullianum, Synesium, Paulinum, & cæteros, quorum supra testimonia descripsi.

(5) Memorat hanc consuetudinem Joannes Cassianus *de Instit. cænob. l. 1. c. 10. p. 12. ed. Francofurti 1722.*, non tamen ea generatim ubique videtur obtinuisse.

(6) Quamquam nulla certa hujus consuetudinis demonstratio dari possit, tamen eam valde probabilem esse, ostendit Binghamus *Origin. ecclesiast. l. 8. c. 10. §. 7. t. 3. p. 344. cit. ed. laudatque Chrysostomi testimonium, unde intelligimus, candidatos baptismi prociudere, seque in genua projicere consuevisse, cum ad baptisterium accedebant.*

(7) Ambrosius *Ep. 20. n. 26. col. 908. t. 3. ed. cit., Paulin. Not. 6. Felic. p. 433. vers. 250. ed. Veronæ 1735.*, Prudent. *Hymn. 2. in S. Laurent. vers. 520. p. 131. ed. Paris. 1687.*, Cassiod. *Histor. tripart. l. 9. c. 30. p. 344. t. 1. ed. Rotomagi 1679.*, Auctor *Eccles. hierarch. c. 2. §. 4. t. 1. p. 252. ed. Antuerpiæ 1633.*

(8) S. Augustinus *de Civit. Dei l. 1. c. 1. col. 3. opp. t. 7. ed. Ven. cit.*, S. Hieronymus *Ep. 127. ad Princip. n. 13. col. 954. opp. t. 1. ed. cit.*, S. Gregorius Turonensis *Histor. l. 5. c. 4. col. 105. ed. Paris. cit.*, Orosius *l. 7. c. 39. p. 573. ed. Lugduni Batavorum 1738.*, Casiodorus *Var. l. 12. c. 20. p. 197. t. 1. ed. cit.*, Sozomenus *Histor. l. 9. c. 10. p. 376. ed. Valerii Cantabrig. 1720.* Ac sæpe ipsi hostes eos quibus parcere volebant, ad Ecclesias ducebant, ut ibi tuti essent ab aliis, qui ipsis vim, & injurias inferre potuissent.

§. XXIV. Ipse sensus Religionis impressus, atque insitus

hominum animis fecit, ut Christiani ita colerent, & venerarentur Ecclesias suas; atque hic ipsi sensus intimus ecclesiasticæ immunitatis origo, & fundamentum est. Non enim Ecclesiarum immunitas inducta est à legibus, ut quidam putant, sed inducta est à Religione, sive à reverentia, quia in Religionem ferri debemus; & proinde Ecclesiasticæ Potestatis, cujus est moderari res Religionis, ejus est etiam de ecclesiastica immunitate leges constituere.

§. XXV. Duæ sunt immunitatis partes, quarum prima est, ut nullus profanus actus, qui minus decet loci sanctitatem, in Ecclesia exerceatur. Quare procul ab ea judicia criminalia; item judicia civilia, quæ ad Forum sæculare pertinent (1); procul ludi theatrales, convivia, comœdiæ, choreæ, & cantus non pietatis, sed oblectionis causa instituti (2); procul civiles conciones, & profana concilia, procul nundinæ, contractus, negotiationes (3). Acta in Ecclesiis sæcularia judicia irrita etiam sunt, criminalia non tantum irrita, sed etiam pœnam afferunt excommunicationis (4); contractus tamen valent.

(1) *Cap. 1. & 5. de immunit. Eccles.*

(2) *Can. 1. diss. 92., Cap. 12. de Vit. & honest. cleric., Concilium Tridentinum Sess. 22. decret. de observan. & vitan. in miss.*

(3) *Cap. de Immunit. in 6.*

(4) *Cap. 5. & 7. de Immunit.*

§. XXVI. Pars altera immunitatis eo spectat, ut debitores, & rei criminum ad Ecclesiam confugientes tuti sint, neque illinc divelli possint. Quod jus asyli appellamus. Quemadmodum homines cum in periculis versantur, à Deo opem, & auxilium postulant, ita ad Ecclesias confugiunt, quoniam in illo preces, & obsecrationis loco se facilius à Deo, id, quod optant, consequi, atque ibi tutum habere perfugium sperant, quod loci sanctitas, & reverentia pollicetur. Natura ipsa, atque in animis impressa vis Religionis omnes vocat ad hoc commune præsidium, per quod quasi se in Dei tutelam recipiunt, & unde eos non videntur dejecturi ceteri homines, qui Ecclesias reverentur. Quare Ecclesiasticum asylum pars est reverentiæ, quæ Ecclesiis debetur,

atque hanc reverentiam ipsa vis Religionis induxit.

§. XXVII. Ita natum est Ecclesiarum asyllum; & vero antiquissimæ, quæ de eo sunt, leges non asyllum constituent, sed jam antea constitutum, & ubique receptum ostendunt (1). Scilicet ut publice Christiana Religio dominari in civitatibus, atque in provinciis cepit, is statim habitus à cunctis est honos Christianorum Ecclesiis, ut qui ad eas confugissent, loci sanctitate, ac reverentiâ defenderentur. Ad hoc verum est, nullis opus fuisse humanis legibus, quæ stabilirent jus asyli; quod jam affixum Ecclesiis, & earum venerationi communis omnium consensus agnoverat.

(1) Vetusissima, quæ extat de Ecclesiarum asylo, est *L. 1. Cod. Theod. de his qui ad Eccles. confug.* Verum hæc lex non asyllum constituit, sed potius illud omnium moribus, & consensu jam pridem fuisse constitutum, hæc quæ præstare demonstrat; quod ipsi etiam animadvertunt scriptores, quorum hæc in re testimonium repudiare non possunt, qui ægre terant asyllum Ecclesiarum, Jacobus Gothofredus in *Not. ad d. Leg. 1. Cod. Theodos. t. 3. p. 388. ed. Lips.*, Biinghamus *Orig. eccles. l. 8. c. 11. §. 1. p. 353. cit. ed.*, Vire-Espanus *Diss. canonic. de Asyl. templor. c. 1. §. 1.* Revera Gothofredus, & Binghamus *l. c.* complura collegerunt antiqua monimenta, ex quibus patet, jam Ecclesiarum asyllum obtinuisse multo ante, quam Theodosiana illa lex in manus hominum perveniret, & nulli unquam auctorum, ut inquit Binghamus, dubium fuit, quin id privilegium Ecclesiarum a tempore Constantini esse cepit, licet nullæ leges Theodosio vetustiores, sive in Justiniano, sive Theodosiano Codice de hoc ipso reperiatur. Atque neque alia lex extat Constantini, quæ Ecclesiarum asyllum constituit, neque in antiquis monumentis ulla hujusce legis mentio, aut indicium est. An non id argumento est plane maximo, nullam ea de re legem à Constantino editam fuisse, quæ aut nunc extaret, aut saltem aliqua ejus mentio esse deberet apud Eusebium, qui Constantini vitam accurate conscripsit, atque apud ceteros scriptores, qui eorum temporum historiam literis mandarunt? Quod si Constantini ætate jam asyllum vigeat, neque illud erat ulla lege constitutum, planum est, illud induci debuisse à moribus, atque à consensu Christianorum in ipso imperio Constantini, hoc est eo ipso tempore, quo publicus Christianæ Religionis cultus oblatere cepit. Hic autem mos, & communis omnium consensus, qui statim erexit, eum primum erumpere libere potuit, unde ortus, nisi ortus est ex intimi sensu Religionis, atque ex impressa firmiter in omnium animis reverentiâ Ecclesiarum? Atque hoc sane spectat S. Gregorius Nazianzenus *Orat. 20. de Laud. Basil. p. 353. t. 1. ed. Colon. 1690.*, qui narrat, S. Basilian protexisse viduam, quæ ad altare confugerat, atque ait, eam fecisse id,

quod non tantum M. Basilii, sed etiam quivis alius Sacerdos facere debuisset, scilicet ut eam adsereret, retineret, omni cura tueretur, Dei clementiae, & legi, quae altaribus honorem haberi jubet, manum porrigeret &c. Ita scilicet Nazianzenus, antequam illa Theodosii lex prodiret, ecclesiasticum asylum referbat ad Dei legem, quae altaribus honorem haberi jubet. Quam ecclesiastici asyli originem minime compertam, atque exploratam habent, qui eam à civilibus legibus repetendam putant; cum revera civiles haec de re leges omnium, quae exant, & quarum mentio habeatur, antiquissime multo antea ecclesiarum asylum constitutum ostendant. Anonymas quidem Scriptor, qui anno 1743. Florentiae libellum calidit cum titulo *Discurso sopra l' Asilo Ecclesiastico*, falsis, & absurdis ruitunculis, quas à Paulo Sargio pene omnes accepit, demonstrare conatus est, Christianorum asylum ex ethnica superstitione procedere; illud initio nonnisi merum Clericorum, & Episcoporum intercessionem fuisse, quae non debet spem certam perficere, sed tota erat posita in prece, & obsecratione, quum Princeps audiebat, & despiebat suo arbitrio; denique totum hoc de asilo negotium ad laicum Principem pertinere, quoniam illud ab ejus beneficio, & auctoritate profectum est. Mito ceteros errores, quibus hic libellus abundat, & quos refutavit Josephus Aloysius Assemanus de *Eccles. reveren. & asyl. animadvers. in Discurs. p. 79. & seq.*, ac Jacobus Pistorozzius opere peculiari. Tantum dico, quod si Christianorum asylum ethnicae superstitionis arguitur, propterea quod illud etiam ethnicis fuit, jam erit etiam supersticio Christianis habere templa, & cultum externum Religionis, quoniam etiam ethnici utrumque habuerunt. Imo vero quod haec reverentia templis ethnicorum, & statui Principum exhiberetur, multo magis eam immortali, ac praepotenti Deo, ejusdem domui à Christianis exhibendam esse, ostendunt Nicolaus I. in *Respons. ad consult. Bulgar. c. 95. col. 382. t. 1. Collect. Harduini*, Concilium Matisconense II. *Can. 8. col. 462. t. 3. Collect. Harduini*, & Theodosius Junior in celebri edicto, quod extat post *Leg. 4. Cod. Theod. de His qui ad Eccles. confug. t. 3. p. 396. ed. cit. Praeclare Isidorus Pelusiota Ep. 174. p. 35. ed. Ven. 1745.* ita firmum, certumque esse vult ecclesiasticum asylum, ut illud violare non solum crudelitatis, sed etiam impietatis esse dicat. Et sane si ita ethnici colebant, ac venerabantur Deos, quos veres putabant, superstitio erit Christianis colere, ac venerari Deum, quem unum verum esse certo sciunt? Nihil hoc magis absurdum, & magis impium dici potest. Quod de intercessionem Clericorum, & Episcoporum Anonymus scriptor addit, id ab ipsa refutatur Theodosii lege, cujus supra est facta mentio, & quam omnium antiquissimam esse dixi, quae de Ecclesiarum asylo disserat. Legis verba sunt haec: *Publicos debitores si confugiendum ad Ecclesias crediderint, aut illico extrahi de latere oportebit; aut pro his ipsos, qui occultare praesentur, Episcopos exigi.* Lex nec memorat discretissime debitores ad Ecclesias confugientes, & memorat etiam eorum extractionem, quae verba referri certe non possunt ad Episcoporum, & Clericorum intercessionem,

Neque vero, antequam illa Theodosii constitutio emitteretur, Episcoporum intercessionem, sed verum, ac germanum, quale nobis est, ecclesiasticorum asylum memorant Nazianzenus *l. 2.*, cum narrat, Basilium defendisse viduam, quæ contra viam sibi a Prefecto Ponti illatam ad altare confugerat. Similiter Altris, atque Ecclesiæ asylum, non Episcoporum intercessionem habet Ambrosius *Ep. 20. n. 8. col. 903. t. 3. ed. cit.* & Annianus Mircellianus *l. 15. n. 5. p. 51. & l. 26. n. 3. p. 365. ed. Lips. 1773.* Atque eadem semper fuit sententia eorum omnium, qui post hanc ætatem floruerant. Cyrillus, qui in locum Joannis Jejunatoris factus est Patriarcha Constantinopolitanus vertente anno 595., pro asylo, ne templi sanctitas violaretur, adversus Phocas ipsum Imperatorem stetit, nec passus est, uti narrat Theophanes in *Chronograph. p. 246. ed. Paris. 1655.*, ab Ecclesia educi Constantinum Maurinii, & tres ejus filias, nisi ante Phocem, eas salvas fore juratus confirmasset. Confer etiam S. Gregorium M. *Ep. 37. l. 1. & Ep. 38. l. 10. opp. t. 2. col. 527. & 1068. ed. Paris. 1705.* Concilium Arelanense I., & IV. *Can. 21. col. 543. & 1368. t. 5. Cons. Labbei ed. Ven., & Mutisemonense II. Can. 8. t. 6. col. 676.* Non igitur Episcoporum intercessio cum ecclesiastico asylo confundi debet; intercessio obsecratio erat, & spem ponebat in venia, atque in misericordia Principis, sed asylum tuebatur eum jure sanctitatis loci, & reverentiæ, qua Christianos Dei domum prosequi oportebat. Denique quod dicitur, ecclesiasticum asylum nisi beneficio Principis, atque à civilibus legibus esse protectum, id saltem esse demonstravimus, cum illud induxerit ipsa vis Religionis, & reverentia Ecclesiis debita, legesque civiles jam communis omnium consensu stabilitum demonstrarent asylum, multo antequam ulla de eo civilis lex ederetur. Quod si non à civilibus legibus asylum procedit, sed à sensu intimo Religionis, atque à reverentia, quæ Ecclesiis debetur, manifestum est, ejus curam, & regimen non ad Civilem Potestatem, sed ad eam pertinere, cui Religionis cura, & Ecclesiarum regimen commissa, & commissum est. Quod si interdum laici Principes pietate præstantes de Ecclesiarum asylo leges tulerunt, non id ab ipsis factum est, ut primum asylum stabilirent, aut quod eorum legibus indigeret Ecclesia, ut haberet perfugium, quod dabit ejus sanctitas, ac reverentia, atque ipsa vis Religionis, neque ideo dici potest, quod illorum esse debent de asylo leges constituere. Civiles illæ leges eo spectant, ut asyli jura sancte custodiantur, & earum etiam imperio, & auctoritate templorum veneratio firmetur, atque omnes metu quoque civilis coercitionis à sacrilegi violatione deterreantur. Non dissimiles Imperatorum leges extant in utroque Codice, atque Novellis, de Fide, & Sacramentis, de Religione ipsa Christiana, de hæreticis, apostatis, excommunicatis; neque tamen eam ob causam Catholici homo dixerit, jas Religionis, ac Religionis in ipsam Christianam, ac Fidem à Principum auctoritate, & clementia pendere. Certe inter civiles leges, quibus ecclesiasticam asylum confirmatur, celebre est Edictum Theodosii Junioris, cujus paulo ante tacta memio

est, & ibi quidem Imperator asylum, quod jampridem erat constitutum, repetit ex vi ipsa Religionis, atque ex naturali, & omnium animis insita reverentia Ecclesiarum. Neque aliud ferri debet judicium de antiquis Patribus, quos interdum ad Principes ivisse constat, ut Ecclesiarum asylo leges impetrarent; unde in *Codice* c. 56. apud Justellum *Biblioth. Jur. Canon.* t. 1. p. 154. *ed. Paris.* 1661. scriptum est: ut pro confugientibus ad Ecclesiam quocumque reatu involutis legem de gloriosissimis Principibus mercantur, ne quis audeat eos extrahere. Imo & Patres illos legasse scimus Epigonium, & Vincentium ad Honorium Imperatorem, ut concederet asylum Ecclesiis Africanis, quæ lex confirmata est à Justiniano *Novell. de Eccles. constit. in Afric. coll.* 10. Nam eorum Patrum consilium fuit, ut Imperatoris gladio Ecclesiæ, ac Religionis honos, & cultus defenderetur, atque ut Imperatores ipsi sacrorum Canonum decreta auctoritate, imperioque suo ad exitum perducenda curarent. Similiter Episcopi pluries ad Imperatorem confugerunt, ut de Christiana Religione decreta firmaret, ut ecclesiasticam libertatem adsereret, ut catholicam fidem vindicaret; & multa harum rerum monumenta sunt tum in Codice Canonum Africanorum, tum in Codice Justiniani, & Theodosii, atque in Novellis Constitutionibus. Sed non ideo quisquam dixerit, Sanctissimos illos Episcopos potestatem in res sacras, ac Religionis, Ecclesiæque regimen, & curam laico Principi committere voluisse. Sæculo IV. Eutropius Eunuchus Arcadium Imperatorem impulit ad tollendum jus asyli lata lege, quæ est *L. 3. Cod. Theod. de His qui ad Eccles. confug.*; sed postea confugere ipse ad Ecclesiam debuit, ut vitam tueretur suam, atque ita suomet facto, ut inquit Chrysostomus *Hom. 1. in Eutrop. opp. t. 3. col.* 383. *ed. Paris.* 1721., legem suam primus abrogavit.

§. XXVIII. Quod si ecclesiarum asylum ex ipsa earum sanctitate, & reverentia procedit, consequens est, ut regatur auctoritate ejus, cui regimen ecclesiasticarum rerum commissum est. Certe ecclesiasticis legibus & ampliati, & aretati sunt asyli fines, uti rerum ratio postulare videbatur. Naturalis reverentia in Ecclesias fecit, ut æ jure asyli fruerebatur; deinceps illud traductum est etiam ad ea loca, quæ visa sunt reverentia, & obsequio digna vel propter usum, cui sunt addicta, vel propter dignitatem eorum, qui in illis habitant.

§. XXIX. Hodie igitur asyli jure fruuntur omnes Ecclesie, etiam quæ consecrate non sunt, earumque porticus, & atria (1); quin & locus, in quo, primo lapide solemniter jacto, Ecclesia ædificanda est (2); itemque oratoria Episcopi auctoritate constituta, ac perpetuo divinis addicta,

non autem oratoria, quæ sunt in domibus privatorum, quamquam in iis cum venia Sedis Apostolicæ res divina peragebatur; similiter palatium Episcopi; domus, quæ ad parochiam pertinet, & in qua parochus habitat; domus canonicales, & sodalitorum, quæ eorum ecclesiis conjunctæ sunt; turris campanaria, quæ intra passus triginta ab Ecclesia distat; xenodochia, & cœmeteria (3); domus Regularium; denique etiam sacerdos Eucharistiam deferens ad se confugientibus asylum præstat (4).

(1) *Can. 8. 9. 20. 36. c. 17. q. 4., Cap. 5. & 9. de Immunit. Eccles.* Quin etiam *Can. 6. & 35. caus. 17. q. 4.* jus asyli traducitur ad passus 40. extra Ecclesiam cathedralen, ad passus 30. extra Ecclesiam inferiorem; verum hujus loci asylum nunc antiquatum esse, tradit *Card. de Luca disc. 12. n. 27. Miscell.*, ac solum obtinere ostendit *Pignatellus Consult. 426. t. 1.*, ubi consuetudine receptum est.

(2) *Sacr. Congregatio Immunitatis in Januen. 5. Octobris. 1688.*

(3) *Cap. 10. de Immunit. Eccles.*

(4) *Consule Fagnanum in cap. Ecclesiæ 9. de Immunit. eccles. per tot. t. 3. Ferrarium Biblioth. verb. Immunitas art. 2., Giraldum Exposit. Juris Pontific. part. 1. sect. 637. p. 471., à quibus hæc omnia, quæ ad asylum pertinent ecclesiarum, latissime explicantur.*

§. XXX. Publicas tamen ob causas factum est, ut rei graviorum quorundam criminum ab asyli beneficio excludantur. Atque hi quidem sunt, qui publice, & impudenter aliena bona diripiunt; qui agros depopulantur; qui hominem in Ecclesia, vel ejus cœmeterio interficiunt, aut ei membrum amputant; sicarii, qui scilicet alieno jussu alicui mortem inferunt, & qui tanti facinoris causa eorum operam conducunt, aut eos domi excipiunt; homicidæ, nisi vel casus, vel justa sui defensio homicidio causam dederit; Judæus, qui susceptam antea christianam religionem deseruit; hæreticus, nisi ad Ecclesiam confugerit ob aliud crimen, quam hæreseos; læsæ majestatis reus; qui vim inferunt confugientibus ad Ecclesiam, atque eos inde violenter abducunt; qui in literis Apostolicis falsi crimen admisserunt; qui Montem Pietatis, aut alia similia loca administrantes falsi, aut furti patrato crimine, ita publicam arcam minuunt, ut poenæ mortis subiciantur;

qui aureas, & argenteas monetas privatim eulunt, aut viciant, & corrumpunt; qui mentito Curiae nomine sese in alienas domos inferunt, & intrudunt, atque ibi rapinas faciunt, & homines trucidant, aut membra caedunt (1).

(1) Late de his omnibus agitur in cap. 6. & 10. de Immunit. Eccles. in Bulla cum alias 17. Gregorii XIV. Bullar. t. 5. part. 1. p. 271., in Bulla Ex quo 73. Benedicti XIII. t. 12. p. 1., in Bulla in supremo 171. Clementis XII. t. 14. p. 17., & in Bulla Officii 29. Benedicti XIV. t. 3. p. 160. ed. Romae ejus Bullarii seu Ven. 1754. Consule Benedictum XIV. Instit. Eccles. Inst. 41. §. 3. & seq., & Giraldum Exposit. jur. Pontific. part. 1. l. 3. sect. 635. p. 464. & seq. Recte autem animadvertit Benedictus XIV. l. c. §. 9. n. 33., quod præter ea scelera, quibus omnis immunitas jure negatur, si cætera quoque gravia sint; vel sæpius admittantur, auctoritate Summi Pontificis, vel Sac. Congregationis Immunitatis, in carceres Ecclesiastici Judicis ex loco immuni rei detrudi possunt nomina Ecclesiæ, causaque ipsorum cognita poena constitui paulo quidem mitior, ut simul & rei poenam perferant, & ecclesiastici asyli ratio habeatur.

§. XXXI. Qui se criminibus inquinaverunt tantorum facinorum, ac tam atrocium, dimovendi ab Ecclesia sunt, ut meritis plectantur poenis. Qua in re certa est adhibenda ratio, ne quis imprudenter, & temere privetur beneficio, quod ad se confugientibus Ecclesia præstat. Nimirum ab ecclesiastico Judice videndum est, num reus patrarit crimina, propter quæ immunitate prorsus indignus habeatur, ejusque auctoritate, ac præsentem viro ecclesiastico, quem ipse designavit, reus de asylo dimovetur (1).

(1) Benedictus. XIII. cit. Constit. Ex quo.

SECTIO III.

DE CAPELIS, ET ORATORIIS.

XXXII. Quid Capella, & oratorium. torii distinctio.

XXXIII. Publici, & privati Ora- XXXIV. Altare portatile.

§. XXXII.
Capellæ (1), & Oratoria sunt sacella, quæ in agris sedent, aut in civitatibus, aut in magnatum domibus,

quæque sacris extraordinariis addicta sunt. Duplex oratorii genus, publicum, & privatum. Publicum est, quod publicam habet januam, & quod cuivis è populo patet, privatum, quod in privatis domibus, & quod domini arbitrio constituitur.

(1) Du-Cangius in *Glossar. med. & infim. latin. verb.* *Capella* hoc nomen repetit à *capa*, hoc est parva veste S. Martini, quæ in Oratorio Regis Galliarum servabatur. Contra alii *Capellæ* nomen factum ostendunt à *capa*, hoc est theca reliquiarum S. Martini, & aliorum, quam Galliarum Reges in oratorio habebant, & quam secum deferre solebant, cum ad bellum proficiscerentur. Nimirum *capella* orta est à *Cap*, sive *Capa* & *Cap* vox Celtica est, uti tradit Leibnizius *Collect. ethymolog. p. 2.*, suæque origine significat capitis tegmen, ac generatim quodvis corporis tegumentum, ampliorique sensu rerum pretiosarum thecas, & conditoria. Evodius l. 1. de *Miracul. B. Stephani capella argentea*, inquit, in qua erat reliquiarum portio. Consule Pithæum *Glossar. ad libr. capitular. verb. Capella*, & Bignonium in *Not. ad Marculf. formul. 48. l. 1.*, utrumque apud Baluzium *Capitular. Reg. Francor. t. 2. col. 491. & 626. ed. Ven. 1773.*

§. XXXIII. Publicum oratorium Deo semel dicatum in profanos usus converti nequit (1); quod de privato oratorio non est ita (2). Neque tantum in publicis oratoriis preces ad Deum mituntur, sed etiam divinum sacrificium super altari rite consecrato peragitur. Hinc ea cum Episcopi auctoritate ædificari, ac benedici debent (3), & campanam habent, per quam populos ad rem divinam, atque ad fundendas preces publice vocatur (4).

(1) *Cap. 51. de Regal. jur. in 6.*

(2) Vulgatum est illud, quod post Glossam, & cæteros Juris Canonici interpretes tradit Fagnanus in *cap. auctoritate 27. de Censiv. in 6.* quod hodie privatum oratorium est, cras poterit fieri camera, cum non sit locus Deo dicatus. Videndi in primis Jo. Baptista Gatticus, Josephus de Bonis, & Fortunatus à Brixia, qui peculiaribus operibus de oratoriis publicis, & domesticis late, ac diligenter agunt.

(3) *Can. 10. c. 18. q. 2.*

(4) *Cap. 16. de Excess. Prælat.* In privato tamen oratorio publicam campanam retineri vetat Cælestinus III. in *cap. 10. de Privileg.*

§. XXXIV. Privatum oratorium domi habere unusquis-

que potest, sed in eo Missam celebrare non licet, nisi hæc facultas à Sede Apostolica impetrata sit (1). Verum Episcopi eo privilegio fruuntur, ut ad rem divinam faciendam non tantum domi suæ oratorium habeant, sed etiam altare *viaticum seu portatile*, ut vocant, erigere possint in alienis quoque domibus, in quibus vel visitationem obeuntes, vel iter facientes hospitio excipiantur, quin etiam in iis domibus, in quibus commorantur, cum probatis de causis absunt à diocesi sua (2).

(1) *Can. 33. de Consecr. dist. 1.*, Concilium Tridentinum *Sess. 22. in Decret. de Observan. de censibus*, & *evitan. in celebr. Miss.* Confer Fagnanum *in cit. cap. 27. n. 27.*, qui hoc Concilii decretum diligenter expendit.

(2) *Cap. 12. de Privileg. in 6.* Quod quidem Episcoporum privilegium à Tridentina Synodo minime fuisse sublatum, eoque potius Episcopos electos, & confirmatos, quamvis consecrati non sint, ostendit Fagnus *in Cap. Quod. nonnullis n. 6. & seq. de Privileg.* Cum autem Bonifacii Decretalis *in cit. c. 12.* comprehendat Episcopos; eorumque superiores, manifestum est, idem privilegium etiam ad Cardinales pertinere, qui præminentia, & dignitate, non tamen ordine, sunt Episcopis superiores. Consule Fagnanum *l. c. n. 5. & 10. & seq.*, & Passerinum *in cit. c. 12.* De iure altaris portatilis, quo fruuntur Episcopi, videnda in primis est Innocentii XIII. Constitutio *Apostolici ministerii 34. §. 24. p. 263. t. 11. Bullarum Roman. ed. Mainardi*, quæ quidem Constitutione declaratum est decretum ea de re editum à Clemente XI. die 15. Decembr. anno 1703., illamque confirmavit Benedictus XIII., atque descripsit in Appendice Concilii Romani; ut ab omnibus observaretur. Confer etiam Benedicti XIV. literas *Magno* datas ad Primatem, Archiepiscopos, Episcopos Poloniæ atque in ejus Bullario descriptas *n. 48. l. 3. p. 216. ed. Ven. 1754.*

SECTIO I.V.

DE SACRIS VESTIBUS, VASIS, CÆTERIS AD ECCLESIAM
PERTINENTIBUS.

XXXV. Res sacræ in hominum vasa, eorumque benedictio.
commercio versari nequeunt. XXXVII. Campanæ.
XXXVI. Sacra indumenta, ac

§. XXXV.

Sacram supellectilem constituunt sacra indumenta sacerdotum, & ministrorum, vasa, quæ adhibentur,

cum res divina conficitur, omnia demum ecclesie, & altaris ornamenta. Cuncta hæc, quæ Deo data, ejusque honori, ac cultui dicata erant, Majores nostri *anathemata* appellabant, quod essent à communi usu remota, atque se-juncta (1). Nam semper omnibus fixum, certumque fuit, res Deo consecratas revocari non posse in commercium hominum, in quo res profanæ versantur (2).

(1) Justinus Mar. *Risp.* 121. *al. Orthodox.* p. 493. *ed. Paris.* 1742., Cyrillus Alex. l. 3. *de Alorat.* p. 144. t. 1. *ed. Lutetie* 1638., Eusebius *de Vit. Const.* l. 3. c. 35. p. 599. *ed. Cantabrig.* 1720., Zonaras, & Balsamon in Can. 3. *Concil. in templ.* Sophie apud Beveregium *Pandect. Canon.* t. 1. p. 563. *ed. Oxonii* 1672. Confer Svecicum *Thes. verb. dictionum* & *Selvagium Antiquit. Christian.* part. 1. l. 2. c. 4. §. 1.

(2) Notum est, quæ constantia & firmitate animi S. Ambrosius obstiterit Valentiniانو Imperatori, qui ab eo sacra vasa tradi volebat. Cum esset propositum, inquit in *Seim. contra Auxent.* v. 5. opp. t. 6. p. 56. *ed. Ven.* 1731., ut Ecclesie vasa jam traderemus, hoc responsi reddidi-me, si de meis aliquid posceretur, aut fundas, aut domus, aut aurum, aut argentum, ulquod mei juris esset, libenter offerre; templo Dei nihil posse decerpere, nec tradere illud, quod custodiendum, non tradendum acceperim. Confer etiam canonem Apostol. 73. apud Cotelierium PP. *Apostol.* t. 1. p. 451. *ed. Amstelæd.* 1724. acta S. Laurentii apud Ruinartum *Act. Mart. sincer.* p. 164. *ed. Verone aa.* 1731., Concilium Arelatense l. Can. 13. t. 1. *concil. Collect.* Labbæi col. 1452. *ed. Ven.*, S. Agustinum, qui Silvanus Donatarum Episcopum proditorem judicat, quod Imperatoris ministris argenteam lucernam tradidisset *Ep.* 53. *al.* 165. c. 2. n. 4. t. 2. opp. col. 161. *ed. Ven.* 1759.

§. XXXVI. Sacerdotem sacris operam daturum non communi, sed peculiari, & magis augusto habitu uti oportere, compertum est; quem ritum ab Apostolica ætate profectum (1) ad nos Ecclesia transmisit, quamquam lapsu temporum aliqua in vestium numero, & forma rerum facta mutatio sit (2). Maxime autem decet, benedictione primum sacris usibus initiari vestes, quæ sunt ad sacrificium necessariae (3). Consecrantur etiam, ac benedicuntur vasa, quibus in sacrificio opus est, & in his quidem sacrum chrisma adhibetur (4); præterea benedicuntur lintea, & cuncta altaris instrumenta. Utraque consecratio, & benedictio ad Episcopum pertinet (5).

(1) Quandonam Apostoli primum sacrificium confecerint, & num in eo coasciendi communibus, & quotidianis, an potius certis, & peculiaribus usi sint vestibus, non satis convenit inter eraditos. Illud plane compertum est, eos post Christi mortem per triduum sese à sacrificio abstinuisse; sed queritur, num statim hoc elapso triduo primum sacrificium obtulerint, an potius illud distulerint ad Pentecosten, qua de re disputant Theophylus Raymundus de *Prima missa* sect. 1. c. 2. & 3. opp. t. 6. p. 530. seq. ed. Lugdun 1665., & Cardinalis Bona *Rer. liturgic. l. 1. c. 5. §. 1. t. 1. p. 68. & seq. ed. Taurin. 1747.* Verosimilius est, Apostolos solum post Pentecosten rem divinam fecisse, quod ante illud tempus lex Evangelica nondum satis promulgata fuisset. Confer etiam Salva in *Not. ad Bonam l. c.*, ubi quoque ostenditur, primum Missam non à Jacobo, sed à Petro celebratam fuisse. Magna etiam uti dicebam, controversia est, num Apostoli peculiaribus induti vestibus rem divinam confecerint. Paulus in *II. ad Timoth. IV. 13.* memorat *penulam*, quam Troade reliquerat apud Carpum, à quo hospitio ex ceptus fuerit. Si vera esset sententia illorum, qui *penula* interpretatur casulam, qui nunc Sacerdotes unatur, satis quidem ex hoc loco constaret, Apostolos rem divinam conficientes sacra indumenta adhibuisse. Verum Guillelmus Estius in *Comment. ad d. Paul. Ep. penule* nomine veteris testamenti libros comprehendi arbitrat, contra Josephus Vicecones *penulam* casulam esse putat. Baronius ad ann. 53. n. 67. & 68. t. 1. p. 514. ed. Lucæ utramque sententiam in medium affert, atque integrum ea de re iudicium cuique reliquit, *sed magis pœt*, inquit, *ut votum sacre legis intelligi debeat.* Cardinalis Bona l. c. lib. 1. c. 24. §. 8. t. 2. p. 235. magis probare videtur sententiam illorum, qui *penulam* vestimenti genus fuisse censent, idque etiam late ostendit Robertus Sala in *Not. n. 1. p. 237.* Eadem est sententia Augustini Calmeti in *disc. Histor. sac. script. verb. penula t. 2.* & Panippi Bonaroti in *animadvers. ad quæd. vitr. fragmen. figuris distinct. ex eadem. Roman. esfor. tab. 16. fig. 2.* Sed quavis de Apostoli *penula* verior opinio habeatur, illud profecto multo probabilius est non solum viros Apostolicos, sed ipsos etiam Apostolos peculiares, atque à communibus distinctas adhibuisse vestes, cum rem divinam conficiebant. Cathari, quos peculiarari opere refutavit Ven. Moneta, & sequieris ætatis hæretici usum sacramentum vestium execrati sunt ad summam impudentiam. At injuria. Nam eas vetustissimas esse ostendunt E. Harminius de *Enchirist. l. 6. c. 14.*, Meratus ad *Garant. Thesaur. sac. rit. par. 1. in Rubric. general. Catalanus de Codic. S. Evangel. l. 2. c. 7.*, & in *Prohem. ad Pontific. Roman. c. 6.*, Card. Bona l. 1. c. 5. §. 2., & Sala in *Not. n. 1. t. 1. p. 70. & seq. & in Appendic. p. 409. cit. ed. Thomassinus Vet. & nov. Eccles. disciplin. p. 1. l. 2. c. 45.*, Sussajus *Panopl. sacerdot. par. 1. l. 6. de Casula c. 6.* Benedictus XIV. de *Sacrific. Missæ* sect. 1. c. 38. & Inst. 21. n. 4. Georgius de *Liturg. Sum. Pontific. l. 1. c. 3. n. 7. & c. 5.* Hæc autem sacra indumenta, præsertim post Constantinum, serica, atque

auro, argentoque contexta, ut plurimum, fuisse observat Cardinalis Bona l. 1. c. 24. §. 1. t. 1. p. 211., & antiquissimis quoque temporibus varii coloris erant, uti nunc sunt, quod late ostendit Robertus Sala in *Nit. ad illum Bonæ locum* n. 3. p. 213., ubi etiam refutatur Joannes Dallæus Calvinianus noano, qui illam in sacris vestibus colorum diversitatem moniam quidem, sed antiquis Christianis ignotissimam esse, impudenter affirmat.

(2) Vestes omnes Episcoporum, Sacerdotum, Ministrorum inter cæteros accurate describit Card. Bona l. c. tot. c. 24.

(3) *Can. 42. de Consecr. dist. 7. S. Thomas par. 3. qu. 83. artic. 3.* Licet antea Hospitium, non videlicet nuptius, de Origine deducatur. c. 3. v. 4. hunc sacrum benedictionis ritum tantum sæculo IX. indoeum patet, tamen ejus rei sæculo IV. certissimi sunt monumenta. Nam, uti narrat Sozomenus *Histor. l. 2. c. 25. p. 81. ed. cit.*, cum Imperator Constantinus regali munificencia Hierosolymitanum templum ædificasset: Episcopi Hierosolymam devoti Ecclesiam consecrarunt, simulque ornamenta, & dotaria ab Imperatore transmissa.

(4) *Cap. uni. §. Unigitur de Sacr. unct.* De harum vero consecrationum, ac benedictionum antiquitate late agit Dominicus Georgius *Liturg. Rom. Pontific. l. 2. c. 14.*

(5) Confer Benedictum XIV. *Instit. Eccles. inst. 21.*, ubi etiam agitur de benedictione cinguli, pluvialis, & pyxidis.

§. XXXVII. Pertinent etiam ad Ecclesias campanæ (1), seu tintinnabula, per quæ populus ad templum vocatur, atque ad fundendas preces excitatur. Antiquissimus est campanarum usus (2), atque earum etiam benedictio sane per vetus est (3). Spectat hæc benedictio ad Episcopum, qui eam expedit certis quibusdam ritibus in Pontificali descriptis; campanæ autem, cum benedicitur, alicujus Sancti nomen imponitur, sive ut ea quasi ejus tutelæ commendetur, sive ut populus quodammodo cœlitum voce ad templum vocari videatur (4).

(1) Campanæ nomen grandioribus tintinnabulis circa finem sæculi VII. impositum fuisse suspicatur Card. Bona *Rer. liturgic. t. 1. c. 22. §. 6. p. 135. t. 2.*, ac deinceps octavo, nonoque sæculo ab omnibus posseim usurpatum affirmat. Sed ipsum campanæ vocabulum tunc etate antiquius faciunt Martenius de *Antiq. eccles. ritib. l. 4. c. 2. §. 11. p. 6. t. 3. ed. Antwerp. seu Ven. 1764.*, & Pagius *Brev. gest. Pontific. in vii. Salmiani P. n. 2.* Antequam vero tintinnabula adhiberi cepissent, Christiani ad templum vocabantur pertubam, aut tabalis ligneas, id quod peccatis tantum Ecclesiæ rebus fieri potuit. Nam ethnicis dominantibus cre-

dibile est, Christianos secreto monitos per Diaconum, aut per alium ab Episcopo designatum virum, ut ad Ecclesias convenirent. Cuncta hæc late explicant Martenius l. c. §. 7. & seq. p. 5., Bona similiter l. c. §. 1. & seq. p. 126. & seq. ibique Sala in Not. n. 2. p. 127., Baronius ad an. 58. n. 103. t. 1. p. 527. *ed. Lucæ.*

(2) Angelus Rocca de Campan. c. 1. originem campanarum repetit à S. Hieronymo; quoniam earum mentio est in regula Monachorum, quæ Hieronymi nomine circumscribitur. Verum nane regulam Hieronymi revera non esse, inter eruditos constat, sed eam ex illius scriptis compositam à Lupo Olivetano, & à Martino V. Pontifice post an. 1417. approbatam scribit Gallichus Caveus de Script. Ecclesiast. in Hieronymo. Multi sunt, qui tintinnabuli usum tribuunt S. Paulino Nolano Episcopo; qui medio sæculo V. vita functus est; verum cum Paulinus Ep. 32. ad Sever. col. 194. seq. *ed. Peronæ*, in qua diligenter Ecclesiam ab se ædificatam, ac singulas ejus partes describit, nihil de tintinnabulis, aut de turri dicat, non obscure inde educitur argumentum, ipsam revera tintinnabula non adhibuisse, sicuti animadvertunt Theophilus Raynaudus t. 15. punct. 7. p. 411. *ed. Lugdun. 1665.*, & Card. Bona l. c. §. 3. p. 130. Polydorus Virgilius de Invent. rer. t. 6., Onuphrius Panvinius in Ep. de Roman. Pontif. t. 1. n. 71., Ciaconius, aliique complures tintinnabuli usum referunt ad Sabinianum Pontificem, qui initio sæculi VII. Pontificatu maximo functus est; sed cum Anastasius in Sabiniani vita nullam ejus rei mentionem faciat, plane non intelligitur, quomodo hæc opinio probari possit. Illud dici potest, sæculo VI. in Ecclesia Occidentali campanarum usum fuisse receptum, quoniam in vita S. Columbæ primi Abbatis Hyensis, qui obiit an. 599., quam vitam edidit Mabillonius sæc. I. Benedictin. p. 349. t. 1. *ed. cit.* scriptum est c. 22., eum media nocte pulsante campana, ad Ecclesiam ivisse, & cap. 25. traditum illum quadam die ministro suo campanam subito pulsare præcepisse, cujus sonitu Fratres excitati Ecclesiam protinus sunt ingressi. Confer Martenium & Pagium l. c.

(3) Baronius ad an. 968. n. 93. t. 16. p. 192. *ed. Lucæ* tradit, Joannem XIII. campanæ benedictionem tribuisse, eamque consecrasse, antequam in turri Lateranensis Ecclesie collocaretur, qui ritus, inquit, in Ecclesia perseveravit. Verum Capitula Caroli Magi, quæ ducentis fere ante Joannis XIII. ætate antiquiora sunt, an. 789. c. 3. n. 18. apud Baluzium t. 1. col. 178. *ed. Ven. cit.* campanarum benedictionem memorant; atque in libris Ritualibus Joanne antiquioribus expresse describitur campanarum benedictio, ut ostendit Hugo Menardus in Not. ad Sacrament. S. Gregor. not. 587. opp. S. Gregor. t. 3. col. 438. *ed. Paris.* Ex quibus manifestum est, campanarum benedictionem non ab Joanne XIII. esse repetendam, sed multo vetustiore esse. Consule Bonam Rer. liturgic. l. 1. c. 22. §. 7. ibique Sylam in Not. n. 1. p. 137. & seq. t. 2., Pagium in Brev. Roman. Pontific. in vit. Joann. XIII. n. 12. t. 2., Roccham de Campanis c. 6. §. de Campan. consecr., Theophilum Ray-

naudum *He. roclit. spiritual. opp. 9. 16. sect. 2. punct. 9. p. 245. ed. Lugdani 1655.*, Martenium *de Antiq. eccles. rit. l. 2. c. 21. t. 2. p. 296. & seq. et. cit.* Campanarum autem benedictio Baptismus dicitur, quod vocabul in non adoptavit Ecclesia, sed tantum tolerat, ut aliorum fidei, ac simplicitati indulgeat. Quod Baptismi nomen ex eo profectum est, quod populus in campanarum benedictione quam adhiberi, nonneque imponi videat, aliisque heri, quæ in administrando Baptismo fiunt, sicuti observat Du-Cragius *Glossar. med. & infim. latin. verb. campana.* Sed minus proprie baptismi vocabulum cum benedictione confunditur, eo fere modo, quæ Ivo *par. 2. Serm. 4. de Sacr. dedic. p. 269. ed. Paris. 1647. baptizant dicit Ecclesiam*, quæ proprie consecratur. Quare se deridendos præbent Hæretici, cum id Catholicis vitio vertunt, quasi ipsi verum Baptismum campanis conferri ardeant. Confer Du-Cragium *l. c. Cocceium l. 2. l. 3. art. 6., Duranum de Sacr. Eccles. rit. l. 1. c. 22. n. 6., Sarracenum l. 2. Defens. c. 16., Græserum l. 2. de Bened. c. 45. & 46., Del-Rio Disquisit. magic. l. 6. c. 2. sect. 3. in fin., Card. Hosiam l. 5. contra Brentium.* Et certe in vetusto ordine, atque in Pontificali Romano, cunctisque libris ritualibus Ecclesiarum quos Thiersius *d. Superstition. l. 2. c. 7.* diligenter collegit, nunquam Baptismi, sed benedictionis nomine campanarum consecratio appellatur.

(4) Videndus P. Petra Sancta *de Rit. eccles. catholice. l. 2. c. 2.*, Martinius Del-Rio *Disquisit. magic. l. 6. c. 2. sect. 4. qu. 4.*, Pœgci *Instit. Catholic. t. 2. c. 8. §. 6. p. 905. ed. Paris. 1725.*

TITULUS VIII.

DE RELIQUIIS ET VENERATIONE SANCTORUM.

I. Intercessio Sanctorum.

II. Sacrarum Reliquiarum venerationis.

§. I.

Sacræ res sunt etiam Reliquiæ Sanctorum, quibus honorem, & reverentiam haberi jubet Ecclesia, quoniam illorum ope, ac precibus multa homines à Deo beneficentia consequuntur. Quare bonum, atque utile est eos suppliciter invocare, atque ob beneficia impetranda à Deo per ejus filium Christum Dominum ad eorum orationes, opem, auxiliumque confugere, & honoranda sunt monumenta illorum, quos in cœlis cum Christo regnare scimus (1).

(1) Concilium Tridentinum *Sess. 25. in Decret. de Invocat. venerat. & reliq. Sanctor. & sac. imagin.*

§. II. Sacrarum reliquiarum veneratio ab ipsis Ecclesiæ primordiis esse repetenda (1). Sæpe enim sacræ reliquiæ causa erant Ecclesiæ dedicandæ (2), sæpe altaria super Sanctorum corpora erigebantur (3), & iis imponebantur reliquiæ thecis inclusæ (4), easque fideles ad os, oculos, cæterosque sensus admovebant, & osculabantur (5). Sed præsertim antiquissima, & ubique recta consuetudo fert, ut martyrum reliquiæ in Ecclesiarum consecratione adhibeantur (6). Eisdem nunc retinet Ecclesia venerationis justæ ritus; sed nullæ colendæ sunt novæ reliquiæ, nisi à Sede Apostolica approbatæ fuerint (7).

(1) Mortuo Polycarpo, uti constat ex ejus actis apud Eusebium *Histor. Eccles. l. 4. c. 15. p. 171. ed. Cantabrig. cit.* urgebant Judei, ut ejus corpus combureretur, ne Christiani ejus reliquias auferrent, ac venerarentur. Addit Auctor eorum actorum post narratum Polycarpi martyrium: *Atque ita nos demum ossa illius gemmis pretiosissimis cincta, & quovis auro pariora colligentes, tollentes, ubi decebat, deposuimus. Quo etiam in loco, nobis, si fieri poterit, convenientibus, in exultatione, & gaudio, præbebit Dominus natalem martyrii ejusdem cum hilaritate, & gaudio celebrare, tum in memoriam eorum; qui glorioso certamine perfuncti sunt, tum ad posteros hujusmodi exemplo erudiendos, & confirmandos.* Ex quo intelligitur, qui cultus esset, quem Christiani Martyribus initio ipso Ecclesiæ præbebant. Nimirum eorum reliquias colebant, tam splendide eas colligebant, ac si aurum, purissimum, aut pretiosissimæ gemmæ fuissent; decore loco ponebant; ibique cum gaudio Anniversariam martyrii diem celebrabant. Atque illud his solemnitatibus erat eis propositum, non tantum ut Sanctorum memoriam colerent, verum etiam ut fideles exempla ad imitandum haberent. Eadem nunc est, quæ semper fuit, Ecclesiæ mens, cum Sanctorum cultum, venerationemque proponit. Hujus quoque venerationis in sacræ reliquias illustra sunt monumenta in actis S. Cypriani, in ejus vita à Pontio Diacono conscripta, & apud Cyprianum ipsum. Hic enim Ep. 6. p. 176. *ed. Amstelæd. 1700.* declarat lætitiâ incredibilem, quâ perfundere-
retur, si amplecti posset martyrum corpora, & eorum ora osculari. Præclara etiam sunt acta martyrii ipsius Cypriani, quæ extant ante opera ipsius Cypriani p. 15. *ed. Amstelæd. 1700.*, & ex quibus constat, fideles ante eum lintamina misisse, ne ejus cruor deluere à terra abserveretur. Denique Pontius Diaconus, qui ejus vitam conscripsit, narrat, quemdam Cypriano suas obtulisse vestes, cum ipse multo sudore madidus sederet, ut illas commutaret: qui videlicet, inquit Pontius in ejus *Vit. opp. Cyprian. p. 10. ed. cit.*, nihil aliud in rebus oblati ambiebat, quam ut præficientis ad Deum Martyris sudores jam

vanguineos possideret. Late sacrarum reliquiarum venerationem tuentur, & laudant Ecclesię Patres; atque inter ceteros Augustinus de Civit. Dei l. 8. c. 27. t. 7. col. 217. ed. Ven. cit., Hieronymus contra Vigilantium n. 5. t. 2. col. 391. ed. Veronę, Isidorus Pelusiota contra Hieracem l. 1. Ep. 55. p. 17. ed. Paris. 1638., Cyrillus Hierosolymitanus Catech. 18. p. 293. ed. cit. ostendunt, quam merito, quam recte, quam catholice fideles Sanctorum reliquias veneratione venerentur. Quinimo ipsa reliquiarum conditoria Majores nostri summa reverentia prosequerentur, & illorum contactum esse credebant sanctificationem, ac benedictionem, ut inquit Gregorius Nyssenus Orat. in S. Theodor. opp. t. 2. p. 1012. ed. Paris. 1615., quod etiam testatur Chrysostomus Orat. de S. Ignac. n. 5. p. 600. & seq. t. 2. ed. Paris. Curabant autem potissimum, ut essent ornata elegantius, atque magnifice conditoria, quę sacra reliquia, seu reliquias continebant. Serico enim opere, aut argenteo, aut aureo sæpe conficiebantur, quo spectat Prudentius Hymn. 3. de S. Fufatia p. 244. vers. 195. seq. ed. Paris. 1687. Et reliquias, quas thecis inclusas, colloque appensas Christiani gestabant, memorat Gregorius Turicensis de Glor. martyr. c. 83. & 84. p. 816. 817. ed. indic.; Chrysostomus vero tantam suę aetate fuisse indicat sepulcrorum martyrum magnificentiam, ut et ipsis Principum palatiis anteferre non dubitaverit Hom. 26. in Ep. 2. ad Corinth. n. 5. opp. t. 10. p. 625. ed. Paris. cit. Facile hinc intelligitur, quam absurdus sit, ac semper ab Ecclesia refutatus error V. Manichęi, Eunomii, Eustathii, & aliorum, quos imitati sunt recentiores hæretici Zuinglius, Calvinus, Lutherus, ac ceteri similes, qui sacrarum reliquiarum venerationem improbant, ac supersticiosam ducunt. Hottingerus præsertim, Dallæus, Medus, Jurizæus, Basnagius; omnes ex grege hæreticorum homines, multa absurda, falsa, plenaque impudentiæ scripserant adversus venerationem sacrarum reliquiarum; sed eos copiose refutant, & catholicam veritatem tuentur Natalis Alexander Histor. eccles. sæc. 5. Diss. 25. t. 5. p. 311. ed. cit., Card. Gotius Ver. Christ. Eccles. t. 2. par. 2. art. 15. t. 16. Theolog. qu. 7. de Cult. Sanctor. dub. 4. & verit. Relig. Christ. c. 50. §. 2. n. 11. t. 7., Ludovicus Rusea Jud. Eccles. confirm. t. 3. c. 3. art. 8. p. 410., Bossuetus Histor. variat. Eccles. Protest. t. 3. l. 13. n. 23. & seq.

(2) Consule Augustinum contra Faust. Manich. l. 20. c. 21. opp. t. 8. col. 347. ed. cit., Gregorius M. l. 8. Ep. 4. l. 9. Ep. 25. opp. t. 2. col. 857. & 917. & l. 1. Dialog. c. 10. cod. t. 2. col. 193. ed. Paris. 1705., Sozomeanus Histor. l. 5. c. 9. p. 192. & l. 8. c. 19. p. 351. ed. Valesii Cantabrig. 1720.

(3) Augustinus seu potius Auctor Serm. 221. de Sanct. seu. 4. de Innocent. in App. t. 5. col. 365. & in Apocalips. Hom. 6. col. 1150. t. 3. par. 2., Ambrosius Ep. 22. ad Marcellin. n. 1. col. 927., & Exhortat. Virg. c. 2. n. 10. col. 348. t. 3. ed. cit., Paulinus Poem. 19. & 26. p. 471. & 527. ed. Bonn. Idem autem à Felice J. Summo Pontifice constitutum tradit Anastasius in ejus vit. Et supra sepulcra, aut memorias martyrum mŕs-

sæ celebrarentur. Verum Baronius *ad an. 275. n. 2. t. 3. p. 192. ed. Luc.* Fellicis ætate antiquiorem esse inquit, quam sententiam præ cæteris sequuntur Bollandistæ *act. SS. April. t. 1. p. 23.*, & Tillemontius *Histoire ecclésiast. t. 4. p. 364. ed. Paris. 1696.*

(4) Leo IV. *Homil. ad Presbyter. & Diacon. apud Labbæum Concil. t. 8. p. 33. ed. Ven.*, Ratherius *Orat. Synod. ad Presbyter. n. 6. col. 414. ed. Veronæ 1765.* Reliquiarum aut ex cruce pendentium, aut super altaribus inpositarum antiqua monumenta habes etiam apud Martenium *de Antiq. monach. rit. l. 3. c. 14. §. 36. c. 15. §. 3. & l. 4. c. 1. t. 4. p. 138. 141. & 178. ed. cit.* In Regala S. Benedicti c. 58. apud Holstenium *Cod. Reg. t. 1. p. 131. ed. Aug. Vindob. 1759.* memorantur reliquæ in oratoriis Monachorum.

(5) Dignus est, qui describatur, S. Gregorii Nissenii locus *Orat. de S. Theod. p. 1012. opp. t. 2. ed. cit.* Nam ipsas attingere reliquias, inquit, si quando aliqua ejusmodi prospera fortuna contingat, ut id facere liceat, quam optabile sit, & summis votis expectitum manus, norunt quicumque sunt experti, & hoc suo desiderio potiti sunt. Hi enim tanquam vivum suum corpus, & florens videntes osculantur, & ad oculos, ad os, ad aures, ad omnes sensus admovent.

(6) S. Ambrosius *Ep. 22. ad Marcellin. §. 9. col. 930. t. 3. opp. ed. cit.*, Evagrius *Hist. l. 1. c. 16. p. 271. ed. Cantabrig. 1720.*, S. Paulinus *Ep. 31. ad Sever. col. 189. ed. Veron. cit.*, Consale Joannem Ferrandum *Disquisit. reliquiar. l. 1. c. 3. sect. 2.*, & Dominicum Georgium *de Liturg. Roman. Pontific. l. 3. c. 9. n. 9. & seq.*

(7) *Cap. 1. & 2. de Reliq. & Venerat. SS.*

TITULUS IX.

DE SEPULTURIS.

- | | |
|--|--|
| I. Cœmenterium unde dictum? | chialis. |
| II. Fidelium cadavera primum extra Ecclesiam, postmodum in Ecclesia sepulta. | VI. Jus Parochi in deferendis cadaveribus ad sepulturam. |
| III. Cœmenteria loca religiosa. | VII. Jura funeris. |
| IV. Sepulturæ electio. | VIII. Quarta funeraria. |
| V. Sepultura gentilitia, & parochialis. | IX. Quibus ecclesiastica sepultura denegetur? |

§. I.

Loca sepeliendis Christianorum cadaveribus destinata jam inde ab antiquis Ecclesiæ temporibus appellata sunt cœmenteria, quasi fidelium corpora jacerent in loco dormitionis, unde Christo adveniente excitarentur (1). Loca hæc ini-

tio erant extra mœnia civitatis, cum Romanæ Leges, quibus etiam Christiani parnerunt (2), ubi nihil in iis inerat, quod eorum Religioni adversaretur, neminem intra Urbem sepeliri permetterent (3),

(1) Apostolus I. ad *Thessal. IV. 12.* nolumus, inquit vos ignorare fratres de dormientibus, quem in locum inquit Hieronymus *Ep. 75. n. 1. opp. t. 1. col. 448 ed. Veron. cit. unde & beatus apostolus vetat de dormientibus contristari, ut quos dormire novimus, suscitari posse credamus.*

(2) S. Joannes Chrysostomus *Hom. de Fide & lege nature opp. t. 1. n. 2. p. 829. Hom. 37. al. 38. in Matth. n. 5. p. 424. t. 7. & Exposit. psalm. 5. n. 5. p. 36. t. 5. ed. Paris. , L. 6. Cod. Theod. de Sepulcr. violat.* Revera in Urbis suburbanis erant Romana cœmeteria, quæ circiter quadraginta tria numerat Baronius *ad an. 226. n. 9. t. 2. p. 574. & 475.*, eorumque nomina singillatim Panvinus describit *de Cœmeter. c. 12. per tot.* Similiter extra civitatem erant Neapolitana cœmeteria, de quibus agunt Gilbertus Burnetus *Ep. 4.*, Mabillonius *Mus. Ital. tit. 1. p. 14.*, & Mazochius in *Kalendar. Consule Paulum Aringhium Rom. subterr. l. 1. c. 1. n. 9.*

(3) Jus hoc erat XII. Tabularum, quod sæpe novis legibus confirmatum fuit ac traductum ad omnes civitates, primam constitutione Hadriani *L. 3. §. Divus ff. de Sepulcr. violat.*, idest D. Pii, ut Capitolinus scribit, deinde cæterorum. Vide Paulum *Recept. sentent. l. 1. tit. 21. n. 2.* ibique Schuldingium in *Not. 8. & seq. Jurispr. vet. Ante-Justinian. t. 1. p. 261. & seq. ed. Lipsiæ 1737.*

§. II. Lapsu temporum quorundam cadavera intra Civitatem, non tamen intra Ecclesiam (1) humo tradi ceperunt. Eo privilegio potiti sunt Imperatores, & Reges, qui, ut plurimum, in Ecclesie atrio, & porticibus sepeliebantur (2). Postea loca hæc patuerunt etiam populo universo (3); & interim illis una cum Abbatibus, ac viris pietate præstantibus intra Ecclesiam sepultura concessa est (4), quam pridem Episcopi ante cæteros habuerant (5). Denique omnibus in Ecclesia permissus sepulture locus (6); quæ hodierna est, qua jam dudum utimur disciplina.

(1) Vide Concilium Bracarense II. *Can. 18.* apud Labbæum *t. 6. col. 522. ed. Ven. & Auctorem Vitæ S. Fulgentii apud Bollandum t. Januarii. Leg. 2. Cod. de Eccles.* Atque hæc quidem erat consuetudo, quæ generatim obtinebat; non tamen desunt, uti paulo postea demonstra-

bo, hæc etiam ætate exempla aliquorum, qui in Ecclesia sepulturam habuerunt.

(2) Id de Constantino narrant Eusebius *Vir. Constantin.* l. 4. c. 71. p. 663. ed. Cantabr., & S. Joannes Chrysostomus *Homil.* 26. in 2. ad *Corint.* n. 5. opp. t. 10. p. 625. ed. Paris., de Theodosio Seniore, Arcadio, ac Theodosio Juniore Nicephorus l. 14. cap. 58. p. 581. tit. 1. ed. Paris. 1630.

(3) Concilium Nannetense Can. 6. tit. 7. part. 1. col. 358. *Collect. Hardaini*, & Moguntiacum Can. 52. col. 1016. t. 4. ejusd. *Collect.*, unde illa desumpta videtur regula, quæ est in Capiularibus Caroli M. l. 1. c. 15. aq. Baluzium t. 2. col. 493. ed. Ven.

(4) Clodoveum Francorum Regem, qui vita functus est an. 511. in Basilica S. Petri sepultum fuisse testatur Gregorius Turonensis *Hist.* l. 2. c. 43. col. 100. ed. cit. Evagrius autem *Hist.* l. 4. c. 31. p. 12. t. 3. ed. Vasesii Cantabrig. 1720. narrat, à Justiniano Imperatore ædificatum fuisse templum SS. Apostolorum in quo Imperatores, ac Sacerdotes sepeliri mos est. Vide etiam Concilium Moguntiacum anni 813. cit. Can. 52. t. 9., & Triburiense anni 895. Can. 17. apud Labbæum t. 11. col. 638. ed. Ven. Eodem honore etiam Ecclesiarum conditores affecti sunt, quod demonstrat Sozomenus *Hist.* l. 9. cap. 2. p. 366. ed. Cantabrig.

(5) Ætate Ambrosii, hoc est, IV. sæculo Episcopus in Ecclesia sepeliri solitus fuisse, constat ex ipso Ambrosio, qui Mediolani subtus altare sibi sepulturam paraverat, at eo illatis Gervasii, & Protasii reliquiis, hunc, inquit, *Ep.* 22. n. 13. opp. t. 3. col. 631. ed. cit. *michi locum prædestinaveram. . . sed cedo sacris victimis dexteram portionem.* Eandem quinti sæculi fuisse disciplinam, ostendit Pulcheriæ Augustæ epistola ad S. Leonem M., quæ inter ipsius Pontificis epistolas extat post 59. p. 244. t. 2. ed. Rom. cit., unde constat Flaviani Episcopi Constantinopolitani corpus fuisse conditum in Basilica Apostolorum, in qua canuenerant prædecessores Episcopi sepeliri. Similiter corpus S. Joannis Chrysostomi, qui hæc vivens dixerat *Orat. quod Christus sit Deus* n. 9. p. 570. t. 1. Paris., Constantinopoli Reges nostri magnam gratiam putant, non si prope Apostolos, sed si vel extra eorum vestibula corpora sua sepeliantur, fiantque piscatorum ostiarii Reges, Chrysostomi inquam mortui corpus Constantinopolim delatum, atque in Ecclesia SS. Apostolorum sepultum fuisse, scribit Socrates *Hist.* l. 7. c. 45. p. 393. ed. Cantabrig. Ad præmulla ea de re monumenta collegit Martinius de Antiq. Eccl. tit. l. 3. cap. 13. §. 11. & seq. t. 2. p. 372. cit. ed. Haud tamen desunt antiquissima etiam ætate exempla laicorum quorundam pietate præstantium, qui in Ecclesia sepulti sunt.

(6) Repperus, hæreticus videlicet homo, *Polit. eccl.* l. 1. cap. 15. ritum sepeliendi Christianos in Ecclesia superstitionis arguit, atque hanc consuetudinem ex Monachorum, & Sacerdotum avaritiâ, ac laicorum ambitione repetit. Eadem fere habet Binghamus *Orig.*

eccles. l. 23. c. 1. §. 9. 1. 10. cit. ed., & Van-Espenius *Jur. eccles. univers. part. 2. l. 38. c. 2. §. 33. & 34.* Fateor equidem, Ecclesia et olim extra sacras aedes sepeliri consuevisse; sed cum ea res tota sit discipline, quæ Ecclesiæ voluntate mutatur, non video, quomobrem Ecclesia non potuerit decernere, ut fideles intra sacras aedes sepeliuntur. Ceterum nova non est, nec antiquis ignota Patribus consuetudo sepeliendi in Ecclesia fideles, eaque procul abest à superstitione, cæterisque vitis, quorum arguitur. Mitto tria priora Ecclesiæ sæcula, in quibus Christianis temporum loco erant cæmeteria, ibique suos agebant conventus, & rem divinam conficiebant. Scio formidolosis illis temporibus Christianis non quovis loco vellent rebus sacris, atque divinis operam dare potuisse; sed certe si aliqui fuisset superstitionis fœdere rem divinam, precesque fundere, ubi mortuorum cadavera jacebant, alio potius quocumque loco, quam in cæmeteriis illud christiani præstitissent. Sed mitto hoc nascentis, & undique vexatæ Ecclesiæ tempus; quamquam hoc quidem gravissimum sit, & omnem plane, quæ higitur, superstitionis notam abstergat. Certe vix data Ecclesiæ pace Constantinus, uti narrat Eusebius in *Vit. Constantini l. 4. c. 71. p. 668. ed. cit.*, juxta Apostolos sepeliri vehementer cupiebat, eaque de causa illorum nominibus appellatam Basilicam excitavit. An hoc desiderium pius Imperator præsetulisset, si quid in ea superstitionis inesse putasset? Paulinus Poem. 19. col. 473. ed. Veron. an. 1736. memorat cellulas, & eas quidem intra Basilicam, Ep. autem 32. ad Seren. n. 12. col. 203. cubicula Ecclesiæ, seu capellas, in quibus defunctorum corpora condebantur. Ambrosius, qui, ut mox naravi, sibi in Ecclesia subius altare sepulturam paraverat, Satyro fratri suo, licet laico, in Ecclesia secus tumulum S. Victoris sepulcrum posuit. Eundem Taurinensis Ecclesiæ consuetudinem fuisse, testatur S. Maximus Homil. 81. col. 261. ed. Romæ 1784., Africanæ autem S. Augustinus l. 2. Retract. c. 64. col. 63. t. 1. ed. cit. Ita etiam Cæsarius Gregorii Nazianzeni frater, ac Paula in Ecclesiis sepulturam habuerunt, quod ostendunt Gregorius Nazianzenus Orat. 10. p. 167., opp. & Hieronymus Ep. 108. n. 29. col. 717. opp. t. 1. cit. ed. Veronæ. Quibus adde exempla, quæ supra descripsi, Episcoporum, Regum, cæterorum, qui in Ecclesia sepulti sunt, & facile intelliges, nihil superstitiosum, nihil non religiosum urbani in Ecclesia sepulera, Patrum omnium iudicio, continere. Veram autem causam, propter quam inducta est consuetudo fideles in Ecclesia sepeliendi, aperissime indicant S. Maximus, & Augustinus, uterque hoc. *hoc. mox cit.* Hic enim inquit: quod vero quique apud memoratis Martyrum sepelitur; hoc tantum mihi videtur præstare defuncto, ut commendans cum etiam Martyrum patrocinio, effectus pro illo supplicationis augeatur. Ille autem habet hæc; Ideo hoc a Majoribus præstatum est, ut Sanctorum oribus nostra corpora sociemus. . . Cum Sanctis ergo Martyribus quiescentes evadimus inferni tenebras. Plum hoc desiderium patrocinii Sanctorum, quibus se Fideles commendant, &

quibus morientes suum quasi credunt corpus, ut studium ostendant, quo in eos feruntur, vera causa est, propter quam & olim sepeliuntur, & nunc Christiani in Ecclesia sepeliuntur; non autem superstitione, aut hominum ambitu, aut avaritia Clericorum. Consule Muratorium *Dissert.* 17. *ad calc. opp. S. Paulini* col. 838. & *seq. ed. Veron.* 1736, qui illos, quos indicavi, Paulini locos illustrat, ac de antiquis Christianorum in Ecclesia sepulturis copiose, & accurate disputat.

§. III. Nunc quamquam Christianis omnibus in Ecclesia sepultura permittatur, tamen in multis locis cœmeteria sunt, in quibus mortuorum corpora humo teguntur (1). Sunt autem cœmeteria loca religiosa, solenni Episcopi benedictione (2), humandis fidelium cadaveribus addicta, eaque prope ipsas Ecclesias sita esse solent. Ubi nulla sunt cœmeteria ab Ecclesiis distincta, Christiani in ipsis Ecclesiis sepeliuntur; nefas autem est eorum aliquem in loco profano sepulturam habere (3).

(1) *Ubi viget antiqua consuetudo*, inquit *Rituale Romanum* editum jussu Pauli V. *tit. de Exsequiis, sepeliendi mortuos in cœmeterio, retineatur, & ubi fieri potest, restituatur.* Vide etiam Concilium Mediolanense l. *part.* 2. c. 61.

(2) Benedictio cœmeterii jam vigeat ætate S. Gregorii Turonensis, uti patet ex l. *de Glor. Confessor.* c. 106. col. 986. *ed. cit.* Benedictionis ritus descriptos ex antiquis libris Ritualibus habet Martenius *de Antiq. Eccles. rit.* l. 2. cap. 20. t. 2. p. 294. & *seq. ed. cit.*

(3) *Cap. 3. de Sepultur.* ibique Gonzalez.

§. IV. Integrum cuique est sibi Ecclesiam eligere, in qua ejus cadaver sepeliatur; modo Ecclesia sepeliendi jus habeat. Quo jure gaudent Ecclesie Cathedrales, ac Parochiales, quæque illud consuetudine, aut privilegio adeptæ sunt (1). Quare etiam uxor, invito marito, & filius pubes, quamquam sit in patris potestate, liberam sepulture optionem habent (2). Sed filio impuberi ob inopiam consilii pater eligit sepulturam, si id loci consuetudo patia-
tur (3); secus enim aut in sepulcro Majorum, aut in Parochiali Ecclesia conditur (4). Similiter neque Regularibus, qui suo carent arbitrio, sibi eligere sepulturam licet; nisi procul à suis monasteriis decedant, ita ut ad ea transferri commode nequeant (5).

(1) *In Clem. 2. de Sepultur. Dominicanis, & Franciscanis conceditur sepeliendi privilegium in eorum Ecclesiis, quod privilegium aliis quoque Regularibus concessum fuisse, observat Pirhingius Jur. Canonic. l. 3. tit. 28. n. 30.*

(2) *Cap. 3. & 4. de Sepultur. in 6.*

(3) *Cap. 7. de Sepultur.*

(4) *Cap. 4. eod. in 6.*

(5) *Cap. ult. de Sepultur. in 6.*

§. V. Si quis sibi sepulturam non eligit, eam habet in sepulcro majorum, vel si eo careat, in Ecclesia parochiali (1). Mulieres autem si non elegerint sepulturam, cum viris suis sepeliendæ sunt (2), & si plures habuere viros, cum eo sepeliuntur, cui postremo nupserunt (3). Monachi etiam, & Regulares humantur in Ecclesia, vel cœmeterio sui monasterii, quod ipsis parochiæ loco est (4); & similiter canonici, ac beneficiati in Ecclesia sui capituli, vel beneficii sepeliuntur. Cadaver, quod contra interdictum extra propriam Ecclesiam humo traditum fuit, si petatur, effodiendum est, ac propriæ Ecclesiæ restituendum (5).

(1) *Can. 2. cap. 13. quæst. 2., Cap. 1. de Sepultur., Cap. 3. eod. in 6.*

(2) *Can. 2. & 3. c. 13. quæst. 2.*

(3) *Can. 3. cit., Cap. 3. de Sepultur. in 6.*

(4) *Cap. ult. eod. in 6.*

(5) *Cap. 5. de Sepult.* Neque cadaver solum sed etiam funeris emolumenta propriæ Ecclesiæ restituenda sunt. Id autem locum habet sive alienæ Parœciæ hominem quis in sua Ecclesia sepeliverit, sive etiam hominem Parœciæ suæ, qui sibi in alia Ecclesia sepulturam elegit. Vide bis Giraldum *Expos. Jur. Pontif. part. 1. l. 3. Decret. sect. 487. p. 319.*

§. VI. Cum cadaver extra parœciam sepelitur, antequam domo educatur, à paracho benedicendum est, eoque comite ad sepulcrum deferendum. Hec quidem consuetudo est, quæ ubique in Italia viget; sed in ultramontanis quibusdam regionibus exequia in parœcia celebrantur, quod jus Decretalium est (1).

(1) Confer Interpretes ad *Cap. 9. de Sepultur.*

§. VII. Vetus est disciplina, per quam oblationes pro

mortuis fiunt (1). easque Ecclesia recipiebat, si christiani in ejus communionem decessissent. Hujusmodi oblationes initio ex sola fidelium voluntate procedebant; sed postea conversæ sunt in laudabiles consuetudines; & nunc heredes cogi possunt ad præstandas oblationes, quæ populorum moribus receptæ sunt (2). Atque hæc sunt jura, quæ *funeraria* dicuntur, quæque ob curam animarum parochio debentur.

(1) Oblationes, quæ pro defunctis fiunt, memorat Tertullianus de *Exhort. castit. cap. 11.* & de *Monogam. cap. 10. p. 523.* & 521. ed. Ven. 1744, & de *Coron. c. 3. p. 102.* laudat oblationes pro defunctis, & alia quæ in Ecclesia observabantur, postremo dicit hæc: *harum, & aliarum ejusmodi disciplinarum, si legem expostules, nullam invenies. Traditio tibi prætenditur auctrix, consuetudo confirmatrix, & fides observatrix.* Videndi sunt etiam S. Cyrillus Hierosolymitanus *Cathec. 23. mystag. 5. num. 9. seq. p. 328. ed. Paris. 1720.*, S. Epiphanius *Expos. Fidei Cathol. n. 23. t. 1. opp. p. 1106. ed. Colon. 1682.*, S. Joan. Chrysostomus *Hom. 21. in act. Apostol. n. 4. opp. t. 9. p. 157.* & *Homil. 41. in Ep. I. ad Cor. n. 4. seq. p. 592. seq. t. 10. ed. Montfaucon. Paris.*, S. Augustinus *Serm. 172. de Verb. Apost. c. 2. n. 3. opp. t. 7. col. 828. de Cur. geren. pro mort. c. 18. col. 1875. t. 8., in Enchirid. de Fide, spe & char. c. 110. col. 620. t. 11. ed. Ven. 1756.*, S. Ambrosius *Ep. 39. n. 4. opp. t. 3. col. 1014. ed. Ven. 1751.*, cæteri demum Patres, quos collegit Leo Allatius de *Utriusq. Eccles. Occid. atque Orient. perpet. in dogmat. de Purgat. consens. p. 43. & seq. & p. 336. seq. ed. Rom. 1655.*

(2) *Cap. 42. de Simon.*

§. VIII. Quod si aliquis extra Ecclesiam parochialem tumulo mandetur, ex iis rebus, quæ ad aliam Ecclesiam funeris causa delata sunt, pars aliqua detrahatur, quæ dicitur *quarta funeraria*, seu *canonica*, & parœciæ tribuitur. Nam justum visum est aliquid ex iis rebus dare Ecclesie parochiali, quæ defuncto curam spiritualem impendit (1). Hæc autem portio non eadem ubique est, sed alibi quarta, alibi tertia, alibi major, aut minor pro gentium moribus (2); verum, quantacumque sit, semper *quarta* appellatur; atque ex consuetudine, pactisque conventis noscitur, quibus ex rebus detrahenda sit. Generatim tamen non detrahatur ex donationibus inter vivos, neque ex legatis missarum, & anniversariorum, atque ex cæteris, quæ pia relictæ dicuntur (3).

(1) *Cap. 1. Sepultur.* Plures sunt Romanorum Pontificum Constitutiones, per quas Regulares, quorum in Ecclesiis fidelium cadavera sepeliuntur, ab hujus quartæ solutione liberantur; cunctasque memorat Gaudentius à Janæa *de Visit. Prælat. regul. t. 2. c. 7. dub. 20. sect. 3. n. 35. §. 1.* Sed Concilium Tridentinum *Sess. 25. c. 13. de Reform. sancivit*, ut ii Regulares, qui annis ante ipsum Concilium quadraginta quarian solvere consueverant; eam etiam in posterum solvere deberent, ceteri, qui ante hoc tempus nunquam solverunt, eodem onere non tenerentur. Decretum hoc Synodi Tridentinæ declararunt S. Pius V. *Const. Etsi Mendicantium* 58. *Bullar. t. 4. par. 2. p. 373.*; Gregorius XIII. *Const. In tanta* 15. *p. 271. t. 4. part. 3.*; Paulus V. *Const. Decent.* 6. *p. 150. t. 5. par. 3.* Denique Benedictus XIII. *Const. Romanus* 51. *p. 394. t. 11.* omnia sustulit privilegia post Clement. *Dudum de Sepultur.*, & post Concilium Tridentinum concessa Regularibus, qui sunt in Italia, atque in Insulis ad eam pertinentibus; de non solvenda quarta parochiæ defunctorum, qui in eorum Ecclesiis sepeliuntur. Hodie igitur hac lege Benedicti XIII. reguntur monasteria Regularium in Italia, atque in finitimis Insulis; ceteri Regulares, qui extra has regiones commorantur, Tridentinæ quam memoravi, legi subjiciuntur.

(2) *Cap. 9. eod.*

(3) *Cap. 10. eod.*, *Cap. ult. de Testam.* Confer S. Pium V. *cit. Const. Etsi Mendicantium*, & Benedictum XIII. *cit. Const. Romanus*.

§. IX. Ecclesiastica sepultura pars est christianæ communionis, quæ etiam post mortem manet, ideoque ab illa repelluntur, qui viventes ea communione carebant, atque ab Ecclesia sejuncti ex hac vita migrarunt (1). Quamobrem ecclesiastica sepultura privantur judæi, ethnici, infideles omnes, atque etiam infantes mortui sine baptismo (2), apostatæ, hæretici, schismatici manifesti (3); nominatim interdicti (4); excommunicati vitandi, qui nimirum palam in clericum violentas manus iniecerunt, & quos Judex Ecclesiasticus nominatim excommunicatos declaravit (5); qui sibi mortem conceiverunt, nisi eos furore actos id egisse constet (6); qui in singulari certamine (7), aut in torneamentis, quæ mortis periculum habent (8), interfecti sunt; qui in Paschate Pœnitentiæ, & Eucharistiæ sacramentum voluntarie omiserunt (9); usurarii manifesti (10); mortui cum peculio (11); fures, & latrones in crimine deprehensi, & occisi (12); raptores Ecclesiarum, qui non satisfecerint (13); denique omnes publici peccatores, qui sine pœnitentia de-

cesserint (14). Quod si horum aliquis in loco sacro sepulturam habuerit, ejus cadaver, modo internosci possit, è sepulcro educendum est, atque in loco profano collocandum (15).

(1) *Cap. 12. de Sepultur.*

(2) *Can. 27. & 28. de Consecr. dist. 1. Rituale Romanum tit. de Exeq. rubr. Quib. non licet. dar. eccles. sepult.*

(3) *Cans. 24. qu. 1. per tot.*

(4) *Cap. 10. de Sepult., Cap. 17. de Verb. signific., Cap. 20. de Senten. excom. in 6., Clement. 1. de Sepultur.*

(5) Excommunicati vitandi, secundum celebre decretum Martini V. editum in Concilio Constantiensi, ii tantum habentur, quos Judex Ecclesiasticus palam excommunicatos pronuntiavit, atque eos uni tales speciatim, & expresse declaravit. Eodem è genere sunt, quos ob manus in clericum injectas ita certum, atque exploratum omnibus est incidisse in sententiam latam à Canoa. Si quis suadente diabolo, ut eorum factum neque celari, neque excusari aliqua ratione possit. Quibus Benedictus XIV. in *Const. Detestabilem*. 6. § 9. t. 4. ejus *Bullar.* p. 22. ed. cit. addidit decedentes in certamine singuluri, vel etiam procul à loco certaminis, sed ex eo tamen accepto vulnere, quinquam vitandi declarati non fuerint. Hi omnes, tamquam excommunicati vitandi nunc ab ecclesiastica sepultura excluduntur.

(6) *Can. 11. & 12. c. 23. qu. 5.*

(7) Concilium Tridentinum *Sess. 25. c. 19. de Reform.* Vide etiam *cit. Constit. Detestabilem* Benedicti XIV.

(8) *Cap. 1. & 2. de Torneamen.* Gregorius XIII. *Constit. Ad tollendum* 140. *Bullar.* t. 4. par. 4. p. 19., & *Clement. VIII. Const. Illius vices* 30. t. 5. par. 1. p. 385. *cit. Bullar. ed. Rom. ultit.*

(9) *Cap. 12. de Pœnitent. & remiss.*

(10) *Cap. 3. de Usur., Cap. 2. eod. in 6.*

(11) *Cap. 2. & 6. de Stat. monachor.*

(12) *Cap. 2. de Furtis.*

(13) *Cap. 2. & 5. de Raptor.**

(14) *Can. 16. c. 13. qu. 2.*

(15) *Cap. 12. de Sepultur.*

TITULUS X.

DE MONASTERIIS.

I. Monasterium quid?

terio observandum?

II. Quid in novo erigendo monas-

III. Exemptio monasteriorum.

Monasterium proprie significat locum, in quo solitarii vitam agunt, & vero monasteria initio erant domicilia eorum, qui è civitate in solitudines discedebant. Sed postea visum est in Urbes vocare Monachos, ut Christianam Religionem tuerentur, & amplificarent (1); lapsu autem temporum multi Regulares in medijs urbibus initio sunt instituti, ut in procuranda salute animarum clericis operam ferrent. Hæc igitur monasteria dicuntur omnia loca, in quibus plures habitant, qui certa obstricti regula communem vitam ducunt, & qui pro diversa sui instituti ratione Monachi, Mendicantes, Canonici Regulares, Clerici Regulares appellantur.

(1) S. Basilium monasteria in urbe constituisse, ut Monachi contra Arianos catholicam fidem tuerentur, narrat Socrates *Histor. l. 4. c. 26. p. 217. ed. Cantabrig.* Cum vero Monachi in Civitates deducti sunt, ut subsidio essent clericis, novam hoc officium, quod suscipere debebant, eos deserere cogit labore manuum, quo pridem vitam transagebant, cum omibus saluti curis in solitudine versabantur. Non enim se amplius poterant in hoc labore exercere, qui suam in totius Christiani populi utilitate operam collocare debebant. Accedit quod prisca monasteria, quibus nulli erant ad vitam agendum reditus, necessarius erat manuum labor, ut per eum sibi ad vitam necessaria compararent. Sed cum suam pro Christiano populo operam impendere cæperunt, æquum profecto, & omni Juri consentaneum fuit, ut necessaria acciperent ab iis, quibus sua erat addicta opera, & occupatio. Hi dederunt, uti par erat, hujus operæ remunerandæ causa bona, cum quibus Monachi vitam traderent; & ita sua sponte desit manuum labor, cui non amplius Monachi aliis distanti curis vacare poterant, & quam vitæ necessitas non amplius postulabat. Tunc autem illi sese dederunt studiis, atque laboribus, qui in rei Christianæ publicæ utilitatem redundarent, quique non solum ad Religionis officia, sed etiam ad studia literarum pertinerent. Quanta autem ad nos delata sint bona ex his Monachorum curis, atque laboribus, ignorat nemo, idque, ut cæteros mittam demonstrat Mabillonii opus *de Studiis monasticis*, demonstrant præclara opera Mauri orum, aliorumque complurium, quorum studiis, atque occupatione in qua omnibus utilitas allata est. Neque vero illa, in qua nunc Monachi versantur, occupatio eorum instituti sanctitati adversatur, quod ipse fatetur Eubellus *Int. odic. in jus ecclæs. tit. 4. lib. 2. cap. 11. §. 335. Not. 1.*; nec certe aliquis reprehendat Monachos, quod pro commodo,

atque utilitate Christianæ Reipublicæ operam terunt. Consule F. G. Ziebrecht. c. 4. §. 35. seq., qui peculiari libro Bassani edito an. 1783. refutavit Rautenstrauchium, qui opere, cui titulus *Septem capita de Religiosis*, Monachos ad priscum vitæ institutum, manuumque laborem revocare vellet. Caterum falsum est, quod omnes Monachi initio manuum labore sibi victum quærerent, cum Monachorum, qui piis operibus, & studiis vacarent literarum, multa sint exempla apud Athanasium Ep. ad Dracont. opp. t. 1. p. 207. ed. Patav. 1777., & Sozomenum *Hist. Eccles.* l. 6. c. 28. & 29. p. 236. seq. c. 30. 31. 32. p. 241. & seq. ed. Taurin. 1747., & Concilium Constantiense propositionem 24. Wicleffii agentis: *Fratres tenentur per labores manuum victum acquirere, & non per mendicantem, damnavit in prima parte tamquam scandalosum, & præsumptuose assertum, pro quanto sic generaliter, & indistincte loquitur, in altera nunquam erroneum, pro quanto asserit, mendicantem fratribus non licere* t. 16. Conc. Labbæi col. 757. ed. Ven. Vide-sis Manachium *Del diritto libero* &c. par. 1. t. 3. c. 2. p. 326. 337. 370. Atque id quidem pertinet ad antiquos Monachos, qui initio ea lege instituti sunt, ut in solitudine vitam agerent, ac manuum labori vacarent. Nam ineptum esset, contraque instituti legem ad solitudinem, ac manuum laborem vacare ceteros Regulares, quos recentiori ætate pii homines longe aliis regulis instituerunt, ut Christianis auxilio sint. Visum est hæc monere, & edicere, ut satisfactum sit Scriptoribus Annalium Ecclesiasticorum Florentiæ, qui mihi sententiam adscribunt, à qua longe absum. Nimiram, quod harum Institutionum l. 1. tit. 1. §. 9. not. 5. Clerico licere dixi labore manuum suarum, & honesto artificio sibi victum comparare, ita hanc meam sententiam interpretati sunt, quasi illis videar assentiri, qui monachos revocari vellent ad manuum laborem, in quo sese olim solitariam agentes vitam exercebant. Sed omnes facile intelligunt, quam longe alia, ac diversa sit sententia agentis, quod liceat clerico labore manuum suarum, & honesto artificio sibi victum comparare, ac sententiâ illorum, qui falso putant, Monachos ad hunc laborem omnino esse cogendos. Hæc adversus Annalium Scriptores monenda esse duxi, ut omnes intelligant, quam valde dissentiam ab iis opinionibus, quibus ipsi contra omnem recti, verique speciem assentiuntur. De cæteris, quorum causa me reprehendendum putarunt, non laboro; quoniam mihi non molesum, sed gloriosum est, à quibusdam reprehendi, quod omnibus comperta esse volo jura certissima Summi Pontificis, quem Christus Dominus non solum honore, ac dignitate, sed etiam imperio, & jurisdictione præesse voluit Ecclesiæ universæ.

§. II. Novum monasterium sine venia Episcopi, ac Sedis Apostolicæ excitari non potest (1). In primis autem cavendum est, ne novum opus in grave aliorum detrimentum redundet. Quare Episcopus veniam non concedit, nisi pri-

num vocaverit, atque audiverit Præfectos, vel Procuratores antiquorum monasteriorum, quæ sunt in locis circumpositis per quatuor millia passuum, atque etiam Parochum, intra cujus parœciæ fines novum monasterium erigitur (2). Præterea nullum extruitur novi monasterii ædificium, nisi in eo duodecim Saltem Monachi, seu Religiosi habitare, atque ex redditibus, & consuetis fidelium elemosynis sustentari possint (3). Denique Monialium monasteria nonnisi in urbibus sita esse debent, ne obnoxia sint prædæ, ac cæteris pravorum hominum cupiditibus (4).

(1) Nova monasteria sine Episcopi consensu ædificari non posse, statuit Concilium Tridentinum *Sess. 25. c. 3. de Regul.* Tridentinam hanc legem explicarunt Clemens VIII. *Const. Quoniam ad Institutam, Bullar. t. 5. par. 3. p. 14.*, & Gregorius XV. *Const. Cum aliis 70. t. 5. par. 5. p. 47.* Veram cum Tridentina Synodus, ac Romani Pontifices Episcopi veniam postulant, ut novum monasterium erigatur, nihil detrahant de antiquo jure, quod etiam Sedis Apostolicæ veniam requirit in *Cap. unic. 6. Confirmatos de Relig. domib. in 6., & in Cap. unic. de Exces. Prælat. in 6.* Qua de re edita est ab Innocentio X. *Constitutio Instaurandæ 157. Bullar. t. 6. par. 3. p. 233.*, qua sancitum est, ut sine venia Sedis Apostolicæ novum monasterium excitari nequeat, atque ut primum Congregatio Episcoporum, & Regularium diligenter videat, num præsto sint omnia, quæ requirantur, ut rite monasterium ædificetur. Quæ constitutio quamquam ad Italiam, atque ad eas Insulas pertineat, tamen etiam extrâ Italiam ubique servatur. Quare in novo monasterio erigendo & Episcopi, & Sedis Apostolicæ venia necessaria est. Confer *Benedictum XIV. de Synod. diæces. l. 9. c. 1. n. 9.*

(2) Clemens VIII. *cit. const. Quoniam*, & Gregorius XV. *cit. const. Cum aliis. Bullar. ed. Rom. ult.*

(3) Vide Gregorium XV. *l. c.*

(4) Concilium Tridentinum *Sess. 25. de Regul. c. 5.*

§. III. Regularium monasteria de Episcopi potestate subtracta, sive exempta, & uni Pontifici subjecta sunt. Quæ exemptio antiquissima in Ecclesia est (1), eaque repetitur ex amplissima potestate, per quam Summus Pontifex certos Episcopis subditos adinere potest, eosque vel aliis, vel sibi met uni subicere. Etiam Patriarchæ Orientales in sui Exarchatus monasteria amplissimum habebant imperium (2), & nunc etiam apud ipsos viget *jus stauropégii*, & id, quidem

nem sapientiam instituantur. Recte igitur, atque sapienter Majores nostri ab antiquissimis usque temporibus Episcopalia Seminaria instituenda curarunt, in quibus sub Episcopi cura, & gubernatione educarentur, atque in spem cleri alerentur Adolescentes, qui optimis imbuti moribus, doctrinisque eruditi inter clericos cooptari, sacrisque initiari ordinibus possent. Sunt qui Episcopaliū seminariū vestigia deprehendisse se putant in Synodo Nicæna (1); sunt qui primam eorum originem ab Augustino repeti posse arbitrantur (2). Illud compertum, exploratumque est, sexto sæculo constitutas jam fuisse communes domus, hoc est seminaria, in quibus clerici communem vitam traducerent, atque ad omne clericalis officii munus instruerentur (3).

(1) Si certa esset fides Nicænorum Canonum, quos ex Arabico in Latinum sermonem conversos primum Franciscus Turrianus, deinde Abrahamus Ecchellensis evalgarunt, merito statui posset, in Concilio Nicæno non obscura extare vestigia hujusmodi seminariū. Nam in Can. qui apud Turrianum est 55. apud Ecchellensem 59. r. 2. Conc. Labbei col. 317. & 341. ed. Ven. jubentur Chorepiscopi instituere Ministros, eosque distribuere per Ecclesias, & Monasteria, & providere, ut discant; ut reddantur apti, & idonei ad ædificationem Monasteriorum, & Ecclesiarum, & aliorum locorum, quæ horum opera indigebunt. Quæ qui tem verba considerans notari n. Auctor scribit hæc: Cernitur in hoc canone ratio quedam seminarii Ministrorum Ecclesiæ, seu vestigium quoddam seminariū, quæ nuper, secundum decretum Concilii Tridentini, instituta sunt. Verum hujus Canonis nulla certa fides, quoniam non pertinet ad illos viginti canones, quos revera à Nicæna Synodo editos fuisse, inter omnes constat.

(2) S. Augustinus, uti ipse testatur præsertim *Serm. 355. opp. t. 7. par. 2. col. 1379. ed. Ven. 1763.*, in Episcopali domo monasterium habuit clericorum. In eo clerici communem agebant vitam, atque ita Episcopus de illorum indole, moribus, vocatione, & progressu certior fiebat, neque aliquem ordinabat Augustinus, nisi qui necum, inquit l. c. n. 6. col. 1383., vellet manere; ut si vellet discedere à proposito, recte illi tollerem clericatum, quia desereret sanctæ societatis promissum, captumque consortium. Hoc certe monasterium Clericorum veluti seminarium erat; verum hi clerici suis sese bonis abdicare, neque proprium aliquid habere debebant. Benvenutus in *Vit. S. Augustini l. 4. c. 2. n. 7.* late agit de universa ratione, quam ipse Augustinus servabat in his instituendis, quibus erant ecclesiastica officia committenda. Videbis Thomassinum *Ver. & nov. Eccles. disciplin. par. 1. l. 3. c. 2. seq.*

(3) Concilium Toletanum II. an. 531. c. 1. t. 5. *Conc. Labbæi col. 877.*, & Toletanum IV. an. 633. c. 24. t. 6. *col. 1459.* Concilium autem Vassense III. an. 529. c. 1. *col. 821. t. 5. cit.* non unum tantum in unaquaque diocesi, sed in cujusvi Parochi domo clericorum seminarium esse jubet, idque in totius Italiae moribus positum esse confirmat. De seminariis Episcopalibus copiose agit Joannes de Joanne *Histor. Seminar. Clerical.*, quo quidem opere horum ortum, & progressum late explicatum habes.

§. II. Labentibus annis negligi cœperunt Episcopalia Clericorum seminaria, quia forte satius visum est Episcopis, clericos in ad scholas Monachorum & Academiarum, quæ ea tempestate auctæ, propagatæque sunt (1). Sed cum deinceps in Academiis tantum scholarum pompa, & studia literarum in pretio haberentur, pietas autem pœne oppressa languesceret, neque amplius inter Episcopos, & Regulares vigeret arcta illa, quæ antea fuerat, conjunctio animorum, de Episcopalibus seminariis restituendis actum est. Reginaldus Polus Cardinalis cum de instaurando, emendandoque Anglicano Clero cogitaret, animum etiam adjecit ad juvenes, qui instituerentur in seminariis, quorum regimen, rationemque proposuit (2). Sed rem omnem absolvit Synodus Tridentina, lata lege; qua Episcopi jussi sunt prope Ecclesiam Cathedralē, aliove idoneo loco collegium, aut seminarium instituere, in quo Clerici ad studia literarum, atque ad rem Ecclesiasticam instruantur. (3).

(1) Monachi scholas ubique habebant, in quibus pueri erudiebantur; verum aliæ erant scholæ *exteriore*s & *canonicæ*, quæ patebant cleris sæcularibus, aliæ *interiores*, seu *claustrales*, in quibus Monachi, & pueri monasterio oblato versabantur. In his sæcularibus clericis nullus erat locus. Videndus Mabilonius *Act. SS. Ord. S. Benedict. Præfat. ad sæc. III. §. 4. n. 40. p. XVI. ed. Ven. 1734.*

(2) Reformationis capita à Cardinali Polo proposita extant apud Harduinum *Concil. t. 10. col. 408.*, seminarii autem forma describitur *Dec. 11.*

(3) Concilium Tridentinum *Sess. 23. de Reform. c. 18.* Videndi sunt etiam Benedictus XIII. *Const. Creditæ nobis 67. p. 409. t. 11. Bullar. ult. ed.*, Benedictus XIV. *Const. Ubi primum 2. §. 2. t. 1. ejus. Bullar. p. 3. ed. Rom. seu Ven. 1754. & Inst. Eccles. 59.*, & S. Carolus Borromeus *Conc. Provinc. I. Act. Eccles. Mediolan. par. 1. t. 1. p. 11. ed. Patav. 1754.* Secundum Tridentini Concilii legem Pius IV. Clericorum

seminaria Romæ, aliisque in Urbibus excitanda curavit, uti narrat Raynaldus *ad an.* 1564. n. 53. t. 15. p. 427. *ed. Lucæ.*

§. III. Itaque omnes Episcopi habere debent seminarium in quo recipiantur, qui ad minimum duodecim annos, & ex legitimo matrimonio nati sint, ac legere, & scribere noviciat, & quorum indoles, atque voluntas spem afferat, eos perpetuo ecclesiasticis ministeriis adictos fore (1). Qui juvenes in seminario addiscere debent grammaticam, cantum gregorianum, computum ecclesiasticum, theologiam, aliarumque bonarum artium disciplinam, sacros ritus, cæremonias, cætera, quæ ecclesiasticos viros callere oportet (2). Nam hoc seminarium locus esse debet, unde diœcesis accipiat sacros ministros, quibus opus habet; & recte in pluribus Diœcesibus seu lege, seu consuetudine receptum est, ut nemo sacris initiatur ordinibus, nisi vel plures annos, vel saltem definitum temporis spatium in seminario traduxerit (3).

(1) Concilium Tridentinum *loc. cit.*

(2) Benedictus XIII. *cit. Const. Creditæ §. Postremo.*

(3) Consule Concilium Romanum *tit.* 30. c. 2., Benedictum XIV. *de Synod. diœces. l.* 11. c. 2. n. 11., Joannem de Joanne *Histor. semin. cleric. c.* 6. n. 15. *et seq.*

§. IV. Seminarii administrandi, beneque gerendi onus omne est Episcopo impositum, quod ipse sustinere, tuerique diligentissime debet (1). Sed ut res gravissima diligentiori gubernatione regatur, Episcopus eligere debet Canonicos duos, quorum consilio in iis utatur, quæ ad juvenum ejusdem seminarii institutionem, disciplinam, moresque pertinent. Duo item sumendi sunt à Capitulo, quorum alterum Episcopus, alterum Capitulum ipsum eligit, ac duo item à Clero Civitatis, & horum alter similiter ab Episcopo, alter à Clero constituitur. Horum est adhibendum consilium in iis, quæ temporalium rerum administrationem, ac rectam seminarii procuracionem respiciunt.

(1) Videndus S. Carolus Borromeus *Conc. Provinc. V. Act. Eccles. Mediolan. par.* 1. p. 220. t. 1. *ed. Patav.* 1756.

§. V. Itaque his consultoribus uti debet Episcopus; cum gentis administrationis rationem postulat, quæ a seminarii administratoribus unoquoque anno reddenda est (1); & cum seminarii ægestati consulturus legem, modumque constituit solutionis, quæ ex redditibus Mensæ Episcopalis, & Capituli, atque omnium, quæ in diœcesi sunt beneficiorum, seminario quotannis tribuenda est (2). Horum omnium adhibendum est consilium, quod tamen sequi non cogitur Episcopus, cui integrum est ea facere, quæ pro sua pietate, ac prudentia potiora iudicat (3); & omnes semel electi a commisso numero sine justa causa removeri nequeunt (4).

(1) Concilium Tridentinum *loc. indic.*

(2) Ne unquam propter redituum inopiam seminaria pereant, sapientissime à Concilio Tridentino *cod. loc.* statutum est, ut ex redditibus Mensæ Episcopalis, & Capituli, omniumque beneficiorum, quæ in diœcesi sunt, certa vis pecunie detrahatur, quæ seminario singulis annis solvenda est. Hujus solutionis lex & modus ab Episcopo constituitur. Quin etiam eadem Tridentina lege cautum est, ut simplicia quoque beneficia ab Episcopo seminario uniantur, sive conjungantur. Quomodo autem hæc ratio facienda sit, late explicat Benedictus XIV. *de Synod. diœces. l. 9. c. 7.*

(3) Consule Giraldum *Expos. Jar. Pont. part. 2. sect. 109. & 110. p. 983. seq.*

(4) Videndus Giraldus *loc. max. indic.*, à quo etiam cuncta declarantur, in quibus duo illi ex Capitulo, duoque ex Clero electi consulendi sunt.

TITULUS XII.

DE HOSPITALIBUS.

- | | |
|--|------------------------------------|
| I. Hospitalia apud Christianos antiquissima. | III. Hospitalia Episcopo subjecta. |
| II. Variæ eorum species. | IV. Loca pia. |

§. I.

Magnam sibi semper Ecclesia curam assumpsit, fovendorum, ac recreandorum pauperum, qui aliena ope

indigerent; & in ipso quidem Christianæ Religionis initio Fideles bonorum pretium Apostolis offerebant, ut illud inter pauperes distribuere (1). Sed data Ecclesiæ pace, publicas etiam ædes Christiani ædificare coeperunt, quibus pauperes exciperentur hospitio, ac necessaria quæque obtinerent (2). Præsertim vero Christiani Occidentales ea de re laborarunt octavo, & nono sæculo; qua tempestate omnia fere monachorum, & canonicorum monasteria conjunctas habebant ædes, quæ præsidio erant pauperibus, agrotis, peregrinis. Alia etiam ejusdem generis diversoria constituta sunt, potissimum ut hospitalis domus fere ubique pateret his, qui sacras peregrinationes suscipiebant (3).

(1) Act. Apostol. IV. 37.

(2) Sæculo IV. jam plura ædificata fuisse hospitalia certum est. Unum ecclie hospitale circa annum 330. Constantinopoli crexit Zoticus Senator, ut narrat Baronius *ad an.* 330. n. 28. t. 4. p. 231. ed. Lucæ, ejus quidem hominis etiam mentio fit in *L. 34. C. de Episc. & Cleric.*, ubi plura hospitalium genera memorantur. Gregorius Nazianzenus *Orat.* 3. n. 95. p. 102. *opp.* t. 1. ed. Colon. 1690. Julianum Apostatam ridet, quod infidelibus Christianorum exemplum propensius eos hortetur ad excitanda xenodochia *καταδύμια καὶ δεσμῶς*. Ipse Gregorius *Orat.* 20. p. 359. procetrophia a S. Basilio extra Urbem Episcopalem magnificèssime extructa memorat. Celebre est etiam xenodochium Romæ à Pamphilio, Nos secundum à Fabiola erectum, uti narrat Hieronymus, *Ep.* 66. *ad Pamphili* n. 11. & *Ep.* 77. *ad Ocean.* n. 6. *opp.* t. 1. col. 399. & 457. ed. Vallarsii Veronæ Denique Theodoretus *Histor.* l. 5. c. 19. p. 219. ed. Cantabrig. narrat, Flaccillam Augustam Theodosii M. uxorem in Ecclesiæ xenodochiis abjecta quæque turbara exercuisse. Confer etiam S. Joann. Chrysostomum l. 3. *ad Stagg.* n. 12. t. 1. p. 223. t. 1. *opp.*, & homil. 45. in *act. Apostol.* n. 3. p. 142. t. 5. ed. Paris. 1718., S. Augustinum *Tract.* 97. in *Evangel.* de *Joan.* n. 4. *opp.* t. 4. col. 976. ed. Ven. 1762., Concilium Chalcedonense *act.* 3. col. 1275. *act.* 11. col. 1656. & *can.* 3. col. 1656. t. 4. Conc. Latbæ *can. 1^a*, ubi & aliorum hospitalium mentio est.

(3) Consule Innocentium l. 1. c. 87. *l. 2. c. 1. l. 3. c. 1. l. 4. c. 1. l. 5. c. 1. l. 6. c. 1. l. 7. c. 1. l. 8. c. 1. l. 9. c. 1. l. 10. c. 1. l. 11. c. 1. l. 12. c. 1. l. 13. c. 1. l. 14. c. 1. l. 15. c. 1. l. 16. c. 1. l. 17. c. 1. l. 18. c. 1. l. 19. c. 1. l. 20. c. 1. l. 21. c. 1. l. 22. c. 1. l. 23. c. 1. l. 24. c. 1. l. 25. c. 1. l. 26. c. 1. l. 27. c. 1. l. 28. c. 1. l. 29. c. 1. l. 30. c. 1. l. 31. c. 1. l. 32. c. 1. l. 33. c. 1. l. 34. c. 1. l. 35. c. 1. l. 36. c. 1. l. 37. c. 1. l. 38. c. 1. l. 39. c. 1. l. 40. c. 1. l. 41. c. 1. l. 42. c. 1. l. 43. c. 1. l. 44. c. 1. l. 45. c. 1. l. 46. c. 1. l. 47. c. 1. l. 48. c. 1. l. 49. c. 1. l. 50. c. 1. l. 51. c. 1. l. 52. c. 1. l. 53. c. 1. l. 54. c. 1. l. 55. c. 1. l. 56. c. 1. l. 57. c. 1. l. 58. c. 1. l. 59. c. 1. l. 60. c. 1. l. 61. c. 1. l. 62. c. 1. l. 63. c. 1. l. 64. c. 1. l. 65. c. 1. l. 66. c. 1. l. 67. c. 1. l. 68. c. 1. l. 69. c. 1. l. 70. c. 1. l. 71. c. 1. l. 72. c. 1. l. 73. c. 1. l. 74. c. 1. l. 75. c. 1. l. 76. c. 1. l. 77. c. 1. l. 78. c. 1. l. 79. c. 1. l. 80. c. 1. l. 81. c. 1. l. 82. c. 1. l. 83. c. 1. l. 84. c. 1. l. 85. c. 1. l. 86. c. 1. l. 87. c. 1. l. 88. c. 1. l. 89. c. 1. l. 90. c. 1. l. 91. c. 1. l. 92. c. 1. l. 93. c. 1. l. 94. c. 1. l. 95. c. 1. l. 96. c. 1. l. 97. c. 1. l. 98. c. 1. l. 99. c. 1. l. 100. c. 1. l. 101. c. 1. l. 102. c. 1. l. 103. c. 1. l. 104. c. 1. l. 105. c. 1. l. 106. c. 1. l. 107. c. 1. l. 108. c. 1. l. 109. c. 1. l. 110. c. 1. l. 111. c. 1. l. 112. c. 1. l. 113. c. 1. l. 114. c. 1. l. 115. c. 1. l. 116. c. 1. l. 117. c. 1. l. 118. c. 1. l. 119. c. 1. l. 120. c. 1. l. 121. c. 1. l. 122. c. 1. l. 123. c. 1. l. 124. c. 1. l. 125. c. 1. l. 126. c. 1. l. 127. c. 1. l. 128. c. 1. l. 129. c. 1. l. 130. c. 1. l. 131. c. 1. l. 132. c. 1. l. 133. c. 1. l. 134. c. 1. l. 135. c. 1. l. 136. c. 1. l. 137. c. 1. l. 138. c. 1. l. 139. c. 1. l. 140. c. 1. l. 141. c. 1. l. 142. c. 1. l. 143. c. 1. l. 144. c. 1. l. 145. c. 1. l. 146. c. 1. l. 147. c. 1. l. 148. c. 1. l. 149. c. 1. l. 150. c. 1. l. 151. c. 1. l. 152. c. 1. l. 153. c. 1. l. 154. c. 1. l. 155. c. 1. l. 156. c. 1. l. 157. c. 1. l. 158. c. 1. l. 159. c. 1. l. 160. c. 1. l. 161. c. 1. l. 162. c. 1. l. 163. c. 1. l. 164. c. 1. l. 165. c. 1. l. 166. c. 1. l. 167. c. 1. l. 168. c. 1. l. 169. c. 1. l. 170. c. 1. l. 171. c. 1. l. 172. c. 1. l. 173. c. 1. l. 174. c. 1. l. 175. c. 1. l. 176. c. 1. l. 177. c. 1. l. 178. c. 1. l. 179. c. 1. l. 180. c. 1. l. 181. c. 1. l. 182. c. 1. l. 183. c. 1. l. 184. c. 1. l. 185. c. 1. l. 186. c. 1. l. 187. c. 1. l. 188. c. 1. l. 189. c. 1. l. 190. c. 1. l. 191. c. 1. l. 192. c. 1. l. 193. c. 1. l. 194. c. 1. l. 195. c. 1. l. 196. c. 1. l. 197. c. 1. l. 198. c. 1. l. 199. c. 1. l. 200. c. 1. l. 201. c. 1. l. 202. c. 1. l. 203. c. 1. l. 204. c. 1. l. 205. c. 1. l. 206. c. 1. l. 207. c. 1. l. 208. c. 1. l. 209. c. 1. l. 210. c. 1. l. 211. c. 1. l. 212. c. 1. l. 213. c. 1. l. 214. c. 1. l. 215. c. 1. l. 216. c. 1. l. 217. c. 1. l. 218. c. 1. l. 219. c. 1. l. 220. c. 1. l. 221. c. 1. l. 222. c. 1. l. 223. c. 1. l. 224. c. 1. l. 225. c. 1. l. 226. c. 1. l. 227. c. 1. l. 228. c. 1. l. 229. c. 1. l. 230. c. 1. l. 231. c. 1. l. 232. c. 1. l. 233. c. 1. l. 234. c. 1. l. 235. c. 1. l. 236. c. 1. l. 237. c. 1. l. 238. c. 1. l. 239. c. 1. l. 240. c. 1. l. 241. c. 1. l. 242. c. 1. l. 243. c. 1. l. 244. c. 1. l. 245. c. 1. l. 246. c. 1. l. 247. c. 1. l. 248. c. 1. l. 249. c. 1. l. 250. c. 1. l. 251. c. 1. l. 252. c. 1. l. 253. c. 1. l. 254. c. 1. l. 255. c. 1. l. 256. c. 1. l. 257. c. 1. l. 258. c. 1. l. 259. c. 1. l. 260. c. 1. l. 261. c. 1. l. 262. c. 1. l. 263. c. 1. l. 264. c. 1. l. 265. c. 1. l. 266. c. 1. l. 267. c. 1. l. 268. c. 1. l. 269. c. 1. l. 270. c. 1. l. 271. c. 1. l. 272. c. 1. l. 273. c. 1. l. 274. c. 1. l. 275. c. 1. l. 276. c. 1. l. 277. c. 1. l. 278. c. 1. l. 279. c. 1. l. 280. c. 1. l. 281. c. 1. l. 282. c. 1. l. 283. c. 1. l. 284. c. 1. l. 285. c. 1. l. 286. c. 1. l. 287. c. 1. l. 288. c. 1. l. 289. c. 1. l. 290. c. 1. l. 291. c. 1. l. 292. c. 1. l. 293. c. 1. l. 294. c. 1. l. 295. c. 1. l. 296. c. 1. l. 297. c. 1. l. 298. c. 1. l. 299. c. 1. l. 300. c. 1. l. 301. c. 1. l. 302. c. 1. l. 303. c. 1. l. 304. c. 1. l. 305. c. 1. l. 306. c. 1. l. 307. c. 1. l. 308. c. 1. l. 309. c. 1. l. 310. c. 1. l. 311. c. 1. l. 312. c. 1. l. 313. c. 1. l. 314. c. 1. l. 315. c. 1. l. 316. c. 1. l. 317. c. 1. l. 318. c. 1. l. 319. c. 1. l. 320. c. 1. l. 321. c. 1. l. 322. c. 1. l. 323. c. 1. l. 324. c. 1. l. 325. c. 1. l. 326. c. 1. l. 327. c. 1. l. 328. c. 1. l. 329. c. 1. l. 330. c. 1. l. 331. c. 1. l. 332. c. 1. l. 333. c. 1. l. 334. c. 1. l. 335. c. 1. l. 336. c. 1. l. 337. c. 1. l. 338. c. 1. l. 339. c. 1. l. 340. c. 1. l. 341. c. 1. l. 342. c. 1. l. 343. c. 1. l. 344. c. 1. l. 345. c. 1. l. 346. c. 1. l. 347. c. 1. l. 348. c. 1. l. 349. c. 1. l. 350. c. 1. l. 351. c. 1. l. 352. c. 1. l. 353. c. 1. l. 354. c. 1. l. 355. c. 1. l. 356. c. 1. l. 357. c. 1. l. 358. c. 1. l. 359. c. 1. l. 360. c. 1. l. 361. c. 1. l. 362. c. 1. l. 363. c. 1. l. 364. c. 1. l. 365. c. 1. l. 366. c. 1. l. 367. c. 1. l. 368. c. 1. l. 369. c. 1. l. 370. c. 1. l. 371. c. 1. l. 372. c. 1. l. 373. c. 1. l. 374. c. 1. l. 375. c. 1. l. 376. c. 1. l. 377. c. 1. l. 378. c. 1. l. 379. c. 1. l. 380. c. 1. l. 381. c. 1. l. 382. c. 1. l. 383. c. 1. l. 384. c. 1. l. 385. c. 1. l. 386. c. 1. l. 387. c. 1. l. 388. c. 1. l. 389. c. 1. l. 390. c. 1. l. 391. c. 1. l. 392. c. 1. l. 393. c. 1. l. 394. c. 1. l. 395. c. 1. l. 396. c. 1. l. 397. c. 1. l. 398. c. 1. l. 399. c. 1. l. 400. c. 1. l. 401. c. 1. l. 402. c. 1. l. 403. c. 1. l. 404. c. 1. l. 405. c. 1. l. 406. c. 1. l. 407. c. 1. l. 408. c. 1. l. 409. c. 1. l. 410. c. 1. l. 411. c. 1. l. 412. c. 1. l. 413. c. 1. l. 414. c. 1. l. 415. c. 1. l. 416. c. 1. l. 417. c. 1. l. 418. c. 1. l. 419. c. 1. l. 420. c. 1. l. 421. c. 1. l. 422. c. 1. l. 423. c. 1. l. 424. c. 1. l. 425. c. 1. l. 426. c. 1. l. 427. c. 1. l. 428. c. 1. l. 429. c. 1. l. 430. c. 1. l. 431. c. 1. l. 432. c. 1. l. 433. c. 1. l. 434. c. 1. l. 435. c. 1. l. 436. c. 1. l. 437. c. 1. l. 438. c. 1. l. 439. c. 1. l. 440. c. 1. l. 441. c. 1. l. 442. c. 1. l. 443. c. 1. l. 444. c. 1. l. 445. c. 1. l. 446. c. 1. l. 447. c. 1. l. 448. c. 1. l. 449. c. 1. l. 450. c. 1. l. 451. c. 1. l. 452. c. 1. l. 453. c. 1. l. 454. c. 1. l. 455. c. 1. l. 456. c. 1. l. 457. c. 1. l. 458. c. 1. l. 459. c. 1. l. 460. c. 1. l. 461. c. 1. l. 462. c. 1. l. 463. c. 1. l. 464. c. 1. l. 465. c. 1. l. 466. c. 1. l. 467. c. 1. l. 468. c. 1. l. 469. c. 1. l. 470. c. 1. l. 471. c. 1. l. 472. c. 1. l. 473. c. 1. l. 474. c. 1. l. 475. c. 1. l. 476. c. 1. l. 477. c. 1. l. 478. c. 1. l. 479. c. 1. l. 480. c. 1. l. 481. c. 1. l. 482. c. 1. l. 483. c. 1. l. 484. c. 1. l. 485. c. 1. l. 486. c. 1. l. 487. c. 1. l. 488. c. 1. l. 489. c. 1. l. 490. c. 1. l. 491. c. 1. l. 492. c. 1. l. 493. c. 1. l. 494. c. 1. l. 495. c. 1. l. 496. c. 1. l. 497. c. 1. l. 498. c. 1. l. 499. c. 1. l. 500. c. 1. l. 501. c. 1. l. 502. c. 1. l. 503. c. 1. l. 504. c. 1. l. 505. c. 1. l. 506. c. 1. l. 507. c. 1. l. 508. c. 1. l. 509. c. 1. l. 510. c. 1. l. 511. c. 1. l. 512. c. 1. l. 513. c. 1. l. 514. c. 1. l. 515. c. 1. l. 516. c. 1. l. 517. c. 1. l. 518. c. 1. l. 519. c. 1. l. 520. c. 1. l. 521. c. 1. l. 522. c. 1. l. 523. c. 1. l. 524. c. 1. l. 525. c. 1. l. 526. c. 1. l. 527. c. 1. l. 528. c. 1. l. 529. c. 1. l. 530. c. 1. l. 531. c. 1. l. 532. c. 1. l. 533. c. 1. l. 534. c. 1. l. 535. c. 1. l. 536. c. 1. l. 537. c. 1. l. 538. c. 1. l. 539. c. 1. l. 540. c. 1. l. 541. c. 1. l. 542. c. 1. l. 543. c. 1. l. 544. c. 1. l. 545. c. 1. l. 546. c. 1. l. 547. c. 1. l. 548. c. 1. l. 549. c. 1. l. 550. c. 1. l. 551. c. 1. l. 552. c. 1. l. 553. c. 1. l. 554. c. 1. l. 555. c. 1. l. 556. c. 1. l. 557. c. 1. l. 558. c. 1. l. 559. c. 1. l. 560. c. 1. l. 561. c. 1. l. 562. c. 1. l. 563. c. 1. l. 564. c. 1. l. 565. c. 1. l. 566. c. 1. l. 567. c. 1. l. 568. c. 1. l. 569. c. 1. l. 570. c. 1. l. 571. c. 1. l. 572. c. 1. l. 573. c. 1. l. 574. c. 1. l. 575. c. 1. l. 576. c. 1. l. 577. c. 1. l. 578. c. 1. l. 579. c. 1. l. 580. c. 1. l. 581. c. 1. l. 582. c. 1. l. 583. c. 1. l. 584. c. 1. l. 585. c. 1. l. 586. c. 1. l. 587. c. 1. l. 588. c. 1. l. 589. c. 1. l. 590. c. 1. l. 591. c. 1. l. 592. c. 1. l. 593. c. 1. l. 594. c. 1. l. 595. c. 1. l. 596. c. 1. l. 597. c. 1. l. 598. c. 1. l. 599. c. 1. l. 600. c. 1. l. 601. c. 1. l. 602. c. 1. l. 603. c. 1. l. 604. c. 1. l. 605. c. 1. l. 606. c. 1. l. 607. c. 1. l. 608. c. 1. l. 609. c. 1. l. 610. c. 1. l. 611. c. 1. l. 612. c. 1. l. 613. c. 1. l. 614. c. 1. l. 615. c. 1. l. 616. c. 1. l. 617. c. 1. l. 618. c. 1. l. 619. c. 1. l. 620. c. 1. l. 621. c. 1. l. 622. c. 1. l. 623. c. 1. l. 624. c. 1. l. 625. c. 1. l. 626. c. 1. l. 627. c. 1. l. 628. c. 1. l. 629. c. 1. l. 630. c. 1. l. 631. c. 1. l. 632. c. 1. l. 633. c. 1. l. 634. c. 1. l. 635. c. 1. l. 636. c. 1. l. 637. c. 1. l. 638. c. 1. l. 639. c. 1. l. 640. c. 1. l. 641. c. 1. l. 642. c. 1. l. 643. c. 1. l. 644. c. 1. l. 645. c. 1. l. 646. c. 1. l. 647. c. 1. l. 648. c. 1. l. 649. c. 1. l. 650. c. 1. l. 651. c. 1. l. 652. c. 1. l. 653. c. 1. l. 654. c. 1. l. 655. c. 1. l. 656. c. 1. l. 657. c. 1. l. 658. c. 1. l. 659. c. 1. l. 660. c. 1. l. 661. c. 1. l. 662. c. 1. l. 663. c. 1. l. 664. c. 1. l. 665. c. 1. l. 666. c. 1. l. 667. c. 1. l. 668. c. 1. l. 669. c. 1. l. 670. c. 1. l. 671. c. 1. l. 672. c. 1. l. 673. c. 1. l. 674. c. 1. l. 675. c. 1. l. 676. c. 1. l. 677. c. 1. l. 678. c. 1. l. 679. c. 1. l. 680. c. 1. l. 681. c. 1. l. 682. c. 1. l. 683. c. 1. l. 684. c. 1. l. 685. c. 1. l. 686. c. 1. l. 687. c. 1. l. 688. c. 1. l. 689. c. 1. l. 690. c. 1. l. 691. c. 1. l. 692. c. 1. l. 693. c. 1. l. 694. c. 1. l. 695. c. 1. l. 696. c. 1. l. 697. c. 1. l. 698. c. 1. l. 699. c. 1. l. 700. c. 1. l. 701. c. 1. l. 702. c. 1. l. 703. c. 1. l. 704. c. 1. l. 705. c. 1. l. 706. c. 1. l. 707. c. 1. l. 708. c. 1. l. 709. c. 1. l. 710. c. 1. l. 711. c. 1. l. 712. c. 1. l. 713. c. 1. l. 714. c. 1. l. 715. c. 1. l. 716. c. 1. l. 717. c. 1. l. 718. c. 1. l. 719. c. 1. l. 720. c. 1. l. 721. c. 1. l. 722. c. 1. l. 723. c. 1. l. 724. c. 1. l. 725. c. 1. l. 726. c. 1. l. 727. c. 1. l. 728. c. 1. l. 729. c. 1. l. 730. c. 1. l. 731. c. 1. l. 732. c. 1. l. 733. c. 1. l. 734. c. 1. l. 735. c. 1. l. 736. c. 1. l. 737. c. 1. l. 738. c. 1. l. 739. c. 1. l. 740. c. 1. l. 741. c. 1. l. 742. c. 1. l. 743. c. 1. l. 744. c. 1. l. 745. c. 1. l. 746. c. 1. l. 747. c. 1. l. 748. c. 1. l. 749. c. 1. l. 750. c. 1. l. 751. c. 1. l. 752. c. 1. l. 753. c. 1. l. 754. c. 1. l. 755. c. 1. l. 756. c. 1. l. 757. c. 1. l. 758. c. 1. l. 759. c. 1. l. 760. c. 1. l. 761. c. 1. l. 762. c. 1. l. 763. c. 1. l. 764. c. 1. l. 765. c. 1. l. 766. c. 1. l. 767. c. 1. l. 768. c. 1. l. 769. c. 1. l. 770. c. 1. l. 771. c. 1. l. 772. c. 1. l. 773. c. 1. l. 774. c. 1. l. 775. c. 1. l. 776. c. 1. l. 777. c. 1. l. 778. c. 1. l. 779. c. 1. l. 780. c. 1. l. 781. c. 1. l. 782. c. 1. l. 783. c. 1. l. 784. c. 1. l. 785. c. 1. l. 786. c. 1. l. 787. c. 1. l. 788. c. 1. l. 789. c. 1. l. 790. c. 1. l. 791. c. 1. l. 792. c. 1. l. 793. c. 1. l. 794. c. 1. l. 795. c. 1. l. 796. c. 1. l. 797. c. 1. l. 798. c. 1. l. 799. c. 1. l. 800. c. 1. l. 801. c. 1. l. 802. c. 1. l. 803. c. 1. l. 804. c. 1. l. 805. c. 1. l. 806. c. 1. l. 807. c. 1. l. 808. c. 1. l. 809. c. 1. l. 810. c. 1. l. 811. c. 1. l. 812. c. 1. l. 813. c. 1. l. 814. c. 1. l. 815. c. 1. l. 816. c. 1. l. 817. c. 1. l. 818. c. 1. l. 819. c. 1. l. 820. c. 1. l. 821. c. 1. l. 822. c. 1. l. 823. c. 1. l. 824. c. 1. l. 825. c. 1. l. 826. c. 1. l. 827. c. 1. l. 828. c. 1. l. 829. c. 1. l. 830. c. 1. l. 831. c. 1. l. 832. c. 1. l. 833. c. 1. l. 834. c. 1. l. 835. c. 1. l. 836. c. 1. l. 837. c. 1. l. 838. c. 1. l. 839. c. 1. l. 840. c. 1. l. 841. c. 1. l. 842. c. 1. l. 843. c. 1. l. 844. c. 1. l. 845. c. 1. l. 846. c. 1. l. 847. c. 1. l. 848. c. 1. l. 849. c. 1. l. 850. c. 1. l. 851. c. 1. l. 852. c. 1. l. 853. c. 1. l. 854. c. 1. l. 855. c. 1. l. 856. c. 1. l. 857. c. 1. l. 858. c. 1. l. 859. c. 1. l. 860. c. 1. l. 861. c. 1. l. 862. c. 1. l. 863. c. 1. l. 864. c. 1. l. 865. c. 1. l. 866. c. 1. l. 867. c. 1. l. 868. c. 1. l. 869. c. 1. l. 870. c. 1. l. 871. c. 1. l. 872. c. 1. l. 873. c. 1. l. 874. c. 1. l. 875. c. 1. l. 876. c. 1. l. 877. c. 1. l. 878. c. 1. l. 879. c. 1. l. 880. c. 1. l. 881. c. 1. l. 882. c. 1. l. 883. c. 1. l. 884. c. 1. l. 885. c. 1. l. 886. c. 1. l. 887. c. 1. l. 888. c. 1. l. 889. c. 1. l. 890. c. 1. l. 891. c. 1. l. 892. c. 1. l. 893. c. 1. l. 894. c. 1. l. 895. c. 1. l. 896. c. 1. l. 897. c. 1. l. 898. c. 1. l. 899. c. 1. l. 900. c. 1. l. 901. c. 1. l. 902. c. 1. l. 903. c. 1. l. 904. c. 1. l. 905. c. 1. l. 906. c. 1. l. 907. c. 1. l. 908. c. 1. l. 909. c. 1. l. 910. c. 1. l. 911. c. 1. l. 912. c. 1. l. 913. c. 1. l. 914. c. 1. l. 915. c. 1. l. 916. c. 1. l. 917. c. 1. l. 918. c. 1. l. 919. c. 1. l. 920. c. 1. l. 921. c. 1. l. 922. c. 1. l. 923. c. 1. l. 924. c. 1. l. 925. c. 1. l. 926. c. 1. l. 927. c. 1. l. 928. c. 1. l. 929. c. 1. l. 930. c. 1. l. 931. c. 1. l. 932. c. 1. l. 933. c. 1. l. 934. c. 1. l. 935. c. 1. l. 936. c. 1. l. 937. c. 1. l. 938. c. 1. l. 939. c. 1. l. 940. c. 1. l. 941. c. 1. l. 942. c. 1. l. 943. c. 1. l. 944. c. 1. l. 9*

ra sunt hospitalia, quæ propriis nominibus designantur, veluti *almshouses*, quibus *hospitales* excipiuntur, *Orphanotrophia* orphanis educandis, *Nosocomia* ærotis curandis, *Pedotrophia* pauperibus sustentandis, *Gerontocomia* alendis senibus, *Brephotrophia* nutriendis infantibus comparata.

§. III. Omnia hæc loca subijciuntur Episcopo dioceseos, in qua sita sunt, nisi exempta probentur, aut alia postulent leges, quæ in eorum fundatione constitutæ sunt. Quin etiam exempta poterit Episcopus, ubi opus fuerit, visitare, atque corrigere, exceptis hospitalibus militarium ordinum, aut religiosorum, quibus antiqua institutionis decreta servanda sunt (1), itenque exceptis hospitalibus, quæ sub immediata Regum protectione sunt (2). Verum & horum locorum, quamquam a laicis regantur, Administratores, quovis anno reddere Episcopo debent gestæ administrationis rationem, nisi aliter in eorum fundatione cautum sit (3). Quod si lege aliqua, privilegio, aut consuetudine hæc ratio aliis reddenda sint, tamen cum iis etiam Episcopus erit adhibendus.

(1) *Clem. 2. §. Præmissa de Relig. domib.*

(2) Concilium Tridentinum *Sess. 22. c. 8. de Reform.* Vide Giral- dum *Exposit. Jur. Pontif. part. 2. sect. 82. t. 2. p. 922.*, ubi explicatur, quæ hospitalia sint, quæ sub immediata Regum protectione esse dicantur, quæque Episcopi visitationi non subint.

(3) Concil. Tridentinum *Sess. 22. c. 9. de Reform.*

§. IV. Quod de hospitalibus dico, id etiam dictum volo de cæteris piis locis, uti sunt confraternitates, quas vocant, collegia, cætera similia, quæ cuncta Episcopo sub- sunt, quamquam a laicis administrantur. Ac de Confraternitatibus præsertim decet animadvertere, eas eigerlas esse auctoritate Episcopi, qui earundem etiam statuta cognoscere, atque approbare debet (1).

(1) Clemens VIII. *Const. Quæcumque 250. Bullar. c. 5. part. 3. p. 85.*

TITULUS XIII.

DE REBUS TEMPORALIBUS ECCLESIAE.

- I. Communia bona omni hominum societati necessaria.
 II. Semper communia bona Ecclesiae fuerant.
 III. Quo jure fuerint?
 IV. & V. Non sub Christianis modo, sed etiam sub ethnicis Imperatoribus Ecclesia habuit bona immobilia.
 VI. & VII. Distributio bonorum ecclesiasticorum.

§. I.

Ventum est ad res temporales Ecclesiae, quae scilicet ecclesiasticis usibus addictae sunt. Nulla enim Universitas sine bonis communibus stare potest; cum necessario multae faciendae sint impensae, ut ministri stipendium habeant, ut agantur conventus, ut omnia societati necessaria compareantur. Ecclesia hominum societas est, ideoque, ut ceterae societates, communibus his bonis carere non potest. Hinc ei sua fuerunt ab ipso initio Christianae Religionis bona, unde aleret Episcopos, Presbyteros, Ministros, curam gereret orphanorum, virginum, viduarum, pauperum, hospitalitatem exercebat, ferret opem fidelibus Religionis causa aut carcere detentis, aut ad metalla damnatis, necessaria quaeque compararet pro luminaribus, sacris vasis, libris, agapis, quod ecclesiastici convivii genus erat.

§. II. Ipse Christus, cum hanc societatem instituit, ei communia bona esse voluit, hoc est pecuniam collectam ex fidelium oblationibus (1), habuitque loculos (2), cum quibus Apostolis, discipulis, pauperibus opitularetur. Christi exemplum sequuti sunt Apostoli (3); deinde vero, cum eorum successores Ecclesiae regimini praefuerunt, eadem omnino ratio rerum fuit (4).

(1) *Eantes emanant decem denariis parvis*, scriptum est apud Marcum VI. 37, apud Lucam IX. 13. seq. *namque, et emanamus in omnem hanc civitatem etiam*, apud Joannem IV. 8., *discipuli etiam assistunt in civitate, ut cibo emerent*. An cui aliquid petisset, nisi aut Christus, aut ceteras consensu apostoli ab offerentibus pecuniam accepissent?

(2) Joannes XII. 6. XIII. 29. Vulgata habet *loculos*; sed in Græco textu à fidelibus oblatum positum dicitur ἡ τῶν πνευματικῶν ἐν μυστηρίῳ, quod *fiscum Republicæ Domini* appellat Augustinus Enarrat in psalm. 146. n. 17. opp. t. 4. col. 1548. ed. cit.

(3) Actor. II. 44. IV. 34. V. 1. seq. Confer Tertullianum de Fug. in pers. iunt. c. 12. p. 542. ed. Ven. 1744. Origenem Hom. 15. in Matth. c. 15. p. 673. seq. t. 3., S. Cyprianum Testimon. ad Quirin. l. 3. n. 3. p. 46. & de Oper. & elemosyn. p. 144. ed. Amstelæd. 1700.

(4) S. Julianus M. Apol. I. n. 67. p. 83. ed. Paris. 1742., Tertullianus Apolog. cap. 39. p. 31. ed. cit. Adeundus Doctissimus Mamachius de Diritto libro acila Ciesa di acquistare, è possedere l. 2. c. 2. §. 2. p. 251. seq., à quo hæc omnia copiose, diligenterque explicantur. Conter præterea Anselmum Design. in opere, cui titulus *Se le ricchezze del Clero nocevoli sieno alla Repubblica*.

§. III. Hæc autem bona non aliqua hominum lege, sed Christi voluntate, & exemplo Ecclesia acquisivit. Nam Christianorum Republica contra eorum, qui tum imperio potiebantur, voluntatem à Christo fuerat constituta, neque civiles leges, quibus tunc orbis terrarum regebatur, cœtum hominum non earum jure sociatum aliquid acquirere, ac retinere permittebant. Quare si hæc societas contra id, quod esset humana lege præscriptum, bona habuit, auctoritate ipsa Christi; consequens est, ut ab Ecclesia divino jure acquirantur, ac retineantur bona; atque hoc jus divinum agnoverint Apostoli, & eorum successores, qui hæc Ecclesiæ bona esse voluerunt, cum eadem esse vetarent leges ethnicorum, quorum tunc dominatu omnia tenebantur. (4).

(1) Consule Mamachium *loc. cit.*

§. IV. Donec ethnici rerum potiti sunt, Ecclesiæ bona præsertim fuerunt res mobiles, quæ in illis ærumnis facile celari, asportari, ac distribui poterant. Verum & hac tempestate non defuerunt bona immobilia; & sane edicto Constantini, ac Licinii ethnici jussi sunt Christianis ea restituere, quæ hoc temporis intervallo rapuerant (1). Data Christianis pace à Constantino, Ecclesia bonis immobilibus abundare cœpit, & multa ei per contractus inter

vivos tributa, multa testamento relicta sunt. Ipsi etiam Christiani Imperatores certam pecuniam vim ex publico arario Ecclesie solvi voluerunt (2); quam liberalitatem a Juliano Apostata sublatam Marcianus restituit (3), & saepe etiam ethnicorum templa, eorumque redditus Ecclesiis adscripserunt (4).

(1) Confer Eusebium *Histor. l. 10. c. 5. p. 482.*, & *de Vit. Constant. l. 2. c. 39. p. 555. ed. Cantabrig. cit.* & Lactantium *de Mort. persecut. c. 48. p. 244. opp. t. 1. ed. Paris. 1748.* His autem Eusebii, & Lactantii locos solide, ac diligenter expendit Cl. Manachius *de Divino libero &c. l. 2. c. 2. §. 8. 3. 358. seq.*

(2) Vide Eusebium *Histor. l. 10. cap. 6. p. 186.* & Sozomenum *Histor. l. 5. c. 5. p. 186. indic. ed. Cantabrig.*

(3) *Leg. 12. Cod. de Sacros. Eccles.*

(4) *Leg. 20. Cod. Theodos. de Pagan.*

§. V. Scilicet ut Gentes Christianæ Religionis lucem aspicere cœperunt, consequens erat, ut Ecclesia, quam Ethnicæ inter vetita collegia recensebant, & ideo nihil ei donari, aut testamento relinqui sinebant (1), civilibus quoque legibus sanctissima, & omni jure instituta societas haberetur. Cur igitur frui non debebat juribus societatum, quæ legibus probatæ erant, quibus aut per contractum inter vivos, aut per testamentum quidquid acquirere licebat? Itaque civiles leges hoc jus Ecclesiæ agnoverunt, & confirmarunt (2); quin etiam actum est de conservandis bonis Ecclesiarum, quorum est vetita alienatio (3); deque acquirendis bonis clerici, aut monachi sine heredibus, ac sine testamento morientis, quæ adscripta sunt Ecclesiæ, aut monasterio, cui vivens addictus fuerat (4).

(1) *Leg. 8. Cod. de Hered. instit.*

(2) *Leg. 1. Cod. de Sacros. Eccles.*

(3) *Leg. 14. Cod. de Sacros. Eccles., Auth. de Non alien. aut permut. cap. 1. & 3. collat. 2.*

(4) *Leg. 1. Cod. Theodos. de Bon. cleric.*

§. VI. Initio omnium Ecclesiæ bonorum cura, & administratio erat penes Episcopum, qui illam Oeconomus, aut Archidiacono committebat, & hi finito officio gestæ ad-

ministracionis rationem Episcopo reddere debebant (1). Unus erat eorum bonorum cumulus, unde alebantur Episcopus, & clerici, qui Ecclesie erant addicti, pauperes orem accipiebant, detrahebantur impense, quas pro Ecclesie fabrica, ornatu, suppellectile, cæterisque rebus facere oportebat. Postea visum est bona Ecclesiastica in certas veluti partes dividere, & sua Episcopo, sua clericis, sua item pauperibus, sua denique Ecclesie fabricæ pars attributa est (2).

(1) *Can. 21. c. 1. q. 7.*

(2) Haec in quatuor partes divisionem bonorum Ecclesie memorant Simplicius P. Ep. 3. *ad Florent.* apud Labæum *Concil. t. 5. col. 96. ed. Ven.*, Gelasius P. Ep. 9. *ad Episc. Lucan. c. 27. col. 321. eod. loc.*, & Gregorius M. Ep. 11. l. 4. col. 691. Ep. 12. l. 5. col. 737 *Epist. 7. l. 8. col. 900. Ep. 64. l. 11. col. 1150. & 1151. & Ep. 44. l. 13. col. 1249. opp. t. 2. ed. Paris. cit.* Verum Synodus Bracarensis l. *Can. 7. col. 351. t. 3. Collect.* Harduini tantum constituit partes tres, quarum unam Episcopo, alteram clericis, tertiam ædificiis, & Ecclesie luminariis adscribit. In hac autem partitione Episcopo hospitalitas exercenda relinquebatur.

§. VII. Denique certi redditus Parochialibus Ecclesiis adscripti sunt, & clericis, qui pridem ex Ecclesie, cui erant addicti redditibus alebantur, certa concessa sunt Ecclesie bona, quorum curam gererent, & ex quibus perciperent necessaria ad vitam honestate traducendam. Hodie igitur sua sunt bona clericis, & sua item Ecclesiis, quæ utraque separatim administrantur. Bona hæc temporalia dicimus, quod eorum redditus impenduntur in temporales usus Ecclesiarum, & clericorum; verum cum semper ecclesiastica sint, eo censenda sunt jure, quo censentur bona Ecclesiarum, quæ sine legitima venia distrahi nequeunt, & quibus nemo, tanquam profanis bonis, uti, & abuti potest suo arbitratu.

TITULUS XIV.

DE PRÆBENDIS, ET BENEFICIIS.

- | | |
|--|---|
| I. Quid beneficium? | III. Beneficia à præbendis distinguantur. |
| II. Beneficiorum inter clericos distributio. | IV. & V. Eorum indoles. |

VI. Præcipuum clericorum officium.

VII. & VIII. Beneficia residentia, & non residentia.

IX. Majora, & minora.

X. Sæcularia, & regularia.

XI. Collativa, electiva, patronata.

§. I.

Beneficii nomen apud Latinos scriptores significat prædium fiscale, quod ducibus, ac militibus optime de republica meritis ab Imperatoribus concedebatur, ut ex eo perciperent necessaria ad vitam traducendam, suoque deinceps sumptu stipendia facerent (1). Prædia hæc etiam Ecclesia tribuere cœpit clericis de ea bene meritis, ut iis fruerentur, dum ipsis vita suppeditaret, eaque prædia beneficia, beneficiati autem dicti sunt clerici, qui eadem obtinuerant. Rarè initio erant hujusmodi concessionès, atque, ut plurimum, breve temporis intervallum comprehendebant (2), quo finito, vel mortuo clerico, cui data fuerant, prædia ad Ecclesiam revertebantur (3).

(1) Consule Du Cangium *Glossar. med. & infim. Latinit. verb. Beneficium*, Baronium *ad an. 502. t. 9. §. 23. p. 20. ed. Lucæ*, Thomassinum *Vet. & nov. Eccles. disciplin. part. 2. l. 3. c. 13. n. 5.*

(2) Concilium Agathense *Can. 7. & Can. 22. col. 999. & 1000. t. 2. Collect. Concil. Harduini*, Aurelianense I. *Can. 13. col. 1011. ibid. Symariens P. Ep. 5. ad Cesar. Arelatm. c. 1. col. 425. t. 5. Concil. Labbæi ed. Ven.*

(3) *Can. 61. c. 16. q. 1.*

§. II. Verum lapsu temporum hujusmodi concessionès frequentissimè evaserunt (1), & eo denique res venit, ut clerici non amplius ex communi Ecclesiæ ærario alimenta acciperent, sed peculiares haberent præbendas suas in prædiis, sive beneficiis quæ ipsis concedebantur, donec vitam agerent. Ita factum est, ut jus percipiendi redditus ecclesiasticos, quod olim affixum erat ordinationi, per quam clericas certè adscribebatur Ecclesiæ, ejus ex ærario alebatur, nunc hereat beneficiis, unde clericus redditus percipit, quibus honeste, & decenter vivat. Nimirum semper clericis jus fuit, propter ecclesiasticum officium, de altari

vivere. Modus autem, quo clericus ecclesiasticis bonis frui debet, pertinet ad disciplinam, quæ non eadem omni ætate est.

(1) Primum parochialibus Ecclesiis, & iis quidem ruralibus adscriptæ videntur oblationes, quæ ad altare fiebant, salva earum tertia, aut quarta parte, quæ ad Episcopum pertinebat *Can. 7. c. 10. qu. 1.* Paulo post iisdem ruralibus ecclesiis certi etiam ex fundis redditus tributi sunt. Concilium Aurelianense III. *Can. 5. col. 1424. t. 2. Conc. Collect. Harduini.* Certe IX. sæculo omnis ruralis Ecclesia suas proprias decimas, & fundos obtinebat *Can. 25. c. 23. q. 8.* Urbanæ quoque parochiæ eandem disciplinam postea acceperunt; & tunc potissimum, inducta partitione bonorum, certa clericis data sunt prædia, quæ ipsi administrarent, & ex quibus ad vitam necessaria perciperent.

§. III. Proprie beneficium à præbenda distinguitur. Hæc enim tantum comprehendit fructus, redditus, & emolumenta, quæ clericis certo obveniunt, ecclesiasticorum officiorum, & beneficiorum causa. Hinc eam sæpe etiam beneficii dotem appellamus, sive consistat in prædiis rusticis, aut urbanis, sive in pascuis, silvis, aut similibus, sive in illis juribus, quæ fructuum vicem obtinent, & rebus immobilibus æquantur, uti sunt census, & reliqua generis ejusdem. At vero beneficii nomen latius patet, quoniam non ea tantum, quæ præbenda, comprehendit, sed etiam ecclesiasticum officium, & magistratum. De magistratibus, & officiis, quæ beneficiis adjuncta sunt, superiore libro actum est. Nunc in beneficiis potissimum spectamus redditus; quamquam hi redditus nonnisi propter ecclesiasticum officium, & magistratum percipiuntur.

§. IV. Beneficium est perpetuum jus percipiendi fructus de bonis ecclesiasticis officii causa, ecclesiastica auctoritate institutum. Perpetuum inquam, hoc est, donec beneficiarius vitæ usura fruatur, beneficium esse debet; quia per hoc certo in Ecclesia obeundo muneri addicitur, quod cum perpetuum sit, perpetuum quoque jus ad redditus esse debet.

§. V. Præterea ecclesiastica auctoritate, videlicet Summi Pontificis, aut Episcopi, opus est, ut beneficium constituatur. Cui enim ecclesiastici redditus, & multo magis sacra ministeria, quæ duo beneficium complectitur, sine Ec-

clesiæ auctoritate dari nequeant, manifestum est, sine hac auctoritate nullum esse, & haberi beneficium posse. Quare omnes redditus, licet perpetuo clericis ob spirituale aliquod officium attributi, uti legata pia, & capellanix, beneficia non sunt, nisi Episcopi accedat auctoritas, sed mera stipendia, aut eleemosynæ censentur.

§. VI. Denique beneficium propter spirituale officium institutum est. Non enim clericos otiosos, & nihil agentes ex ecclesiasticis redditibus vivere oportet. Præcipuum clericorum officium positum est in altaris ministerio, atque in precibus, quas ad Deum mittere pro cunctis debent; & vero Ecclesia certas constituit preces, quæ unoquoque die à beneficiariis fundendæ sunt, ut eo, quo tenentur in primis, fungantur munere. Atque hæ sunt horæ canonicæ, quas omnes beneficiarii quotidie recitare debent, & quæ *divini officii*, ac *breviarii* nomine appellantur.

§. VII. Sed præter hoc officium, quod omnibus beneficiariis commune est, quidam sunt, qui & aliud habent ministerium, personatum, dignitatem, aut curam animarum. Hæc beneficia duplicia, cætera in quibus illa non insunt, simplicia appellantur. Ex simplicibus beneficiis quædam sunt, quæ adjunctam habent legem residentix, uti sunt Canoniciatus, & Capellanix perpetuæ ecclesiastica potestate constitutæ, & hæc beneficia *residentiaria*, cætera, à quibus onus illud abest, proprie *simplicia*, & non *residentiaria* dicuntur. Verum Canoniciatus, quamquam inter beneficia simplicia recenseantur, tamen accedunt ad dignitates (1), ideoque in odiosis simplicium beneficiorum nomine non continentur. Neque vero hæc beneficia tanquam inania, & otiosa habenda sunt, quod eorum Rectores nullum peculiare officium exercent. Nam rem præclaram, & magnam præstant, qui preces pro populo fundunt, & cum alii sint clerici, qui omnibus funguntur muneribus, quæ pro Christianorum regimine, & salute sunt necessaria, recte Ecclesia quosdam alit clericos, quorum occupatio in fundendis precibus, & altaris ministerio defixa est (2).

(1) Cap. 2. de Rescript. in 6.

(2) Hujusmodi clericorum, quorum tantum erat altari servire, ac precibus, & orationi vacare, jam III. sæculo habebat Ecclesia, & eorum quidem mentio est apud Cyprianum *Ep. 1. p. 169. ed. Amstelæd. 1700.*

§. VIII. Cuncta olim beneficia residentiae lege tenebantur, sed lapsu temporum redditibus imminutis beneficiorum, addeunt ex iis clerici necessaria percipere non possent, consuetudine inductum est, ut beneficio donati fructus caperent, licet in beneficii loco non morarentur, ut sibi victum alibi compararent (1). Nunc igitur qui his beneficiis fruuntur, tantum deferunt tonsarum, ac vestes clericales, & horas canonicas quotidie persolvunt.

(1) Consule Gonzalez *in c. Conquerente n. 2. de Cleric. non residen.*

§. IX. Rursus alia beneficia sunt, quæ majora, alia quæ minora appellantur. Majora sunt, quibus hærent principes in Ecclesia gradus cum cura animarum, & sacra jurisdictione, qualia beneficia obtinent Summus Pontifex, Patriarchæ, Archiepiscopi, Episcopi, & Abbates cum quasi episcopali jurisdictione. Reliqua, quæ infra hæc sunt, minora beneficia dicuntur. Ceterum majora illa beneficia communi beneficii nomine non comprehenduntur; quin ne dignitatis quidem vocabulo, cum potius sint apices dignitatum.

§. X. Dividuntur etiam beneficia in sæcularia, & regularia. Sæcularia sunt, quæ non nisi sæcularibus clericis, regularia, quæ tantum regularibus tribuuntur, unde eorum nomen tractum est. Hinc abbatia, cæteraque officia claustralia suis propriis donata redditibus, beneficia sunt regularia, ac talia generatim censentur omnia, quæ à regularibus regi consueverunt. Beneficia regularibus adiecta demonstrantur vel fundatione, cujus nimirum lege cautum est, ut ea regularia haberi debeant; vel incorporatione, cum monasteriis adnexa sunt; vel præscriptione annorum quadraginta, cum eo temporis intervallo semper à regularibus administrata fuerunt.

§. XI. Denique sunt beneficia collativa, quorum collatio ad eos pertinet, quibus conferendi jus est, electiva, quæ per electionem, patronata, quæ ad patroni præsentationem conceduntur. De his omnibus superiore libro actum est.

DE VETITA BENEFICIORUM MULTITUDINE.

- XII. Clericus duabus Ecclesiis non adscribendus.
 XIII. Beneficia compatiblea, & incompatiblea.
 XIV. Decretum Concilii Lateranensis.
 XV. Et Tridentini.
 XVI. Pœna retinentium plura incompatiblea beneficia.
 XVII. Quæ beneficia plura numero simul retineri possint?

§. XII.

Omnes Clerici, ex veteri disciplina, cum ordinabantur, certæ adscribebantur Ecclesiæ, cui servire debebant, & à qua necessaria quæque accipiebant. Cum autem unus idemque clericus eodem tempore duabus Ecclesiis servire non posset, consequens erat, ut neminem duabus Ecclesiis adscribi, vetus disciplina pateretur (1). Hæc quidem generatim obtinebat regula canonum, cui tamen locus non erat, cum aliud Ecclesiæ utilitas, aut necessitas postularet. Non enim antiquiori etiam ætate exempla desunt clericorum, qui pluribus uno, & eodem tempore Ecclesiis addicti erant (2).

(1) Concilium Chalcedonense *Can. 10. & 20. col. 606. & 610. t. 2. Collect. Harduini*; & Nicænum II. *Can. 15. col. 495. t. 4. Collect. cit.*

(2) Concilium Emericense *Can. 19. t. 3. col. 7605. Collect. Harduini*. Ceterum est autem, quod de Euphronio narrat Basilus *Ep. 228. opp. t. 3. p. 351. ed. Paris. 1730.* qui ab Episcopatu Colonias ad Metropolitim Nicopolitanam transatus utrasque deinde Ecclesias administravit.

§. XIII. Postquam beneficia ab ordinatione sejungi cœpta sunt, etiam interdictum est, ne cui plura simul beneficia tribuantur, cum unus clericus simul gerere non possit plura officia, quæ beneficiis conjuncta sunt. Sed imminutis, uti supra dictum est, lapsu temporum beneficiorum redditibus, oportuit residentis lege solvere clericos, qui alibi querere debebant victum, quem a beneficio habere non poterant. Tunc igitur uni clerico concedi experunt plura beneficia, ut quod unum non dabat, haberet ex pluribus, eaque dicta

sunt beneficia *compatibilia*; quoniam non residentiam, neque aliud habebant adjunctum onus, quod alterius beneficii possessionem impediret. Quibus beneficiis opponebantur *incompatibilia*, quæ scilicet plura numero, ob onus singulis assumum, ab uno eodemque clerico simul retineri non poterant.

§. XIV. Sed lapsa disciplina, plura simul incompatibilia beneficia uni clerico data sunt; quod malum longe lateque serpens plura, quæ ea tempestate habita sunt, Concilia removere studuerunt. Præsertim Synodus Lateranensis III. ea de re laboravit, edita lege, ut nemo duas dignitates, aut duas parochias simul deinceps habere posset, addiditque sanctionem, ut accipiens secundum beneficium amitteret, dans autem largiendi potestate privaretur (1). Verum non adhuc avulso malo, Innocentius III. in Concilio Lateranensi IV. de eo plane tollendo æriore studio laboravit. Ergo sancitum est, ut nemo duas simul parochias, dignitates, aut personatus obtineat, ipsoque jure cadat primo beneficio, qui alterum sine venia Sedis Apostolicæ adeptus est, ac utroque privetur, si forte illud velit retinere (2). Eadem quoque ratione præbendarum coacervatio vetita est (3).

(1) Cap. 3. de Cleric. non residen.

(2) Cap. 28. de Præben.

(3) Cap. 9. de Concess. præben.

§. XV. Denique Tridentini Patres alias edidit leges, ut quæ a Lateranensibus Conciliis fuerant constituta, diligenter observarentur. Itaque vetitum est uni clerico quovis titulo etiam *unionis*, aut *commendæ* plures simul conferre Ecclesias cathedrales, aut beneficia curata, & cætera, quæ *incompatibilia* dicuntur, jussique sunt primo beneficio cadere, qui alterum consequuntur. Ex reliquis verò beneficiis, quæ *compatibilia* dicimus, uni clerico plura conferri possent, quando unum satis non est, ut ille honeste, ac decenter vivat (1).

(1) Concilium Tridentinum Sess. 7. c. 2. & 4. Sess. 24. c. 17. de Reform. Extat etiam de incompatibilibus beneficiis constitutio Joannis XXII. in Extrav. Excerptis de Præben., ac qua actum fuit l. 1.

tit. 5. sect. 3. p. 326., & qua sancitum est, ut secundum beneficium curatum, vel secundam dignitatem accipiens nisi statim primum dimittat, utroque privetur, atque in posterum à sacris ordinibus, & à beneficiis repellatur, atque ultimi beneficii collatio Summo Pontifici reservetur. Late ea de re disputat Riganlius *ad Regul. 1. Cancellar. §. 8. per tot.*

§. XVI. Hodie igitur iis utimur legibus, quæ à Tridentina Synodo constituta sunt. Duo *incompatibilia* beneficia, quæ sunt generatim omnia (1), quæ habent curam animarum, quæ officium, personatum, dignitatem, onus residentię, quæque *sub eodem tecto uniformia* dicuntur (2), uni clerico concedi non possunt, & si concedantur, primum ipso jure vacuum efficitur. Quod si utrumque simul beneficium retinere quis velit, utroque privandus est. Vacatio autem ipso jure inducitur non collatione, sed pacifica alterius beneficii possessione, qualis ea censetur, quam quis sine ulla molestia apprehendit, aut apprehendere potuit. Ideo post acceptam alterius beneficii possessionem datur adhuc spatium duorum mensium, quo beneficiarius primum etiam beneficium retinere potest, ut interim noscatur, num aliquæ de altero beneficio molestię exoriantur (3).

(1) Quæstio est, num altero impetrato beneficio generatim in omnibus incompatibilibus beneficiis vacatio ipso jure indicatur. Multi enim sunt, qui nunc ipso jure vacationem tantum referunt ad beneficia, quæ propter titulum incompatibilia existunt, uti sunt duo Episcopatus, duæ parochię, duo sub eodem tecto uniformia beneficia, non item ad ea, quæ tantum retentione incompatibilia habentur, uti sunt duo canonicatus in diversis Ecclesiis, & alia beneficia, quæ adjunctam habent residentię legem, sed sine animarum cura, dignitate, personatu, vel officio. Hæc enim beneficia tantum sententia judicis vacare arbitrantur. Sed Concilium Tridentinum omnium generatim incompatibilium beneficiorum ipso jure vacationem induxisse, ostendit Garcia *de Benefic. par. 11. c. 5. n. 79. & seq.*

(2) Beneficia *uniformia sub eodem tecto*, sive in eadem Ecclesia dicuntur, quæ ad eundem finem, idemque ministerium instituta sunt, habentque idem onus, ac officium eodem tempore persolvendam. Hujusmodi sunt duo canonicatus, duæque ejusdem Ecclesiæ capellanę.

(3) Consule Riganlium in *Regul. 1. Cancellar. §. 8. n. 154. & 155.*

§. XVII. In cæteris beneficiis, quæ compatibilia dicuntur,

servanda regula est, eorum plura ab uno eodemque clerico retineri posse, cum unum non tantum præstat, quantum est ad cultum, & ad victum necessarium. Si unius redditus satis sunt, ut clericus honeste, ac decenter vivat, nefas est plurâ in eo beneficia coacervare; & vero primum amittit, qui præter necessitatem alterum beneficium adeptus est. Sed nunc ex consuetudine ubique recepta nemo in foro controversiam patitur, quod duo possidet beneficia, etiamsi unum satis præbeat ad vitam honeste traducendam, modo utrumque residentiam non requirat. Et licet Tridentina Synodus non definiverit, quinam redditus ad decentem clerici tuitionem sufficiant, tamen in comperto est, rem totam Episcopi arbitrio, respectu habito ad locorum consuetudinem, atque ad statum clerici, æstimandam, ac definiendam esse. Interdum Sedes Apostolica, cujus tantum est ea in re veniam concedere, justis de causis plura ab uno clerico etiam incompatibilia beneficia retineri permittit: cujus quidem rei sunt exempla præsertim in Germania, ubi uni plures Episcopatus conceduntur, ut firmioribus munitus præsidius hæreticorum conatus retundat.

SECTIO II.

DE CONJUNGENDIS, AC DIVIDENDIS BENEFICIIS.

- | | |
|---|--|
| XVIII. Beneficiorum unio quotuplex? | XXI. Quis unionem recte expediat? |
| XIX. Justæ unionis causæ quæ? | XXII. Divisio beneficiorum, ejusque causæ, & solemnitates. |
| XX. Solemnitates in ea faciendæ necessariæ. | |

§. XVIII.

Plurium Ecclesiarum, vel beneficiorum conjunctio, quæ à legitimo Superiore justa ex causa facta est, beneficiorum unio appellatur. Ea vel temporanea, ac personalis, vel perpetua, ac realis est. Personalem, qua plures, veluti pallio ad beneficiorum multitudinem obtegendum, abutebantur, Synodus Tridentina (1), rejecit: perpetua, quæ rite, atque ex

justis causis fiat, ecclesiasticis legibus probatur. Hæc autem conjunctio tribus modis fieri solet: confusione, cum duæ, pluresve Ecclesie, aut beneficia ita coagmentantur, ut ex pluribus una Ecclesia, aut unum beneficium fiat; subjectione, cum unum beneficium alteri subjicitur, ita ut ei quasi fundus accedat, & ejus privilegia, consuetudines, naturam assumat; denique alia est unio, quæ dicitur *æque principalis*, cum neutrum beneficium alteri subjicitur, neque duo beneficia in unum quasi corpus coalescunt, sed utraque integra manent, suumque refinunt gradum, ac titulum, sed ab uno eodemque ministro reguntur. Hoc modo cathedrales præsertim Ecclesie conjungi solent.

§. XIX. Ecclesiarum, & beneficiorum conjunctio non nisi ex justa causa, atque adhibitis solemnitatibus fieri debet (1). Justa causa est evidens Ecclesie necessitas, aut utilitas, puta si duo beneficia tenues habeant redditus, ex quibus vivere duo clerici nequeant (2), si valde sit diminutus populi numerus (3), si Ecclesie temporis, vel hostium injuria vastatae sint (4), si redditus necessarij non sint ad adolescentes in seminariis educandos, vel alias ad Dei cultum sustinendum (5). Graviore autem requiruntur cause, ut curata, quam ut simplicia beneficia conjungantur, quin etiam beneficia sunt, quorum plane vetita conjunctio est. Nam diversarum beneficia dioceseon coagmentari nequeunt (6), neque item licet conjungere beneficia curata Monasteriis, Abbatibus, Dignitatibus, Præbendis Canonorum, Hospitalibus, aliisque collegiis (7), beneficia autem liberæ collationis beneficiis jurispatronatus, ne & ipsa jurispatronatus obnoxia evadant (8).

(1) *Can. 23. cap. 1. quest. 7.*

(2) *S. Gregorius M. l. 2. Ep. 50. ad Joan. Episc. Velitern. opp. t. 2. col. 614. ed. Paris. indic. Concilium Tridentinum Sess. 21. c. 5. de Reform.*

(3) *S. Gregorius M. cit. Ep. 50., Concilium Toletanum XVI. Can. 5. col. 1796. t. 3. Collect. Harduini.*

(4) *Cap. 2. de Relig. domib.*

(5) *Concilium Tridentinum Sess. 23. c. 18. & Sess. 24. c. 15. de Reform.*

(6) *Conc. Tridentinum Sess. 24. c. 9. de Reform.*

(7) *Conc. Tridentinum Sess. 24. c. 13. de Reform.*

(8) *Conc. Tridentinum Sess. 25. c. 9. de Reform.*

§. XX. Solemnitates pertinent ad vocandos, audiendosque omnes, quorum interest, atque ad legitimam ecclesiastici Superioris auctoritatem. Principio audiendus est Episcopus, cujus dioeceseos beneficia jungenda sunt, vocandique, & audiendi sunt Abbates, Prælatique inferiores, & Patroni sive laici, quorum est collatio, vel præsentatio, item beneficiorum uniendorum possessores, & capitulum Ecclesiæ cathedralis, sine cujus consensu Episcopus graviora negotia expedire non potest (1).

(1) Capitali tamen consensum supplere solet Sedes Apostolica, vel Sacra Congregatio Concilii. Consule Carolum Gagliardum *de Benefic.* c. 4. n. 34.

§. XXI. Legitima unionum faciendarum potestas pænes Summum Pontificem, atque Episcopum est. Cathedralis Ecclesias tantum conjungit Summus Pontifex (1), qui etiam cætera beneficia conjungendi amplam habet potestatem. Episcopus beneficia consociat suæ dioeceseos, exceptis illis, quæ ab ejus jurisdictione exempta sunt, quæque Sedi Apostolicæ immediate sunt subjecta, aut perpetuo reservata. Cavere autem in primis Episcopus debet, ne suæ mensæ beneficia conjungat, propter lucri suspicionem, à qua abhorrere debet (2).

(1) Beneficia, quæ Sedi Apostolicæ perpetuo reservata non sunt, ab Episcopo uniri posse, modo hæc unio fiat ante eorum vacationem, tradit Garcia *de Benefic. part. 12. c. 2. n. 102.*, atque ita Sac. Congregatione Concilii definitum testatur. Consule Fagnanum *ad c. 8. de Excess. Prælat. n. 22. & seq.*, & Giraldum *Exposit. Jur. Pontific. part. 2. sect. 57. p. 878.*; in primis autem consule, qui ea de re accuratè disputat, Benedictum XIV. *de Synod. dioces. l. 9. cap. 7.* Episcopi vero Italiæ, ac finitimarum Insularum, cum beneficia Sedi Apostolicæ reservata seminariis unire volent, servare debent legem ea de re editam à Benedicto XIII. in Cons. *Credite nobis cantus 67. t. 11. p. 409. Bullar. Roman. ed. sæpe cit.*

(2) Clement. 2. *de Reb. eccles. non alien.*

§. XXII. Conjunctioni Ecclesiarum, ac beneficiorum opponitur eorum divisio, per quam ex una Ecclesia, aut be-

neficio duo efficiuntur. Divisio hæc generatim est vetita, nisi cum postulet justa causa utilitatis, & necessitatis (1). In ea perficienda vocandi, audiendique sunt omnes, quorum interest, ac necessaria est auctoritas ejusdem, a quo conjunctio decernitur. Imo si non amplius existat causa, propter quam conjunctio facta est, puta quod cessaverit paupertas, aut vastatio, illa recte dissolvitur. Tunc autem beneficia recuperant naturam suam, eorumque collatio, aut presentatio ad illos redit, quorum ante unionem fuerat; nisi forte aliud constitutum sit.

(1) Cap. 8. 26. 36. de Præben.

SECTIO III.

DE COMMENDIS BENEFICIORUM.

XXIII. ad XXVI. Commendarum origo, & earum concedendarum causæ.

XXVIII. A quo dentur commendæ, & qualis nunc earum natura sit?

XXIX. Clerici Commandatarii.

XXVII. Varia de iis decreta.

§. XXIII.

Beneficia interdum clericis commendantur, unde ortæ beneficiorum commendæ, quarum origo sane vetus est. Initio commenda, erat custodia aut administratio vacantis Ecclesiæ, quæ tandiu obtinebat, quamdiu ea careret Episcopo, a quo regeretur (1). Simili modo commendabantur parochiæ, & monasteria; atque hæc commendæ ad tempus erant, quoniam certo tempore cessabat causa, propter quam institutæ fuerant (2).

(1) S. Ambrosius Ep. 2. col. 789. ed. cjt. t. 3. Commendo tibi, fili, inquit, Ecclesiam, quæ est ad Forum Cornelli. . . donec ei ordinetur Episcopus.

(2) Vide Concilium Aurelianense III. Can. 18. apud Labbæum t. 5. col. 127. ed. Ven., S. Gregorian M. Ep. 38. l. 2. & Ep. 21. l. 6. opp. t. 2. col. 651. & 328. ed. indic., Can. 16. 17. 18. 28. dist. 61.

§. XXIV. Perpetuæ dabantur commendæ, cum eas perpetui causa postulare. Ita cum hostium impetu vastatæ fuissent cathedrales Ecclesiæ, atque illinc Episcopi discedere debuissent, Romani Pontifices vel illos aliis præficiebant cathedralibus Ecclesiis, quæ tunc vacarent, vel etiam ipsi Abbatis perpetuo commendabant, ut ex earum redditibus decenter viverent, ac simul Episcopalem potestatem exercerent (1). Sunt & alia commendarum, quæ quidam perpetuæ erant, exempla, potissimum cum clericus non tantum ex beneficio haberet, quantum ei esset necessarium (2). Itaque justis de causis commendæ institute sunt, neque eas improbare quis potest, cum Episcopatus, parochiæ, monasteria commendantur Episcopis, & clericis ordine insignitis, quem beneficium postulat.

(1) S. Gregorius M. Ep. 13. l. 3. col. 633. opp. t. 2. ed. Paris 1705. Agnellum Fundanum Episcopum, vastata ab hostibus ejus civitate, Terracinesis Ecclesiæ Episcopum constituit ita ut, inquit, *Fundensis Ecclesiæ Episcopus esse non desinas, nec curam, gubernationemque ejus prætereas*. Itaque duplex uai Episcopo Ecclesia, altera in titulum, altera in commendam data est. Similiter eam Paulinus Taari in Sicilia Episcopus post civitatem à barbaris vastatam Messanam secessisset, ibi ei monasterium à Gregorio M. commendatum est l. 1. Ep. 40. col. 528. opp. t. 2. ed. indic.

(2) Multa hujus rei exempla sunt apud Joannem Diaconum in *Vit. S. Gregorii M.* l. 3. c. 22. l. 4. c. 86. 90. 93. 97. col. 95. 177. 180. 185. tom. 4. opp. S. Gregorii. Monasterium etiam S. Martini Episcopo commendatum fuisse, tradit Anastasius Bibliothecarius. Ita enim ille Martino Episcopo Narniensi, & Abbati cœnobii S. Martini suam de Martini P. exilio historiam in *Biblioth. PP.* t. 12. p. 842. ed. Lugdun. inscripsit: *quia cum Episcopatus apice Præpositura sanctitati tuæ, ob meritum summæ religionis, B. Martini monasterii pænes urbem positi est a Summis Pontificibus delegata*. Beda quoque. *Histor.* l. 4. c. 18. p. 302. ed. Cantabrig. 1643. memorat Joannem Arenicantorem Ecclesiæ S. Petri, & Abbatem cœnobii S. Martini Romæ, quem Agatho Summus Pontifex in Angliam misit. Quin etiam cathedrales Ecclesias interdum Abbatibus commendatas constat, atque hujus rei, præter cæteros, monumenta sunt apud Du-Chesnium in *Vita S. Leodegarii* p. 604. & 618. t. 1. *Histor. Franc.* ed. Paris. 1636.

§. XXV. Verum lapsu temporum laici ecclesiastica bona invadere cœperunt, potissimum vero Principes ea militibus

commendabant, ut opes ad gerendum bellum haberent (1). Prævum hunc morem, quem, invita Ecclesiastica jurisprudentia, turbulenta illa ætas induxerat, prorsus tollere studuerunt concilia ea tempestate habita; præsertim vero Romani Pontifices diligentem dedere operam, ut ad Ecclesiam redirent, quæ violenter a laicis occupata fuerant (2). Ita factum est, ut sua denique Ecclesiæ restituerentur bona, & tunc potissimum clericis multa sunt commendata eorum, quæ pridem laici arripuerant, præsertim cum graves essent causæ, propter quas commendæ non permittendæ solum, sed etiam probandæ viderentur.

(1) Consule Thomassinum *Vet. & nov. Eccles. disciplin. part. 2. l. 3. c. 12.*

(2) Late hæc omnia persequitur Thomassinus *l. cit. c. 10. ad 21.*

§. XXVI Scilicet ab infidelibus iterum occupatis locis sanctis, & inde ejectis Episcopis, opportunum visum est alios ipsis in Italia, & alibi Episcopatus, aut Abbatias commendare, ut his redditibus vitam ducerent. Accessit studium restaurandæ monasticæ disciplinæ, quæ in pluribus monasteriis pæne sublata, extinctaque erat, & plures etiam clerici sibi commendata monasteria acceperunt, ut ea tuerentur, atque defenderent. Neque vero Summi Pontifices, aut Concilia factum suum improbari unquam posse existimabant, cum Episcopis, aut aliis clericis dabant redditus, & fundos, qui ad Regulares pertinebant. Illud ipsis curæ erat, ut laici Ecclesiæ bona non diriperent; sed semper amplam Ecclesiæ potestatem esse putarunt tribuendi ecclesiastica bona inter clericos, quibus ea magis pro temporum, locorum, ac personarum ratione concedenda videbantur (1).

(1) Commendæ neque laudari, neque improbari generatim possunt, uti animadvertit Riganthius in *Reg. 43. Cancellar. n. 49.* & sæpe multæ sunt causæ, quæ illas non tantum utiles, sed etiam necessarias faciunt. Synodus Tridentina rem omnem ex prudentia, ac pietate Romani Pontificis, atque ex temporum ratione aestimari voluit. Hinc Sedes Apostolica nonnulli ex iustis causis, rerumque, ac locorum habita ratione commendas concecit; quin etiam sæpe ab ea rejectas constat preces ipsæ Principum, qui commendas postulabant: adeo falsum est Romanos Pon-

tifices, uti eos aliqui calumniantur, facile, ac sine delectu regularia beneficia clericis sæcularibus commendasse. Cuncta hæc late expendit Rigaltius l. c. n. 49. & seq. Multa etiam de commendis habet Natalis Alexander *Histor. Eccles. sæc. 15. & 16. c. 7. art. 4. p. 193. seq. & Dissert. 12. art. 9. p. 552. t. 9. ed. cit.*

§. XXVII. Aliquando tamen valde auctus sine justa causa commendarum numerus mala intulit, quæ oportuit remove. Itaque Clemens V. commendas sustulit, quæ non bene cognitæ, expensisque rebus datæ fuerant (1), & Benedictus XII., ac Leo X. commendas abrogarunt, quas in perniciem monasteriorum, atque ecclesiasticæ disciplinæ redundare animadverterunt (2). Synodus Tridentina monasteria in posterum vacatura tantum spectatæ vitæ Regularibus concedi jubet, eaque monasteria, quæ sunt capita, ac primates Ordinum, jure commendæ aliquem retinere prorsus vetat; reliqua vero monasteria jam commendata, quæ suos habent conventus, Romano Pontifici comittit, ut iis pro sua pietate, & prudentia Regulares præficiat, quantum ratio temporum ferre potest (3).

(1) *Extravag. 2. de Præben. int. commun.*

(2) Vide Raynaldum *ad an. 1335. n. 67. & ad an. 1353. n. 31. p. 49. 199. & 590. t. 25. ed. Lucæ*, & Bullam Reformationis editam à Leone X. in Concilio Lateranensi V. tit. 9. *Conc. col. 1747. Collect. Harduini.*

(3) *Concil. Tridentinum Sess. 25. c. 21. de Regular.*

§. XXVIII. Hodie justis de causis commendæ dantur, & dantur ab uno Romano Pontifice, cui tantum potestas est relaxandi canones, qui regularia beneficia clericis sæcularibus concedi vetant (1). Verbis autem potius, quam re nunc à beneficiis Commendæ differunt, quoniam & hæc in perpetuum dantur, & titulum præstant ad ordines suscipiendos (2), & clerici commendatarii iisdem ferme prærogativis, ac juribus, quibus beneficiarii, fruuntur. Quare liberam habent relictam administrationem, & jus præsentandi, eligendi, conferendi; verum monasteria visitantur à regularibus superioribus, quibus subsunt, atque ad eos regimen, & cura pertinet regularis instituti (3).

(1) *Cap. 27. de Elect., Cap. Cùm de beneficio de Præbent in 6. Consule Tridentinum Sess. 14. c. 10. de Reform.*

(2) *Consule Giraldum Expos. Jur. Pontific. par. 2. sect. 54. n. 7. p. 874.*

(3) *Concilium Tridentinum Sess. 25. c. 20. de Regular. Vide etiam Constitutionem Pastorali 183. Innocentii X. in Bullar. t. 6. par. 3. p. 281. & Constitutionem Exponi 29. Alexander VII. t. 6. par. 4. Bullar. p. 31.*

§. XXIX. Clerici commendis aucti, ut plurimum, suam habent mensam à conventuali distinctam (1), & quartam ejus partem in Ecclesiæ necessitates, aut in pauperum alimenta conferre debent (2). In Gallia coguntur sacros ordines suscipere; similiter in Italia, aliisque regionibus ad sacros capiendos ordines, & ad assiduam quoque moram adiunguntur, ubi commendis animarum cura vel monachorum, vel sæcularium adjuncta sit (3). Semper autem beneficia commendata pristinam retinent naturam suam, quanquam longo usu iis concedantur, qui ejusdem ordinis, atque instituti, ac veri titulares non sunt (4).

(1) *Gregorius XIII. Const. Superna 28. §. 9. Bullar. t. 4. par. 3. p. 275. Quæ constitutio quanquam loquatur de monasteriis Ordinis Cisterciensis; tamen conveniens est, inquit Fagnanus in c. 21. de Restript. n. 2., ut servetur etiam in aliis ordinibus monachorum.*

(2) *Id vero pertinet ad monasteria commendata, quæ mensam habent separatam; nam cum communis mensa est, dari debet tertia pars omnium fructuum monasterii commendati pro omnibus illis oneribus supportandis, & sustentatione monachorum, ut inquit Leo X. Constit. Supernæ 8. §. 10. Bullar. t. 3. par. 3. p. 396. ejusd. ed. sæpe cit.*

(3) *Consule Fagnanum in c. 1. de Capel. monachor. n. 1. & seq., qui recte animadvertit, quod residentie lege tenetur, sacrosque ordines suscipere debet Commendatarius, cum ad ipsum, non item, cum ad monasterium, & conventum cura animarum pertinet. Vide etiam Gallemart. Adnot. ad Concil. Trident. Sess. 6. c. 2. de Reform.*

(4) *Vide Fagnanum l. c. n. 16.*

SECTIO IV.

DE PENSIONIBUS ECCLESIASTICIS.

XXX. Pensio quid?

XXXI. Quis pensionem constituat?

XXXII. Pensio realis, & personalis.

XXXIII. Quibus de causis pensiones impenantur?

XXXIV. Quæ beneficia pensionibus non subjiçiantur, & quis eas

habere possit?

XXXV. Quomodo pensio extinguitur?

§. XXX.

Pensio in re canonica est certa pars reddituum, qui ex alieno beneficio detrahuntur, atque alicui clerico justa de causa, & legitima auctoritate assignantur. Antiquissima est origo pensionum, & earum in Chalcedonensi (1), atque Ephesino Concilio (2) exempla sunt. Nam æquum judicarunt Patres, ut clerici pauperes, qui justis de causis Ecclesiæ suæ non deservirent, ex ecclesiasticis bonis alimenta obtinerent.

(1) Concilium Chalcedonense *act.* 10. 12. *t.* 2. *Concil.* col. 544. 562. *Collect.* Harduin.

(2) Concilium Ephesinum *act.* 7. *Epist. ad Synod. Pamphil.* *t.* 1. *Concil.* col. 1625. *Collect. ejusd.* Alia etiam occurrunt exempla pensionum, quæ concessæ sunt Episcopis vel senio confectis, vel hostium impetu Sede pulsis, vel clericis in monasterium ad agendam pœnitentiam conjectis apud S. Gregorium M. *l.* 3. *Ep.* 55. *l.* 5. *Ep.* 12. *l.* 13. *Ep.* 5. col. 665. 737. 1218. *opp.* *t.* 2., & apud Joannem Diaconum in *ejus Vit.* *l.* 3. *c.* 27. & *l.* 4. *c.* 39. col. 97. & 152. *t.* 4. *opp. ejusd. S. Gregorii M. ed. cit.*

§. XXXI. Initio pensiones detrahebantur ex Ecclesiæ redditibus, qui in unam arcam confluebant; ideoque Episcopus poterat, cum justa adesset causa, ex communi ærario horum reddituum partem decerpere, eamque clericis non servientibus assignare. At institutis beneficiis, & singulis adscriptis redditibus suis, jus constituendarum pensionum ad unum Romanum Pontificem delatum est. Cum enim per pensiones beneficia scindantur, aut iis onus imponatur, quod utrumque sacris canonibus vetitum est (1); necessario requiritur auctoritas Summi Pontificis, qui relaxatis canonibus pensiones constituat.

(1) *Cap.* 8. *de Præben.*, *Cap.* 7. *de Censib.*

§. XXXII. Nunc igitur ab uno Romano Pontifice pro ampla illa, qua in Ecclesia pollet, auctoritate pensiones imponi possunt. Haud tamen desunt, qui etiam Episcopo hanc potestatem adscribunt (1); sed omnes inter pensionem à Pontifice, atque ab Episcopo impositam magnum discrimen faciunt. Nam pensio Pontificis ipsi hæret beneficio, cum quo transfertur ad omnes ejus possessores; at Episcopi pensio solum afficit beneficiarium, cujus obitu extinguitur (2).

(1) Consule Vallensem *de Benefic. l. 4. tit. 2.*, Garciam *de Benefic. par. 1. c. 5. §.*, & Fagnanum *in c. 21. de Præben. n. 14. & seq.*, qui late, ac diligenter totum hoc argumentum persequitur.

(2) Monet tamen Fagnanus *l. c. n. 31.*, quod *quidquid de jure sit usus Sedis Apostolicæ ubique receptus habet*, ut pensiones à solo Pontifice imponantur.

§. XXXIII. Justis autem de causis pensiones imponuntur, veluti si beneficium sit litigiosum, ita ut inter duos de eo litigantes concilianda concordia sit (1); si illud permutetur, aut resignetur (2); si clericus de Ecclesia sua benemeritus, aut inops sit, aut mala valetudine laboret; denique clerico Ecclesiæ utili pensio conceditur, ut inde honeste vivat. Pensio moderata esse debet, ut beneficiario supersint redditus, cum quibus vitam traducere possit, ac præterea beneficii onera sustinere. Hinc in beneficiis, ex quibus pensiones detrahuntur, sola tertia, aut dimidia fructuum pars à Pontifice reservari solet (3).

(1) *Cap. 21. de Præben., cap. 5. de Transact.*

(2) *Cap. 4. de Cleric. ægot. vel debilit., c. 6. de Rer. perm.*

(3) Consule Fagnanum *in c. Nisi essent de Præben. n. 27.*

§. XXXIV. Cathedrales Ecclesias, quæ annuos ducatos mille, & parochialis, quæ centum suis fructibus non superant, Tridentina Synodus pensionibus onerari vult (1). Sed nunc in parochiis omnibus indiscriminatim pensiones non imponuntur, ut Parochus integros habeat redditus, cum quibus pauperibus opem ferre possit (2). Quamquam autem pensiones proprie beneficia non sint, tamen beneficii loco sunt, quoniam ex ecclesiasticis bonis decerpuntur, & ideo non nisi

clericis dantur (3), ac per matrimonium amittuntur, nisi quem Sedes Apostolica lege solverit (4). Porro clerici pensione ditati officium B. Virginis quotidie recitare debent (5).

(1) Concilium Tridentinum Sess. 24. c. 13. de Reform.

(2) Benedictus XIII. Const. Quanta apud Ferrarium Bibliothec. verb. Pensio, qua porro constitutione confirmatum est edictum, quod pridem Innocentius XII. ea de re emiserat.

(3) S. Pius V. Const. Sacrosanctum 98. t. 4. par. 3. p. 38. Bullar., & Sixtus V. Const. Cum Sacrosanctum 141. §. 2. t. 5. par. 1. p. 43. ejusd. saepe cit. ed. Rom. ult.

(4) Sum qui privilegio Sedis Apostolicæ ecclesiasticas pensiones retinent, quamquam uxorem habeant, & quamquam clericali tonsura insigniti non sint. Consule Ferrarium Bibliothec. verb. Pensio.

(5) S. Pius V. Constit. Ex proximo 186. §. 1. t. 4. par. 3. cit. Bullar. p. 180.

§. XXXV. Pensio tamquam usufructus extinguitur morte clerici, qui ea vivens fruebatur; nisi ipse à Sede Apostolica in alium transferendæ pensionis facultatem obtinuerit. Quo privilegio fruuntur Cardinales, & alii, quibus illud à Summo Pontifice datum est; & hi quidem non integram pensionem, sed dimidiam ejus partem in alium transferre possunt (1). Tollitur etiam pensio per redemptionem, quæ fit representatis, hoc est mature factis aliquot annuis pensionem solutionibus; sed ea in re Summi Pontificis auctoritas necessaria est (2). Denique pensio amittitur Religionis professione, matrimonio, degradatione, crimine heresis, aut læsæ majestatis, ceteris fere modis, quibus beneficia amittuntur (3).

(1) Innocentius XI. Const. Circumspecta 32. t. 8. Bullar. p. 43.

(2) Veram intra sex menses post captam beneficii possessionem reddi, ac deleri pensiones vetat Benedictus XIV. Const. In sublimi 30. t. 1. ejus Bullar. p. 43. ed. Romæ seu Ven. 1754.

(3) Confer Cabasut. Theor. & prax. jur. Canon. l. 2. c. 14. n. 15. & seq.

SECTIO V.

DE ADIPISCENDA BENEFICIORUM POSSESSIONE.

XXXVI. Beneficii possessio capienda. XXXVII. Juramentum à Beneficiario præstandum.

§. XXXVI.

Satis non est, aliquem beneficium obtinuisse, nisi etiam ejus possessionem adipiscatur, ut fructus capiat, suosque faciat. Generatim qui beneficium conferendi, is etiam possessionis tradendæ jus habet; sed hoc plerumque alteri committi solet, & olim quidem ad Archidiaconum pertinebat (1). Cum possessio traditur, externa quædam adhibentur signa, quibus ea significatur. Ita ex. gr. Canonici accepto libro, pulsato tintinnabulo, cæterisque similibus signis, Parochi autem possessionem capiunt, cum Ecclesiam ingrediuntur.

(1) Cap. 7. de Offic. Archidiacon.

§. XXXVII. Qui possessionem tribuit merus minister est, qui rem totam gerit collatoris jussu, & auctoritate. Quare hoc tantum curat, ut collationis literæ exitum consequantur; neque ejus est judicare, num clericus beneficio donatus eo sit revera dignus, an secus; nisi hoc forte negotium ei commissum fuerit, quia tunc nonnisi re cognita beneficii possessio danda est (1). Capta possessione, qui beneficium obtinuerunt cum cura animarum, intra duos saltem menses coram Episcopo, aut ejus Vicario generali fidei professionem per semetipsos emittere debent (2); aucti vero Canonicatu, aut Dignitate in Ecclesia cathedrali non solum coram Episcopo, aut Vicario generali, sed etiam coram Capitulo idem prestant (3). Nisi id fiat, inutilis possessio est, neque fructus quis facit suos.

(1) Huc spectant literæ in forma dignum, aut in forma commissoria, de quibus actum est tit. 5. sect. 3. §. XLII. p. 333. Vide etiam Garciam de Benefic. part. 6. c. 2. n. 1. & seq.

(2) Fidei professio per procuratorem curati non potest; qua in re emendandus est error illorum, qui id per procuratorem fieri posse arbitrantur. Consule Benedictum XIV. Instit. Eccles. 60. §. 3. & Giraldum Exposit. jur. Pontific. part. 2. sect. 136. p. 1011.

(3) Concilium Tridentinum *Sess. 24. c. 12. de Reform.* Pius IV. *Const. In Sacramenta* 102. & *Const. Injunctum* 103. *Bullar. t. 4. part. 2. p. 201. & 204.* Canonici collegiarum Ecclesiarum hujus faciendæ professionis nulla lege obstringuntur; sed tamen etiam hi pluribus in locis vel peculiari lege, vel consuetudine hanc professionem emittunt. Sic in locis, ubi obtinet Concilium Romanum habitum à Benedicto XIII. an. 1725., multi sunt, qui eâ lege tenentur. Confer Giraldum *loc. cit.*

§. XXXVIII. Illud in primis efficit capta possessio, ut qui eam anni spatio retinuit, is inde dimoveri, aut beneficium alteri, qui illud impetrarit, adscribi nequeat, nisi primum iis peritorio judicio finita sit. Quod jus constituit *Regula 35. Cancellariæ*, quæ vulgo dicitur *de annali possessore*, & quæ duabus constat partibus. Nam sancitum est primum, ut qui beneficium, impetrat, quod alter per annum tranquillo, & quieto animo retinuit, significare debeat nomen, & gradum possessoris, proferre causam apertam, & perspicuam, propter quam ei retinendi beneficii jus esse negat, temporis, quo in ea possessione versatus est, cursum ostendere; deinde ut intra sex menses possessorem in judicium vocet, & causam intra annum usque ad sententiam persequatur (1).

(1) Consule Riganium *ad hanc Regul. 35.*

§. XXXIX. Est & alia regula *de triennali possessore*, quæ inter regulas Cancellariæ est 36. numero, atque in re beneficiaria quadragenariæ præscriptionis vice fungitur. Ea vero cautum est, ut qui procul à libe vitioque simoniæ triennii spatio beneficium obtinuit quovis titulo, etiam *colorato*, ut vocant, iis nullis amplius molestiis affici, neque à possessione dimoveri possit, atque omnes ejus beneficii *impetrationes*, quas dicunt, irritæ habeantur. Quæ triennalis possessio ut tantum valeat, pacata esse debet, eaque ut explorata sit, satis est ostendere possessionem, quam quis revera adeptus est. Nam qui illam semel apprehendit, ac post triennium retinet, in ea semper perseverasse censetur, nisi secus ostendatur (1).

(1) Vide etiam Riganium *ad Regul. 36.*

DE CENSIBUS, EXACTIONIBUS, ET PROCURATIONIBUS.

I. Censur quid?

IV. Subsidium charitativum.

II. Quando census ab Episcopo V. ad VIII. Procuratio.

constituatur?

IX. Portio canonica.

III. Cathedriticum.

§. I.

Non solis aluntur Clerici beneficiorum fructibus sed & alia habent emolumenta, aliasque obventiones, quibus fruuntur, ut honeste, ac decenter vivant. Eorum quedam ad Episcopos, quedam ad ceteros Clericos pertinent. Proprii sunt Episcoporum census, quorum nomine hoc loco intelligitur certa vis pecuniæ, quæ ex redditibus ecclesiasticis solvenda est.

§. II. Porro Episcopus in Ecclesia recens fundata, & dotata, cum eam consecrat, censum constituere potest, consensu accedente fundatoris (1), vel patrono reservare (2), idemque recte præstat, cum annuente Capitulo Ecclesiam piis locis concedit, aut subtrahit à jurisdictione sua. (3). Generatim tamen ædificata, & consecrata Ecclesia, nefas est aut veterem augere censum, aut novum imponere; nisi primum Apostolicæ Sedis venia impetrata sit (4).

(1) Can. 30. c. 18. qu. 2. cap. 16. de Censib. exaction. ibique Glossa.

(2) Cap. 23. de Jurepatr.

(3) Cap. 6. de Relig. domib.

(4) Ovis, quod etiam mortuo Beneficiario maneat, sine venia Summi Pontificis imponi nequit. Eandem hanc veniam pro curæ temporario requiri, tradit Giraldus l. 3. l. 39. sect. 584. p. 397.

§. III. Præter censum, alia etiam Episcopi tributa exigunt à clericis, & ecclesiis sue dioceseos, quæ tributa vel ordinaria, vel extraordinaria sunt. Ordinarium tributum est Cathedriticum, aut Synodaticum, quod à singulis Ecclesiis quotannis solvitur in signum subjectionis, & ho-

norem cathedræ Episcopalis (1). Penditur in synodo cathedralicum, unde factum est synodatici nomen (2), & penduntur duo solidi (3) ab Ecclesiis omnibus, & clericis, qui Episcopo subjecti sunt (4).

(1) Cathedralicum, de quo hoc loco agimus, confundi non debet cum eo munere, tributo, seu pastello, quod olim in ordinatione dari solebat, quodque venementer improbat Gregorius M. in Synodo Romana t. 3. *Collect. Harduini col. 497. Concilium Tridentinum Sess. 21. c. 1. de Reform.* Hoc quoque interdum dicitur cathedralicum, ut observant Gonzalez in c. *Conquerente de Offic. ordin. in fin.*, & Christianus Lupas in *Schol. & not. ad canon. Conciliar. tit. 2. cap. 3. p. 39. 4. ed. Ven. 1724.* Quæ nominis similitudo quosdam in eum errorem induxit, ut crederent, generatim cathedralicum à sacris canonibus improbari. Verum certa illa pensio, quam proprie cathedralicum dicimus, quæque Episcopo singulis annis persolvitur non propter ordinationem, sed in subjectionis signum, & honorem cathedræ Episcopalis, nunquam à sacris canonibus vetita fuit, imo ejus antiquissimus est, & Ecclesiæ probatus usus. Id testassimum faciunt Concilium Bracaraense II. *Can. 2.*, & Toletanum VII. *c. 4. t. 3. Collect. Harduini col. 386. & 622. ed. Paris.*, Alexander III. in c. 9. *de Consol.*, Honorius III. in c. 16. *de Offic. judic. ordin.*, Arnoldus Abbas Lubecensis, qui in Chronico Slavorum I. 3. c. 21. p. 670. inter Scriptores Branzvicens. t. 2. *ed. Hamov. 1705.*, narrat, Harwicum Archiepiscopum Bremensem, cum gravi premeretur inopia, ex solo cathedralico vitam tradidisse. In Concilio Ravenatensi an. 997. *Can. 2. t. 6. Concil. col. 753. Collect. Harduini* statutum est, ut quovis anno, die S. Virgilii sacro omnes Archiepiscopi censam Episcopo solverent duorum solidorum, atque nunc censam fuisse cathedralicum, ostendit Thomasius *Vet. & nov. Eccles. disciplin. pag. 3. l. 2. c. 34. n. 5.* Multo cetera monumenta, quæ multa sunt, & ex quibus patet, antiquissimum esse cathedralicum, ac semper sacris canonibus probatum fuisse. Concilium Tridentinum *Sess. 24. c. 3. de Reform.* quamquam novas exactiones Episcopis interdixit, non ideo sustulit jus cathedraliei, modo non in visitatione, ubi quidvis exigi concilium vetat, sed vel in synodo, vel alio tempore solvatur; atque ita respondit Sac. Congregatio Concilii, cujus decretum late exornat Fagnanus in c. *Conquerente n. 48. & seq. de Offic. ordin. & in cap. Venerabili n. 16. & seq. de Consol.* Hinc S. Carolus Borromeus, qui Tridentini concilii decreta diligentissime examinavit, non tam factum esse voluit cathedralici solvendi *legem det. Eccles. Mediana. part. 2. p. 316.* atque ita non constitutum esse à Synodo Bituricensi an. 1584. *tit. 3. Can. 7. t. 10. Collect. Harduini col. 1492.*

(2) Synodaticum Episcopo, non diocesim instruit, interdum solum patet ex duobus Conciliis Bracaraense II., & Toletano VII.

quorum paulo ante facta mentio est. Sed fere ubique solvebatur in Synodo, quæ cum plerumque post pascha haberetur, hinc ea solutio quandoque *Paschalis* est appellata, uti monet Cironius *Paratitl. ad Decretal. l. 3. tit. 39. n. 10. t. 1. p. 315. ed. Vindoban. 1761.* Sed ut plurimum, à Synodo ea præstatio vocata est *synodaticum*, interdum etiam dicta *Synodus* uti constat ex Concilio Tolosano c. 10. t. 6. part. 1. *Collect. Harduini col. 1045.*, atque ex Fulberto Carnotensi Ep. 58. *Biblioth. PP. t. 18. p. 18. ed. Ludum*; quamquam à Synodatico distingui *synodus* videtur in *Indice ms. Beneficiorum Ecclesiæ Constant. apud Du-Cangium Glossar. verb. Synodaticum.* Cum autem *synodaticum* in synodo persolvatur, quæri potest, num pendi debeat illis quoque annis, quibus synodus non habetur. Pluries de hac re quæsitum est coram Sacra Congregatione Concilii, eaque semper respondit, *cathedraticum*, etiam non habita synodo, singulis annis esse solvendum, & vero in *Amalphitana Cathedralici 5. Septembr. 1705. & 26. Februar. 1707. & in Cassanen. 21. Mart. 1735. l. 55. Decret. p. 326. & l. 57. p. 63. & l. 85. p. 188.* nullo habitu respectu ad Synodum, *cathedraticum* à die adeptæ possessionis Episcopo solvi voluit. Quod idem antea constituerat Synodus Avenionensis an. 1366. c. 11., & altera similiter Avenionensis Synodus habita Alano Episcopo l. 4. *Anecdotar. col. 525 c. 11. & 580. c. 15. ed. Paris. 1717.*, ubi statutum est, ut non solum ejus anni *synodaticum*, sed etiam *arreragia temporis jam lapsi* Episcopo solverentur. Diuturna tamen, ac legitima induta consuetudine fieri potest, ut non nisi in synodo *cathedraticum* persolvatur. Quamquam enim ejus solutionis onus consuetudine prorsus tolli, ac deleri nequeat, ut scilicet semper extet monumentum honoris debiti *cathedræ episcopali*, tamen cum hic bonos maneat, etiamsi illud non solvatur annis singulis, recte à consuetudine induci potest, ut tantum, cum Synodus habetur, *cathedraticum* pendi debeat. Consule Bottum *de Synod. p. 3. n. 89. & seq.*, & Massobrium *de Synod. c. 4. dub. 33. & 34.*

(3) Duos solidos propter *cathedraticum* usquoque anno solvi jubent Concilium Bracarense II., & Toletanum VII. loc. cit., atque Honorius III. in cit. c. 16. *de Offic. judic. ordinari.* Verum cum solidi pretium non semper idem, nec ubique fuerit, uti hinc inter cæteros ostendunt Jacobus Gothofredus in *Cod. Theodos. Leg. unic. l. 7. tit. 24. t. 2. p. 459. & seq. & Leg. 1. l. 12. tit. 7. t. 4. p. 597. ed. Lips. 1737.* & PP. Maurini *Addit. ad Glossar. Du-Cangii verb. Solidus*; cum item incertum sit, aureus ne, an argenteus esset, & quanti valeret solidus Lucensis, quem memorat Honorius III. in cit. c. 16., hinc quæsitum est, quæ nunc propter *cathedraticum* moneta pendenda sit Synodus Romana habita anno 1725. à Benedicto XIII. singulis solidis pretium attribuit unius aurei monetæ Romanæ, & eo propter *cathedraticum* solvi jubet viginti julios ejusdem monetæ, quamquam non integri solidi à singulis beneficiariis pendendi sint, sed ratione habita reddituum beneficiorum, servatoque modo, qui in ea Synode constitus

est. Verum provinciale hoc concilium tantum in Romana provincia legem facit. Itaque cum nihil certi ea de re sit à Jure constitutum, ex receptis popularum moribus, & locorum consuetudine cathedrali cum Episcopo solvendum æstimandum est.

(4) Pendendum est cathedralicum à quibuscumque parochis, beneficiariis, & Ecclesiis sæcularibus, non item regularibus, quæ monasteriis conjunctæ sunt, & in quibus regulares divina officia peragunt. Nam hæc solvendi cathedralici onere non tenentur. *Can. Inter cetera* 8. c. 10. *qu. 3.* & *Can. Quam sit.* c. 18. *qu. 2.* Sodalitæ vero laicorum, quæ confraternitates dicuntur, Episcopi auctoritate instituta, si propriam habeant Ecclesiam, non item si tantum capellam, aut altare in aliena Ecclesia habeant, cathedralicum pendere oportere, respondit Sac. Congregatio Concilii in *Fiumana Cathedrali* 24. Jul. 1734. & in *Urbesetana Cathedrali* 20. Marc. 1735. Similiter in *Maceratensi Cathedrali* 29. April. 1731. definitum est, ex omnibus quotquot sunt, beneficiis, etiam simplicibus, solvendum esse cathedralicum, exceptis tantum capellanis laicalibus, & ad nutum amovibilibus. Quod si plures clerici, qui uni, & eidem Ecclesie addicti sunt; communem habeant massam, non singuli discretam, atque distinctam præbendam, unum tantum ex ea massa cathedralicum esse solvendum, statuit Concilium Romanum anni 1725. *tit. 8. c. 4.*

§. IV. Extraordinarium tributum est subsidium charitativum, scilicet pensio; quam Episcopus charitatis nomine exigit à clericis, & ecclesiis sibi subjectis (1) ad periculum aliquod depellendum, gravemque necessitatem evitandam (2). Justa autem, & gravis causa requiritur, ac præterea capituli consensu opus est, ut recte hoc subsidium ab Episcopo indicatur (3). Sed nunc, saltem in Italia, jus viget ab Innocentio XI. constitutum, quo sancitum est, ut semel tantum Episcopus, videlicet in primo ingressu suo, hoc subsidium exigit, & verum tantum accipiat, quantum antea per annos quadrāginta dari consuevit (4). Quare si quā postea gravis exoritur causa, quæ subsidium flagitet, Sedis Apostolicæ venia opus est (5).

(1) Subsidium hoc, uti etiam cathedralicum, ex lege diocesana procedit, & ideo regulares, ac ceteri, qui exempti sunt, illas solvendi onere non tenentur, uti ostendit Giraudus *Exposit. Jur. Pontific. part. 1. l. 3. Decretal. sect. 58. p. 357.*

(2) Concilium Lateranense III. *Can. 4. t. 6. part. 2. Concil. col. 1675. Collect. Harduini, cap. 16. de Offic. judic. ordin.*

- (3) *Cap. 6. de Censib. exaction. Consule Giraldum loc. cit.*
 (4) Innocentius XI. *Const. 43. §. 10. Bullar. t. 8. p. 61. Vide eundem Giraldum loc. mox. cit.*
 (5) Confer Gandentium t. 1. *de Visit. Pal. ecclesiastici dist. 6. n. 18.*

§. V. Pertinet quoque ad Episcopum procuratio, quæ ei tribuitur alimentorum nomine, cum diocesim visitat (1). Dehent etiam Episcopi singulis annis vel per se ipsos, vel legitime impediti per vicarium generalem, aliumve virum idoneum diocesim visitare, totumque negotium saltem intra biennium absolvere; cum ita late patet diocesis, ut uno anno universa lustrari non possit. Quo in munere curandum est diligenter, ut ubique Christiana religio integra observetur, pravique emendentur mores, & quidquid mali irrepsit, avertatur (2).

- (1) *Cap. 6. & 23. de Censib. exaction.*
 (2) Concilium Tridentinum *Sess. 24. c. 3. de Reform.*

§. VI. Cum autem æquum sit visitationem fieri sumptibus eorum, qui visitantur, inducta est procuratio, quæ comprehendit hospitium, alimenta, cætera necessaria (1), aut etiam certam vim pecuniæ, quæ nunc sponte data illorum loco accipi potest; modo sit una procuratio, cum plura eadem die loca lustrata sunt (2). Cavendum verò est Episcopis, ne inutilibus sumptibus graves sint Ecclesiis, quas visitant, & ideo modesto comitatu contenti esse debent (3); & si pluries intra anno eandem Ecclesiam visitaverint, non nisi unam procurationem accipiant (4).

- (1) *Cap. 6. & 13. de Censib. exaction.*
 (2) *Cap. 2. & 3. de Censib. in 6. Ita à Bonifacio VIII. abrogatum est ius antiquum cap. 1. eod., quod procurationis causa pecuniam accipere vetabat. Eadem hæc optio dandi pecuniam loco victualium permissa est à Concilio Tridentino Sess. 24. c. 3. de Reform.*
 (3) Concilium Lateranense in *cap. 6. de Censib. exact.* præfinit numerum equorum, quibus Episcopi diocesim visitantes pro suo comitatu uti possunt; sed eo indiscriminatim uti nequeunt, quod recte monet Giraldus *Exposit. Jur. Pontific. part. 1. l. 3. t. 39. Decretal. sect. 533. p. 396.* Synodus Tridentina *Sess. 24. c. 3. de Reform.* generalem statuit, ut Episcopi modesto equitatu, & famulatu contenti visitationem quam

celerissime expellant. Et licet definitus non sit exactionum, ac dicarum numerus, intra quem visitationem pericere oportet, tamen Sac. Congregatio Concilii id totum visitantium conscientiae, & prudentiae reliquit, uti ostendit ipse Giraldu*s loc. cit.*

(4) Consule Benedictum XIV. *de Synod. diœc. l. 10. c. 10. §. 6.*

§. VII. Danda est procuratio non solum Episcopo, aut alteri, qui ejus loco diœcesim lustrat, sed etiam vicario capitulari, cui post annum à die postremo habitæ visitationis diœcesim visitare licet (1); & datur ab omnibus, qui visitantur, non tamen ab Ecclesiis civitatis, in qua Episcopus assidue commoratur (2); neque item ex privatis oratoriis, quæ in monachorum grangiis sita sunt (3). Subsunt autem Episcopi visitationi Ecclesie omnes, etiam exemptæ, atque etiam regulares, quæ conjunctam habent curam animarum (4), itemque commendata monasteria, etiam Abbatie, Prioratus, Præposituræ, ubi non viget observantia regularis; præterea beneficia tam curata, quam non curata, sæcularia, & regularia, qualitercumque commendata etiam exempta (5); Parochiales annexæ Ordini Hierosolymitano (6), hœpitalia, nisi sub immediata Regum protectione sint (7). Nam quæ Episcopus ordinario jure visitare non potest, qualia sunt loca exempta, ea visitat jure delegato.

(1) Vide Benedictum XIV. *loc. mox indicat.*

(2) Consule Fagnanum *ad c. 15. de Censib. exaction.*, & Giraldu*m Exposit. Jur. Pontific. par. 1. l. 3. Decretal. tit. 39. p. 403.*

(3) *Cap. 27. de Censib. exaction.* Quæ decretalis consensu omnium interpretum Juris Canonici ad quæcumque privata oratoria traducitur, uti testatur Fagnanu*s in cit. cap. 27.*

(4) Concilium Tridentinum *Sess. 25. de Regul. c. 11.*, Gregorius XV. *Const. Inscrutabili 50. §. 4. Bullar. t. 5. par. 5. p. 1.*

(5) Concilium Tridentinum *Sess. 7. c. 8. & Sess. 21. c. 8. de Reform.* Vide etiam ea de re decretum *Ut in parois 184. Innocentii X. Bullar. t. 6. par. 3. p. 270.*

(6) S. Pius V. *Const. Exposit 187. Bullar. p. 3. t. 4. p. 180.*

(7) Concilium Tridentinum *Sess. 22. c. 8. de Reform.*

§. VIII. Visitantur etiam ab Episcopo quotannis monasteria monialium (1); sed tunc nullam ipse procuracionem accipit, nisi quod in earum Ecclesiis beneficium sit (2).

(1) *Clement. 2. de Stat. monachor. Concilium Tridentinum Sess. 25. c. 9. de Regul.* Late hoc argumentum persequitur Giraldus *Exposit. Jur. Pontific. par. 1. l. 3. Decret. tit. 35 Sect. 562. p. 372. & seq.*

(2) *Sac. Congregatio Concilii in Volaterrana 13. Novemb. 1638. l. 16. Decretor. p. 106.*

§. IX. Denique Episcopus jure decretalium habet portionem canonicam, scilicet quartam partem eorum rerum, quæ Ecclesiæ, aut alii pio loco relinquuntur (1). Sed hodie fere ubique hæc portio consuetudine sublata est, cum non amplius Episcopi gravi illa premantur inopia, cujus gratia initio ea concessa fuit. Si qua tamen regio est, in qua portio canonica adhuc obtinet, non eam pendunt loca pia, & monasteria exempta, quoniam soluta sunt lege diocesana, unde illa procedit (2); neque penditur ex piis legatis, quæ pro anniversario, pro Ecclesiæ fabrica, cæterisque similibus relicta sunt (3).

(1) *Cap. 14. de Testam.*

(2) *Consule Giraldum. l. c. tit. 27. sec. 481. p. 315.*

(3) *Cap. 20 de Testam.*

TITULUS XVI.

DE DECIMIS.

- | | |
|--|--|
| I. Clericorum obventiones, & emolumenta. | VI. Consuetudo præsertim in decimis spectanda. |
| II. Decimæ quo jure apud Christianos debita? | VII. Cui solvendæ decimæ? |
| III. Quando solvi cœptæ? | VIII. Decimæ an à laicis accipi possint? |
| IV. Prædiales, personales, mixtæ. | IX. A quibus solvendæ decimæ? |
| V. Earum discrimen. | |

§. I.

Nunc ad ea transgredimur, quæ cæterorum clericorum propria sunt; & huc spectant decimæ, primitiæ, oblationes, quotidianæ distributiones, quæ ordinariæ, quæque extraordinariæ vocantur, voluntariæ denique, & honorariæ

largitiones pro benedictionibus, sacrificiis, sacramentis, aliisque bonis Christiano populo tribuendis. Non omnibus quidem omnes clerici fiuntur, sed alii aliis, pro emolumentorum, clericorumque discrimine.

§. II. Apud Hebræos Levitis, & Sacerdotibus Divina lege debitas fuisse decimas, hoc est decimam partem fructuum terræ, & pecudum, inter omnes constat (1). Jure Evangelico ad alendos clericos nullæ indictæ sunt decimæ; tantum Christiani jubentur Ecclesiæ ministris præbere necessaria ad vitam honeste, ac decenter traducendam (2). Itaque Divini quidem juris est, quod iis, qui altari ministrant, necessaria vitæ subsidia præbeantur; non item, quod ea de causa detur decima pars fructuum terræ, & hoc quidem modo decimæ ad jus Divinum referri non possunt (3). Nam Ecclesia constituit modum, quo ejus ministri alendi sunt; nihil autem interest, sive id per decimas, sive per alias præstationes fiat.

(1) Prima, quæ in sacris libris occurrunt, decimarum exempla, sunt Abrahami decimæ à manubiis omnibus devictorum ab eo Regum, quas ipse Sacerdoti Melchisedeco persolvit *Gen. XIV. 20.* Imitatus nunc avipietatem Jacobus omnium, quæ sibi in Mesopotamia acquirenda essent, decimas Deo offerendis vovit *Gen. XXVIII. 22.*, quam fidem ab itinere rediit liberasse nemo dubitat. Denique Mosæica lege in *Levit. XXVI. 30.* jussi sunt Hebræi decimas persolvere; & tunc quidem decimæ Levitis, & Sacerdotibus Dei mandato deberi ceptæ sunt.

(2) Mathæus *X. 10.* Lucas *VIII. 3.* *X. 7.* Paulus *1. ad Corinth. IX. 7. 9. 10. 11. 13. 14.*

(3) Divinum præceptum solvendarum decimarum morale fuisse, nonnulli existimant, unde conficiant, nunc etiam divina lege à Christianis decimas esse solvendas. Rectius S. Thomas *2. 2. quæst. 87. art. 1.* decimas divino jure à Christianis deberi affirmat, si etiam nomine comprehendimus alimenta, quæ clericis debeantur, negat autem, si eo vocabulo decimam illam partem fructuum, & reddituum intelligimus. Si ex se patet, inquit, quod ad solutionem decimarum homines tenentur partim quidem ex ratione naturali, partim etiam ex institutione Ecclesiæ. Quæ tamen penitus opportunitatibus temporum, & personarum potest aliam partem determinare. Et merito à Concilio Constantiensi. *Sess. 3. c. 300. 1. 8.* Collect. Hardini damnatus est articulus 13. Joannis Wiclei assertis, quod decimæ sunt pure canonice, & Parochiani possunt propter peccata summi Prelatorum ad arbitrium suum eas auferre. Nam decimæ, tamquam alimenta Ecclesiæ ministris debita, ab ipso divino jure proce-

dunt. Consule Bellarminum *de Cleric. l. 1. c. 25. §. Quod non sit morale opp. t. 2. p. 157. ed. Ven. 1721.*, Gonzalez in c. 32. §. 1. *de Decim.*, Co-
telerium in *Constit. Apostolic. l. 2. c. 35. not. 1. t. 1. p. 248. ed. Amstel-*
lad. cit.

§. III. Hinc prioribus Ecclesiæ sæculis neque Christiani decimas solvebant, neque ulla lex erat, quæ hanc solutionem imperaret (1). Clerici vivebant ex oblationibus, quas fideles sua sponte in Ecclesiam conferebant; adeout nihil opus esset decimas indicere, ut ex iis clerici victum, & cultum obtinerent. Inimuta fidelium largitate, cum non omnia Ecclesiæ, ejusque ministris sponte à fidelibus præberentur, insitute sunt decimæ tum Patrum hortationibus (2), tum Ecclesiæ legibus (3), quibus eas Christiani solvere jussi sunt.

(1) Cyprianus *de Unit. Eccles. p. 85. ed. Amstelad. 1700.* diserte testatur, nullas sua ætate decimas fuisse solutas; & *Ep. 1. p. 170. de Hebræorum decimis* disserens: *Quæ nunc ratio, inquit, & forma in clero tenetur, ut qui in Ecclesia Domini ordinatione clericali promoventur, in nullo ab administratione Divina avocentur, nec molestiis, & negotiis sæcularibus alligentur, sed in honore sportulantium fratrum, tamquam decimas ex fructibus accipientes, ab altari, & sacrificiis non recedant.* Quo ex loco perspicuum est, ætate Cypriani sportulas decimarum locum obtinuisse. Idem etiam deprehendi potest ex Origine *Hom. 11. in Numer. n. 2. p. 305. opp. t. 2. ed. Paris. 1733.* Adde altum, quod tribus prioribus sæculis de solvendis decimis, ubique silentium est.

(2) Adeundi sunt Auctor *Constit. Apostolic. lib. 7. cap. 29. & lib. 8. cap. 20. apud Cotelerium PP. Apostolic. t. 1. p. 375. & 416. ed. cit.*, Hieronymus in *Mala. h. c. 3. versic. 7. 8. & seq. col. 978. & seqq. opp. t. 6. ed. Peron.*, Augustinus *Comment. in psalm. 146. n. 17. opp. t. 4. col. 1643. ed. Ven. cit.*, Chrysostomus *Hom. 4. in Ep. ad Ephes. opp. t. 11. p. 31. ed. Paris. 1734.*

(3) Concilium Matiscoense II. Can. 5. apud Labbeum t. 6. *Concil. col. 674. seq.*, Cabriacense II. Can. 19. t. 9. col. 363., Turonense anno 813. Can. 16. col. 351. ib. Meguntiacense anno 883. Can. 13. t. 11. col. 586. Confer etiam Capitulum Regum Francor. capit. *de Part. Saxon. c. 16. & 17. apud Buzium t. 1. col. 183., & Capitul. an. 804. c. 2. col. 291. ed. Ven. 1772.*

§. IV. Jam vero decimæ vel prædiales, vel personales, vel mixtæ sunt. Prædiales debentur ex fructibus, sive radi-

tibus prædiorum tum urbanorum, tum rusticorum; & harum quidem aliæ majores, aliæ minores, & minutæ, aliæ novales appellantur. Majores sunt, quæ ex frumento, vino, fœno, aliisque uberioribus fructibus, minores, quæ ex leguminibus, & oleribus, novales (1), quæ penduntur ex prædiis, quæ recenter ad culturam redacta sunt, cum antea frugifera non essent. Personales (2) solvuntur ex rebus, quas sibi quisquis acquirit opera, & industria sua, veluti lucro honestæ negotiationis, militiæ, venationis. Mixtæ denique partim prædiales sunt, & partim personales, quippe quæ ex rebus quidem ipsis, sed nonnisi adhibita industria percipiuntur. Hujus generis sunt fetus pecorum, lac, lana, cætera similia.

(1) Terra præcisa, quæ anno cessavit, vel silva, quæ avulsis arboribus, ad culturam redacta est, terra novalis dicitur *Leg. 30. ff. de Verb. signific. Leg. 3. §. 2. ff. de Termin. mot.* Memorat hanc Juris Civilis interpretationem Innocentius III. in cap. 21. de *Verbor. signific.*, tum statuit, novale esse intelligendum agrum de novo ad cultum redactum, de quo non extat memoria, quod aliquando cultus fuisset.

(2) Ætate Augustini nondum decimæ fixæ, ac perpetua lege constitutæ fuisse videntur; sed ipse tamen *Enarrat. in psalm. 146. n. 17. col. 1648. t. 4. ed. cit.* vehementer Christianos hortatur, ut reales, ac personales decimas solvant. *Præcidite*, inquit *aliquid, & deputate aliquid fixum vel ex annuis fructibus vel ex quotidianis quæstibus vestris.* Sequenti tamen sæculo, quo vixit S. Cæsarius Arelatensis, non reales solum, sed etiam personales decimæ obinebant; nam ipse *Serm. 277. inter opp. Augustini in Append. col. 460. t. 5. par. 2.* discrete memorat decimas ex quotidianis quæstibus, item de militia, de negotio, de artificio. Falsus igitur est Van-Espenius *Jus. eccles. univers. par. 2. tit. 33. c. 1. n. 31. & seq.*, qui personalium decimarum originem Celestino III. adscribendam putat; & insignis est calumnia Justi Henningii Bocheri *Inst. Jur. Canon. l. 3. tit. 3. §. 3.* reprehendentis Romanos Pontifices, quasi ipsi jus decimarum plus æquo explicaverint, quod personales decimas instituerunt.

§. V. Inter prædiales, ac personales decimas non unum discrimen est. Nam prædiales debentur, non deductis impensis; & vero debentur Parocho, cujus in parochia sita sunt prædia; unde illæ percipiuntur (1); cumque ipsis prædiis adhæreant, ab omnibus, qui prædia habent, etiam infidelibus

solvendæ sunt (2). Verum decimæ personales tantum à Christianis solvuntur Parocho, à quo ipsi sacramenta accipiant, ex iisque impensæ in rebus parandis factæ detrahuntur (3). Illud commune est utrisque decimis, quod non deducitur, quod necessario ad res conservandas impenditur (4).

(1) *Cap. 7. 13. 22. de Decim.*

(2) *Cap. 16. eod.*

(3) *Cap. 20. & 28. eod.*

(4) *Cap. 28. mox laud.*

§. VI. Leges hæ sunt Decretalium jure generatim constitutæ. Sed recepti populorum mores sæpe has leges abrogaverunt, & hinc spectandæ sunt singularum Ecclesiarum consuetudines, ut noscatur, è quibus decimæ pendendæ sint, quid item, & quibus eas solvere oporteat. Nimirum posteaquam clericis aliis bonis, atque redditibus parata sunt ea, quæ suppeditent ad cultum, & ad victum, paulatim decrevit solutio decimarum; & nunc multis in locis neque decimæ prædiales ex prædiis urbanis, neque personales solvuntur (1). Quia ne ex omnibus quidem terræ fructibus detrahuntur decimæ, neque solvitur decima eorum pars, licet adhuc decima appelletur, & multæ etiam regiones sunt, in quibus decimæ prorsus exoleverunt.

(1) Consule Giraldum *Exposit. Jur. Pontific. par. 1. Decret. l. 3. sect. 508. p. 331.*

§. VII. Decimæ debentur Parocho (1): sed tamen ab aliis quoque clericis, aut Ecclesiis acquiri possunt vel privilegio Summi Pontificis (2), vel præscriptione annorum quadraginta cum titulo, sine titulo vero præscriptione temporis, quod hominum memoriam superet (3). Novales vero, ac minutæ, ubi hæ vigent (4), decimæ semper Parocho reservatæ censentur; ne is, cui animarum cura commissa est, graviori damno afficiatur. Et quamquam laici jure ipso exigendi decimas, quod proprium clericorum est, potiri nequeant, tamen res ipsas, quæ decimarum nomine penduntur, habere

possunt (5); modo iusta causa præsto sit, & Romani Pontificis accedat auctoritas (6).

(1) Concilio Cabilonense II. *Can. 19.* apud Labbæum t. 9. col. 363. *ed. Ven.*, & Metense an. 888. *Can. 2. t. 11. col. 593.*

(2) Multa extant exempla decimarum, quæ à Sede Apostolica Monasteriis, & Capitulis concessæ sant. Eas memorant, & probant S. Petrus Damiani t. 3. opuscul. 33. c. 3. p. 252. *ed. Paris. 1664.*, Ivo Carnotensis Ep. 192. p. 83. *ed. Paris. 1647.*, S. Thomas 2. 2. qu. 87. art. 3. Vide etiam regulam Templariorum c. 66. ap. Holstenium *Cod. Regul. t. 2. p. 440. ed. cit.*

(3) *Cap. 4. & 6. de Præscrip. in cap. 1. eod. in 6.*

(4) Minutæ decimæ plerisque in locis obsoleverunt.

(5) S. Thomas 2. 2. qu. 86. art. 3.

(6) Interdum Summus Pontifex ad tempus imponit decimas beneficiorum propter aliquam necessitatem, vel publicam Ecclesiæ utilitatem, atque eas solvi mandat alicui Principi, qui Ecclesiam defendit. Tunc autem constituuntur collectores, & sub collectores, qui has decimas colligant. Vide *Clem. 2. de Decim. & Extravag. unic. int. commun. ed.*, & vide etiam Gonzalez in *cap. 19. de Decim. n. 4.*, ubi memorat decimas à Sede Apostolica concessas Regibus Hispaniarum.

§. VIII. Verum mediis sæculis in summa rerum confusione laici, ut multa ecclesiastica bona, ita etiam decimas usurparunt, easque jure feudi retinuerunt, adeo ut in commercio essent, & in heredes transirent (1). Interim Parochi carebant suis redditibus, quibus semetipsos, & pauperes sustentarent, neque decimarum possessores ea, quæ debebant, Ecclesiæ servitia præstabant. Itaque actum est, ut sacra præda ex laicorum manibus extorqueretur; sed operosum id erat, neque convenire visa sunt extrema remedia, quibus illi exasperarentur. In Concilio Lateranensi III. (2) prohibiti sunt laici novas decimas acquirere, & antiquas, quas habebant, in laicos transferre, tum generatim moniti, eos sine animarum suarum periculo decimas retinere non posse, sed adversus illos, qui eas retinerent, nulla pœna indicta est. Denique usu potius, ac silentio, quam lege ulla scripta toleratæ sunt decimæ, quas antea laici jure feudi obtinebant, novarum tamen acquisitio prorsus vetita; & hodie recepta sententia est, eas tantum decimas infendatas, & laicis recte detineri, quæ ante Lateranensem synodum acquirentæ sunt (3).

(1) Occupata à laicis bona, ac decimæ *Ecclesie & Alia* in dicebantur, quorum turpe, quod calamitosiis iis temporibus à laicis fiebat, conmemoratum duntaxat Paschalis II., & Gregorius VII. *Can. 13. & 14. can. 1. qu. 3.* Confer Petram de Marca in *Can. 7. Conc. Claramont.*, Fr. Florentem in c. 1. & 2. de *Jur. patr.*, & Maratorum *Diss. 72. & 73. Antiq. Italic.*

(2) *Cap. 19. de Decim.*

(3) Quod Concilium Lateranense III. non expresse statuit, restituendas esse decimas, quas laici detinebant, neque ullum in ipsos poenam constituit, sed tantum illas in laicos transferri, ac novas acquiri vetet, plerique in eam venire opinionem, quod ea Synodus integras laicis reliquerit decimas, in quarum antea possessione versabantur. Hinc orta communis opinio, laicos retinere posse infeudatas decimas, quas ante illam Synodum obtinebant. Sed recte observat Ladovicius Thomassinus *Vet. & nov. Eccles. discipl. par. 3. l. 1. c. 11. n. 7. & seq.* Concilium Lateranense III. nunquam laicis antiquas decimas permississe, cum satis diserte dicit, eas laicos sine animarum periculo detinere non posse. Hinc Odo de Saliaco Parisiensis Episcopus viginti circiter post annos, quam Lateranense Concilium habitum fuerat, in suis Constitutionibus Synodalibus n. 18. *Delect. actor. t. 1. col. 2257.* Frequenter, inquit, monemur laici, ut non retineant decimas, quas in periculum animarum suarum retinent. In Concilio Lateranensi IV. multa de decimis sancta sunt, præsertim contra illos, qui eas usurpabant, sed nullam decretum est, quo laici restituere coguntur decimas, quas tunc obtinebant. Lino Innocentius III., quo Pontifice Lateranense illud Concilium habitum est, non improbasse videtur decimas, quæ à laicis jure feudi retinebantur, ut patet ex *Prima Collect. tit. 11. l. 1. p. 565. ed. Baluzii Paris. 1682.* Cum enim Capitulum Svesvionense earum decimarum redemptionis facultatem postulasset; eam dedit Pontifex adjecta lege, ut Capitulum ea, quæ præstabant vetusti decimarum possessores, Ecclesie servitia præstaret. Non hic Ecclesie restitui jubentur decimæ infeudatæ; imo vero probatur contractus, per quem illas capitulum à laicis acquisiverat, & confirmantur servitia, quæ antea laici propter decimas præstabant, & quæ in posterum Capitulum præstare debet. Clarius ipse Innocentius III. *id Cap. 25. de Decim.* memorat decimas in feudum concessas, neque eas improbat. Ita cum omnes, quæ ferebantur, leges novas tantum decimas à laicis acquiri vetarent, sed decimas jam infeudatas non improbarent, invaluit opinio, quod laicis vetitum esset novas decimas acquirere, contra ipsis illæ essent permittendæ, quibus jam tunc fruebantur. Medio sæculo XIII. Alexander IV. in c. 2. §. *Sane de Decim. in 6.* postquam statuit, Regulares posse cum Episcopi consensu decimis à laicis decimas accipere, illas autem, inquit, decimas intelligimus posse taliter à Religiosis de manibus laicorum recipi, vel acquiri, quæ ante Lateranense Concilium ipsis laicis in feudum perpetuo suæ concessæ. Non hic declarat Alexander quod Lateranense Concilium in-

telligat, sed tamen Juris Canonici Interpretes intelligendum putant Concilium Lateranense III., quod Alexandro III. Pontifice celebratum est. Hinc recepta ubique regula, laicos retinere posse decimas interdictas, modo eis ante Concilium Lateranense III. obtinuerint. Illud non omit- tam, quod post Pontificatum Innocentii III. abstrahere se Concilia a repetendis antiquis decimis, quas jam laici habebant, quod & ex Tri- dentina Synodo confirmari potest. Quamquam enim statuat, ut *qui de- cimas impediunt, aut subtrahunt, excommunicentur*, Sess. 25. c. 12. *de Reform.*; tamen Sess. 23. c. 18. *de Reform.* agens de redditibus idoncis Episcopali seminario parandis aliqua conferri jubet à laicis, qui Ec- clesiae decimas obtinent: *etiam ex decimis, quacumque ratione ad lai- cos, ex quibus subsidia ecclesiastica solvi solent; pertinentibus.*

6. IX. Solutio decimarum omnes generatim obstringit; quin etiam excommunicationis poena constituta est adver- sus eos, qui decimas subtrahant, aut impediunt (1). Multi autem eo onere soluti sunt vel privilegio Summi Pontificis (2), vel præscriptione annorum quadraginta cum titulo: sine ti- tulo vero præscriptione temporis, quod supra hominum me- moriam est (3); vel pactis conventis, & voluntaria remis- sione, quæ cum perpetua est, Summi Pontificis auctoritatem postulat (4). Clerici decimas pendunt ex bonis, quæ heredi- tate, legato, donatione, aut simili contractu acquisiverint, non item ex bonis, quæ habent titulo spirituali, puta bene- ficii (5); Regulares autem ex prædiis, quæ pridem suberant oneri decimarum, antequam ad eos pervenirent (6).

(1) *Con. 5. caus. 16. qu. 7., C. 5. de Decim., Conc. Tridentinum Sess. 25. c. 12 de Reform.*

(2) *Cap. 24. ibique Glossa verb. Exemptus de Decim.*

(3) *Cap. 15. de Privileg., Cap. 4. 6. 8. de Præscript., Cap. 1. eod. in 6.*

(4) *Cap. 8. de Transact.*

(5) Cum in *Cap. 2. de Decim. Paschalis II.* decimas à clericis pri- mum solvendas neget, ac deinceps affirmet, hinc variae edictæ sunt ab interpretibus explanationes, ut omnis, quæ forte in hac sententia ines- se videtur, pugna removeatur. Verior, & ab omnibus fere recepta in- terpretatio est, quam tradit Glossa, videlicet clericos non teneri deci- mis ex bonis spirituali titulo acquisitis, puta beneficii, teneri autem ex bonis, quæ testamento, aut contractu obtinuerant, & ex quibus, an- tequam ea venirent ad clericos, decimæ solvebantur; quamquam eo- rum nonnisi titulo promotus quis fuerit, nisi aliud legitimi consue- tudinis inductum sit, ut declaravit Congregatio Concilii in *Maritima* 12. Augusti 1651. l. *Decret. XIX. p. 143., & in Usselen. Decimarum* 11.

Maii 1658. l. 21 p. 248. Atque id generatim obtinet, etiamsi clerici ab ipso Parocho sacramenta non accipiant, ut respondit eadem Congregatio Concilii in Peretrana 19. Januarii 1636. l. Decret. XV. p. 310. & in Hortana Decimarum 25. Septembris 1694. lib. XLIV.

(6) Extant in Cap. 10. & 11. de Decim. privilegia Sedis Apostolicæ, per quæ Regulares liberantur ab onere solvendarum decimarum ex prædiis, quæ propriis manibus, atque impensis colerent. Veram Innocentius III. in Concilio Lateranensi IV. Cap. 34. de Decim. sancivit, ut cuncti Regulares decimis solverent ex prædiis deinceps acquisitis, ex quibus antea decimæ solvebantur, quinquam ea ipsorum Regularium labore, & sumptibus fructuosa sint. Secundum hanc Decretalem à Congregatione Concilii in Pampilonen. Decimarum 21. Augusti 1728. in Resour. Resolut. t. 4. p. 213. & t. 6. p. 29. & seq. responsum est: quod Regulares non habentes in privilegii expressam derogationem Cap. Nuper, teneantur solvere integras decimas, exceptis bonis, & rebus præscriptis in Cap. lxx parte 10. de Decim. Hodie igitur Regulares omnes soluti sunt lege tribuendarum decimarum tum personalium, tum realium, quæ dari debent ex fructibus hororum suorum, nutrimentis animalium, atque ex novalibus, quæ sunt ex terra prorsus inculta, quam ipsi proprio labore, sumptuque colunt; non item ex sandis decumanis, qui ad eos cum tali onere delati sunt, nisi etiam pro his peculiare privilegium obtulerint, ut etiam declararunt Alexander IV. in cap. 2. §. Ceterum de Decim. in 61, & Innocentius X. Const. Nuper pro parte 53. Bullar. t. 6. par. 3. p. 79. Consule Passerianum Comment. ad l. 3. Sexti Decretal. tit. de Decim. qu. anteq. artiz. 15. per tot., Card. Petram ad Const. Apostolic. t. 4. in Constit. 8. Martini V. p. 243., & Gaudentium à Jauua de Visit. eujuscunq. Prælat. t. 1. c. 5. dub. 13. sect. 6.

TITULUS XVII.

DE PRIMITIIS, OBLATIONIBUS, CÆTERISQUE TEMPORALIBUS
BONIS CLERICORUM.

- | | |
|----------------------------------|------------------------------------|
| I. & II. Primitiæ quomodo apud | VIII. Distributiones quotidianæ. |
| Hebræos, quomodo apud Chris- | IX. De his Tridentini Concilii de- |
| tianos debent? | cretum. |
| III. Oblationes quid? | X. Qui distributiones accipiunt? |
| IV. ad VI. Earum distinctio. | XI. Portio congrua. |
| VII. Cui adscribendæ oblationes? | |

§. I.

Primitiæ sunt rerum primi fructus, qui Deo offeruntur. Apud gentes omnes vetustissimi instituti est primitias Deo

offerre, & consecrare. Hebræi vero Divina etiam lege primitias dabant, quarum tamen modus, & ratio potius moribus, quam lege ipsa erat constituta (1). Inter Christianos primitiæ ante ipsas decimas obtinere cœperunt; & vero antiquissima sunt monumenta, unde intelligimus, Christianos primitias rerum suarum præstare consuevisse (2).

(1) Consule Hieronymum in *Ezechiel. c. 45. vers. 13. & 14. opp. t. 5. col. 365. ed. Vallarsii Veron.*

(2) Origenes *Contr. Cels. l. 8. n. 34. p. 766. t. 1. ed. Paris 1733.*, Irenæus, *l. 4. Contra Hæresis. c. 17. p. 219. ed. Paris. 1710.*, Auctor *Canon. Apostolor. Can. 5. & Constit. Apostolic. l. 8. c. 40. uterque apud Cotelierium PP. Apostolic. t. 1. p. 423. & 442. ed. Amstelæd. cit.*

§. II. Debantur primitiæ non tantum ad agnoscendum creatorem, sed etiam ad ministros Ecclesiæ sustentandos (1), erantque præsertim ex uvis, & frumentis (2), certaue exstabat precum formula, quæ in earum benedictione adhibebatur (3). Nunc fere ubique primitiæ desierunt (4), ac si qua regio est, in qua adhuc ex consuetudine tribuantur, ex eadem noscitur quid, & quantum dari debeat.

(1) In Synodo Gangrensi in *Prefat. Collect. Harduini t. 1. col. 530. & seq.* gravissime reprehenduntur hæretici Eustathiani, quod primitias fructuum Ecclesiæ olim ditas sibi vindicassent, suisque adscripsissent; & hinc duo eniuntur canones, quibus sub pœna anathematis omnes prohibentur eos tractus Ecclesiæ oblatos accipere, aut dare extra Ecclesiam, præter Episcopi sententiam. *Can. 7. & 8. col. 535. l. c.*

(2) Concilium Africanum c. 4. apud Pitheam *Cod. Canon. Eccles. Roman. p. 144. ed. Paris. cit.*, S. Gregorius Nazianzenus *Ep. 80. p. 833. opp. t. 1. ed. cit.*

(3) Habes hanc formulam apud Auctorem *Constit. Apostolic. l. c.*

(4) Post sæculum V. vix ulla amplius mentio primitiarum occurrat; tantum indicuntur in Concilio Hispalensi apud Ivonem in *Decret. par. 3. c. 174.*

§. III. Oblationes sunt munera, quæ a fidelibus Deo, & Ecclesiæ sponte offeruntur. Antiquissimis earum usus est, atque ab ipsa Apostolorum ætate repetendus (1). Nemo offerre cogebatur, sed turpe erat, eum non offerre, qui posset (2); & illorum, quorum præclara erant munera in Ec-

clesiam, nomina publice recitabantur (3). Neque vero omnibus offerre licebat; quoniam oblationes, præsertim Eucharistice, ecclesiasticam communionem ostendebant, & ideo rejiciebantur oblationes eorum, qui in Eucharistia non communicabant (4). Ipsi Consistentes, qui scilicet in summo poenitentium gradu versabantur, quamquam communium precum essent participes, tamen ad altare offerre prohibebantur (5); & sepe restitutas constat oblationes eorum, qui deinceps in hæresim inciderant (6).

(1) Agapas, sive sacra convivia Apostoli instituerunt, atque horum ratio erat, ut singuli Fideles panem, ac vinum, aliisque etiam ad Ecclesiam offerrent, è quibus panis, vinique parte consecrata, quod reliquum erit, in commune illud convivium conferebatur. Atque hac referendum illud Apostoli 1. ad Corinth. XI. 21. *Unusquisque suam cenam præsumit ad manducandum, & alius quidem esurit, alius ebrius est.* Licet vero deinceps Agapæ desierint; tamen oblationum usus diu retentus est. Agit, præter ceteros, de Agapis Thomassinus *Vet. & nov. Eccles. discipl. p. 3. l. 3. c. 47. n. 1.*

(2) Cyprinus *de Oper. & elemosyn. p. 141. ed. Amsteeled. 1700.* reprehendit feminam, quæ cum dives esset, nihil obrulerat: & S. Augustinus, seu potius S. Cæsarius Arelatensis Auctor *Serm. 85. de Tempor. n. 4. & 5. col. 454. opp. t. 5. par. 1. ed. cit. populum ad hanc officii partem vehementer hortatur, sed lapsu temporum, immunita apud multos pietate, latè legibus jussi sunt Christiani certis saltem diebus oblationes facere. Concilium Matisecense II. Can. 4. apud Labbeum t. 6. col. 674. ed. Ven. cuactis diebus dominicis panem, & vinum ab omnibus offerri jubet; & Capitularia Regum Francorum l. 6. c. 170. apud Baluzium col. 636. ed. Ven. 1772. quotidie oblationes fieri mandat; & *quæ quotidie non potest, saltem dominica die.* Quo hæc autem oblationes fierent pauperum, quibus ad altare accedere non licebit, diligenter ostendunt Bona *Rev. liturgic. l. 2. c. 9. §. 1. p. 199. t. 3. ed. Turin. cit., & Sala in Notis ad eundem locum, & ad c. 8. §. 4. & 6. p. 183. 191. & 200., & Martenius de Antiq. ecclæs. tit. l. 1. c. 4. art. 6. §. 7. t. 1. p. 140. ed. Antwerp. seu Ven. 1763.**

(3) Cyprinus *Ep. 60. ad 62. ad Episcop. Numid. p. 274. ed. cit., Hieronymus in Jerem. l. 2. c. 11. vers. 15. & 16. opp. t. 4. col. 921. ed. Veronæ cit., Innocentius l. Ep. 25. ad Decent. Episc. Eagenbin. c. 2. apud Constantium Ep. Pontific. Roman. col. 657., Auctor Concilii Apostolic. l. 3. c. 4. p. 279. ed. cit., quem in locum vice Cæceterium, & vide etiam Card. Boi. in *Rev. liturgic. l. 2. c. 8. §. 7. t. 3. p. 191. seq. ibique Salam in Not., ac Selvagium Antiq. Christian. l. 2. c. 1. §. 8. ubi multa habes de his nominibus rectandis.**

(4) Auctor *Constit. Apostol.* l. 3. c. 8. apud Cotelierum *loc. cit.* p. 285. Concilium Eliberitanum Can. 23. quem in canonem vide Albaspinæum p. 169. *ed. Neap. cit.* Quin etiam fratrum inter se dissidentium oblationes recipi vetat Concilium Carthaginense IV. Can. 93. col. 584. t. 1. *Collect. Harduini ed. Paris. cit.* In Capitularibus Caroli M. & Ludovici Pii l. 7. c. 442. col. 751. & in *Addit.* 4. c. 81. col. 613. t. 1. *ed. Baluzii Ven. 1772.* rejiciuntur oblationes illorum, qui sibi mercedem conseverunt, quique pro suis criminibus puniuntur. Repudiabat etiam Ecclesia oblationes datas ab illis, qui pauperes opprimebant, uti patet ex eodem Concilio Carthaginensi Can. 6. l. c., cum quo consentit Auctor *Constit. Apostol.* l. 4. c. 6. p. 297., ubi alii præterea scelesti homines recensentur, quorum oblationes non recipiebantur. Ambrosius Ep. 17. n. 14. col. 37c. t. 3. *ed. cit.* Valentinianum Imperatorem monet, ne quid ad idolatriam restituendam conferret; quoniam si id fecisset, ejus oblationes Ecclesia repudiasset. Atque id quidem perpetuum fuit de oblationibus, unde Eucharistia clementia sumebantur. Cæteras oblationes interdum receptas constat, quanquam ab illis fierent, qui communiois expertes erant, & quidem Hieronimus P., cui narrat Anastasius in ejus *Vit.* §. 86. t. 1. p. 93. *ed. Rom. 1718.* à Theodorico Ariano offerri passus est Cerostata argentea duo pensan. libras 70. Verum Liberius P., uti testatur Athanasius *Hist. Arian. ad Monach.* n. 37. opp. t. 1. p. 289. *ed. Patav. cit.*, & Theodorus *Hist.* l. 2. c. 16. p. 95. *ed. Cantabrig. cit.* Concilii dona repudiavit; & munera Valentis nemo accipere ausus est, cum non sciretur, num ea Basilius esset accepturus, sicuti narrat Gregorius Nazianzenus *Orat.* 20. de laud. Basilii opp. t. 1. p. 351. *ed. Coloniae 1790.*

(5) Concilium Nicænum Can. 11. t. 2. col. 38. 45. 52., & Ancyranum Can. 4. & 5. apud Labbeum t. 1. col. 1487. *ed. ioh.*, ubi canones hos penitentes appellant *ἀναγινώσκοντες*, qui *ἀποστολὴς* sine oblatione communicantes Verum eorum, qui in penitentia constituti, & reconciliationis cupidi subito moriebantur, oblationes Ecclesia accipiebat. Concilium Vasense l. Can. 2. l. 4. col. 717. Arlatense II. Can. 12. apud eundem Labbeum t. 5. col. 3. *ed. Ven.*, & Tolosanum XI. Can. 12. t. 3. *Collect. Harduini col. 1029.* Idem habent Capitularia Regum Francorum l. 5. c. 130. & 142. col. 367. & 570. *ed. Baluzii Ven. 1772.*, & Gagnones Isaac Episcopi Lingonensis Can. 14. apud eundem Baluzium *cod. loc. col. 641.* Vide Albaspinæum *observ.* 5. l. 1. p. 17. *ed. Neap. 1770.*

(6) Quod adversus Marcionem, qui ducenta sestertia Ecclesie dederat, factum narrat Tertullianus de *Præscript.* cap. 30. p. 212. *ed. Paris. 1675.*

§. IV. Jam oblationes alie ad altare fiebant, cum sacrificium peragebatur; & tunc quidem fideles offerebant panem, & vinum, thus etiam, atque oleum pro lumi-

naribus, præterea Sabbato Sancto, qui dies erat solemn-
nis Baptismi, lac, & mel, quo recens baptizari vesci
solebant (1). Ex oblatis pane, & vino Eucharistiæ elemen-
ta desumebantur; quod reliquum erat clericis, ac pau-
peribus tribuebatur (2). Cum illa desiit, panis ac vini
oblatio, cœpit offerri pecunia, unde Missæ honorarium
ortum est (3).

(1) Consule *Can. Apostol.* 3. 4. 5. apud Cotelierum *loc. cit.* p. 442.,
Concilium Carthaginiense III. *Canon.* 24. apud Labbæum *l. 2. col.* 1042.
Concilium Africanum *cap.* 4. apud Pithæum *l. c.* p. 144. Sed Conci-
lium Trullanum *Can.* 57. apud eund. Labbæum *t. 7. col.* 1374. lac,
& mel offerri vetat.

(2) S. Justianus M. *Apol.* 1. n. 66. & 67. p. 83. *ed. Paris.* 1742.
Tertulianus *Apolog.* c. 39. p. 31. *ed. Paris.* 1675.

(3) Confer Mabilonium *Præfat. ad part. 1. sec. 3. Benedictin.* n. 62.
p. 27. *ed. Ven.* 1734., Franciscum de Berleendis *Dissert. de Oblat. pecul.*
§. 2. & R. Salam in *Not. ad Bonam Rer. liturgic. l. 2. c. 8. §. 3. & 8.*
Not. t. 3. p. 180. & 196. ed. Taurin. cit.

§. V. Aliæ erant oblationes, quæ pro arbitrio in Eccle-
sia deponerentur, ut cederent in ipsius Ecclesiæ usum, aut
in clericorum, & pauperum alimenta. Nam inde à primis
sæculis erat in Ecclesiis arca, quæ *Corbona* dicebatur, &
in quam fideles stipem inferebant, unde pauperes opem
acciperent (1). Inde institutum est *Gazophylacium*, locus
scilicet in exedris Ecclesiæ, quo illæ fidelium oblationes
deferiebantur (2).

(1) Memorat hanc *corbonam* Cyprianus de *Oper. & elemosyn.* p. 141.
ed. Amstelæd. 1700. cum reprehendit opulentam fœminam, quæ nihil
obtulerat, his verbis: *Locuples, & dives es, & Dominicum celebrare*
te credis, quæ corbonam omnino non respicis; quæ in Dominicum sine sacri-
ficio venit; quæ partem de sacrificio, quod pauper obtulit, sumis. Basna-
gius *Exerc. Hist. crit. ad an. 44. n. 67.* *corbonæ* nomine non arcam
pecuniariam, sed potius ipsas oblationes designare arbitrat, quo-
niam Hebraicum hoc vocabulum donum significat. Verum & ipsum
Corban. Hebraicum locum condendæ pecuniæ destinatum notat Ma-
thæus XXVII. 6. *non licet eos argenteos mittere in corbonam.* Adde, quod
verisimile non est, Cyprianum latine scribentem, aliter ac Latini
explicabant, intellexisse vocem, quæ latini juris, ac significationis

evasit. Vide etiam Justinum Martyrem, & Tertulianum *loc. cit.* qui memorata hanc stipeſu à fidelibus in Ecclesia depositam, ut ea pauperibus auxilium præberetur.

(2) Duplex Gazophylacium erat, alterum intra, & alterum extra Ecclesiam; utramque describit Binghamus *Orig. eccl. l. 8. cap. 6. §. 22. tit. 3. p. 248. ed. Halæ Magdeburg. 1758.* In Gazophylacio, quod erat intra Ecclesiam, servabantur priores illæ oblationes, quarum antea memui; ad Gazophylacium, quod erat extra Ecclesiam, alterius generis oblationes deferbantur.

§. VI. Denique aliæ erant oblationes, quas Christiani pro sua pietate dabant; cum justa funeris solvebantur, cum sacramenta suscipiebant, cum alia sacra officia peragebantur. Sane quarto sæculo aliquid in Baptismo dari solebat (1). Hæ oblationes initio voluntariæ erant, sed temporis cursu in laudibiles consuetudines abierunt; & vero Concilio Lateranensi IV. sancitum est, ut libere sacramenta, cæteraque sacra officia administrantur, sed ut fideles oblationes præstent, quas præstare consueverunt, & recusantes etiam cogi ab Episcopo possint (2). Non enim dantur tamquam pretium rerum sacrarum, sed tamquam premium laboris, & tamquam alimenta, quæ Jus Divinum Ecclesia ministris tribui voluit. Atque hæc sunt jura, quæ ad Parochum pertinent, & ideo parochialia dicuntur.

(1) Gregorius Nazianzenus *Orat. 40. de Baptism. p. 672. t. 1. ed. Coloniae 1690.*

(2) *Cap. 42. de Simon.*

§. VII. Oblationes omnes, etiam quæ sponte, quæque in capella inferiori, aliòve loco intra fines Parochiæ fiunt, pertinent ad Ecclesiam parochialem, nisi alium esse constet offerentium voluntatem. Nimirum fideles oblationes facere videntur propter curam animarum, quam Ecclesia sustinet, quæ præsumptio locum non habet, cum alia offerendum voluntas patefacta est. Tunc enim oblationes dande sunt loco, cui quis eas adscribi voluit (1). Similiter ad Ecclesiam parochialem non pertinent oblationes, quæ alii loco consuetudine, vel privilegio addictæ sunt.

(1) Consule *Barbosam de Offic. Paroch. c. 24. Card. de Luca de Decim. disc. 19.*, & *Fagnanam in cap. 9. de His quæ sunt à Prælat. n. 14. & seq.*

§. VIII. Inter clericorum redditus recensentur etiam distributiones quotidianæ, quæ debentur Canonicis, qui Divinis officiis intersunt. Nulla enim est vel Cathedralis, vel Collegiata Ecclesia, quæ communem arcam non habeat, unde sumuntur hæc præmia, quæ singulis diebus, atque horis adscripta sunt, ut Choro addicti facilius hæc illecebri ducti, & frequentius ad illum conveniant (1). Non tamen hujus præsertim emolumentum ratio, sed pietatis studium, & obsequium in Deum ad chorum vocare unumquemque debet; neque effugeret simoniæ labem, qui tantum distributionum utilitate traheretur (2).

(1) Ivo Garnotensis Ep. 219. *ad Paschalem. P. p. 93. ed. Paris. 1647.*

(2) Vide S. Thomam in *Quodlibet. 8. qu. 6. art. 1.*

§. IX. Synodus Tridentina distributiones approbat, atque eas in morem perducere jubet, ubi veteri instituto receptæ non essent. Propterea statuit, ut in cunctis cathedralibus, & collegiatis Ecclesiis tertia pars fructuum, aliorumque reddituum, qui ad Capituli Dignitates, aut ad Canonicos pertinent, ab Episcopo, etiam tamquam Apostolicæ Sedis delegato, in quotidianas distributiones convertatur (1).

(1) Concilium Tridentinum *Sess. 21. c. 3. de Reform.*

§. X. Distributiones, quas absentes admittunt, capitulum nemini remittere, & condonare potest (1); sed Ecclesiæ fabricæ, aliæque pio loco Episcopi arbitrio adscribende sunt distributiones eorum, qui redditus habent à capituli mensa sequantos, eorum vero, quibus ex eadem mensa communes sunt redditus, inter præsentem dividuntur (2). Sunt tamen qui justis de causis abesse coguntur, & hi distributiones acquirunt, perinde ac præsentem essent; quales sunt vere, & graviter ægrotantes, carceribus injuria de-

tenti, & absentes propter pestem, vel propter Ecclesie utilitatem (3).

(1) Confer Suarezium *de Religion. l. 4. de horis canonic. c. 10. n. 20. opp. t. 2.*, & Benedictum XIV. *Instit. Eccles. Instit. 107. §. 7. n. 42.*

(2) Dæ sunt ea de re Tridentini Concilii leges *Sess. 21. cap. 3. & Sess. 22. cap. 3. de Reform.*, altera absentium distributiones præsentibus, & altera Ecclesie fabricæ, aut alii pio loco arbitrio Episcopi adscribit. Sed lex illa locum habet, cum communes sunt omnium canonicorum redditus, altera vero, cum illi assunt, quibus sat à capitulari mensa distincta præbenda est. Consulte Faguanum *in cap. Quia nonnulli n. 22. & seq. de Cleric. non residen.*

(3) Bonifacius VIII. *in Cap. unic. de Cleric. non residen. in 6.*, quam Legem renovavit Synodus Tridentina *Sess. 24. c. 12. de Reform.*, postquam generatim constituit, absentes distributionibus carere, addit hæc: *Exceptis illis, quos infirmitas, seu justa, & rationabilis corporalis necessitas, aut evitans Ecclesie utilitas, excusaret.* Itaque quæritur, quæ infirmitas, quæ item corporalis necessitas, quæ denique Ecclesie utilitas requiratur, ut absentes distributiones accipiant. Generatim verus, gravisque morbus requiritur, qui aliquem domo exire prohibeat, quamquam ea in re boni viri arbitrium spectare oporteat; neque hic ipse morbus est satis, cum quis sanus Divinis officiis interesse non soleat. Excusantur etiam, qui carceribus injuste detinentur, quique ob pestis causam, aut propter inimicitias, vel injurias, quas immerito perferunt, ad choram venire nequeunt. Similiter Canonicus Theologus, & Penitentiarius, itemque Canonicus, qui in eadem Ecclesia & canonicatum, & curam animarum habet, tamquam præsentem in choro habentur, cum ea præstant, quæ sui muneris propria sunt. Hæc, & cætera, quæ ad hunc locum pertinent, diligenter explicat Benedictus XIV. *l. c. §. 8. & seq. n. 45. & seq.* Vide etiam Giraldum *Exposit. sur Pontific. part. 1. l. 3. Decretal. sect. 358. p. 243. & seq.*, à quo omnes, qui etiam absentes quotidianas distributiones accipiant, accurate recensentur.

§. XI. Denique vicarii, qui exercent curam animarum, quæ capitulis, aut monasteriis conjuncta est, congruam portionem habere debent. Quo nomine intelligitur cæca pars fructuum, quæ ex parochie redditibus Episcopi arbitrio detrahatur, quæque vicario adscribitur, unde habeat id, quod ad decentem ejus tuitionem necessarium est (1). Constituant hos vicarios capitula, monasteria, & cætera loca pia, quæ curam habent animarum, ut parochialia gerant officia, verum illi ab Episcopo approbandi sunt (2).

(1) Concilium Tridentinum *Sess. 7. c. 7. de Reform.*, Benedictus XIV. *Const. Cum semper* 103. in ejus *Bullar. t. 1. p. 222. §. 10. ed. Rom. seu Ven. 1754*. Confer ea, quæ supra diximus *l. 1. tit. 3. sect. 9. §. 84. pag. 257.*

(2) Consule Giraldum *Exposit. Jur. Pontific. part. 2. sect. 23. p. 828.*

TITULUS XVIII.

DE PECULIO CLERICORUM.

- | | |
|------------------------------------|---------------------------------------|
| I. Peculium ecclesiasticum quid? | IV. Facultas testandi de hoc peculio. |
| II. Bona patrimonialia clericorum. | V. Spolia, & eorum Collectores. |
| III. Usus peculii ecclesiastici. | |

§. I.

Ex Ecclesiæ bonis, cum ad clericos ea pervenerint, existit illud, quod in Jure nostro peculium Clericorum appellatur. Peculii nomen ex jure civili desumptum est, ac significat quasi *pusillam pecuniam*, seu *patrimonium pusillum*, ut inquit Ulpianus (1), quod servus permissu domini separatum à dominicis rationibus habet. Placuit hoc nomen traducere ad res ecclesiasticas, quoniam uti servus verum non habet dominium peculii sui, ita neque clericus dominus est bonorum, unde illud peculium conflatum est; imo si dominus revera est fructuum eorundem bonorum, non merus administrator, ut multi putant, hoc certe dominium & arbitrium non ita late patet, uti patet dominium, quod omnes habent in rebus suis.

(1) *Leg. 5. ff. de Pecul.*

§. II. Verum, præter hoc peculium, habent etiam clerici bona privata, sive patrimonialia, qualia sunt acquisita hæreditate, legato, contractu, aliove jure, quod clerici cum reliquis civibus commune habent. Horum quidem bonorum omnium plenum clericis dominium est, & ideo distractio, atque consumptio eorum arbitrio relinquitur (1). Moriente vero clerico sine testamento, hæc bona transeunt ad cog-

natos proximas ab intestato, ac si nulli fuerint vel ex testamento, vel ab intestato hæredes, ab Ecclesiam deferuntur (2).

(1) *Can. 4. c. 12. q. 3., cap. 9. & 12. de Testam.*

(2) *Cap. 4. eod. cap. 1. de Succes. ab intest.*

§. III. Sed in ecclesiastico peculio illud sæpe quæsitum est, num clerici in eo dominium habeant, an potius tantum usum, & administrationem. Quæ disputatio eo spectat, ut sciatur, num lex justitiæ, an pietatis, & misericordiæ, ac jus positivum Ecclesiæ clericos cogat in pauperes, aut alios pios usus convertere quicquid ex decenti exhibitione sua superest de redditibus rerum ecclesiasticarum (1). Alterutram sequi opinionem placeat, certum est, clericos ex bonis ecclesiasticis tantum sumere, quod ipsis est necessarium ad honeste, ac decenter vivendum, reliquum in pios usus conferre oportere.

(1) Controversam hanc, omnibus excussis argumentis, diligentissime, & copiosissime expendit Benedictus XIV. *de Synod. dioces. l. 7. c. 2.* Videndus est etiam Theodorus Rapprechtus *Not. histor. in jus Canon. l. 3. tit. 23.*

§. IV. Antiqui canones de ecclesiastico peculio clericos testari vetabant, quoniam illud redire debebat ad Ecclesiam, unde profectum erat (1). Sed sensim consuetudine, ac privilegio Summorum Pontificum, præsertim ob frequentes lites, quas excitabat difficultas discernendi bona ecclesiastica a patrimonialibus, inductum est, ut clerici etiam de bonis ecclesiasticis testamentum condant. Interim in Foro valent hæc testamenta; sed gravi certe crimine obligantur clerici, qui potius quam in pios, conferunt in profanos usus, aut in ditandis censuanguineis insumunt fructus rerum ecclesiasticarum. Non enim consuetudo bonorum naturam mutat, neque privilegium datum censetur cum gravi detrimento pauperum, & Ecclesiarum (2).

(1) *Can. 40. Apostolor. apud Cotelierum l. c. p. 447., cap. 1. de Pe-*

§. V. Bona ecclesiastica clericorum post eorum obitum spolia dicta sunt, quoniam clerici, exemplo Monachorum, ad vitæ exitum properantes rebus peculiaribus sese ultro spoliare consueverunt, ne quid Ecclesia caperet detrimenti. Hæc bona que clericus moriens relinquit, nisi vel consuetudine, vel privilegio Summi Pontificis testandi facultatem habeat (1), jure spoliî pertinet ad Cameram Apostolicam, quæ ea colligit per *collectores* in provinciis constitutos, & cuncta in pauperum alimenta, aliosve pios usus convertit (2). Neque quis sibi per hos collectores inferri damnum, aut injuriam putet quoniam spoliû ad ea pertinet, de quibus clericus liberum non habet statuendi arbitrium, atque illud declinare unusquisque potest, si vivens obtemperet legi, qua obstringitur, piisque adscribat usibus redditibus ecclesiasticos, qui ei supersunt ex necessariis ad vitam traducendam (3).

(1) Consule Giraldum *Exposit. Jur. Pontific. par. 1. Decretal. l. 3. sect. 475. p. 306. & 307.*, & Lucium Ferraris *Bibliothec. verb. Spoliû*, à quibus omnes, qui vel consuetudine, vel privilegio de ecclesiasticis bonis testari possunt, accurate recensentur. Cives, & incolæ Urbis Romæ, quique procul ab ea decedant intra decem millia pasuum eo privilegio fruuntur per *Constit. In eminenti 33. Pauli V. in Bullar. t. 5. part. 3. p. 197.*

(2) Consule Benedictum XIV. *de Synod. dioces. l. 3. c. 8. num. 6.*

(3) Spolia instituta sunt à Summis Pontificibus ad coercendam avaritiam clericorum, qui multis ex ecclesiasticis bonis quærebant opes, ut his ditarent consanguineos suos, atque ad tuendos canones, quibus sancitum est, ut Ecclesiæ bona in pios usus conferantur. Narrat. inter ceteros Matthæus Paris ad an. 1246. p. 474. *ed. Paris. 1644.*, tres Angliæ Archidiaconos incredibilem quantum pecuniæ viâ coacervasse, præter mobilia complurima magis prælii, & ex his factos ab intestato obitæ, quo factum est, ut opes illæ ad laicos pervenirent. *Obitavit intestatus*, inquit, & *plura millia marcorum cum vasis multis argenteis, saculo, & secularibus infameiter dimiserat.* Episcopi, cum ipsis decedentium clericorum spoliû permitteretur, sæpe vel potentia impediti suum munus exerceere non poterant, vel etiam gratia freti nullo negligebant, & sæpe etiam in privatam utilitatem suam convertebant quicquid ex hoc spolio clericorum acceperant. Adde, quod multi Episcopi eodem, qui ceteri clerici, laborabant morbo, studio videlicet ditandi suos ex rebus

ecclesiasticis, neque ullus erat, qui de episcoporum spoliis eam generat solitudinem, quam gerere oportebat. Itaque ut frenum haberet avaritia clericorum, ac sarta tecta servaretur vis legum ecclesiasticarum, Sedes Apostolica curam suscepit bonorum, quæ ad clericum ex Ecclesia venerunt, ut ea conferat in pios illos usus, in quos clerici conferre debuissent. Quod si Ecclesia est, quæ spoliis clericorum indigeat, ea facile remittit Sedes Apostolica, ut in illius utilitatem convertantur. Ita Innocentius XII. in *Const. Inscrutabili* 81. *Bullar. t. 9. p. 342.*, quam constitutionem postea confirmarunt Benedictus XIII. *Cons. Sacrosancti Apostolatus* 16. & *Const. Romanum decet Pontificem* 131. *Bullar. t. 11. & 12. p. 324. & 152.*, ac Benedictus XIV. *Const. Pastoralis* 57. tom. 4. *ejus Bullarii p. 57. ed. cit. in Regno Neapolitano decedentium Episcoporum*, ac Prælatorum spolia concessit Ecclesiis, quibus illi præfati fuerant. Recte hinc observat Thomasinus *Vet. & nov. Eccles. disciplin. part. 3. l. 2. c. 57. n. 3.*, quod si invidiosa sunt spolia, omnis invidia, & infamia conferenda est in insatiabilem quendam avaritiam vel beneficiariorum, qui ex stipendiis in pauperes dispergendis quosdam sibi accumulunt thesauros iniquitatis, vel cognatorum, qui in bona pauperibus, & Ecclesiis dedicata succedere gestiunt. Idem habet Baronius *ad an. 397. n. 64 t. 6. p. 253. ed. Lucæ*, ubi etiam animadvertit, quod qui de collectorum importuna exactione quærentur, hos facile vitabunt, & prudenter arte deludent, qui bona Ecclesiæ, quæ sperant, non congregarint, sed in pauperes erogarint.

TITULUS XIX.

DE REBUS ECCLESIASTICIS NON ALIENANDIS.

- | | |
|--|---|
| I. De rebus ecclesiæ non alienandis
vetus regula. | V. Quarum rerum permissa alienatio sit? |
| II. Quid alienatio comprehendat? | VI. Venditio fructuum beneficiorum, & horum locatio solutione anticipata. |
| III. Quæ res alienari nequeant? | |
| IV. Venia Sedis Apostolicæ. | |

§. I.

Vetus est regula, Ecclesiæ res alienari non posse, quam regulam & sacri canones (1), & civile leges (2) ratam firmam haberi voluerunt. Nam sua Ecclesiæ bona sarta tecta servanda sunt, ut ex iis habeant clerici, & pauperes, unde vivant, & Religionis cultus sustineantur. Hodie ea in re jure utimur, quod à Paulo II. sancitum est (3).

(1) S. Leo M. Ep. 17. *ad univers. Episc. per Sicil. constit. opp. t. 1. col. 728. ed. Ven. 1753.*, ejus epistolæ veritatem adversus Quesnellianunculas egregie ostendunt Fratres Ballerini in *Not. n. 8.*, Cacciarus in *Monit. ad eand. Ep. p. 86. ed. Romæ an. 1755.*, Tillemontius *Histoir. Eccles. not. 9. in Vit. S. Leon. t. 15. p. 894. ed. Ven. 1732.* Eadem lex est Hilarii Pontificis, qui proximus Leonis successor fuit, Ep. 8. c. 5. *ad Episc. divers. provinc. Gal. apud Labbeum t. 5. concil. col. 67.*, itemque Symmachi Ep. 5. *ad Cesar. eod. t. 5. col. 425.*, qua quidem Epistola S. Symmachus respondet S. Cæsario Arelatensi, qui eum rogaverat, ut rerum ecclesiasticarum alienationes *Apostolica auctoritate prohiberet ibid. col. 424.* Concilium Ancyranum *Can. 14. t. 1. Conc. Labbæi col. 1498.*, Carthaginense V. *Can. 4. t. 2. col. 1455.*, Agathense *Can. 7. t. 5. col. 522.*, Aurelianense III. *Can. 12. col. 1277.*, Aurelianense IV. *Can. 18. col. 1367.*, & V. *Can. 13. col. 1380. eod. t. 5.*, & Nicænum II. *Can. 12. t. 8. col. 1255.*, Cyrillus Alexandrinus *Ep. ad Dominum t. 2. Pandect. Can. Beveregii ed. Oxonii 1672. p. 177.*, quem in locum Balsamon, *vasa*; inquit, *pretiosa Ecclesiarum*; seu *sacra*, & *reliqua Deo consecrata*, & *possessiones immobiles inalienabilia sunt*, & *ecclesiis servantur*. Non igitur nova, ut quidam putant, sed vetustissima est canonum regula de rebus Ecclesiæ non alienandis. Confer etiam Decretalium titulum *de Reb. Eccles. alienan. vel non.*

(2) *Leg. 14. 17. Cod. de Sacros. Eccles.*, *Novell. 7. c. 1.* Vide etiam Capitularia Regum Francorum l. 2. c. 29. *col. 502. & l. 6. c. 136. col. 632. t. 1. ed. Baluzii cit.*, aliaque multa eorundem capitularium loca, quæ laudat, & expendit Cl. Mamachias *Del Diritto libero della Chiesa di acquistare e di possedere l. 3. c. 1. p. 61. & seq.*, ubi totum hoc argumenti genus graviter, & solide pertractatur.

(3) *Extravag. Ambitosæ de Reb. Eccles. alienan. vel non.*

§. II. Pertinet hoc interdictum etiam ad monasteria, hospitalia, certaue loca pia, & religiosa, quorum etiam bona ecclesiastica dicuntur; eaque distrahere nefas est (1). Alienationis autem nomen comprehendit venditionem, donationem, permutationem, emphytheusim, locationem, & conductionem ultra triennium (2), pignoris constitutionem, seu nexum, & hypothecam, in feudum concessionem (3), denique omnem conditionem, per quam res Ecclesiæ deterior efficitur (4).

(2) *Cit. Novel. 7. c. 1.*, & *cit. Extravag. Ambitosæ.*

(2) Vetita est locatio rerum ecclesiasticarum ultra triennium, quando ex iis fructus quoque anno percipiuntur. Nam si ex fructus ferant

tantum unoquoque biennio, aut triennio, tunc recte per annos sex, aut novem locatio perficitur. Communis hæc est Canonistarum sententia, quam, præter cæteros, sequitur Fagnanus in *Cap. 5. de Reb. Eccles. alienan. vel non n. 43.*

(3) *End. Extravag. Ambrosiæ, & Cap. 5. de Reb. Eccles. alienam. vel non.* Vide etiam *Const. Humanæ salutis 172. Urbani VIII. in Bullar. t. 5. par. 5. p. 374.*, ejusdemque decretum editum die 7. Septembris 1624. apud Giraldum *par. f. sect. 451. p. 292.*, quo sublata sunt privilegia Regularium, quibus antea res ecclesiasticas, inscia Sede Apostolica, alienare licebat.

(4) Vox hæc conditionem occurrit in *cit. cap. 5. de Reb. Eccles. alien.*, & eam tamquam importunam rejiciunt Cujacius, & Antonius Augustinus, quod non intelligat, quæ species alienationis conditio sit. Sed recte Innocentius Cironius *Paralit. in Decretal. l. 3. tit. 13. §. 3. p. 237. ed. Vindobonæ 1761.* vocem illam retinendam esse ostendit, quoniam conditio est pactum, per quod rei Ecclesiæ detrimentum inferri potest.

§. III. Neque solum res immobiles Ecclesiæ, uti prædia rustica, & urbana, alienari nequeunt, sed etiam res immobiles, quæ servari possunt, integra armenta, gregesque integri, arbores prædio utiles, ac necessaria, jura, actiones, census, cætera, ex quibus annui fructus capiuntur. Verum alienatio valet, si justa de causa, & adhibitis solemnitatibus facta sit. Causa, vel est necessitatis, puta æris alieni dissolvendi, cum ei fructibus satisfieri non possit (1); vel utilitatis, si Ecclesiæ utilis futura sit alienatio, puta si ædes ruinosæ in emphytheusim dentur, vel silvestria loca, agrique inculti colonis permittuntur, aut tenæ longe positæ cum vicinis commutantur (2); vel demum pietatis, puta si famis tempore alendi pauperes, aut si captivi redimendi sint (3).

(1) *Clement. 1. de Reb. Eccles. non alien.*

(2) *Can. 53. c. 12. qu. 2., cap. 1. de Rer. permut.*

(3) *Can. 13. & seq. & Can. 70. & 71. c. 12. qu. 2.*

§. IV. Solemnitates omnes fere pertinent ad consensum Sedis Apostolicæ, à qua causæ expendantur, iisque recte cognitis alienatio permittitur (1). Sine consensu Sedis Apostolicæ irrita alienatio est; præterea qui rem distraxerunt,

aut qui distractam acceperunt, poena plectuntur excommunicationis, si Episcopi, vel Abbates non sint. Nam his Ecclesiæ ingressus interdictur, idemque, si menses sex in interdicto fuerint, ab omni suspenduntur administratione Ecclesiarum, aut monasteriorum, quibus præfecti sunt. Capitula quoque, & aliæ universitates in interdictum incidunt, singuli vero, ex quibus illæ universitates constant, privantur jure electionis, & ecclesiasticis officiis, quorum bona alienarunt, atque ab iis, aliisque perpetuo removen-
tur (2). Quod si post alienationem rite factam Ecclesia grave damnum acceperit, ea, non secus ac minor, beneficium habet in integrum restitutionis (3).

(1) Omnes Episcopi in jurejurando, cujus facta mentio est *l. 1. tit. 4. sect. 1. §. 2.*, spondere debent, & inconsulto Romano Pontifice, non alienaturos suarum Ecclesiarum bona. Aggre, ferant hostes Sedis Apostolicæ, hoc juramentum ejusque originem repetitum a celebri *Extrav. Ambitosæ*, quam Paulus II. evulgavit. At si vetustissima, uti demonstratum supra est, regula erat, eaque probata Conciliis, Summisque Pontificibus, quod res Ecclesiæ alienari non possent, eundem non intelligo, neque intelligere quemquam arbitror, qua in re peccarint Romani Pontifices, cum regulam tam salutarem, tam vetustam, tam probatam, & ubique receptam firmiorem reddere voluerunt, imposito Episcopis jurejurando, quo ij nihil se inconsulto Romano Pontifice ecclesiasticorum bonorum alienaturos promitterent. Falsum autem est, quod hujus sacramenti origo ab Extravaganti Pauli II. repetenda sit. Nam liber diurnus Pontificum Romanorum à Garnerio illustratus, collectusque sæculo VII., aut initio sæculi VIII. uti ostendit ejus ætatis Codex quem ipse Garnerius affert in *Præf. n. 10. & 11.*, continet solemnibus verbis eandem hanc promissionem, qua se quisvis à Summo Pontifice consecrandus Episcopos obligabat. *Cap. 3. tit. 7. p. 64. ed. Paris. an. 1680.* Celestinus III., qui sæculo XII. Pontificatum obtinuit, in *c. 8. de Reb. Eccles. non alien.* memorat *Sacramentum fidelitatis*, quo Ravennatensis Archiepiscopus tenebatur Apostolicæ Sedi nihil alienare. Quam decretalem explanans Glossæ Auctor, qui floruit sæculo XIV., testatur, quod ætate sua, quilibet Episcopus, qui immediate D. Pæpa subest, jurat ei fidelitatem, quod non alienabit bona Ecclesiæ, neque infeudabit; & idem juramentum præstant alii Episcopi suis Metropolitanis. Ii vero, qui non immediate suberant Romano Pontifici, jusjurandum emittebant ea formula, quam describit Daraudus Minatensis Episcopus, qui vixit in exitu sæculi XIII., uti legitur in exemplari Vaticano, quod laudat *Catalanus Pontifici Roman. 1. 3. §. 6. n. 2. p. 290.*, eoque

jurejurando promittebant perpetuam obedientiam B. Petro, *Sanctæque Romanæ Ecclesiæ*, & ipsi Summo Pontifici, & Archiepiscopo, cui suberant, spondebantque præterea, nihil se alienaturos contra jus, vel consuetudinem Ecclesiæ apud Catalanum, t. 1. Pontifici. tit. 13. p. 234. Consule Cl. Mamachium del *Diritto libero della Chiesa* t. 3. par. 1. c. 1. §. 9. pag. 38. & seq.

(2) Disputant vero periti Jûris Canonici, num *Extravag. Ambitiosæ* ubique vigeat, & num etiam in omnibus locis, in quibus viget, obtineant pœnæ, quæ ab ea constitutæ sunt. Confer Scholzgrueber l. 3. tit. 13. §. 4. num. 122. & seq., & Giraldum par. 1. lib. 3. sect. 444. pag. 288.

(3) Cap. 1. de *In integr. restit.*

§. V. Sunt tamen nonnullæ res ecclesiasticæ, quarum, etiam sine venia Sedis Apostolicæ, permissa alienatio est. Huc spectant ea, quæ servando servari, ac retineri non possunt, uti sunt fructus arborum, frumentum, & similia; quæ vetusto usu locari, aut in emphytheusim dari consueverunt, quoniam hæc finita locatione, aut emphyteusi iterum conceduntur iisdem, quibus antea, pactis, & legibus; terrulæ, vineolæ non fertiles, resque cæteræ exigui pretii; denique collata in monasterium, aut locum pium, à quo ea retineri nequeunt. Ita legatum Capitulinis, aliisque similibus recte distrahitur, modo pretium in Ecclesiæ; aut monasterii utilitatem convertatur (2).

(1) *Can. Terrulæ* cap. 12. qu. 2.

(2) Consule Fagnanum in cap. 5. de *Reb. Eccles. alien. vel non* n. 19. & seq.

§. VI. Pertinet etiam ad alienationem rerum ecclesiasticarum venditio fructuum beneficiorum, quos aliquis in alium confert vel ad longum tempus, vel quamdiu vivit, excepta pecunia, quæ fructus æquet, quos probabile est beneficiarium consequuturum esse. Irrita hæc venditio est, & secum fert pœnam excommunicationis constitutam adversus omnes, qui res Ecclesiæ alienarunt (1). Nec prætereunda locatio bonorum ecclesiasticorum, ex qua in perniciem successoris capiuntur fructus, antequam veniat eorum solvendorum dies. Locatio hæc non obstringit succes-

sorem , cui beneficiarius sua illa festinatione fructus præripere non potest (2).

(1) Benedictus XIV. *Constit. Universalis* 29. *ejus Bullar. tit. 1. p. 41. ed. Rom. seu Ven. 1754.*

(2) Concilium Tridentinum *Sess. 25. cap. 11. de Reform.*

TITULUS XX.

DE BONORUM ECCLESIASTICORUM IMMUNITATE.

I. & II. Unde repetenda immunitas bonorum ecclesiasticorum? tributa ex bonis ecclesiasticis.

IV. Onera infixæ boni ecclesiasticis, bona patrimonialia clericorum.

III. Poena imponentis, & solventis

Eccllesiastica bona sunt, quæ ad Ecclesiam pertinet, & quorum redditus in sacris alendis ministris, atque in sustentandis pauperibus impendendi sunt. Bona hæc ad Ecclesiam pertinere dicuntur, quod ipsa eorum habet administrationem, atque custodiam, sed revera propria sunt Dei, ideoque in hominum commercio versari non possunt (1). Inde repetenda est eorum immunitas à tributis & vectigalibus, quæ à laicis imponuntur; atque hæc immunitas non hominum privilegio data, sed ex ipsa eorum natura in bonis ecclesiasticis penitus affixa, atque insita est (2). Si quando Christus, cum inter homines versaretur tributum solvit (3), id quidem fecit voluntate, & arbitrio suo, ut omnem scandali causam removeret (4), non quod aliqua humana ad solvendum lege cogi posset (5); neque vero solvi voluit ex loculis, in quibus erat patrimonium pauperum, & Apostolorum (6).

(1) Adeundi sunt S. Gregorius Nazianzenus *Ep. 80. p. 833. seqq. opp. tit. 1. ed. Colon. 1690.*, & S. Ambrosius *de Paniten. l. 2. cap. 8. n. 75. p. 549. & Ep. 20. ad soror. n. 8. p. 903. opp. tit. 3. ed. Ven. cit.*

(2) Consule Thomassium *Vet. & nov. Eccles. disciplin. part. 3. l. 1. cap. 33. n. 13.*, & Cl. Mamachium *del Diritto libero della Chiesa*

de acquistare è possedere beni temporali l. 2. cap. 1. part. 1. p. 212. seqq. & l. 2. part. 2. cap. 3. p. 93. seqq.

(3) Matthæus XVII. 23.

(4) S. Hillarius in *Matth.* cap. 17. n. 11. p. 696. ed. Paris. 1693. S. Joannes Chrysostomus *Homil.* 58. in *Matth.* n. 1. p. 585. tit. 7. S. Ambrosius Ep. 7. n. 12. 13. 18. p. 812. seqq. opp. tit. 3., S. Augustinus *Enarrat.* in *psalm.* 137. n. 16. col. 1533. opp. tit. 4., S. Hieronymus in *Matth.* l. 3. cap. 17. col. 136. opp. t. 7. ed. Veron.

(5) Hinc merito ab Joanne XXIII. damnatus est error Marsili Patavini, & Janduni agentium, Christum, cum staterem ex piscis ore sumptum tributi loco solvit iis, qui petebant didrachma, hoc fecisse non condescensive, & liberalitate suæ pietatis, sed necessitate, conatum, apud Raynaldum ad an. 1327. n. 19. pag. 343. t. 5. ed. Lucæ.

(6) Matthæus. cit. cap. 17. v. 23. seq. ita rem narrat: Accesserunt, qui didrachma accipiebant, ad Petrum, & dixerunt ei: Magister vester non solvit didrachma? At, etiam: & cum intrasset in domum, præcensit eum Jesus dicens. Quid tibi videtur Simon? Reges terræ à quibus accipiunt tributum, vel censum? A patris suis, an ab alienis? Et ille dixit: ab alienis. Dixit illi Jesus: ergo liberi sunt filii: ut autem non scandalizemus eos, vade ad mare & mitte hamum, & cum piscem, qui primus ascenderit, tolle, & aperto ore ejus, invenis staterem: illum sume da eis pro me, & te. Quo ex loco colligunt Patres, Christum se tributi lege solum declarasse, id tamen solvisse arbitrio suo, ne publicanos scandalizaret; præterea non ex loculis, sed ex statere in ore piscis invento tributum pendi voluisse, ut ostenderet, tributi onere non teneri loculos, in quibus pauperum, & Apostolorum patrimonium consistebat. Ita S. Hieronymus, l. 3. in *Matth.* cap. 17. col. 136. tit. 7. ed. cit., S. Agobardus de *Dispensat. eccles.* cap. 19. p. 287. & seqq. opp. tit. 1. ed. 1. Paris. 1666., S. Thomas in *Summ.* 22. qu. 188. art. 7. Van-Espenius, cujus in figendis epochis temporum magna semper confidentia, & insignis, ut plurimum, fallacia, atque incertitia est, ita rem narrat in *Jur. Eccles. univrs.* part. 2. tit. 35. n. 51., quasi Agobardus primus animadvertit, quod Christus ex loculis tributum pendi noluit, ut ostenderet, nihil ex pauperum, sacrarumque ministrorum patrimonio esse detrahendum. Sed errat vehementer. Nam Hieronymus, qui ante quadringentos, eoque amplius, annos, quam Agobardus floreret, vitæ usura fruebatur, hoc ipsum animadvertit, & ejus loc. cit. verba sunt hæc. Quod si quis obijcere voluerit, & quomodo Judas in loculis portabas pecuniam? Respondebinus: rem pauperum (Christus) in usus suos convertere nefas putavit, nobisque idem tribuit exemplum.

§. II. Privilegium referri potest ad bona Patrimonialia

clericorum; sed hoc privilegium naturali æquitate nititur, non ex mera hominum voluntate, arbitrioque processit. Nam in civitate, gratiosos esse decet, qui curam, & sollicitudinem habent rerum spiritualium, & omnino æquum est, ut quæ illi sustinent, propter sacrum officium, & ministerium, onera, compensatione immunitatis à tributis, & vectigalibus allevantur (1). His è fontibus hausta est immunitas bonorum clericorum, & his fundamentis nituntur leges, quibus eadem probata est.

(1) S. Thomas *Lect. 1. in Ep. ad Roman. cap. 13. ab hoc*, inquit debito, solvendi tributa, liberi sunt clerici ex privilegio Principum. Quod quidem æquitatem naturalem habet. Hoc autem ideo æquum est, quia sicut reges sollicitudinem habent de bono publico in bonis temporalibus, ita ministri Dei in spiritualibus; & sic per hoc, quod Deo in spiritualibus ministrant, recompensant Regi, quod pro eorum pace laborant.

§. III. Quare Ecclesiarum, & Clericorum bona non subsunt tributis, & vectigalibus laicorum, sacrisque interdicitur ei, qui his oneribus, sine venia Summi Pontificis, ea bona subjicit (1). Imo ne à sponte quidem pecuniam dantibus pro tributis, & vectigalibus accipere fas est, quique hanc pecuniam sponte dederunt, & qui acceperunt pari anathematis plectuntur pœna. (2).

(1) Cap. 4. & 7. *Immunit. Eccles.*

(2) Cap. 3. *eod. in 6.* Sed pœnam à Bonifacio VIII. constitutam in cit. cap. 3. Benedictus XI. in *Extrav. unic. de Immunit. Eccles. int. Commun.*, tantum habere locum voluit adversus laicos, qui à clericis pecuniam exigent, non qui à sponte dantibus acciperent. Clemens autem V. in *Clem. unic. eod. tit.* Bonifacii constitutionem abrogavit, legemque dixit, ut in ea re Lateranensia decreta comprehensa in cap. 4. & 7. *de Immun. Eccles.* observarentur. Verum Leo X. in Concilio Lateranensi V. Bonifacii constitutionem integravit, pœnamque excommunicationis obtinere voluit contra omnes, qui onera patrimonialia ecclesiasticis imponerent quique eadem exigent, aut etiam à sponte dantibus acciperent, uti patent ex *Const. Superna* edita die 5. Maii 1514. §. 40. Hodie igitur hæc Leonis constitutio, & quæ legi solet in die Cenæ Domini observanda est; & quas quidem constitutiones una cum cæteris Conciliorum decre-

tis, quæ ad ecclesiasticam immunitatem pertinent; ab omnibus diligenter observari jubet Concilium Tridentinum *Sess. 25. c. 20. de Reform.*

§. IV. Sed onera, quæ bonis inhærent, etiam ab Ecclesiis pendenda sunt (1); modo ex iis bonis Ecclesia fundata, & constituta non sit (2), & modo perpetuum esset, reique infixum onus, antequam eadem ad Ecclesiam pervenirent (3). Ecclesiarum bonis æquantur bona monasteriorum, hospitalium, similium, itemque bona, in quibus sacrum clerici patrimonium est constitutum; nam hæc similiter insitum habent in se privilegium immunitatis, cujus gratia laicorum tributis, & oneribus non subjiciuntur; cætera vero patrimonialia bona clericorum non eodem omnino censentur jure, quo bona Ecclesiarum, sed iis tantum gaudent privilegiis, quæ nominatim in jure expressa sunt.

(1) *Can. 22. c. 23. qu. 8., c. 5. de Pignor., c. 33. de Decim.* Itaque à cunctis tributis, etiam quæ erant imposita, antequam res ad Ecclesiam perveniret, immunis est situs Ecclesiæ ac cœmeterii pro sepulchris, hortus juxta Ecclesiam positus, & similia *Can. 24. c. 23. qu. 8.* Adeundus Fagnanus in *c. Non minus 4. n. 8. & seq. de Immun. Eccles.*

(2) Consule Fagnanum in *cit. cap. Non minus*, & Giraldum *Exposit. Jur. Pontific. par. 1. l. 3. tit. 49. sect. 634. t. 1. p. 460. seqq.*, ubi cuncta fere habes, quæ ad realem clericorum immunitatem pertinent.

(3) Vide Fagnanum in *Cap. Episcopus 4. de Præben. & dignit. n. 35. & seq.*, & Giraldum *l. c.*

TITULORUM TOMI SECUNDI.

LIBER II.

TITULUS I.

<i>De rerum divisione.</i>	Pag.	1
--------------------------------------	------	---

TITULUS II.

<i>De Sacramentis.</i>	2
<i>De Baptismo.</i>	19
<i>De Confirmatione.</i>	48
<i>De Eucharistia.</i>	54
<i>De Pœnitentia.</i>	89
<i>De Extrema Unctione.</i>	112
<i>De Ordine.</i>	119
<i>De Matrimonio.</i>	122
<i>De Sponsalibus.</i>	128
<i>De Matrimonii impedimentis.</i>	133
<i>De Impedimentis impediētib.</i>	168
<i>De Divortiis.</i>	170

TITULUS III.

<i>De Indulgentiis, & Remissionibus.</i>	174
--	-----

TITULUS IV.

<i>De Divino Officio.</i>	181
-------------------------------------	-----

TITULUS V.

<i>De Festorum Celebratione.</i>	191
--	-----

TITULUS VI.

<i>De Jejuniis.</i>	199
-------------------------------	-----

TITULUS VII.

<i>De Rebus Sacris, & primum de Ecclesiis.</i>	210
--	-----

<i>De consecrandis, & reconciliandis Ecclesiis.</i>	226
<i>De immunitate Ecclesiarum.</i>	229
<i>De Capellis, & Oratoriis.</i>	238
<i>De sacris vestibus, vasis, cæteris ad Ecclesiam pertinentibus.</i>	240

TITULUS VIII.

<i>De Reliquiis, & Veneratione Sanctorum.</i>	245
---	-----

TITULUS IX.

<i>De Sepulturis.</i>	248
---------------------------------	-----

TITULUS X.

<i>De Monasteriis.</i>	256
----------------------------------	-----

TITULUS XI.

<i>De Seminariis Clericorum.</i>	261
--	-----

TITULUS XII.

<i>De Hospitalibus.</i>	265
-----------------------------------	-----

TITULUS XIII.

<i>De Rebus Temporalibus Ecclesiæ.</i>	268
--	-----

TITULUS XIV.

<i>De Præbendis, & Beneficiis.</i>	271
<i>De vetita beneficiorum multitudine.</i>	276
<i>De Conjungendis, ac dividendis beneficiis.</i>	279
<i>De Commendis Beneficiorum.</i>	282
<i>De Pensionibus Ecclesiasticis.</i>	286
<i>De adipiscenda beneficiorum possessione.</i>	289

TITULUS XV.

<i>De Censibus, Exactionibus & Procurationibus.</i> ,	292
---	-----

TITULUS XVI.

<i>De Decimis.</i>	298
------------------------------	-----

TITULUS XVII.

<i>De Primitiis, oblationibus, cæterisque temporalibus bonis Clericorum.</i>	306
--	-----

TITULUS XVIII.

<i>De Peculio Clericorum.</i>	314
---	-----


TITULUS XIX.


<i>De Rebus Ecclesiæ non alienandis.</i>	317
--	-----

TITULUS XX.

<i>De Immunitate bonorum Ecclesiasticorum.</i>	322
--	-----

FINIS LIBRI SECUNDI.





A FD/1485



UNIVERSIDAD DE SEVILLA



600713886

C28173174

FD
1485

colorchecker classic



calibrite

mm